


କଳିକାତା, ୨୦୧, କର୍ମଓରାଲିସ୍ ଟ୍ରାଫି,
ବେଙ୍ଗଲ ମେଡିକେଲ ଲାଇବ୍ରେରୀ ହାଉସିଂ
ଶ୍ରୀଯୁକ୍ତ ଶ୍ରୀରାମ ଚଟ୍ଟୋପାଧ୍ୟାୟ-କର୍ତ୍ତୃକ ଶ୍ରୀକାଶିତ ।

ପ୍ରଥମ ସଂସ୍କରଣ

କଳିକାତା, ୧୨ନଂ ସିମଲା ଟ୍ରାଫି,
ଏମାରେଷ୍ଟ୍ ପ୍ରିଣ୍ଟିଂ ଓଗ୍ଲାଫିସ୍ ହାଉସିଂ
ଶ୍ରୀବିହାରୀନାଥ ନାଥ-ଦ୍ଵାରା ପ୍ରିଣ୍ଟିତ ।



বিজেন্দ্রলাল রায়

শ্রীগোপাল প্রেস।

কুশীলবগণ ।

পুত্রসম ।

সিংহবাহু	বঙ্গেশ্বর ।
বিজয়	জ্যেষ্ঠ রাজকুমার । (প্রথম পক্ষের)
সুমিত্র	কনিষ্ঠ ঐ (দ্বিতীয় পক্ষের)
বিজিত	বিজয়ের বন্ধু (রাজপুত্র)
উরুবেল	}	...	বিজয়ের সহচর ।
অহুরোধ			

মন্ত্রী, ব্রাহ্মণ, ভৈরব ডাকাত প্রভৃতি ।

কালসেন	নূতন লক্ষেশ্বর ।
জয়সেন	কালসেনের প্রথম পক্ষের পুত্র ।
উৎপলবর্ণ	লঙ্কার পুরোহিত ।
বিশালাক্ষ	ঐ সেনাপতি ।

বিক্রপাক্ষ, তাপস, প্রভৃতি ।

স্ত্রী ।

মহারানী	বঙ্গেশ্বরের দ্বিতীয় পক্ষের স্ত্রী ।
সুরমা	ঐ প্রথম পক্ষের কন্যা ।
লীলা	বিজয়ের পত্নী ।
বসুমিত্রা	লঙ্কার রানী ।
কুবেণী	বসুমিত্রার কন্যা ।
জুমেলিরা	কুবেণীর সখী ।

মর্ত্তকী, পরিচারিকা প্রভৃতি ।

সিংহল বিজয় ।

প্রথম অঙ্ক ।

প্রথম দৃশ্য ।

—:::—

স্থান—বঙ্গরাজ সিংহবাহুর বিচারালয় । কাল—প্রভাত ।

মহারাজ সিংহবাহু সিংহাসনে আসীন । সম্মুখে—একদিকে বিজয়-সিংহ, অপরদিকে অমাত্যগণ, কৰ্ম্মচারিগণ, এক ব্রাহ্মণ ও ব্রাহ্মণকন্যা দণ্ডায়মান ।

সিংহবাহু । ব্রাহ্মণ ! এই প্রকাশ্য দরবারে আমার পুত্র বিজয়ের বিরুদ্ধে তোমার অভিযোগ ব্যক্ত কর ।

ব্রাহ্মণ । মহারাজ ! তায় বিচার কর্কেন ।

সিংহ । তায় বিচার ব্রাহ্মণ ! একথা জগতে সম্পূর্ণরূপে রাষ্ট্র নয় কি মন্ত্ৰি, যে বঙ্গেশ্বর সিংহবাহু বিচারে পাত্রাপাত্র ভেদ করেন না ! সে বঙ্গবাসী ও বিদেশীকে একই চক্ষে দেখে !

মন্ত্রী । সে° কি ব্রাহ্মণ, একথা কি তোমার অবিন্দিত ঘে মহারাজের

প্রথম অঙ্ক ।]

সিংহল বিজয় ।

[প্রথম দৃশ্য ।

বিচার ঈশ্বরের বিধানের ভায়, নির্মম, নিরপেক্ষ ; স্বর্গে ইন্দ্রদেব, আর মর্ত্যে মহারাজ সিংহবাহু, পরস্পরের দিকে চেয়ে আছেন আর পরস্পরকে হিংসা করছেন । প্রকাণ্ড তাঁদের পদতলে প'ড়ে আছে ।

সিংহ । বল ব্রাহ্মণ, রাজপুত্রের বিপক্ষে অভিযোগ নির্ভয়ে ব্যক্ত কর । আমাদের পক্ষে সে কথা যতই অপ্রীতিকর হোক না কেন, কোন দ্বিধার কারণ নাই ।

ব্রাহ্মণ । মহারাজের ভায় বিচারের যশ শুভ্রকোমুদীর মত সংসারকে ছেয়ে আছে । সেই ভায় বিচারের আজ পরীক্ষা হবে । মহারাজ—

সিংহ । ব'লে যাও ব্রাহ্মণ । থামলে কেন—কোন ভয় নাই, ব'লে যাও ।

• ব্রাহ্মণ । মহারাজ, আপনার জ্যেষ্ঠপুত্র বিজয়সিংহ—

সিংহ । ব'লে যাও ।

ব্রাহ্মণ । মহারাজের এই বজরাজ্য সরিংশীতল, শস্ত্রশ্রামল, শান্তিময় সমৃদ্ধ জনপদ । এ সুখের আবাস, শান্তির লীলাভূমি । আর মহারাজের দৃঢ় কঠোর শাসন তাকে বুক দিয়ে ঘিরে রক্ষা করছে । কিন্তু—

সিংহ । কিন্তু ?

মন্ত্রী । কিন্তু কি ব্রাহ্মণ ! মহারাজের এ শাসনে 'কিন্তু' নাই ।

ব্রাহ্মণ । বিজয়সিংহের ও তাঁর সহচরদিগের অত্যাচারে এই রাজ্যে বাস করা আমাদের পক্ষে অসম্ভব হ'য়ে দাঁড়াচ্ছে । প্রকাণ্ড রাজপথে পথিকের সম্পত্তিলুণ্ঠন, নিরীহ গৃহস্থের অন্তঃপুরে প্রবেশ, কুলঙ্গনার লাঞ্ছনা—এই সব অত্যাচার অসহ্য হ'য়ে প'ড়েছে ।—তাই আজ নিরুপায় হ'য়ে মহারাজের কাছে এসেছি ।

প্রথম অঙ্ক।]

সিংহল বিজয়।

[প্রথম দৃশ্য।

মন্ত্রী। ব্রাহ্মণ! তুমি কার বিপক্ষে এই গুরুতর অভিযোগ করছ জান?

ব্রাহ্মণ। জানি। যুবরাজ বিজয়সিংহের বিপক্ষে। কিন্তু আপনিই আমার অভয় দিয়েছেন।

মন্ত্রী। যদি অভিযোগ সত্য না হয়—বঙ্গের রাজপুত্রের বিপক্ষে মিথ্যা অভিযোগ আনার শাস্তি কি জান ব্রাহ্মণ?

ব্রাহ্মণ। জানি। প্রাণদণ্ড।

মন্ত্রী। কিরূপে প্রাণদণ্ড তা জান?

ব্রাহ্মণ। জানি। কুকুর দিয়ে খাওয়ান।

মন্ত্রী। তথাপি তুমি নির্ভয়ে এই অভিযোগ ব্যক্ত কর্তে সাহস করছ ব্রাহ্মণ!

ব্রাহ্মণ। আপনিই ত অভয় দিয়েছেন।

মন্ত্রী। অবশ্য—যদি অভিযোগ সত্য হয়।

সিংহ। ব্রাহ্মণ! যুবরাজের বিরুদ্ধে এই অভিযোগের কোনও প্রমাণ আছে?

ব্রাহ্মণ। আছে মহাবাজ। যুবরাজ সবলে আমারই অন্তঃপুরে প্রবেশ ক'রে, আমারই সম্পত্তি লুণ্ঠন ক'রে, আমারই যুবতী কস্তার লাহনা করেছেন।

মন্ত্রী। সত্যই এ গুরুতর অপরাধ। এর সত্যই সুবিচার হওয়া উচিত।

সিংহ। কোথায় সে কস্তা?

ব্রাহ্মণ। এই সেই কস্তা। হা বিধি, কস্তার এ কলক আজ

প্রথম অঙ্ক ।]

সিংহল বিজয় ।

[প্রথম দৃশ্য ।

জনসমাজে ব্যক্ত কর্তে হ'ল । কিন্তু যখন বজ্রের গৃহস্থের ঘরে যবে
এই কীর্তি, তখন—কি বলবো মহারাজ—লজ্জার, অপমানে আমার মাথা
মুয়ে পড়'ছে । এখন মনে হচ্ছে, এ কথা গোপন কর্তেই ছিল ভাল ।

সিংহ । বিজয়সিংহ ! তোমার কিছু বলবার আছে ?

বিজয় । কিছু না ।

সিংহ । একথা সত্য ?

বিজয় । না । মিথ্যা ।

মন্ত্রী । যুবরাজ, সত্য কথা বলুন । মহারাজ নিশ্চয়ই চপলমতি
যুববাজের এ উচ্ছৃঙ্খল আচরণ মার্জনা কর্কেন ।

সিংহ । পুনর্বার জিজ্ঞাসা করি বিজয় ! অভিযোগ প্রকৃত ?

বিজয় । মহারাজ ! আমার মুখের পানে চেয়ে দেখুন দেখি ।
আমাকে কি মিথ্যাবাদী ব'লে বোধ হয় ?

সিংহ । অনেক গাম্ভীর্যের মুখোন্মুখ প'রে হত্যা পর্য্যন্ত করে ।

বিজয় । মহারাজ প্রকৃত কথাই ব'লেছেন ।

সিংহ । কি প্রকৃত কথা বিজয় ?

বিজয় । যে অনেকে ধর্ম্মের মুখোন্মুখ পূ'বে হত্যা করে । আবাব
অনেকে ভ্রায় বিচারের নাম ক'রে নিজের হিংসা প্রবৃত্তিও চরিতার্থ
করে ।

সিংহ । তোমার গুঢ় অভিপ্রায় কি বিজয় ?

বিজয় । আগে শুনি আপনার গুঢ় অভিসন্ধি কি মহারাজ ?

সিংহ । আমার গুঢ় অভিসন্ধি !

বিজয় । হাঁ মহারাজ ! কি মৎলব নিয়ে ঐ সিংহাসনের উপর আপনি

প্রথম অঙ্ক ।]

সিংহল বিজয় ।

[প্রথম দৃশ্য ।

আজ বিচার কর্তে বসেছেন ? আমাকে কারাগারে নিক্ষেপ করাই যখন উদ্দেশ্য তখন করুন । এ বিচারের ভাণ করার প্রয়োজন কি ?

সিংহ । বিচারের ভাণ ! তুমি কি ব'লছ বিজয় ?

বিজয় । কেন ? এ ত বোঝা খুব শক্ত নয়—অতি সরল, অতি প্রাকৃত ।

সিংহ । তুমি কি ব'লতে চাও ?

বিজয় । কিছু ব'লতে চাই না মহারাজ । আমি যা ব'লতে চাই, তা এখানে ব'লে রাজ্যের সব পিতা লজ্জায় মুখ ফেরাবে । পুত্রগণ ভয়ে পাংশুবর্ণ হ'য়ে যাবে, আর এই কৃত্রিম বিচারালয় বড় ছোট দেখাবে । মহারাজ ! আর ঐ কথা শুনে সমস্ত জগৎ চোঁচিয়ে হেসে উঠবে ।

সিংহ । কি ব'লছ বিজয়সিংহ ?

বিজয় । হাঁ মহারাজ ! জগৎ চোঁচিয়ে হেসে উঠবে । সেই মিলিত হাশ্বের উচ্চরোলে তাঁদের মিলিত বাঙ্গ দৃষ্টির নীচে মহারাজকে বড় ছোট দেখাবে । আর মহারাজ—কিন্তু না । প্রকাশ কর্ক না । পিতা পুত্রের মর্যাদা না রাখুন পুত্র পিতার মর্যাদা রক্ষা কর্কে । কিছু ব'লবো না ।

সিংহ । বিজয়সিংহ ! তুমি কি উন্মাদ !

বিজয় । নী উন্মাদ নই । আমার অপরাধ হয়েছে । আমার প্রাণদণ্ডের আজ্ঞা হোক । পিতার সংসারের আপদ দূর হোক ।

সিংহ । পুত্র যদি পিতার আপদ হ'য়ে দাঁড়ায়, সে দোষ পিতার না পুত্রের ?

বিজয় । পুত্রের । দোষ পুত্রের । বিশেষতঃ যদি সে পুত্রের মা নী

প্রথম অঙ্ক ।]

সিংহল বিজয় ।

[প্রথম দৃশ্য ।

থাকে—আর তার জাগরায় বিমাতা অন্তঃপুরে এসে হানা দেয়। সে দোক পুত্রের। শতবার—

সিংহ। বিজয়সিংহ! এই ব্রাহ্মণ—

বিজয়। আমার রক্ষা করুন মহারাজ! পিতার হৃৎকল অবিচারের গুহ তব রাষ্ট্র কর্তে আমার আর উত্তেজিত কর্বেন না। শেষে বড় অন্ততাপ হবে।

সিংহ। কার?

বিজয়। উভয়ের। মন্ত্রী মহাশয়! আপনি জানী, স্থবির, সরল প্রকৃতি। আমার কোলে পিঠে ক'রে মালুষ করেছেন। আপনিও এই অভাগা পিতৃমাতৃহীন বালকের বিরুদ্ধে এই বড় বস্ত্রে ঘোষ দিয়াছেন? থিক!

সিংহ। পিতৃহীন কি রকম বিজয়? আমিই তোমার পিতা।

বিজয়। যে পিতা পুত্রের বিমাতাকে ঘরে এনে তার কাছে মলুষাঙ্ক বিক্রয় কর্তে পারে, সেইদিন থেকে সে আর তার পিতা নয়। পিতা—মহারাজ, আর আমার ত্যক্ত কর্বেন না।

সিংহ। বিজয়সিংহ! তোমার এই উদ্ধত আচরণ দেখে আমি বড় হুঃখিত হ'লাম।

বিজয়। বলেন কি মহারাজ! পিতার চক্ষে পুত্রের জন্ত ঐ দরবিগলিত অশ্রুধারা দেখছি—না মহারাজ পাপ যা করেছে, প্রকাশভাবে করুন—এই স্নেহের মুখোন্ ফেলে দিয়ে পুত্রের প্রতি চক্ষু রক্তবর্ণ ক'রে তর্জন ক'রে বলুন—“পুত্র! তোর মহা অপরাধ যে তুই মাতৃহারা”। আমি অপরাধ স্বীকার করব, আর পিতার মৃত্যুদণ্ড মাথা পেতে নেব। কিছু—(নিয়ন্ত্রণে) এ ভণ্ডামি। ওঃ অসহ্য।

প্রথম অঙ্ক।]

সিংহল বিজয়।

[দ্বিতীয় দৃশ্য।

মন্ত্রী। কি ব'লে যুবরাজ! মহারাজের ডঙামি।

বিজয়। মহারাজের প্রতির জন্ত ঐ শব্দটি উচ্চারণ করি নাই
মন্ত্রী মহাশয়! আপনি অনুগ্রহ ক'রে সে শব্দটি মহারাজের কর্ণে পৌছে
দিরেছেন, ভালই করেছেন। মহারাজ! আমি আমার অপরাধ
স্বীকার করছি। দণ্ড দিন। এই বীভৎস কুৎসিত দৃশ্য থেকে আমার
অব্যাহতি দিন।

সিংহ। অপরাধ স্বীকার করছ'?

বিজয়। কছি।

সিংহ। মৈনিকগণ! যুবরাজকে কারাগারে নিষ্ক্ষেপ কর।

বিজয়। মহারাজের জয় হোক্।

দ্বিতীয় দৃশ্য।

স্থান।—রাজ-অস্তঃপুর। কাল।—প্রদোষ।

রাজকন্যা সুরমা ও বিজয়ের পত্নী লীলা কথোপকথন করিতে করিতে
আসিতেছিলেন।

লীলা। আমার কোন মতেই বিশ্বাস হয় না যে আমার স্বামী এ
কাজ কর্তে পারেন।

সুরমা। কি কাজ লীলা?

লীলা। রমণীর প্রতি অভ্যাচার। তিনি রাজ্যে অশান্তি আনে

প্রথম অঙ্ক ।]

সিংহল বিজয় ।

[দ্বিতীয় দৃশ্য ।

পারেন, হৃদ্যাক্তের প্রতি অত্যাচার কর্তে পারেন, কিন্তু হৃদয়লব্ধ অঙ্গে
হস্তক্ষেপ কর্তে পারেন না ।

সুরমা । কি রকমে জান্‌লি ?

লীলা । আমি জানি ।

সুরমা । অথচ ত্রিদি তোর মুখদর্শন করেন না । তোর সঙ্গে তো
তীর সেই একদিনের সাক্ষাৎ ।

লীলা । একদিনের সাক্ষাৎ—সেই শুভদৃষ্টি ।

সুরমা । তবে কিসে জান্‌লি যে তিনি এ কাজ কর্তে পারেন না ?

লীলা । সেই এক শুভদৃষ্টিতেই জেনেছিলাম ।

সুরমা । একবার দেখেই ?

লীলা । একবার দেখেই । একবার দেখেই আমি নিজের পতি
চিনে নিলাম ।

সুরমা । চিনে নিলি ?

লীলা । হঁ। চিনে নিলাম । আশ্চর্য্য হচ্ছ দিদি ? তুমি ভাব
কি যে সেই আমাদের প্রথম সাক্ষাৎ !

সুরমা । তার আগে সাক্ষাৎ হয়েছিল ?

লীলা । হয়েছিল ।

সুরমা । কবে ?

লীলা । পূর্ব্বজন্মে ।

সুরমা । তুই কি পাগল লীলা ? পূর্ব্বজন্মে তিনি তোর কে
ছিলেন ?

লীলা । তিনি আমার স্বামী ছিলেন ।

প্রথম অঙ্ক ।]

[সিংহল বিজয় ।

[দ্বিতীয় দৃশ্য ।

সুরমা । অবাক্ করেছিস্ ।

লীলা । তা নৈলে দেখেই কেন মনে হ'ল যে ইনি আমারই, আর কারো নন ? সেই প্রশস্ত ললাট, সেই উজ্জল শ্রামবর্ণ, সেই প্রসারিত বক্ষ, সেই গভীর দৃষ্টি । এর नीচে কি ক্ষুদ্র হৃদয় লুকান থাকতে পারে দিদি ? প্রকৃতি নিজ বাসস্থান খুঁজে নেয় ।

সুরমা । বাবা !—এত টান ! তবু তিনি তোর পানে ফিরেও চান্ না ।

লীলা । তাঁর সৌভাগ্য ।

সুরমা । সৌভাগ্য !

লীলা । একবার যদি এদিকে ফিরে চান, আর কি অল্প দিকে চাইতে পার্কেন ? শুধু এই চোখ দুটোর পানে চেয়ে দেখ দেখি, আর কিছু দেখতে হবে না । এই চোখ দুটো—মীন, কি খঞ্জন, কি হরিণী, হঠাৎ বুঝে ওঠা কঠিন । তারপর এই নাকটা । এরকম নাক দেখেছ কখন ? আর হাসি [হাসিয়া] আমরা মরি !

সুরমা । ও বাবা ! রূপের ভারি গুণমর !

লীলা । ঐ ত গেল রূপের গুণমর, তারপর যদি গুণের গুণমর করি, তাহ'লে তুমি বুঝতে পারি'দিদি যে ব্যাপার খানা কি !

সুরমা । গুণের গুণমর কি রকম একটা নয়না দে দেখি ।

লীলা । দেবো ?—প্রথমতঃ বিত্তা—অনায়াসে তোমার গুরুমণাই-গিরি কর্তে পারি ।

সুরমা । বিত্তা আছে বটে, স্বীকার করি ।

লীলা । কর্তেই হবে । তার পর গান—[সুর তাঁজিয়া]

গীত ।

ওরে আমার সাধের বীণা, ওরে আমার সাধের গান,
(তোর ঐ) কোমল সুরে ব্যথা ঝরে, আকুল করে আমার প্রাণ !
(ও তোর) শত তানে একই কথা, শত লয়ে একই ব্যথা,—
(শুধু) নিরাশার কাতরতা, হতাশার অপমান ।
[কোরাস্]—পারো যদি জাগো বীণা, ধর আরও উচ্চ তান,
গায়িব আমি নূতন গানে—নূতন প্রাণে কম্পমান ।

(যখন) বীণার সুরে গলা সেধে, গাইতে যাইরে কেলি কৈদে,
(শুধু) মিশে যায় সে মনের খেদে—অঁখির জলে অবসান ;
(কোথায়) আনন্দেতে উঠবে নেচে, মরু মানুষ উঠবে বেঁচে,
(আমি) পাই হৃদা সাগর হেঁচে—ভাগ্যে শুধুই বিষগান !
[কোরাস্]—পারো যদি জাগো বীণা, ধর আরও উচ্চ তান,
গায়িব আমি নূতন গানে—নূতন প্রাণে কম্পমান ।

(বীণা) পারো যদি জাগো তবে, বেজে ওঠে। উচ্চ রবে,
(আজি) নূতন সুরে গাইতে হবে, আমি সঙ্গে ধরি তান ;
(ছেড়ে) লোক-লজ্জা, সমাজ ভয়,—যাতে, সবাই আমার মানুষ হয়,
(এমনি) গায়িতে পারি দয়াময়—কর এই বরদান ।
[কোরাস্]—পারো যদি জাগো বীণা, ধর আরও উচ্চ তান,
গায়িব আমি নূতন গানে—নূতন প্রাণে কম্পমান ।

এ রকম গলার আওয়াজ কখনও শুনেছ ? যেন কোকিল আর বীণার
আওয়াজ, আর সঙ্গে সঙ্গে দই খাওয়ার শব্দ । এই সুরে যদি একবার ডাকি
“নাথ !” তা’লে ব্যাপার কি হয় বল দেখি । [পুনরায় সুর ভাঁজিলেন]
সুঁরমা । তোকে আমি এত দিনেও বুঝে উঠতে পারলাম না বোন্ ।

লীলা । কেন ?

সুরমা । দাদার এই বিপদ, আর তুই অনারাসে তান ধ'রে দিলি ।

লীলা । তারই জন্ত ত তান ধ'রে দিলাম । 'নৈলে এ তান ধ'রে দেবার কোন দরকার ছিল না ।

সুরমা । তোর কোন ভাবনা হচ্ছে না ?

লীলা । না । আমি ধাঁর জ্বী তাঁর আবার বিপদ ? আমি জানি যে যেখানে আমি কাছে আছি সেখানে তাঁর কোন বিপদ নাই । আমার শুভেচ্ছার বর্শে আমি তাঁকে ঘিরে রেখেছি । তাঁর কোন বিপদ নেই দিদি ।

সুরমা । তিনি যে কারারুদ্ধ !

লীলা । মুক্ত হবেন ।

সুরমা । কি রকমে ?

লীলা । জানি না কি রকমে । কিন্তু মুক্ত হবেন । তাঁকে কেউ ধ'রে রাখতে পার্বে না ।

সুরমা । কে ব'লে ?

লীলা । 'আমি জানি ।

সুরমা । মুখে হাঁসি চোখে জল ! তোর কোনটা তামাসা কোনটা ঠিক আমি এখনও সব সময় বুঝে উঠতে পারি না ।

লীলা । তাঁকে তারা কেন মিছে কারারুদ্ধ ক'রেছে ? তাঁর কোনও অপরাধ নাই, আর মহারাজ তাঁকে এত ভালবাসেন । পুত্রকে পিতা এত ভালবাসে তা পূর্বে কখনও শুনি নাই ।

সুরমা । আমার কি মনে হয় জানিস্ ?

প্রথম অঙ্ক ।]

সিংহল বিজয় ।

[দ্বিতীয় দৃশ্য ।

লীলা । কি ?

সুরমা । [অশ্রুট সুরে] এ সমস্ত বিমাতার চক্রান্ত ।

লীলা । কেন, তিনি ত মার কাছে কোন অপবাধ করেন নি ।

সুরমা । বিমাতার কাছে পুত্রকণারা জন্মাবধি অপরাধী ;— কিছু কর্ত্তে হয় না বোন্ ।

লীলা । [সহসা] দিদি । তুমি তাঁকে রক্ষা কর্বে ?

সুরমা । কি রকমে ?

লীলা । তুমি জান ।

সুরমা । আমি ঠিক জানি না বোন্ । আমার বিশ্বাস যে এ বিমাতার কীৰ্ত্তি । দাদার কোন অপরাধ নাই ।

লীলা । আমি জানি তাঁর কোন অপবাধ নাই, এ চক্রান্তে তুমি তাঁকে বক্ষা কর দিদি ।

সুরমা । ঐ মা আসছেন, চল ঐদিকে যাই । [উভয়ের প্রস্থান]

বথা কহিতে কহিতে রাণী ও মন্ত্রী প্রবেশ ।

রাণী । অত সহজে চেড়ে দেওয়া ভাল হয়নি মন্ত্রী ! কাবাগার । সে ত কালির দাগ—খুলেই গেল । রাজার গরম মেজাজ নরম হ'লেই এই বন্দিত্বের আয়ুঃশেষ । অত সহজে ছেড়ে দেওয়া ভাল হয়নি মন্ত্রী !

মন্ত্রী । নৈলে রাণি, আর কি প্রত্যাশা করেছিলেন ?

রাণী । আর কি প্রত্যাশা কবেছিলাম ? প্রত্যাশা করেছিলাম যে যুববাজের প্রাণদণ্ড হবে ।

মন্ত্রী । প্রাণদণ্ড !!

রাণী । কি, শিউরে উঠলে যে ?

মন্ত্রী । পিতা পুত্রের প্রাণদণ্ড দিবে ?

রাণী । তুমি যে আকাশ থেকে পড়লে মন্ত্রী ! ,

মন্ত্রী । মহারাণি ! এও আপনি ভেবেছিলেন ?

রাণী । আশ্চর্য্য কি ?

মন্ত্রী । রাজ্য থেকে বঞ্চিত ক'রে বন্দী ক'রেও তৃপ্তি হয়নি !

রাণী । না ; রাজাকে কি রকম ভাব ?

মন্ত্রী । কখনও বা স্নেহে অধীর, কখনও বা ক্রোধে অন্ধ, কখনও বা—

রাণী । তবে এই স্নেহ আবার ফিরে আসতে কতক্ষণ ? এ ক্রোধ
ত মেঘের গর্জ্জন—মুহূর্ত্ত পরেই মিষ্ট জলধারা বর্ষণ করে । বুঝেছ ?

মন্ত্রী । বুঝেছি ।

রাণী । বন্দী ক'রেছ, মন্দ কর নাই । কাজ কতক এগিয়ে
রেখেছ বটে । তার পর ।

মন্ত্রী । তার পর !

রাণী । বাকিটুকু তোমায় কর্ত্তে হবে ?

মন্ত্রী । কি কর্ত্তে হবে ?

রাণী । বুঝতে পাচ্ছ'না মন্ত্রী ! এমন একটা কিছু, যা অন্ধকার—
ভারি অন্ধকার । যে অন্ধকার ঠেলে মানুষ এক পা এগুতে পারে না—
সেই অন্ধকার ।

মন্ত্রী । অন্ধকার !

রাণী । তবু বুঝতে পাচ্ছ' না ! যেখানে সব প্রতিহিংসার, সব
কাকূতির, সব বিবেচনার শেষ । যা আর নড়ে না, চোখ মেলে না,
হাসে না, কাঁদে না ।

মন্ত্রী । স্পষ্ট ক'রে বলুন মহারানি !

রানী । স্পষ্ট ক'রে বলুনো ? তা পারি না । সে কাজ কর্তে পারি, কিন্তু সে কথা উচ্চারণ কর্তে পারি না । কৈতে গেলেই কে যেন হঠাৎ এসে আমার গলা চেপে ধরে । অতি সহজ । বা কর্তে গেলে হাত কাঁপে, কল্লের আর পিছু হটা যায় না । অতি সহজ, অথচ অতি ভয়ঙ্কর । তবু বুঝতে পাচ্ছ'না ! পুরুষ তুমি !

মন্ত্রী । পুরুষের বাবার সাধ্য নেই যে নারীর মনের মধ্যে সৈঁধোয় ।

রানী । অথচ তোমরা রাজ্য চালাও, মন্ত্রণা দাও, আইন তৈরি কর । কি আশ্চর্য্য । শোন তবে স্পষ্ট ভাষায় বলি ; এই রাজপুত্রকে কারাগারে [চারিদিকে চাহিয়া] রাজ্যকালে—এই [ছুরিকাঘাতের অভিনয়]

মন্ত্রী । [সবিস্ময়ে] হত্যা !!!

রানী । ওকি ! চেষ্টাও কেন ?

মন্ত্রী । [নিম্নস্বরে] হত্যা !!!

রানী । বেশ উচ্চারণ করলে ত ! গলায় বাধলো না ? তুমিই পার্কে । পুরুষ যা পারে নারী তা পারে না । সর্ব্বতে নারী বিষ মেশাতে পারে, কিন্তু তৃষিতের মুখে তা ধর্তে পারে না । বলির মন্ত্র আওড়াতে পারে, কিন্তু নিজের হাতে বলি দিতে পারে না । তুমিই পার্কে ।

মন্ত্রী । না মহারানি ! আমি তা পার্কি না । মহারানীর প্রয়োচনার সরল, দয়ালু, উদার রাজপুত্রকে বড় যন্ত্র ক'রে কারাগারে নিক্ষেপ ক'রেছি । কিন্তু তার বেশী—না মহারানি ! আমার কার্য্য থেকে অবসর দিন ।

রানী । না, না, তা কি হয় ? তোমাকেই এ কাজ কর্তে হবে ।

মন্ত্রী । আমি পার্ক না ।

•রাণী । জেন—নারী স্বতঃই মুহু, লজ্জাশীলা, অন্তঃপুরচারিণী । পুরুষে যা বলে, তাই ক’রে যায়, কথাটি কয় না ; প্রতিবাদ করে না, চোখ তুলে চায় না । কিন্তু এই নারী যদি একবার কণা বিস্তার করে, তাহ’লে সে ভয়ঙ্কর, মনে রেখো । তোমার কাছে আমি জ্ঞানায় গূঢ় অভিপ্রায় প্রকাশ ক’রেছি । তোমায় এ মন্ত্রণার ভিতরে নিরেছি ; যদি এই রাজপুত্র বাঁচে, ত তুমি মর্যে । আমার হিংসার বাণ কদাপি বৃথা যাবে না । সাবধান ! এতদূর যখন গিয়েছ তখন আর বাকি থাকে কেন ? তারপব—তুমি রাজ্যেব সর্বময় কর্তা, মনে থাকে যেন ।

মন্ত্রী । [করষোড়ে] দোহাই মহারাণি ! আমাকে এ মহাপাতকে লিপ্ত কর্কেন না ।

রাণী । শিশুর মত ক্রন্দন ক’রে নিষ্কৃতি পাবে না । তোমাকেই এ কাজ কর্তে হবে ।—সম্মুখে রাজ্য, পশ্চাতে সর্বনাশ । বেছে নাও ।

মন্ত্রী । রাজপুত্রকে হত্যা কর্তে হবে ?

রাণী । হত্যা কর্তে হবে ।

মন্ত্রী । কি রকমে ?

রাণী । তাও ব’লে দিতে হবে ? পশ্চাদ্ধিক থেকে—[ছুরিকাঘাতের অভিনয়]

মন্ত্রী । তা পার্ক না মহারাণি ! সে° অত্যন্ত ভীষণ ! তার সেই ঘোবনমস্তক, পরিচিত, বলিষ্ঠ অঙ্গ থেকে রক্ত ছুটবে তাই দেখব ? পার্ক না ।

রাণী । •এত দুর্কল তুমি !

মন্ত্রী । আর কোনো উপায় বলুন মহারাজি যা—যা—যা পার্ক ।

রাজি । তা জান না ?

মন্ত্রী । জানি ।

রাজি । কি বল দেখি ?

মন্ত্রী । বলতে পার্ক না ।

রাজি । প্রয়োজন নাই । পাব ?

মন্ত্রী । তা বোধ হয় পার্ক ।

রাজি । বোধ হয়, চাই না । পার্ক ?

মন্ত্রী । পার্ক ।

রাজি । মন দৃঢ় কর । বুকে হাত দিয়ে বল, পার্ক ?

মন্ত্রী । পার্ক ।

রাজি । শপথ কচ্ছ ?

মন্ত্রী । শপথ করছি ।

রাজি । কবে ?

মন্ত্রী । আজ—না—কাল—না—এক সপ্তাহ সময় দিন ।

রাজি । সময় বড় বিশ্বাসঘাতক মন্ত্রী !

মন্ত্রী । বিবেচনা করবার—

রাজি । বিবেচনা মানুষকে ভীৰু করে । ঠাণ্ডা হ'তে দিতে নাই ।

মন্ত্রী । কবে এ কাজ সাধন কর্তে হবে মহারাজি !

রাজি । আজই রাজে ।

মন্ত্রী । [ঈষৎ ইতস্ততঃ সহকারে] উত্তম । [প্রস্থান

রাজি । বিজয়কে সরাসরে পার্লে—তারপর—ও কে ? কে ?

প্রথম অঙ্ক ।]

সিংহল বিজয় ।

[দ্বিতীয় দৃশ্য ।

সুরমার প্রবেশ ।

সুরমা । আমি সুরমা ।

রাণী । তুমি সুরমা ? এতক্ষণ কোথা ছিলে ? ওকি ! একদৃষ্টে
আমার পানে চেয়ে র'য়েছ যে । কোথা ছিলে ?

সুরমা । প্রাসাদেই ছিলাম ।

রাণী । কোথায় ?

সুরমা । অন্তঃপুরেই ।

রাণী । শোন নি ?

সুরমা । শুনেছি ।

রাণী । কি শুনেছ ?

সুরমা । দাদার প্রাণদণ্ডের আদেশ হ'য়েছে ।

রাণী । কে ব'লে ?

সুরমা । কেন তুমি !

রাণী । কৈ, কখন ?

সুরমা । মা ! বিমাতা হ'লে কি ভালবাস্তে নেই ? রমণী স্নেহময়ী
—রমণী কি কেবল নিজের গর্ভজাত সন্তানটিকে নৈলে তার ভালবাস্তে
পারে না ?

রাণী । কে ব'লেছে ?

সুরমা । মা, আমার আশ্রয় দাদার উপর তোমার এত জাতক্রোধ
কেন ? আমরা ত তোমার কাছে কোন অপরাধ করিনি মা ?

রাণী । কে ব'লেছে ক'রেছ !

সুরমা । সেই কাল রাজির কথা মনে পড়ে মা ! যে দিন আমার

প্রথম অঙ্ক ।]

সিংহল বিজয় ।

[দ্বিতীয় দৃশ্য ।

মা বাবার হাতে দাদাকে আর আমাকে সঁপে দিয়ে বাবার হাত ছুঁখানি ধ'রে হেসে মৃদুস্বরে বলেন 'এদের দেখ, এখন থেকে তুমিই এদের মা ।' বাবা চুপ ক'রে রইলেন । মা আবার বলেন 'বল দেখ্বে, আমার মত ক'রে দেখ্বে ? এমনি দেখ্বে যেন এরা মায়ের অভাব কখনও না বুঝতে পারে ।' বাবা শীঘ্রে বলেন 'দেখ্বে' । তার পর মা একটা দীর্ঘনিশ্বাস ফেলেন, হুটি চক্ষুর অপাঙ্গ দিগে হুটি বিন্দু জল গড়িয়ে গেল । তার পর—

রাণী । কাঁদছি কেন সুরমা ?

সুরমা । কাঁদছি কেন ? তাই আবার জিজ্ঞাসা কচ্ছ'মা ! জান না ? তোমারও ত একদিন মা ছিল । তুমিও ত একদিন মা হারিয়ে-ছিলে । সেইদিনের কথা মনে আছে ?

রাণী । কে বলে তোরা মা হারিয়েছিস ? এক মা গিয়েছে আর এক মা এয়েছে । এই যে তোদের মা ।

সুরমা । বল, বল, সেই কথা বল মা ! বড় মধুর কথা শুনায়ে মা । বল, আর একবার বল । প্রাণ ভ'রে বল, প্রাণ ভরে' শুনি ।

রাণী । মহারাজ কোথায় জানিস সুরমা ?

সুরমা । না, না, ঐ কথা আর একবার বল । বল 'আমিই তোদের মা ।' বল, 'তোদের সেই মার মতই তোদের বুক দিয়ে ঘিরে রাখ্বে, অকল্যাণের ছায়া তোদের কাছে ঘেঁষতে পার্কে না ।' বল, আবার বল । হয়ত ব'লতে ব'লতে তোমার হৃদয়ের ছায়ার খুলে বাবে । সত্যই আমায় শ্রদ্ধা হবে । সত্যই আমাদের বুক জড়িয়ে ধর্কে । বল মা !
তুমিই আমাদের মা ।

রাণী । আমিই তোদের মা ।

সুরমা । তবে মন্ত্রীমহাশয়কে ডাক । দাদাকে হত্যা ক'রো না ।

রাণী । সে কি সুরমা !

সুরমা । ওকি মা ! হঠাৎ ওষ্ঠধ্বংস শুক কেন ? ঐ চক্ষু দুটি অনিমেষ কেন ? ঐ মুখ পাংশু কেন ?—বল দাদাকে হত্যা কর্কে না, বল হত্যা কর্কে না !

রাণী । আমি—আমি—বিজয়কে—হত্যা কর্কে ? কে ব'লেছে ?

সুরমা । তুমি ।

রাণী । আমি !!

সুরমা । তবে এখনই মন্ত্রীর কাছে ফুৎ ফুৎ ক'রে কি ব'ল'ছিলে ?

রাণী । শুনেছিল ?

সুরমা । শুনেছি । তার কিছু কিছু কাণে গিয়েছে ।

রাণী । ও তাই ! [কাষ্ঠ হাসি হাসিয়া] ওরে এই মন্ত্রী বড় কুট । রাজ্যলাভের জন্ত সে চক্রান্ত ক'রেছে । বিজয়কে সে কারাগারে নিক্ষেপ করিয়েছে । তাকে কারাগারে হত্যা কর্কে মনস্থ করেছিল । আমি জ্ঞান্বে পেরে তাকে ডাকিয়ে ভয় দেখিয়ে নিরস্ত করছিলাম ।

সুরমা । মন্ত্রীমহাশয় দাদাকে হত্যা কর্কে চান ?

রাণী । হাঁ সুরমা ।

সুরমা । তা বাবাকে বধনা কেন ? আমি ব'লে দেবো ।

রাণী । না আমিই ব'ল'ব । বড় একটা হত্যার চক্রান্ত ধরেছি । রাজকুমারকে—আমার বিজয়কে বাঁচিয়েছি । শুনে মহারাজ বড় খুসী হবেন । আমি ব'ল'ব ।

প্রথম অঙ্ক ।]

সিংহল বিজয় ।

[দ্বিতীয় দৃশ্য ।

সুরমা । আমিও ব'ল'ব, তুমি যদি না বল ।

রাণী । কি ! আমার সন্দেহ করিস্ সুরমা ?

সুরমা । করি । আমার মনে হয় না মা, আমি কোনও মতেই বিশ্বাস কর্তে পারিছি না ! যে মন্ত্রীমহাশয় দাদাকে হত্যা কর্বে ন । এত বড় আশ্পর্কী তাঁর হৃৎতে পারে না । তিনি দাদাকে কোলে পিঠে ক'রে মাহুয করেছেন । এত নিষ্ঠুর, এত ক্রুর, এত পৈশাচিক তিনি হ'তে পারেন না ।

রাণী । কিন্তু আমি হ'তে পারি ?

সুরমা । পার । তুমি যে বিমাতা । কৈকেয়ী রামকে বনে পাঠিয়েছিলেন । তুমিও হয়ত পার । বিমাতায় কি না পারে ? তবু আমরা তোমায় মা ব'লে ডেকেছি । আমাদের ভালবাস্তে না পার, হত্যা ক'রো না । আমাদের বাঁচতে দাও । [করঘোড়ে জাহ্নু পাতিলেন]

সুরমিত্রের হাত ধরিয়া সিংহবাহুর প্রবেশ ।

সিংহ । ওকি হচ্ছে সুরমা ?

রাণী । সুরমা দিন দিন বড় অবাধ্য হচ্ছে । এমন স্পর্কার কথা বলে, এত গর্কিত, এত উদ্ধত—

সিংহ । তাই দেখছি ।

সুরমা । বাবা ? জাহ্নু পেতে ভিক্ষা চাওয়া কি গর্কের লক্ষণ ?

রাণী । দেখছ কথার ভঙ্গিমা ।

সুরমা । বাবা—

সিংহ । যাও—শুভে চাই না ।

[সুরমার প্রস্থান]

প্রথম অঙ্ক ।]

সিংহল বিজয় ।

[তৃতীয় দৃশ্য ।

রানী । দেখলে—চ'লে যাবার ভঙ্গীটা দেখলে ! রাজকন্যা বটে,
কিন্তু তাই ব'লে সৎমার উপর দিবারাত্র চোক রাঙায় ! সে শুধু মহারাজ
তাকে বেশী আদারা দিয়েছেন ব'লে । না হ'লে—

সিংহ । ও কিছু মনে ক'রো না।—দেখ স্মিত্র কি কীর্তি
ক'রেছে । দেখসে ।

তৃতীয় দৃশ্য ।

—:~:—

স্থান—লঙ্কার সমুদ্রতীর । কাল প্রভাত ।

বালকবর্গ ও জয়সেন তরুতলে আসীন ।

বালকবর্গের গীত ।

আজি, বিমল-নিদাঘ-প্রভাতে,
কত, গীতে, হৃগন্ধে, শোভাতে,
আহা, যাইছে নিখিল ছাপিয়া ।
আজি, ত্রিধ্ব মন্দ পবনে,
ঘন, মঞ্জু কুঞ্জ-ভবনে,
মরি, কি গান গাইছে পাপিয়া ।
আজি, প্রভাত-কিরণ মহিমোজ্জ্বল,

শান্ত স্থনীল গগন

তার, চরণে নিলীন মধুর ধরণী

কিরণ মুগ্ধ মগন,

আজি, কি ব্যথা উঠিছে জাগি' রে,
মম, 'হৃদয় কাহার লাগি' রে,
যেন, উঠিছে কাপিয়া কাপিয়া ।

প্রথম অঙ্ক ।]

সিংহল বিজয় ।

[তৃতীয় দৃশ্য ।

জয়সেন । কি সুন্দর !

১ম বালক । কি সুন্দর ?

জয়সেন । এই গান । শুভে শুভে আমার ঘুম আসছিল ।

১ম বালক । ঘুম আসছিল ?

জয়সেন । উপরে পাতাগুলো নড়ছিল, সমুদ্র চিকমিক্ কচ্ছিল,
নীল আকাশ ডানা ছড়িয়ে পৃথিবীতে তা দিচ্ছিল, আর আমি ভাবছিলাম,
কি ভাবছিলাম ?

২য় বালক । কি ভাবছিলে ?

জয়সেন । মনে হচ্ছে না ত । ভাবছিলাম—না স্বপ্ন দেখছিলাম,
ঘুমোচ্ছিলাম—না জেগেছিলাম ?

২য় বালক । তা বুঝতে পাচ্ছ'না ?

জয়সেন । না । আচ্ছা মীনকেতু, এখনও আমি জেগে আছি, না
ঘুমোচ্ছি ?

৩য় বালক । কি বোধ হয় ?

জয়সেন । এক একবার বোধ হয় ঐ গাছগুলো দেখছি, তোমাদের
কথা শুনে পাচ্ছি, এই বাতাস এসে আমার গায়ে লাগছে । নিশ্চয়ই
আমি বেঁচে আছি । তারপরে কিন্তু আবার সব কলনায় জড়িয়ে যায় !
কিছুই ঠিক দেখতে পাই না, ঠিক ধর্তে ছুঁতে পারি না, মনে হয় যে সব
একটা হেঁয়ালী, একটা ছায়া, একটা স্বপ্ন ।

৪র্থ বালক । তোমার মাথা খারাপ । দস্তুরমত মাথার ব্যারাম
হ'য়েছে, এর দস্তুরমত চিকিৎসা দরকার ।

" জয়সেন । আচ্ছা যদি স্বপ্নই হবে, তবে রোজই এ-গাছটাকে সবুজ

প্রথম অঙ্ক ।]

সিংহল বিজয় ।

[তৃতীয় দৃশ্য ।

দেখি কেন, আকাশকে রোজই নীল দেখি কেন, কোকিলের গান প্রত্যহই
কোকিলের গানের মত শোনায়ে কেন ? একদিনও ত কোকিল টিয়ার
মত গায় না, একদিনও ত সমুদ্রের জল লাল দেখায় না, একদিনও ত
আকাশ—

১ম বালক । কি ! এক দৃষ্টে উপর পানে চেয়ে রইলে যে ?

জয়সেন । সেই নীল, সেই অসীম, সেই—আশ্চর্য্য ।

২য় বালক । কি আশ্চর্য্য ?

জয়সেন । যদি স্বপ্ন হয়, ত এমন জ্যাস্ত স্বপ্ন কখনও দেখিনি ত ।
তবু—তবু—কিছুই বুঝতে পাবিনে, কিছুই ধর্তে পাবিনে, সব—সব যেন
জড়িয়ে যায় । ভাবতে গেলেই জড়িয়ে যায় ।

উৎপলবর্ণের প্রবেশ ।

৩য় বালক । এই যে রাজপুরোহিত ঠাকুর ।

উৎপল । কি, আমাকে তোমাদের কোনও দরকার আছে বোধ হয় ।

৪র্থ বালক । কৈ, না ।

উৎপল । সে কি ? অসম্ভব । নিশ্চয়ই কোন দরকার আছে, নৈলে—
কোন দরকার*নাই—আমি এদিক দিয়ে এলাম কেন ? ভাবতে ভাবতে
আমি অগ্র দিক দিয়েও ত যেতে পার্তাম !

১ বালক । কি ভাবছিলেন ?

উৎপল । পূর্বেজন্মে এদেব দেখেছিলাম । কোথায় যে দেখেছিলাম
সেটা বুঝতে পারছি না বটে, কিন্তু দেখেছিলাম ।

২য় বালক । তা কে অস্বীকার কচ্ছে ? আমরা রাক্তা ঘাটে বেড়াই,
আপনিও—

প্রথম অঙ্ক ।]

সিংহল বিজয় ।

[তৃতীয় দৃশ্য ।

উৎপল । না এখানে নয়, পূর্বজন্মে । বেশ ।—হ’য়েছে । একদিন আমি সকাল বেলায় উঠে তামাক খাচ্ছিলাম, আর তোমরা—তুমি ত তার মধ্যে ছিলেই—পুকুরের ধারে বসে’ খাপরা নিয়ে ছি নি নি নি খেলছিলে—না ?

৩য় বালক । আজে না ।

উৎপল । মিথ্যা কথা কও কেন বাপু ? পূর্বজন্মকার কাহিনী আমি প্রত্যক্ষ দেখতে পাচ্ছি । তুমি “না” বলেই হবে ।

৪র্থ বালক । সে ছোকরাটা হি নি নি নি খেলছিল বটে ।

উৎপল । হাঁ—

৪র্থ বালক । আজে, সে আমি ।

উৎপল । তুমি ?—হাঁ তুমিই বটে ।—ঠিক্ । মনে প’ড়েছে । সেদিন শীতকালের সকাল বেলায়—ঠিক্—দেড় প্রহর আন্দাজ—সেই পূর্বজন্মে—

৪র্থ বালক । কিন্তু সে ত পূর্বজন্মে নয় ।

উৎপল । তবে ? তার আগের জন্মে ?

৪র্থ বালক । আজে না । সে ত পরশু—

উৎপল । পরশু ? বালক, মিছে কথা ক’য়োনা । পরজন্মে ই’হর হ’য়ে জন্মাবে ।

৩য় বালক । মিছে কথা কৈলে বুঝি ই’হর হ’য়ে জন্মায় ?

উৎপল । হাঁ !

২য় বালক । কেন পুরোহিত মহাশয় ! ই’হরে কি বড় মিছে কথা কয় ?

‘২য় বালক । আর সত্য কথা কৈলে কি টিকটিকি হ’য়ে জন্মায় ?

উৎপল । কেন ? সত্য কথা কৈলে টিকটিকি হ'য়ে জন্মাবে কেন ?

২য় বালক । ঐ যে টিকটিকি প'ড়লেই মা বলেন “সত্যি সত্যি ।”

উৎপল । তুমি ঠাট্টা কচ্ছ' বালক ?

৩য় বালক । আচ্ছা ঠাট্টা করলে কি হ'য়ে জন্মায় পুরোহিত মহাশয় ?

৪র্থ বালক । তেলাপোকা হ'য়ে জন্মায় । •তেলাপোকা হঠাৎ যদি গায়ে ওঠে ত সে বিষম ঠাট্টা ।

৩য় বালক । আর গালাগালি দিলে গুব'রে পোকা হয় ।

২য় বালক । আর চিমটি কাটলে বিছে হ'য়ে জন্মায় । না ঠাকুর ?

উৎপল । [করুণ ভাবে ঘাড় নাড়িয়া] তোমরা পূর্বজন্ম মান না ?

জয়সেন । আমি মানি পুরোহিত ঠাকুর ।

উৎপল । এই দেখলে ! রাজার ছেলে কিনা । ঠিক বুঝেছে । রাজপুত্র ! কাল তোমায় আমি সন্দেশ কিনে এনে দেবো । আ হা হা পূর্বজন্মে তুমি আমার কে ছিলে হে ?

২য় বালক । দ্বিতীয় পক্ষের স্ত্রী ছিলেন । নৈলে এত আদর !

১ম বালক । শুনুন, আমাদের কথা আছে ।

উৎপল । আছে ? তা আমি পূর্বেই জাস্তাম, প্রাক্তন সংস্কার—কি বল ?

২য় বালক । • কথাটা হচ্ছে এই যে, এই রাজপুত্র—আপনার পূর্বজন্মের স্ত্রী—ইহজন্মে একটা বন্ধ পাগল হ'য়ে জন্মেছেন ।

উৎপল । পাগল !

৪র্থ বালক । হাঁ আপনি এখন একটা উপায় কর্তে পারেন ?

উৎপল । • ইহজন্মে ইনি কি করেন ?

৩য় বালক । এই রকম হতাশ ভাবে ব'সে ভাবেন ।

৫ম বালক । এবং সন্দেশ খান ।

উৎপল । ওঃ ! সন্দেশ খান ?

৫ম বালক । তা খান ।

উৎপল । তবে কিয়ৎ কোন ভাবনা নেই । হতাশ ভাবে ভাবাটা
বিষয়ে হ'লেই সেরে যাবে 'খনি । আর সন্দেশ—তা খান । আমার কাজ
শেষ হ'য়েছে বুঝতে পারছি । আমি এখন যাই । [প্রস্থান]

১ম বালক । ঠিক ব'লেছে ঠাকুর ।—তুমি একটা বিষয়ে কর ।

জয়সেন । বিষয়ে কি ?

১ম বালক । বিষয়ে জাননা ? এমদে নিরেট রাজপুত্রও ত দেখিনি ।
বিষয়ে জাননা !

জয়সেন । না ।

১ম বালক । পুরুষ জান ?

জয়সেন । জানি ।

১ম বালক । কি রকম বল দেখি ?

জয়সেন । এই রকম পোষাক পরে । [স্বীয় পরিচ্ছদ দেখাইয়া]

১ম বালক । আর স্ত্রীলোক ?

২য় বালক । যারা ঘাঘরা পরে ।

(জয়সেন ইঙ্গিতে এ বাফের অনুমোদন করিল ।)

৩য় বালক । তা হ'লে প্রাণিবৃত্তান্ত সম্বন্ধে জ্ঞানের খুব দৌড় হ'য়েছে
ব'লতে হবে ।

“জয়সেন । অনেক শিখেছি ।

প্রথম অঙ্ক ।]

সিংহল বিজয় ।

[তৃতীয় দৃশ্য ।

৪র্থ বালক । শিখেছ বৈ কি । রাজপুত্র কিনা ! এখন যারা পোষাক পরে আর যারা ঘাঘরা পরে, তারা যখন চিরজীবন এক সঙ্গে থাকতে চায় তখন তাদের প্রেম হয় । তখন তারা বিয়ে করে ।

জয়সেন । প্রেম কি ?

৪র্থ বালক । ভালবাসা ।

জয়সেন । ভালবাসা কি ?

৫ম বালক । প্রেম ।

১ম বালক । বুঝেছ ?

জয়সেন । বুঝছি ।

১ম বালক । তোমার গুটির মুণ্ড বুঝেছ । তোমার কি কাউকে সदा সর্বদা কাছে দেখতে ইচ্ছা হয় ? তার সঙ্গে সর্বদা কথা কৈতে, তার পানে চাইতে, তাকে স্পর্শ কর্তে ইচ্ছা হয় ? এরকম কেউ আছে ?

জয়সেন । আছে ।

১ম বালক । কে ?

জয়সেন । এই রাজকন্যা ।

৫ম বালক । এই মরেছে । রাজকন্যার সঙ্গে তোমার বিয়ে হ'লেই হ'য়েছে আর কি !

৪র্থ বালক । কেন ?

৫ম বালক । রাজকন্যা কুবেরী ? সেই ঝটিকাকে এই বেঁধে রাখবে ? সেই চাহনির বিদ্যায় এই অবোধ বালক সহ করবে !

১ম বালক । এই রাজকন্যাকে তোমার বিয়ে কর্তে ইচ্ছা হয় ?

জয়সেন । হয় ।

২য় বালক । তা হ'লে মন্দ নয় । রাজার ওপক্ষের ছেলে ও রানীর ওপক্ষের মেয়ের, তাঁদের এপক্ষের ছেলেমেয়ের সঙ্গে বন্বে ভাল ।

১ম বালক । তবে তুমি রাজকন্যাকে সে কথা বলনা কেন ?

জয়সেন । কি কথা ?

১ম বালক । যে, “আমি তোমায় বিয়ে কর্ব”, ব'লতে পার্কে ?

জয়সেন । পার্কে ।

১ম বালক । বেশ ঐ তোমার বাবা আসছেন । আমরা যাই । বেলা হ'ল ।

জয়সেন । তোমরা যাবে কেন ? যেও না ।

গীত ।

আমবা খাসা আছি—

হাস্ত পেলেই হাস্ত করি, নৃত্য পেলেই নাচি ।

তুলে চল্লবদনখানি, গল্পগুজব কর্তে জানি ;

চল্লমুখে আহাৰ করি দুধ সর-টাচি ।

আবার হাস্ত পেলেই হাস্ত করি, নৃত্য পেলেই নাচি ।

দাঁড়িয়ে যদি থাকতে পারি, চলতে ফিৰ্তে বেজায় ভারি ;

বসতে পেলে দাঁড়াইনাক, শুতে পেলেই বাঁচি,

আবার হাস্ত পেলেই হাস্ত করি, নৃত্য পেলেই নাচি

[সকলের প্রস্থান ও লঙ্কাধিপতি কালসেন তাঁহার মহিষী

বসুমিত্রার সহিত গল্প করিতে করিতে

প্রবেশ করিলেন ।]

বসুমিত্রা । রাজপুত্র জয়সেন—আমার মনে হয় একটু, অর্থাৎ মাথা খারাপ ।

প্রথম অঙ্ক ।]

সিংহল বিজয় ।

[চতুর্থ দৃশ্য ।

কালসেন । তোমার তাই মনে হয় বহুমিত্রা ! পাগল ?

বহুমিত্রা । না পাগল নয় তবে—তবে কি এক রকম । একদৃষ্টে
আকাশের পানে চেয়ে থাকে, গান শুনে শুনে চোখ বুজে চোলে, আর
রাজকন্টার পানে হাঁ করে চেয়ে থাকে ।

কালসেন । তা থাকে দেখিছি । কুবেরীর প্রভুত অমুরক বোধ হয় ।

বহুমিত্রা । তোমারও তা বোধ হয় ? কিন্তু তা কখনও মুখ ফুটে বলে
না কেন ?

কালসেন । আমিও তাই ভাবি । বলে না কেন ? আর আমাকেই
বা আজ ব'লতে গেল কেন !

[উভয়ে কিঞ্চিদূবে অগ্রসর হইলেন]

কালসেন । জয়সেনের সঙ্গে কুবেরীর বিয়ে দিলে কি রকম হয় ?

বহুমিত্রা । আমি ত তাই ভাবছিলাম । কিন্তু—

কালসেন । তবে তাই হবে । এ বিবাহ হবে । দিন স্থির কর ।

চতুর্থ দৃশ্য ।



স্থান—দস্যুদের বন-প্রাঙ্গণ । কাল—রাত্রি ।

অগ্নি প্রজ্জলিত । দস্যুদল আগুন-পোহাইতেছিল ।

ভৈরবের প্রবেশ ।

১ম দস্যু । এই যে সর্দার ! আমরা তৈরি হ'য়ে ব'সে আছি ।

২য় দস্যু । আজ কোন্ দিকে যাবি সর্দার ?

ভৈরব । আজ আর কোন দিকে যাব না । আজ ছুটি !

সকলে । সে কি সর্দার !

ভৈরব । ডাকাতি ত রোজই কর্ছিহু ? ছুটি ত রোজই নেই ।

৩য় দম্ভ্য । ছুটি নিয়ে কি কর্ৰ সর্দার ?

ভৈরব । তাঁকে ভাব্, তাঁর কাছে হাত জোড় কর্ ! তাঁর পা ধ'রে
কাঁদ ।

৪র্থ দম্ভ্য । কার কথা কইছিহু সর্দার ।

ভৈরব । [উপরে হাত দিয়া] ঐ তার কাছে ।

৪র্থ দম্ভ্য । কে সে ?

ভৈরব । তার নাম নেই, তার রূপ নেই—সে ছুনিয়ার কিছু না,
সেই ছুনিয়ার সব ।

১ম দম্ভ্য । কে সে ?

ভৈরব । জানি না ।

২য় দম্ভ্য । সর্দার তোর মাথা খারাপ হয়েছে ।

ভৈরব । মাথা থাকলেই মাঝে মাঝে খারাপ হয় । যাদের মাথা নেই
তাদের খারাপ হবার কোনই ভাবনা নেই ।

১ম দম্ভ্য । কি বল্ছিহু সব আজ ?

ভৈরব । আমিই জানি না ।—দেখ্ আমি ডাকাতি করা ছেড়ে
দেবো ।

সকলে । সে কি সর্দার !

ভৈরব । ছেড়ে দেবো ।

২য় দম্ভ্য । ছেড়ে দিবি ?

ভৈরব । ছেড়ে দেবো । তোরাও ছেড়ে দে । লুট করা খারাপ ।

৪র্থ দম্ভ্য । কে বলে খারাপ ?

(ভৈরব উপরে দেখাইলেন ।)

৫ম দম্ভ্য । লুট কর্ব না ত খাব কেমন ক'রে সর্দার ?

ভৈরব । কেন চাষ করবে—

৩য় দম্ভ্য । চাষ কর্ব সর্দার ! এ হাত দুখানা একবার দেখ্ দেখি সর্দার । এ লোহার ডাণ্ডা ছোটো কি চাষ করবার জন্ত তৈরি হ'য়েছে ? দেখ্ দেখি এই হাত ছোটো ।

ভৈরব । বস্তা বৈবি ।

৩য় দম্ভ্য । বস্তা বয় পীঠ । • মার খায় পীঠ, তাই পীঠ পিছন দিকে । হাত ছোটো থাকতে বস্তা বৈব সর্দার !

ভৈরব । কিন্তু এই লুট—

১ম দম্ভ্য । লুট কে না কচ্ছে ? দোকানী লুট কচ্ছে খদ্দরকে, রাজা লুট কচ্ছে প্রজাকে, মানুষ লুট কচ্ছে জানোয়ারগুলোকে । জানোয়ারগুলো লুট কচ্ছে ছোট জানোয়ারকে । হুনিয়াতে লুট কে না কচ্ছে সর্দার ? লাঠি যার মাটি তার ।

ভৈরব । আচ্ছা, এখন যা । ভাবতে দে ।

২য় দম্ভ্য । “আজ কোন্ দিকে যাবি সর্দার—

ভৈরব । ভাবতে দে ।

[দম্ভ্যদিগের প্রস্থান]

ভৈরব । তাইত ! বলেছে ত ঠিক ! বলেছে ত ঠিক । লুট কে না কচ্ছে !—জোর যার মূলুক তার । ভয়ের উপর হুনিয়া চলছে ।

প্রথম অঙ্ক ।]

সিংহল বিজয় ।

[চতুর্থ দৃশ্য ।

হাত পাতার উপর—না । হাত পাতলে সমুদ্র মুক্তা দেয় না, ডুবতে হয় ।
হাত পাতলে মাটি শস্ত দেয় না, চষতে হয় । লুট করা খারাপ ?—কে
বলে ?—ঐ যে [বক্ষে আঘাত করিয়া] এখান থেকে কে বলে উঠছে
—লুট করা খারাপ । কে তুই ভেতর থেকে মাঝে মাঝে চোঁচিয়ে উঠিস্ ।
স'রে যা । দূর হ' ।

সানুচর সুরমা ।

ভৈরব । কে তুই ?

সুরমা । একি ! ভৈরব দাদা—

ভৈরব । কে তুই ! রাজকণ্ঠা না ? দেখ'ত ভাল ক'রে, ভুল
দেখছি নাকি !

সুরমা । না ভৈরব দাদা ! ভুল দেখছ না । আমি সুরমা ।

ভৈরব । সুরমা !—সত্যি ? দিদি !—দিদি আমার [হাত বাড়াইয়া
অগ্রসর হইয়া পিছাইয়া] না, না, এ হাতে তোকে ছোঁব না । এ হাত
রক্তমাখা !

সুরমা । সে কি ভৈরব দাদা ?

ভৈরব । তুই রাজকণ্ঠা আর আমি—ডাকাত ।

সুরমা । তুমি ডাকাত ?

ভৈরব । ডাকাতের সর্দার ।

সুরমা । সে কি ভৈরব দাদা ! তুমি ডাকাত ?

ভৈরব । তুই কি ভেবেছিলি ? ভেবেছিলি যে আমি ঋষি ? বনে
এসেছি তপ কর্ত্তে !—ভৈরব তোদের পুরোনো চাকর । তোরা বাপের
মত, রাগলে যার জ্ঞান থাকত না ; তোরা বাপকে ছুরী মার্ত্তে গিয়েছিল ;
৩২]

প্রথম অঙ্ক ।]

সিংহল বিজয় ।

[চতুর্থ দৃশ্য ।

সে কি চাকরি ছেড়ে একদিনে ঋষি হ'য়ে যাবে ? যাক, তুই এখানে এলি
কেমন ক'রে ?

সুরমা । আমি ত এখানে আসিনি, আমি কালীর মন্দিরে পূজা
দিতে এসেছিলাম ।

ভৈরব । ঐ ভাঙ্গা মন্দিরে ?

সুরমা । ঐ কালীর মন্দিরে । তারপর মনে হ'ল তোমার গলা
গুন্‌লাম । অনেক দিন পরে তোমার গলা গুন্‌লাম । আর লুকিয়ে
থাকতে পারলাম না । ভাবলাম একবার তোমায় দেখে যাই ।

ভৈরব । তা বেশ করেছিস্‌ দিদি । অনেক দিন তোকে দেখিনি ।
আর তোকে দেখেই বা কি হবে ।* আর কোলে ত নিতে পাব না ।

সুরমা । কেন ?

ভৈরব । আমি যে ডাকাত ।

সুরমা । সত্যি তুমি ডাকাত ? না—মিছা কথা ।

ভৈরব । ব্রজ ডাকাতের নাম শুনিছিস্‌ ?

সুরমা । হাঁ ।

ভৈরব । আমিই সেই ব্রজ ডাকাত । কি ! হাঁ ক'রে চেয়ে রৈলি
যে ! এখন হঠাৎ পূজা দিতে এইছিলি কেন শুনি দিদি ।

সুরমা । দাদীর মঙ্গল-কামনার পূজা দিতে এসেছিলাম ।

ভৈরব । কেন, তোর দ্বাদার কি হয়েছে ?

সুরমা । বাবা তাঁকে কারাগারে নিক্ষেপ করেছেন । মা তাঁকে
বিষ খাইয়ে মার্কেন । তাই পূজা দিতে এসেছিলাম । আমার যে
আর কেউ নেই ভৈরব দাদা ! তাই মা কালীর কাছে ছুটে এগেছি ।

ভৈরব । ও ! বুঝেছি । বিজয় কারাগারে ?

সুরমা । হাঁ ভৈরব দাদা ।

ভৈরব । ক’দিন ধ’রে সেখানে আছে ?

সুরমা । আজ দুদিন । আজ ছপু্রে মা তাকে বিষ খাওয়াবার মন্ত্রণা কর্ছিলেন ।

ভৈরব । মা বলিস্নে সুরমা ! অমন ভাল কথাটার অপমান করিস্নে । মা বলিস্নে । বল্ শয়তানী । বিষ খাওয়াবে ?

সুরমা । হাঁ ভৈরব দাদা ।

ভৈরব । ঠিক্ । মা দুধ খাওয়ায় ; সৎমা বিষ খাওয়ায় । ঠিক্ !

সুরমা । তাই কালীমায়ের কাছে শূজা দিতে এসেছিলাম । বাবার কাছে বলতে গেলাম । বাবা তাড়িয়ে দিলেন । আমার যে আর কেউ নেই ভৈরব দাদা !

ভৈরব । কেউ নেই ?

সুরমা । কেউ নেই ভৈরব দাদা !

ভৈরব । কোন ভয় নেই দিদি ! আমি আছি ।—মৃত্যুঞ্জয় !

একজন দস্যুর প্রবেশ ।

ভৈরব । সব ডাক ।

[দস্যুর প্রস্থান]

ভৈরব । আমি আছি দিদি ! আমি কেঁচে থাকতে তোর শয়তানী মা বিজয়ের কাছেও ঘেঁষতে পারবে না ।

দস্যুগণের প্রবেশ ।

দস্যুগণ । কি সর্দার !

ভৈরব । জিজ্ঞাসা কর্ছিলা না আজ কোন্ দিকে বেরোবি ?

সকলে । হাঁ সর্দার ।

ভৈরব । ঠিক করেছি । সন্ধ্যার সময় সব তৈরি থাকিস্ ।

সকলে । বেশ ।

[প্রস্থান করিল]

ভৈরব । ভয় পাচ্ছি সুরমা । কোন ঝুঁক নেই । এদের সর্দার আমি । বিজয়ের জন্ত কোন ভয় নেই দিদি ! আমি তাকে বাঁচাব । বাঁচলে আবার তোর হাতে ফিরিয়ে দেবো । তারপর দুঃখ হ'লেই আমার কাছে আসিস্ । তোর চোখের জল মুছিয়ে দেবো । বাড়ী ফিরে যা । কোন ভয় নেই । যাবার আগে আর একবার বুকে ধরি । [সুরমাকে বক্ষে ধরিয়া] তৌদের পুরোনো চাকর আমি । তারপর বাড়ীতে কালসাপিনী এল । আর সেখানে রৈতে পারলাম না । চোখে মৈল না । গায়ে জোর ছিল । ডাকাতের সর্দার হ'লাম । তবে তোর আর বিজয়ের আমি সেই চাকরই আছি দিদি ! যখন মনে প'ড়বে আমার কাছে আসিস্ । টাকা দিতে পার্ক না, ভাল খেতে দিতে পার্কনা—যা বাড়ীতে পাস্ । কিন্তু আদর দিব—যা বাড়ীতে আর পাস্নে । চল, তোকে পঁছছে দিয়ে আসি ।



পঞ্চম দৃশ্য ।

—:—

স্থান—কারাগার । কাল—রাত্রি ।

শ্রাব্যলিত বিজয়সিংহ আসীন ।

সম্মুখে মন্ত্রী পানপাত্রহস্তে দণ্ডায়মান ; পার্শ্বে গ্রহরী ।

বিজয় । মন্ত্রী মহাশয় ! এই সর্বৎ খাবার জন্ত আমাকে বারবার ব্যর্থ অহরোধ কচ্ছেন কেন ? এ সর্বতের সঙ্গে কি গুঢ় উদ্দেশ্য মেশান আছে বলুন ত ।

মন্ত্রী । সে কি কুমার !

বিজয় । এ ত বিষ নয় ?

মন্ত্রী । না, না । তা কি হ'তে পারে !

বিজয় । নহিলে এতক্ষণ আপনি এক হতভাগ্য বন্দীর সঙ্গে নিষ্ফল কালক্ষেপ কচ্ছেন কেন ? আর মাঝে মাঝেই আমাকে ঐ সর্বৎ পান কর্তে বলছেন কেন বলুন দেখি । এ কি বিষ ?

মন্ত্রী । না, না, তা কি হ'তে পারে ?

বিজয় । হ'তে বেশ পারে । আমি রাজ্যের সর্বনাশ, প্রাসাদে সর্প, পুরণথে মুক্ত ব্যাঘ্র । আমি পিতার আপদ, আর তুমি তাঁর মন্ত্রী ! হ'তে পারবে না কেন মন্ত্রী মহাশয়, সোজা উত্তর দাও, এ কি বিষ ?

মন্ত্রী । না, বিষ নয় ।

বিজয় । ও কি ! আশপাশে চাইছ কেন মন্ত্রী মহাশয় ! সোজা আমার পানে চাও । [হস্ত ধরিলেন]

মন্ত্রী । সুবরাজ !

বিজয় । নির্ভীক উত্তর । তুমি রাজার যোগ্য মন্ত্রী বটে । তুমি নির্ভীক, প্রত্যাশপন্নমতি । তুমি রাজ্য চালাবে ভাল । বেশ সোজা চাও [হাত ধরিলেন] আমি রাজপুত্র ভুলে যাও, আমি এদেশের ভাবি রাজা সে কথা ভুলে যাও ! শুধু মনে কর যে তুমি আমার কোলে পীঠে করেছ, চুষন করেছ, বক্ষে ধরেছ ! শুধু মনে কর যে, আমি পিতার স্নেহে বঞ্চিত, শুধু মনে কর, আমার জননী নাই । এইবার বল দেখি—
এ ত বিষ নহে ?

মন্ত্রী । এ সন্দেহ কেন সুবরাজ ?

বিজয় । বল [সঙ্গে সঙ্গে হস্ত ধরিয়া] ওকি ! চম্‌কালে কেন ?
বল একি বিষ ?

মন্ত্রী । না, সুবরাজ ।

বিজয় । তবে তুমি অর্ধেক পান কর । [পাত্র মন্ত্রীর মুখের কাছে ধরিলেন]

মন্ত্রী । আমি !

বিজয় । [বিষপাত্র রাখিয়া] ও কি ! সহসা ভয়বর, ভীত দৃষ্টি, বিকম্পিত কলেবর । কেন মন্ত্রী ? না, না, তুমি বাঁচ ; দীর্ঘজীবী হও ; নৃপতির অব্যর্থিত অঙ্গগ্রহ ভোগ কর । তুমি কেন মর্ক্ষে ? না—দাও বিষ । আমি পান করছি । কিসের ভয় ? যখন পিতা পুত্রের মৃত্যুকামনার বিষ পাঠাতে পারে, আর পুরাতন ভৃত্য সে গরল-আধার সরল অধরে অনায়াসে ধর্তে পারে, তখন সংসারে কি না সম্ভব !—হে ব্রহ্মাণ্ডপতি ! না—কাকে ভাকছি ?—দাও বিষ । মন্ত্রী মহাশয় ! তোমার সম্মুখে

প্রথম অঙ্ক ।]

সিংহল বিজয় ।

[পঞ্চম দৃশ্য ।

আমি প্রাণত্যাগ করছি । সে সংবাদ রাজার কাছে নিয়ে যাও, পুরস্কার পাবে । তাঁকে ব'লো, যে জীবনে আমি তাঁকে বড় ভালবাস্তাম, এত ভালবাসা কোন পুত্র কোন পিতাকে বাসে নাই ; আর মরণে তাঁরই নাম—কি আর ব'লব—জয় হোক মন্ত্রী মহাশয় ! [বিষপাত্র গ্রহণ] রাজরাজেশ্বর হও । এই বিষ পান করছি ! [পান করিতে উদ্যত]

মন্ত্রী । পান ক'রো না [সজোরে বিষপাত্র বিজয়ের হস্ত হইতে ফেলিয়া দিলেন]

বিজয় । ও কি কর্লে ?

মন্ত্রী । ও বিষ ।

বিজয় । না ও অমৃত । পিতা যদি পুত্রের অধরে বিষ দেয়, ত সে বিষ অমৃত । আমি চিরদিন পিতৃভক্ত পুত্র । পিতার কথার কখন অবাদ্য হইনি । নিয়ে এস নূতন বিষ । রাজ-অস্ত্রপুরে তার অভাব নেই । নিয়ে এস আমি অপেক্ষা করছি ।

মন্ত্রী । [করজোড়ে] ক্ষমা কর সুবরাজ ।

বিজয় । কর্ব । নিয়ে এস হলাহল । কি সাহসে তুমি পিতা আর পুত্রের মাঝে এসে দাঁড়াও ! আমার পিতার আজ্ঞা—নিয়ে এস বিষ !

মন্ত্রী । স্থির হও সুবরাজ । এ বিষ মহারাজ পাঠান নি । তিনি এর বিন্দু-বিসর্গও জানেন না ।

বিজয় । সে কি !—মিথ্যা কথা !

মন্ত্রী । স্বর্গে সাক্ষী দেবগণ । তোমার পিতা ক্রোধাক্ত বটে—ক্রুর মন ; ক্রোধে তাঁর কাছে লুপ্ত নিখিল জগৎ, কিন্তু তিনি শয়তানীর কাছে খেঁবেও কখন যান নাই । তিনি দেন নাই বিষ ।

বিজয় । কে দিচ্ছে তবে ?

মন্ত্রী । মহারানী ।

বিজয় । [উদ্ভ্রান্ত ভাবে] আর তুমি !

মন্ত্রী । প্রতিশ্রুত-মাংসখণ্ড-প্রলুপ্ত কুকুর ।—মনুষ্যত্ব বিক্রয় করেছি ।

বিজয় । [সভয়ে] কি করেছি ! কি করেছি !

মন্ত্রী । কি করেছ সুবরাজ ?

বিজয় । স্বর্গে দেবগণ ! আমি মহাপাপী, আমার ক্ষমা কর ।
ক্ষমা কর যে, পিতাকে এ দোষে দোষী করেছি । আর এমন বাপ—
পুত্রস্নেহ-বিগলিত-স্তনধারসম । মেঘ কেটে যাবে । বাবা ! ক্ষমা
কর যে, স্বপ্নেও ভেবেছি যে এও সম্ভব । আমি হ'লাম কি—মন্ত্রী মহাশয় !

মন্ত্রী । না, না, আমার পানে ওরকম ক'রে চেয়ো না ! আমি
তোমার মার্জ্জনা চাই না ! তার পথ রাখি নি । এ পাপের প্রায়শ্চিত্ত
এক—এই [স্বীয় বক্ষে ছুরিকাঘাত করিয়া পতন] ।

সৈনিক মহারানীর প্রবেশ ।

রানী । কি কর্লে মূর্থ !

মন্ত্রী । পালাও ! পালাও রানী !

রানী । এর শেষ না ক'রে নয় ।—সৈনিক ! বধ কর ।

মন্ত্রী । খব্দপার !

রানী । আমি রাজ্ঞী আমি আজ্ঞা করছি ।—বধ কর ।

মন্ত্রী । [উঠিতে চেষ্টা করিয়া পুনরায় পতন] সাবধান !

রানী । কি ! অঁচল অনড় পাষণ্ড প্রতিমার মত দাঁড়িয়ে ! সৈনিকগণ
এ আজ্ঞা আমর । বধ কর ।

(সৈনিকগণ মুক্ত তরবারি লইয়া বিজয়ের দিকে অগ্রসর হইল ।)

বিজয় । আমার হত্যা ক'রো না । তার আগে একবার পিতার সঙ্গে সাক্ষাৎ কর্তে দাও ।—একবার তাঁর চরণ ধ'রে মার্জনা চাইব । একবার—

রাণী । সৈন্তগণ অগ্রসর হও !

বিজয় । সৈনিকগণ ! তোমরা সৈনিক । জল্লাদ নও, বধ কর্তে চাও ত আমার শৃঙ্খলমুক্ত কর, হাতে তরোয়াল দাও, তার পর শত সৈনিক এক সঙ্গে আমার বিপক্ষে দাড়াও । যুদ্ধে বধ কর । 'হত্যা ক'রো না, মুক্ত ক'রে দাও ।

রাণী । তুমি অপরাধী ! বিচার-বন্ধনে তোমার যুক্তকর মুক্ত করে কার সাধ্য ! অপরাধী তুমি, লও দণ্ড—প্রাণদণ্ড দিলাম তোমার ।

সুরমার প্রবেশ ।

সুরমা । তুমি দণ্ড দেবার কে মহারাণি ?

রাণী । আমি রাজ্ঞী ।

সুরমা । যে রাজ্ঞা সে বিচার করে ।

রাণী । উদ্ধত বালিকা !—যাও ।

সুরমা । না, আমি দাদাকে হত্যা কর্তে দেবো না । তুমি যদি রাণী— আমি রাজকন্যা ।

রাণী । ও কি শব্দ !—সৈন্তগণ ! যদি আমার আজ্ঞা পালন না কর—আবার কোলাহল—আমার জান—ও কি শব্দ ! বধ কর—বধ কর ।
(নেপথ্যে কোলাহল)

প্রথম অঙ্ক ।]

সিংহল বিজয় ।

[পঞ্চম দৃশ্য ।

সুরমা । [তরবারি খুলিয়া] সৈন্তগণ ! আমার বধী না ক'রে দাদাকে
স্পর্শ কর্তে পারবে না ।—ঐ ভৈরবের কণ্ঠ, আর ভয় নাই !

রাণী । তবে আমার এ কাজ কর্তে হ'ল । তরবারি আমার দাও
[অগ্রসর হইলেন]

বিজয় । আর ভয় নাই দাদা—ভৈরব, ভৈরব ! এখানে, এখানে !

দক্ষাদলসহ ভৈরবের প্রবেশ ।

ভৈরব । কৈ ?—এই যে ! রাণি !—

রাণী । ভৈরব !

ভৈরব । তাই ত ! তারা ভাইয়ের হাত ছুথানি বেঁধেছে ।—
সত্যই ত—থুলে দে ।

(দক্ষাদল শৃঙ্খল মোচন করিতে উত্তত ।)

ভৈরব । খবদার সিপাহী সব ! এক পা এগিয়েছিষ্ কি গিয়েছিষ্ ।
ব্রজ ডাকাতের নাম শুনেছিষ্ ? আমি সেই ব্রজ ডাকাত, ঠিক সোজা
হ'য়ে দাঁড়িয়ে থাক্ !

রাণী । তুই এখানে দক্ষ্য ?

ভৈরব । কোন ভয় নাই রাণী ! আমি কারো কিছু লুট কর্তে
আসিনি । আমি চাঁকরি* ছেড়েছি, ডাকাত হইছি ; কিন্তু সুরমা আর
বিজয়ের সেই ভাইই আছি । মনে রাখিষ্ রাণী । আর দিদি, আর দাদা—
আমার সঙ্গে আর । কোন ভয় নেই ।

দ্বিতীয় অঙ্ক ।

প্রথম দৃশ্য ।

স্থান—শ্রামদেশের রাজগৃহ-প্রাঙ্গণ । কাল—প্রভাত ।

বিজয়, ভৈরব ও দুষ্ময়গণ ।

বিজয় । বন্ধুগণ তোমরা আমায় মুক্ত করেছ । তোমাদের সাহায্যে আমি শ্রামদেশ জয় করেছি । এখন তোমরা দেশে ফিরে যাও । যাও ভৈরব ! এদের দেশে ফিরিয়ে নিয়ে যাও ।

ভৈরব । কেন, দেশে ফিরে যাব কেন ?

বিজয় । তোমরা আর এখানে কি কর্কে ?

ভৈরব । যা করিনা কেন, সে খোঁজে তোর দরকার কি ?

বিজয় । দেশে ফিরে যাও ।

ভৈরব । তোর কথায় ?

বিজয় । কেন ভৈরব আর স্বদেশ ছেড়ে আমার সঙ্গে বিদেশে বিদেশে ঘুর্কে ?

ভৈরব । আমাদের খুসী, তোর তাতে কি ?

বিজয় । তোমাদের সাহায্যে আর দরকার নাই ।

ভৈরব । বেশ বলি, আমাদের আর দরকার কি ? আমরা কি ছেঁড়া জুতো যে পুরোনো হ'লেই ফেলে দিতে হবে ? আমাদের আর দরকার কি । নেমকহারাম বেটা । সাথে কি তোর বাপ তোকে মেরে তাড়িয়ে দিয়েছে । বেশ করেছে ।

বিজয় । আমারও তাই বোধ হয় ভৈরব ।

ভৈরব । কি বোধ হয় ?

বিজয় । ভৈরব আগে কখন দেশ ছাড়িনি । বুঝিনি যে দেশ কি জিনিষ । ভাবতাম যে দেশ শুদ্ধ মাটি আর আকাশ । কিন্তু এখন বুঝছি যে জন্মভূমি মানুষ, সে কথা কয়, হানে, কাঁদে, বুকে জড়িয়ে ধরে । তার চেয়েও বেশী । জন্মভূমি সাফাং না, গর্ভে ধরে, স্তন্য দেয়, বুকে জড়িয়ে ধরে । সেই দেশ ছেড়েছ তুমি আমার জন্ম । দেশে ফিরে যাও ভৈরব ।

ভৈরব । তবে তুই চল ।

বিজয় । দেশে আমার স্থান নাই । দেশের রাজা আমার প্রতি বিমুখ ।

ভৈরব । দেশের রাজপুত্র তুই, তোকে আমরা রাজা করব । ভাবিস্ কি ? আমার এই হাজার ডাকাত তোর জন্ম প্রাণ দেবে । কি বলিস্ রে ভাই সব ?

দম্মাগণ । আমরা যুবরাজের জন্ম প্রাণ দেব ।

বিজয় । না ভৈরব, সে কি কথা ? দেশে ফিরে যাও ।

ভৈরব । দেশে ফিরে যাব । কিন্তু তোকে সঙ্গে নিয়ে যাব । তোকে রাজ্য করব । তার পর প্রাণ চায় আমাদের ডাকাত ব'লে শ্রুণু

দ্বিতীয় অঙ্ক ।]

সিংহল বিজয় ।

[প্রথম দৃশ্য ।

করিস্, আমাদের ছেড়ে দিস্ । চ'লে যাবো । তার আগে নয় । কি বলিস্ সব ?

দল্ল্যগণ । তার আগে নয় ।

বিজয় । কিন্তু—

ভৈরব । বিজয় ! মিছে কেন বক্ছিস্ । তোর মা নেই । তোর বাপ নেই । আছে এক বুড়ো পুরোনো চাকর । এক চাকর । কিন্তু তার শরীরে শক্তি আছে । মনে তেজ আছে । আর বুকে ভালবাসা আছে—যা তোর নেই । সে চাকর বটে কিন্তু সে মানুষ ।

বিজয় । কিন্তু ভৈরব—

ভৈরব । আমি আর কোন কথা শুন্তে চাই না । তোর কথা শুন্লাম । আমরা তোরে ছাড়ব না । বাস্—চল্ লাঠিয়াল সব ।

[দল্ল্যসহ প্রস্থান]

বিজয় । এত স্নেহ ! এক পুরোনো চাকর ! তার এত স্নেহ ! আর নিজের বাপ !—যাক্, সে কথা ভাবব না, পাগল হ'য়ে যাব ।
[পাদচারণ] ।

বিজিতের প্রবেশ ।

বিজিত । এই যে বিজয় । এখানে এবা কি কছ' ?—ও কি ! চোখে জল !

বিজয় । না কিছু না ।

বিজিত । সৈন্ত প্রস্তুত বিজয় । এখন তুমি প্রস্তুত ?

বিজয় । বিজিত ভাই ! দরকার নেই । ভেবে দেখ্লাম—দরকার নেই ।

বিজিত । কি দরকার নেই ?

বিজয় । পিতার সহিত যুদ্ধে । যাই হোক্‌ তিনি পিতা ।

বিজিত । পিতা ! যে পিতা—কি আশ্চর্য্য যুবরাজ ! বাপ ছেলের
প্রতি বিরূপ হয় ? যে বাপের কাজ ছেলে মানুষ ক’রে তোলা, নিজের স্ব-
শাস্তি, স্বাধীনতা, ছেলের ভবিষ্যতের পায়ে বলি দেওয়া । সেই বাপ যখন
ছেলের বিপক্ষে দাঁড়ায়, সে কি অস্বাভাবিক ব্যাপার বল দেখি
বিজয় ।

বিজয় । বাবার স্বভাবই ঐ রকম । নিমেষের অদর্শনে তিনি আমার
জন্ত ভেবে আকুল । কখনও বা তিনি ঝড়েব মত অন্ধ হন । আবার
কখনও বা বৃষ্টির জায় স্নেহে গ’লে যান । তাঁর স্বভাবই ঐ ।

বিজিত । কিন্তু ছেলের বিপক্ষে—

বিজয় । না, না, ছেলের বিপক্ষে তিনি কখন নন । বিজয় ব’লতে
তিনি অজ্ঞান ।

বিজিত । তবে এই কারাগারে নিক্ষেপ—এই—

বিজয় । বিমাতা তাঁকে ঐ রকম করেছেন । তিনি ওরকম কখনও
নন বিজিত ।

বিজিত । সেই তোমার বিমাতার কবল থেকে তোমার বাবাকে মুক্ত
করবার জন্তই এই যুদ্ধ ।

বিজয় । সন্তানকে শাসন করবার অধিকার পিতার আছে । কিন্তু
পিতাকে শাসন করবার অধিকার—

বিজিত । এ ত শাসন নয় । এ পিতাকে বাঁচান, ব্যাধিমুক্ত করা—
এই পূর্ণচন্দ্রকে গ্রাহর গ্রাস থেকে উদ্ধার করা ।

বিজয় । তিনি কুপিত হয়েছিলেন । নিজের উপর প্রভুত্ব ছিল না—
তাই, নহিলে তিনি স্নেহবান্, বিজিত—বড় স্নেহবান্ ।

বিজিত । তা হ'তে পারে ।

বিজয় । তা হ'তে পারে শুধু নয় বন্ধু, তাইই ঠিক । একদিন আমি
অভিমানবশে আহা'র করিনি । প্রাসাদ পরিত্যাগ ক'রে নদীতটে দেবদারু-
মূলে ব'সে আছি, শূণ্য প্রেক্ষণে নদীর তরঙ্গক্রীড়া দেখছি, আকাশে
বকের বাঁক উড়ে যাচ্ছিল, সূর্য্যের কিরণ নদীবক্ষে নৃত্য করছিল, দূরে
পৰ্ব্বতশ্রেণী পাহারা দিচ্ছিল—আমি চেয়ে চেয়ে তাই দেখছি । হঠাৎ
পিছন দিক্ থেকে এক কোমল করস্পর্শ অনুভব করলাম—সে আমার
বাবার করস্পর্শ । আমার গণ্ডদেশে এক কোমল চুসন এসে ছড়িয়ে
প'ড়ল—সে আমার বাবার সাদর চুসন । আমি ফিরে চাইলাম । অভিমান-
কম্পিত স্বরে ডাকলাম 'বাবা' ! বাবা অমনি আমার জড়িয়ে ধ'রে
বল্লেন 'বিজয় ফিরে আয়, আমি বলিছিলাম অত্যা'য় হ'য়েছে—ফিরে আয় ।
আর কি আমি থাকতে পারি বিজিত, কেঁদে উঠলাম । বাবা কেঁদে
উঠলেন । তখন আমরা—সেই সমুদ্রতীরে, সেই মধ্যাহ্নে, সেই দেবদারু-
চ্ছায়ে, সেই—কি ব'ল'ব বিজিত—যেন আমরা আর পিতাপুত্র নেই,
আমরা দুই বন্ধু, দুই খেলার সাথী, খেলার ঝগড়া মেটাতে বসেছি ।
সেই মিলিত অশ্রুজলে আমাদের বিচ্ছেদ—

বিজিত । এখন আর তা ভেবে কি হবে । যুদ্ধে বেরিয়েছি যুদ্ধ শেষ
ক'রে তখন সে কথা শুন'ব ।

বিজয় । শোন বিজিত ।

বিজিত । শোনবার অবকাশ নেই ।

[প্রস্থান]

জনৈক ব্যক্তির প্রবেশ ।

বিজয় । তুমি বাঙ্গালী—

১ম ব্যক্তি । হাঁ আমি বাঙ্গালী । আপনি ? আপনিও কি বাঙ্গালী ?

বিজয় । হাঁ আমি বাঙ্গালী—আমাব—আপনার নিবাস সিংহপুবে ?

১ম ব্যক্তি । না মহাশয়, রাজধানীতেই আমার বাস নয় । আমার নিবাস নবদ্বীপে ।

বিজয় । মহাবাজ কেমন আছেন ?

১ম ব্যক্তি । বেশ আছেন ।

বিজয় । আর রাজপুত্র ।

১ম ব্যক্তি । নির্কাসিত ।

বিজয় । নির্কাসিত নয় । জ্যেষ্ঠপুত্র বিদ্রোহী । আর কনিষ্ঠ পুত্র ?
যুবরাজ ?

১ম ব্যক্তি । জানি না ।

[প্রস্থান]

বিজয় । বিদেশে স্বদেশীর মুখ এত প্রিয়—যাব সঙ্গে কথা কইতে
অবজ্ঞা কর্তাম, তাকে ডেকে কথা কই । তার একটা কথায় কত কবিত্ব,
কত সঙ্গীত, কত অর্থ । ঐ একটি বাঙ্গালী ।

দ্বিতীয় ব্যক্তির প্রবেশ ।

বিজয় । মহাশয় বাঙ্গালী ?

২য় ব্যক্তি । হাঁ ।

বিজয় । নিবাস ?

২য় ব্যক্তি । সিংহপুরে ।

বিজয় । মহারাজের সংবাদ জানেন ?

২য় ব্যক্তি । জানি ।

বিজয় । তিনি স্নহ ?

২য় ব্যক্তি । দেশে ত তাই বোধ হ'ল ।

বিজয় । আপনার সঙ্গে তাঁর সাক্ষাৎ হয়েছিল ? তিনি তাঁর
জ্যেষ্ঠ পুত্র বিজয়সিংহের কথা কিছু বলেছিলেন ?

২য় ব্যক্তি । না । মহাশয় আমি আসি । [প্রস্থান]

তৃতীয় ব্যক্তির প্রবেশ ।

বিজয় । এই যে একজন বাঙ্গালী—দাঁড়াও ।—তুমি সিংহপুর হ'তে
আসুছ ?

৩য় ব্যক্তি । আজ্ঞে না আমি কালী থেকে আসুছি ।

বিজয় । মহাশয়ের বাঙ্গালী পোষাক যে ?

৩য় ব্যক্তি । আমার দুর্ভাগ্য ।

বিজয় । দুর্ভাগ্য !

৩য় ব্যক্তি । দুর্ভাগ্য বৈ কি । আমাদের দেশের লোক একটু সভ্য
হ'লেই বাঙ্গালীর চালচলন অনুকরণ করে ।—তুমি কে ?

বিজয় । আমি একজন বাঙ্গালী ।

৩য় ব্যক্তি । তোমাদের রাজা সিংহবাহু ?

বিজয় । হাঁ মহাশয় ।

৩য় ব্যক্তি । যিনি রানীর বশ হ'য়ে নিজের ছেলেকে নির্বাসিত
করেছেন ?

বিজয় । তিনি নির্কাসিত করেন নাই ।

৩য় ব্যক্তি । বন্দী করেছিলেন । সেই নীচ, নরাধম, পশুর—

বিজয় । সাবধান ।

৩য় ব্যক্তি । চোখ রাজাচ্ছ ? কিংবা তুমি প্রবাসী । সিংহবাহর
কীর্তি শোন নাই । সেই রক্তপিপাসু, পুত্রঘাতী—

বিজয় । [তাহার গলদেশ ধরিয়া] সাবধান ।

৩য় ব্যক্তি । ছেড়ে দাও ।

বিজয় । না, না, মার্জনা কর বিদেশী । আমার অস্ত্রায় হ'য়েছে ।

৩য় ব্যক্তি । শুধু অস্ত্রায় হ'য়েছে ? বেশ একটু অস্ত্রায় হ'য়েছে ।
যাক্, এবার আপনাকে মাফ কর্ণাম । কিন্তু ফের যদি মহাশয় ঐ রকম
করেন, ত আর মাফ কর্ণ না জান্'বন । আমার মেজাজ বড় রুক্ষ ।

[প্রস্থান]

বিজয় । পিতাব অখ্যাতি—আব আমিই তার কারণ । পিতা !
আজ অপরিচিতের কাছে আপনার নিন্দাবাদ শুন্ছি, আর সে নিন্দাবাদ
শরের মত এখানে বিধুছে । এখন বুঝতে পারছি পিতা, যে আপনাকে
আমি কত কত ভালবাসি, কত ভালবাসি ।

বিজিতের প্রবেশ ।

বিজিত । মহারাজ সৈন্ত প্রস্তুত ।

বিজয় । সব বিদায় দাও বিজিত ।

বিজিত । সে কি মহারাজ ।

বিজয় । আমি বিদ্রোহ কর্ণ না ।

বিজিত । রাজ্যে ফিরে যাবেন না ?

[বিজয় নীরব রহিলেন]

বিজিত । গৃহহীন প্রভাড়িত হ'য়ে চিরদিন বিদেশে যাপন কর্ছেন ?

বিজয় । না, আমি পিতার কাছে ফিরে যাব । আমি গিয়ে তাঁর পা জড়িয়ে ধরব—তিনি গ'লে যাবেন । জানি তিনি গ'লে যাবেন ।

বিজিত । কিন্তু সে অশ্রদ্ধল আবার তোমার বিমাতার নিম্নাসে উত্তপ্ত হ'য়ে উষ্ণ বাষ্প হ'য়ে উঠবে । সুবরাজ ! যুক্তকর স্নেহ ও ভিক্ষার আকার ধারণ করে । তোমার পিতাকে দেখাও, যে তাঁর স্নেহদান ভিক্ষাদান নয়—এ শ্রাঘ্য অধিকার । নৈলে—

উরুবেল ও অনুরোধের প্রবেশ ।

বিজয় । কি সংবাদ উরুবেল—ও ভেরীধ্বনি !

উরুবেল । বিপক্ষশিবির ; বঙ্গরাজ সিংহবাহু আদেশ প্রচার কচ্ছেন ।

বিজয় । সত্য ! সত্য ! কি আদেশ ? মহারাজ আমার ক্ষমা করেছেন ? তাঁর বক্ষে আবার আমার ডাকছেন ?

অনুরোধ । না সুবরাজ ।

বিজয় । তবে ?

অনুরোধ । মহারাজের আদেশ যে, যে সুবরাজের ছিন্নমুণ্ড নিয়ে গিয়ে মহারাজকে দেখাতে পারবে, সে সহস্র স্বর্ণমুদ্রা পারিতোষিক পাবে ।

বিজিত । কি বিজয় ! নীরব রৈলে যে ?

বিজয় । এতদূর !—বিজিত আমার মর্থা যুচ্ছে ।

বিজিত । বিজয় দৃঢ় হও । এ দৌর্বল্য তোমায় সাজে না । তুমি বীর । বঙ্গবাহন অর্জুনের বিরুদ্ধে যুদ্ধ করেছিলেন । যুদ্ধে জ্ঞাতিত্ব নেই ।

দ্বিতীয় অঙ্ক ।]

সিংহল বিজয় ।

[দ্বিতীয় দৃশ্য ।

বিজয় । ঠিক বলেছ বিজিত ।

বিজিত । ঐ শুন তুরীধ্বনি । যুবরাজ যুদ্ধে অগ্রসর হোন ।

বিজয় । যুদ্ধে অগ্রসব হও । কার্য্য চাই, কার্য্য চাই । না হ'লে
নিজের বেদনার ভারে নিজে হয়ে প'ড়ব । আর পারি না । সৈন্ত
সাজাও, সৈন্ত সাজাও ।

দ্বিতীয় দৃশ্য ।

—(*)—

স্থান—লঙ্কা, সমুদ্রতীর । কাল—প্রভাত ।

কুবেরী ও সখীগণ ।

সখীগণেব গীত ।

যাচ্ছে ভেসে সাদা সাদা নীরদ সাঁঝের কিরণমাণা ।

উড়ছে যেন বিশ্বাশাতার শুভ্ররঙ্গিন জয়-পতাকা ।

আঁষ লো মোরা সঙ্গে ভেসে, চলে' যাই ঐ পরীর দেশে ;

মলয় হাওয়ায় গা ঢেলে দেই, নীল আকাশে মেলিয়ে পাখা ।

দেখনা কেমন দেখ্তে মানুষ দেখনা কেমন দেখ্তে ধরা ।

জীবনটা কি শুধুই ভাবা, শুধুই নীবস কার্য্য করা ?

কি হবে রে সে সব জেনে, নে রে জীবন ভোগ করে' নে,

নৈলে জগৎ শুধুই ধূলা, জীবন শুধুই বেঁচে থাকা ।

কুবেরী । সঙ্ক্যার' কিরণ আসি' চুঁষিছে ধরণী

অরঙ্গিত নীলসিদ্ধু কাঁপিছে আলোকে ।

জুমেলিয়া । সত্য সখি ।

কুবেণী । সমুদ্রশীকরমিথ্য বহিছে বাতাস
শিহরিয়া কলেবর ।

জুমেলিয়া । সুন্দর বাতাস !

কুবেণী । সুন্দর ! সুন্দর সখি ? বিষাক্ত বাতাস ।

জুমেলিয়া । কেন সখি !

কুবেণী । না, না ভ্রম ! এ বাতাস নহে, এ বাতাস নহে সখি—

জুমেলিয়া । তবে ?

কুবেণী । কণ্টকিত শূণ্য স্থল, অলক্ষ্যে বিস্থত
বৃশ্চিক-দংশন-জালা !

জুমেলিয়া । কি আশ্চর্য্য সখি !

কুবেণী । কেন, কি আশ্চর্য্য সখি ?

জুমেলিয়া । হতাশ প্রণয়ে

শুনি এইরূপ হয় ; দাম্পত্য কলহে
এইরূপ হয় শুনি ; অন্তিমে পাণীর
এইরূপ হয় শুনি । কিন্তু সুখে, সুখে
কনকপালঙ্কে শুয়ে রাজভোগ সেবি'
নিষ্কর্ম্মার এইরূপ হয়—সে সজনি
এ প্রথম দেখ্লাম । এ নূতন ব্যাপার ।

কুবেণী । নূতন ব্যাপার বটে ।

বালিকা বয়সে হেন অমুভব আমি
কখনও করি নাই । একি অস্থিরতা—

একি ব্যাকুলতা—সখি বুঝতে না পারি ।

ক্ষণে ক্ষণে ঘেন বা নিশ্বাস রোধ হ'য়ে

আসে সখি ।

জুমেলিয়া । কাহারে কি ভালবাসিয়াছ ?

কুবেণী । আমি ভাল বাসিব ! সে ধাতু দিয়ে গুড়ন নি কতু

বিধাতা আমারে । ভালবাসিব কাহারে ?

কে আছে জগতে, পারে এ ভালবাসার

বহিতে উদ্দাম ভার ? কে আছে জগতে,

সহিতে পারিবে তার প্রবল ঝটিকা ?

জুমেলিয়া । কেহ নাই ?

কুবেণী । কেহ নাই ।

জুমেলিয়া । অসীম জগতে

কেহ নাহি পারে ভালবাসিতে কাহাকে ?

কুবেণী । অসীম জগতে । এরে বল কি জগৎ ?

এই এক ক্ষুদ্র দ্বীপ ! এই দ্বীপটুকু,

তরঙ্গপ্রাচীরে ঘেরা এই কারাগার,

ইহারে জগৎ বল তুমি ? দ্বিক্ সখি ।

জুমেলিয়া । 'কি হেতু ? আব কি চাও ?

কুবেণী । কি চাই শুনিবে ?

আমি চাই ছুটে যেতে অব্যবহিত গতি

অসীম অনন্ত মুক্ত ব্যাপ্তির উপর দিয়া

অনন্ত কিরণে । চাই চলিয়া যাইতে

দলিয়া চরণতলে ঐ ঘন নীল
প্রসারিত উদ্বেলিত স্ফীত সঙ্কুচিত
প্রস্থাসিত সমুদ্রের তরঙ্গগর্জ্জন ।
আমি চাই দেখিতে কি আছে পরপারে—
কি গুপ্ত সৌন্দর্য্য রাশি, বিচিত্র সঙ্গীত,
বিশাল আলোক ছন্দ, মৃদু গন্ধবহ—
কিস্ত হায় ! সে বাসনা মরে গুমরিয়া
নিভৃত অন্তরে !

জুমেলিয়া । ঐ রাজপুত্র আসে ।

কুবেণী । কে আসে ?

জুমেলিয়া । কুমার ।

কুবেণী । জয়সেন ?

জুমেলিয়া । জয়সেন ।

কুবেণী । আশ্রক, আসিতে দাও, উন্মাদ প্রলাপ তার
ভাল লাগে । রাজপুত্র নিরীহ সরল ।

জুমেলিয়া । তুমি সর্ব্বনাশ তার কবিয়াছ সখি ।

কুবেণী । কেন, আমি কি করেছি ?

জুমেলিয়া । যাহা করিবার,

ঐ রূপ আঁকিয়াছ চিত্তপটে তার ।

২ সখী । তদবধি তার চক্ষে নিদ্রা নাই আর—

৩ সখী । ক্ষুধা নাই, তৃষ্ণা নাই, কস্ম নাই তার,
পাগলের মত চাহে, উন্মাদেব মত

কথা কহে, বাতুলের মত সদা হাসে,
রমণীর মত কাঁদে ।

কুবেরী । কেন সহচরী ?

৪ সখী । হতভাগ্য পুরুষের স্বভাব সজনি ।
যদি কোন রমণীর—অবশ্য যুবতী—
যুবতীর নাসা হয় তিলফুল সম
চক্ষু হৃদ নীলপদ্ম-পলাশ-সঙ্কাশ
আজ্ঞারুলম্বিত ঘন কুঞ্চিত চিকুর
পকবিশ্ব সম বস্ত্র সরস অধর
আর যাবি কোথা ! তায় দেখিয়া সজনি
বায়ুবেগে যেন তার দ্বর্ণিত মস্তক
ঘন ঘন হৃৎকম্প, উন্মত্ত হইতে
সমুদ্রত—বিমুচ্ছিত ।

কুবেরী । বুঝিতে পারি না
কি হেতু তাহার এই অবস্থা সজনি !

১ সখী । তুমিই কারণ তার—

কুবেরী । আমিই কারণ ?
কি প্রকার ?

২ সখী । তুমি হাস করিয়াছ তার
সর্বনাশ সখি !

কুবেরী । আমি ?

৩ সখী । রূপবিদ্ধ করি’

তাহাকে—বেচারী ।

৪ সখী । আহা—নেহাইৎ বেচারী

কুবেণী । কি বলিলে জুমেলিয়া ? এই জয়সেন—

ভালবাসে‘আমারে সে !—

১ সখী । ভালবাসে সখি—

কুবেণী । কুগ্রহ তাহার তবে অতি সন্নিকট ।

১ সখী । কি হেতু ?

কুবেণী । পতঙ্গ যবে চাহে ঝাঁপ দিতে

জলন্ত অনলে, তার কি ঘটে সজনি ?

১ সখী । মরণ ?

কুবেণী । মরণ সখি । ভুবনে রমণী

আছে যারা, চায় শুদ্ধ—

জয়সেনের প্রবেশ ।

কুবেণী । কি সংবাদ জয়সেন ?

জয়সেন । একটা শ্রামাপাখী ঐ গাছে ব’সে ছিল ।

কুবেণী । ছিল নাকি ? তারপর কি কর্ণ ? শিষ্য দিল না ?

জয়সেন । উড়ে গেল ।

কুবেণী । বেশ করেছে । আর কোনও সংবাদ আছে জয়সেন ?

জয়সেন । আমি গান গাইতে জানি ।

কুবেণী । জান ? একটা গাও দেখি ।

জয়সেন একটি গীত আরম্ভ করিতেই কুবেরী তাহাকে থামাইয়া কহিলেন “তোমার স্বর বেশ মিষ্ট—”

জয়সেন । [সাগ্রহে] মিষ্ট ? আমার গান শেখাবে ?

কুবেরী । শেখাব । তুমি পড়াশুনো কখন কিছু করনি কেন ?

জয়সেন । আমি তোমার কাছে শিখ্ব ।

কুবেরী । আমি কি তোমার গুরুমহাশয় ?

জয়সেন । তুমি আমার—তুমি আমার ভালবাস না ?

কুবেরী । বাসি বৈকি । আর তুমি ?

জয়সেন । আমি ? কুবেরী ! জান কি—

কুবেরী । কি ?

জয়সেন । তুমি আমার কুবেরী । ভাষায় প্রকাশ কর্তে পারছি না ।

আমি তোমার পানে চাইলে—ভাব উপরে অশিক্ষিত । কিন্তু শিখিয়ে নিও কুবেরী । তোমার কাছে—কুবেরী তুমি আমার বিয়ে কর্কে ?

[কুবেরী উচ্চ হাস্য করিলেন]

কুবেরী । তোমার বিয়ে কর্কে আমি ? জয়সেন এ খেয়াল তোমার মনে এল কোথা থেকে ? ওকি কাঁদছ কেন ভাই ? এস চোখের জল মুছিয়ে দিই । যাও বাড়ী যাও, ছোট ভাইটি আমার । আমি বিয়ে কর্কার অণু তৈরি হই নাই ।

কালসেন ও বসুমিত্রার প্রবেশ ।

বসুমিত্রা । কুবেরী এখানে ? আমি সমস্ত দিবস

অন্বেষণ করিতেছি তোমাতে প্রাসাদে ।

কুবেরী । কেন মা ?

কালসেন । কুবেরী ! তুমি রাজার নন্দিনী,
নিতাস্ত বালিকা নহ ; সাজেনা তোমাং
এই হীন আচরণ—

কুবেরী । [উঠিয়া] হীন আচরণ !

মহারাজ— ৫৭

কালসেন । অকস্মাৎ একি ! উঠিলে যে
দলিতফণিনীসম ফণা বিস্তারিয়া ?
হীন আচরণ আমি কহি পুনরায় ।
বয়স্থা কুমারী তুমি, ছাড়িয়া প্রাসাদ
ভ্রম অব্যবহিতগতি কাস্তারে, প্রান্তরে,
সাগরসৈকতে, বনে, পর্বত-শিখরে ।

কুবেরী । এইমাত্র ! সত্য কথা, তাহাতেও আমি
তৃপ্ত নহি মহারাজ ! দেহের বন্ধন
বাধিয়া রেখেছে মর্ত্যে, দৈহিক দৌর্বল্য
আমারে করেছ বন্দী । নহিলে ভূপতি !
আমি চ’লে যেতে চাই, দলি’ পদতলে
ঐ মহানীল সিঁধু, ভেসে যেতে চাই,
পক্ষ বিস্তারিয়া ঐ দূর নীলাকাশে—
যতক্ষণ চক্ষু মম এ ক্ষুদ্র পৃথিবী
নাহি লুপ্ত হ’য়ে যার । ছুটে যেতে চাই,
নক্ষত্রমণ্ডল হ’তে নক্ষত্রমণ্ডলে ;
জীবন হইতে মৃত্যু, মরণ হইতে

জীবনে ; আবার জন্ম হ'তে জন্মান্তরে ;
 জান কিহে মহারাজ ! নিয়ত আমার
 জীবন, হৃদয়, প্রাণ—নিয়ত আমার—
 দগ্ধ হ'য়ে যায় শ্বেতদীপ্ত বহিস্রম
 তীব্র আকাজক্ষায়, নিত্য ক্ষয় হ'য়ে যাত্রি,
 জান কি, জান কি ? না, না, তুমি কি জানিবে ?
 কালসেন । স্তব্ধ হও । আসি নাই শুনিতে হেথায়
 তোমার প্রলাপ ।

কুবেরী । তবে ?

বসুমিত্রা । কহিতে তোমাঙ্গ

কর্তব্য তোমার কন্যা—

কুবেরী । কর্তব্য আমার !

বুঝিয়াছি পিতা । কহ কর্তব্য আমার

বুঝিয়াছ যদি । আমি কিছু বুঝি নাই ।

বসুমিত্রা । কুবেরী বিবাহ কর ।

কুবেরী । বিবাহ ! বিবাহ !

বন্ধনের উপরে বন্ধন ! সাধ করি'

'মুপকাণ্ঠে গলদেশ বাড়াইয়া দিতে

অধম পশুর মত ! ক্ষমা কর মাতা !

বন্ধ আছি কাবাগারে, তছপরি বেড়ি

দিও না চরণে বাঁধি' দিও না জননি !

কালসেন । কি কহিছ রাজকন্যা !

কুবেণী । তুমি বুঝিবে না ।

কালসেন । শুন কত্তা ! তোমারই মঙ্গল কামনার
কহি আছি, কর পরিণয় ।

কুবেণী । কি কারণ ?

মহারাজ ! কি করেছি আমি—

কোন্ মহা অপরাধ ?

কালসেন । কর পরিণয় । করিয়াছি পাত্র স্থির ।

কুবেণী । [চমকিয়া] পাত্র স্থির ! কে সে পাত্র ?

কালসেন । সুবরাজ ।—ওকি ?

হাস কেন ?

কুবেণী । জয়সেনে বিবাহ করিব ?

আমি রাজকত্তা ! এ ত পরম কৌতুক—

কালসেন । কৌতুক কুবেণী—

কুবেণী । অতি, অতি হাস্তকর ।

কালসেন । কি হেতু কুবেণী ?

কুবেণী । চেয়ে দেখ মহারাজ !

আমার মুখের পানে, আর তারপর—

তোমার পুত্রের পানে । তারপর যদি

কহিতে গম্ভীর ভাবে পারো মহারাজ !

‘এই জয়সেনে কর বিবাহ কুবেণী’

—বিবাহ করিব—সত্য বিবাহ করিব ।

—একি হাস্তকর কথা ।

কালসেন । কিসে হাশ্রকর ?

জয়সেন এ লঙ্কার ভাবী অধিপতি—

কুবেণী । যেইরূপ অধিপতি তুমি মহারাজ ?

বনুমিত্রা । ছি কুবেণী । কি কহিছ ? ইনি পিতা তব ।

কুবেণী । কি স্বপ্নে জননি ?

বনুমিত্রা । ধীরে ধীরে কথা কহ ।

কুবেণী । পিতা কি পুত্রের সঙ্গে আপন কঙ্কার

বিবাহ প্রস্তাব করে ? ইনি পিতা মম !

এই ক্ষুদ্র জীব, এই পথের ভিক্ষুক !

পথের কর্দম হ'তে শুল্লিয়া যাহারে

বসায়ের তব পার্শ্বে—ইনি পিতা মম !!!

হইতে পারেন তিনি নরপতি তব

কিন্তু নয় মম পিতা—হয় না জননী ।

কালসেন । আমার ক্ষমতা তুচ্ছ করিছ কুবেণী ?

কুবেণী । ইহাই প্রকৃত কথা । এক পিতা চিনি—

যাঁহার আদেশ তুলে লইতাম শিরে

ঈশ্বরের আজ্ঞা সম, যাঁর উপদেশ

কৌস্তভ-রত্নেব সম রাখিতাম হৃদে ;

মেহের আব্বানে যাঁর ছুটিয়া যাইয়া

ধরিতাম পদযুগ, যাঁর অশ্রু ছিল

আমার বর্ষার রাজি, ছিল হাশ্র যাঁর

শরতের রঞ্জিত প্রভাত, ছিল যাঁর

জ্ঞানগর্ভবাণী—সম সমুদ্র সঙ্গীত ;

তুষ্টিশ্বর মিষ্টতর—বসন্তের নব

পল্লবিত মুহূর্তম মর্শ্বরের মত ।

ক্লৃৎ বাণী বজ্রাঘাত ; সেই পিতা চিনি—

সেই এক পিতা চিনি । তিনি স্বর্গে । আর—

অন্য পিতা চিনি নাক ; মানিব না কভু ।

কালসেন । চিন, নাহি চিন বালা, করিতে হইবে —

পালন আদেশ তার ।

কুবেরী । তার পূর্বে রাজা

আমার গলায় দড়ি দিব ।

কালসেন । অভ্যন্তর !

বসুমিত্রা ! কত তব অবাধ্য, স্পর্কায়

টানিয়া আনিছে রাণী মৃত্যু আপনার ।

বসুমিত্রা । ক্ষান্ত হও মহারাজ ! আমি বুঝাইব—

অবোধ কথায় প্রভু !

কুবেরী । মা । আজি প্রথম

শুনলাম এই রাজ-ভিক্ষকের কাছে

কাতর কম্পিত এই কাকূতি তোমার ।

তবে কি সত্যই তুমি দাসী এ প্রাসাদে,

আর প্রভু এই তব নূতন ভূপতি ?

—কি ! নীরব রহিলে যে ?—ওহো বুঝিয়াছি,—

বুঝিলাম কর্তব্য আপন ।

বসুমিত্রা । বুঝিয়াছ—

বুঝিয়াছ প্রাণাধিকা ছহিতা আমার ?

কুবেণী । থাকুক—উচ্ছ্বাসে কাজ নাই মহাবাণী !

বুঝিয়াছি কর্তব্য আপন । এতদিন
জানিতাম তুমি রাজ্ঞী । আজ বুঝিলাম,
গিয়াছে সে পদ তব । আজ তুমি দাসী
আপন প্রাসাদে । তবে রাজ্ঞী ব'লে ডাকি,
শুদ্ধ সৌজন্তের জন্ত—শূণ্য সম্বোধন ।
জানিলাম কর্তব্য আপন ।

কালসেন । বুঝিয়াছ—

পালন কবিত্তে হবে আদেশ আমাব ?

কুবেণী । না—তা বুঝি নাই, তবে বুঝিয়াছি স্থিৰ,
এখানে আমাব স্থান নাই ।

বসুমিত্রা । সেকি কল্যা !

কুবেণী । * পিতৃহীনা আমি মাতা, ভাবিয়াছিলাম
মাতা আছে, ঠাঁব ক্রোড়ে পাইব আশ্রয়,
*ঔগ্ন বক্ষে সিক্ত মুখ লুকায়ে কাঁদিব ।
ভাবিয়াছিলাম, তবু আছে একজন
আমার সংসারে, পারি কহিতে যাহাবে
নিভৃত্তে প্রাণের কথা । দেখিলাম নাই,
*কেহ নাই সংসারে আমার । পিতা নাই—

ছিল মাতা, তাও নাই । জানো কি জননী—
জানো কি ? না, তুমি কি জানিবে ? এত ভাল
বাসিতে না কভু, ভালবাসিতে শিখনি—
কৌমার্য্যে হারাওনি একসঙ্গে পিতা মাতা ।
বিলাসে ক্ষুদ্রম তব, বিলাসে বর্জ্জিতা,
বিলাসে বিবাহ তব, বিলাসে বিধবা,
বিলাসের আদরিণি তুমি, কি বুঝিবে এ মুহূর্ত্তে
আমার মর্শ্বের বাথা ।

বসুমিত্রা । ক্রুদ্ধ হইও না—

কুবেরী । না, না ক্রুদ্ধ হইব না ;

উদ্ধতের প্রতি ক্রোধ সম্ভবে জননী !
ক্রোধ না সম্ভবে অতি পতিতের প্রতি ।
তোমার উপরে ক্রোধ—জানো কি জননী !
তোমার এ দাস্ত দোখতেছি, মস্তমুগ্ধ
উচ্চফণা ফণিনীর ধ্লাবলুপ্তিত
দেখিতেছি এই শির, আর মরিতেছি
মর্শ্বে মর্শ্বে গুমরিয়া ।

কলাসেন । কি করিলে স্থির ?

পালিবে কি পালিবে না আদেশ আমার ?

কুবেরী । তোমার আদেশ মহারাজ ! পদাঘাত করি ।

তোমার আদেশ ! ক্ষমা কর মহারাজ ।

কিন্তু কেন বৃথা কর উত্তেজিত মম

শৃঙ্খলিত ক্রোধের শাঙ্গুলে । মানিব না
তোমার আদেশ কভু ; যাহা ইচ্ছা কর ।

কালসেন । রাখিব তোমারে বন্দী করিয়া বালিকা ।

কুবেরী । আমারে করিবে বন্দী ! [হাস্ত] শুনিয়াছ কভু

কেহ বাঁধিয়াছে সিদ্ধ-তরঙ্গ নর্তনে,

কেহ করিয়াছে বন্দী দীপ্তি দামিনীর

প্রলয় মেঘের রোল—ঝঙ্কার গর্জনে ?

লঙ্কার রাজ্যীর পতি ! তোমার এ আশ্চর্য্যন

তুচ্ছ জ্ঞান করি । কিন্তু রহিব না আমি

আঙুলিয়া ক্রোধভরে তোমার সম্পৎ—

তোমার স্ত্রের পথ । দেখিবেনা আর

কুবেরীর কৃষ্ণছায়া লঙ্কার প্রাসাদে ।

বসুমিত্রা । সে কি কন্যা ? কোথা যাবে ?

কুবেরী । কোথায় জানি না । কিন্তু কোথা নহে জানি—

নহে আর লঙ্কার প্রাসাদে ।

বসুমিত্রা । সে কি বৎসে !

কুবেরী । জননী বিদায় তবে ।

বসুমিত্রা । সে কি কুবেরী ; আমারে

ছাড়িয়া কোথায় যাবে অবোধ বালিকা ?

গৃহে চল বালা—

কুবেরী । গৃহ, গৃহ নহে আর

যেইখানে স্নেহ নাই । জন্মভূমি নহে

জন্মভূমি—আর ; যেইখানে স্নেহ নাই,

যেইখানে স্নেহ নাই, মাতা নহে মাতা ।

—জননী ! বিদায় দাও ।

[প্রস্থান]

তৃতীয় দৃশ্য ।

স্থান—কারাগার । কাল—মধ্যাহ্ন ।

সিংহবাহ ও অমুরোধ ।

সিংহবাহ । আমি কার বন্দী বলে ?

অমুরোধ । মহারাজ বিজয়সিংহের ।

সিংহবাহ । মহারাজ বিজয়সিংহ ! কোথাকার মহারাজ ?

অমুরোধ । বঙ্গদেশের মহারাজ ।

সিংহবাহ । বঙ্গদেশের মহারাজ ত আমি ।

অমুরোধ । আজ্ঞে—

সিংহবাহ । বল “মহারাজ !” বঙ্গদেশের মহারাজ একা আমি ।

ব্রহ্মাণ্ডের উপরে এক জৈশ্বর—তাই জৈশ্বর নাই । আকাশে এক সূর্য্য ।

রাজ্যের এক রাজা । গৃহের কর্তা একজন, হুজন হয় না । যতদিন

জীবিত আছি, বঙ্গদেশের রাজা একা আমি ।

অমুরোধ । আর বিজয়সিংহ ?

সিংহবাহ । দস্যু । যে এই সোণার বঙ্গভূমি লুণ্ঠ করে’ নিরেছে,

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

আমার রাজ্য 'কেড়ে' নিরেছে । কিন্তু মাণিক—এ চুরি গেলেও সেই মাণিক, মাণিকই থাকে । আমি পরাজিত হই, পদচ্যুত হই, বন্দী হই, যা'ই হই—যত দিন বেঁচে আছি, একা আমি মহারাজী । বিজয়সিংহ নয়, মনে রেখ ।

অনুরোধ । বিজয়সিংহ আপনার পুত্র ।

সিংহবাহ । বাপ বেঁচে থাকতে মহারাজের পুত্র মহারাজ হয় না,—
যুবরাজ হয় । মহারাজ আমি ।

অনুরোধ । উত্তম, পদবীর বিচার কর্তে এখানে আসি নাই ।
মহারাজ বিজয়সিংহ বলে' পাঠিয়েছেন—

সিংহবাহ । বল যুবরাজ বিজয়সিংহ ।

অনুরোধ । তিনি বলে' পাঠিয়েছেন—

সিংহবাহ । আগে বল যুবরাজ বিজয়সিংহ বলে' পাঠিয়েছেন ; নৈলে,
চলে' যাও । আমি তোমার কোন কথা শুন্তে চাই না । চলে' যাও—

অনুরোধ । আশ্বে আমি ভৃত্য মাত্র ।

সিংহবাহ । আমার কাছে কেউ নাই যে এই ব্যক্তিকে কায়দা
শেখায় । মহারাজের সঙ্গে কথা কৈতে, আগে জাহ্নু পেতে মহাবাজ বলে'
শুক কর্তে হয় । বল মহারাজ, যুবরাজ বিজয়সিংহ নিবেদন করে'
পাঠিয়েছেন যে—'তারপর বলে' যাও ।

অনুরোধ । উত্তম, যুবরাজ বিজয়সিংহ বলে' পাঠিয়েছেন যে, তিনি
একবার মহারাজের সাক্ষাৎ চান । যদি মহারাজ দয়া করে' একবার—
রাজসভায় আসেন—

সিংহবাহ । রাজসভায় ?

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

অনুরোধ । অর্থাৎ যুবরাজের কাছে আসেন ।

সিংহবাহ । কে যাবে ? কার কাছে ? মহারাজ যাবে,—যুবরাজের কাছে ?—বলগে যুবধাঁজকে, যে এরকম দস্তুর নাই ! তার কিছু আবেদন থাকে, এখানে এসে প্রকাশ করুক ।

অনুরোধ । এ কারাগার—

সিংহবাহ । আমি যেখানে থাকি সেখানেই আমার রাজত্ব । এই কারাগারই এখন আমার রাজ্য । আর এই সিন্দুক [বসিয়া] আমার সিংহাসন । এখানে বসে' আমি তার নিবেদন শুনুবো ।

অনুরোধ । তবে মহারাজ এইখানেই তাঁর সঙ্গে সাক্ষাৎ কর্কেন ?

সিংহবাহ । এইখানেই ।—যাও ।—না—যাও, তাকে এখানে পাঠিয়ে দাও । আমি তার বক্তব্য শুনুবো ।

অনুরোধ । যে আজ্ঞা মহারাজ ।

[প্রস্থান]

সিংহবাহ । এতদূর দর্প হয়েছে তার ! এত দস্ত ! [ক্রুদ্ধভাবে পরিক্রমণ]

সুরমার প্রবেশ ।

সিংহবাহ । কে !

সুরমা । আমি সুরমা ।

সিংহবাহ । সুরমা কে ?

সুরমা । আপনার কন্যা সুরমা ।

সিংহবাহ । ওঃ—এখানে কি প্রয়োজন ?

সুরমা । কন্যা পিতার কাছে কি বিনা প্রয়োজনে আসে না ?

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

সিংহবাহ । তোমার তারা বন্দী করেনি ?

সুরমা । ভাই ভগ্নীকে বন্দী কর্বে !

সিংহবাহ । না ! শুধু পুত্র পিতাকে বন্দী কর্বে । এই মানব শব্দ শাস্ত্রে লেখে—না ?

সুরমা । আপনি বন্দী ?

সিংহবাহ । এই দেখ্ সুরমা । তারা আমার পায়ে শেকল পরিয়ে দিয়েছে, হাত বেঁধে দিয়েছে । [অশ্রুগদগদস্বরে] হাত বেঁধে দিয়েছে, এই দেখ্ !

রাণীর প্রবেশ ।

রাণী । কঁাদছ ? মেয়ের গলা ধরে শিশুর মত কঁাদছ মহারাজ ! ছেলে বাপের উপর চোখ রাঙায় আর বাপ কঁাদে—এই আমি প্রথম দেখ্লাম ।

সুরমা । কার কুমন্ত্রণায় এই রকম হয়েছে মা ?

রাণী । আমার ?

সুরমা । নিশ্চয়ই ; দাদা আমার তেমন দাদা নয়—বাবা বলে' অজ্ঞান । তুমি বাপকে ছেলের পর করেছো, ছেলেকে বাপের বিরুদ্ধে উত্তেজিত করে' তুলেছ, দুটো স্নেহাদ্র'হৃদয়কে আগুন করে' তুলেছ । ধন্য তুমি !

রাণী । মায়ের প্রতি কতবার উপযুক্ত উক্তি বটে, উচিত আচরণ বটে ! হৃদীনে স্নেহভ্রাতা সাস্থনা দেয়,—ভৎসনা করে না ।

সুরমা । সাস্থনা !—তাই দিতে এসেছিলাম, আমার সহ বেদন্যুর অশ্রুজলে পিতার হৃদয়ের ক্ষত ধুয়ে দিয়ে স্নেহের প্রলেপ দিতে এসেছিলাম,

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

কিন্তু বজ্রের মহারাজের—আমার পরম স্নেহাস্পদ পিতার হাত বাঁধা দেখে
আমার নিজের অশ্রু শুকিয়ে গেছে । বাবা—তোমার এ অপমান !

রাণী । এই পুত্র বলতে মহারাজ চিরদিন যে অজ্ঞান ! রাজ্যের
ভিতরে তার দুর্দান্ত উপদ্রবে রাজ্যকে অরাজক করে' তারপর—রাজ্যের
বাহিরে গিয়ে সেই অরাজক রাজ্যকে ভেঙে চূরে ভাসিয়ে দিতে বসেছে ।
এ পুত্র না শত্রু ?

সিংহবাহ । কথা কোয়োনা রাণী ।

রাণী । কেন কৈব না—

সিংহবাহ । চুপ !

সুরমা । বাবা !

সিংহবাহ । চুপ সুরমা ! আমার মধ্যে রক্তস্রোত টগবগ করে' ফুটেছে,
মাথায় আগুন ছুটেছে । আমি বিজয়ের কৈফিয়ৎ চেয়ে পাঠিয়েছি ।

রাণী । সে কৈফিয়ৎ দেবে ! সে এতক্ষণ দস্তু-পরিবৃত হ'য়ে রাজ-
সিংহাসনে বসে' বিজয়ের অট্টহাস্ত ধ্বনিতে সভাগৃহ ধ্বনিত কচ্ছে' ; সে
পিতৃহত্যার মন্তণা কচ্ছে' ।

সুরমা । অসম্ভব !

রাণী । [রাজার দিকে অঙ্গুলি নির্দেশ করিয়া] এ সম্ভব বিবেচনা
করেছিলে ? তোমার পিতার হাতে রজ্জু, পায়ে শিকল—এ সম্ভব
ভেবেছিলে সুরমা !

সুরমা । মা তুমি আবার কি মন্তণা কচ্ছে' ? আর কি সর্বনাশ কর্কে' ?

রাণী । আমি ত সর্বনাশই করছি ! আর তোমার গুণনিধি ভাই
রাজ্যের ইষ্টদেব, পুণ্যের কলতরু—

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

সিংহবাহ । চুপ্—বিজয়সিংহ আসছে ।

অনুরোধ ও উরুবেলের সহিত বিজয়সিংহের প্রবেশ ।

সুরমা । দাদা ! দাদা ! এ কি ?

বিজয় । কি সুরমা ? দাঁড়াও ।—বাবা—[প্রণাম]

রাণী । উত্তম অভিনয় ।

বিজয় । কে মহাবাণী ! মহারাণী মহারাজার কক্ষে কেন
অনুরোধ ? মহারাণীকে কক্ষান্তরে নিয়ে যাও উরুবেল !

উরুবেল । আসুন মহারাণী ।

সুবমা । দাঁড়াও । দাদা ! এ সব কি ? তোমার স্বারা এও কি
সম্ভব ?

বিজয় । কি সম্ভব নয় সুরমা ? যে একটা দুঃখাচ্ছন্ন পরিবারের শনি
হ'য়ে প্রবেশ করে, যে মাতৃহীন অভাগা পুত্রের কাছে থেকে তাব বাপকে
ছিনিয়ে নেয়, পুত্রের অন্ধকারে সেই একদীপ, তাও নির্বাণ করে', তাকে
অন্ধ করে' দেয়, যে বাপকে ছেলের পর করে, তার প্রতি কি অত্যাচার
আচরণ হয়েছে ভয়ী !

সুরমা । কিন্তু—

বিজয় । দাঁড়াও ।—হাঁ সমুচিত আচরণ এখনও হয় নি । দেখ্বে ।
পরে দেখ্বে—এখনও হয় নি ।

সুরমা । কিন্তু মহারাজের প্রতি ?—

বিজয় । বিদ্রোহ করেছি ? কেননা দেখেছি ভিক্ষা নিষ্ফল ।

সুরমা । কিন্তু তাঁকে এই কারাগারে নিক্ষেপ করে' তাঁর হাতে পুণ্য
শিকল পরানো !—

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।

বিজয় । [সাত্তিকস্বরে] সে কি ! [নিরীক্ণ করিয়া] তাইত ।
কে বাবার হাত বেঁধে দিয়েছে—অনুরোধ ?

অনুরোধ । আমি বুঝিলাম যুবরাজের আজ্ঞাক্রমে সে কাজ
হয়েছে ।

বিজয় । আমি আজ্ঞা দেবো বাবাকে বাঁধতে ! অনুরোধ ! এতদিনে
আমার চিন নি ?

অনুরোধ । যুবরাজ এ আজ্ঞা দেন নি ?

বিজয় । আমি আজ্ঞা দিয়েছিলাম, রাণীকে বাঁধতে । বাবা ! কোন
মহাত্মমে এ কাজ হয়েছে । আমি নিজে এ বন্ধন খুলে দিচ্ছি । [উক্তবৎ
কার্য্য] এই বেড়ী মহারানীকে পরিয়ে দাও সুরমা ।

সুরমা । সে কি দাদা ?

বিজয় । তুমি বাবাকেও জানো দাদাকেও জানো । যা গোঁ তা
করুই । দাও পরিয়ে দাও ।

সুরমা । এ কাজ আমাদের হবে না ।

বিজয় । তবে আমাকেই এ কাজ কর্ত্তে হোলো [বন্ধন পরাইয়া
দিলেন] এখানেই শাস্তির শেষ নয় মহারানী ! কাল প্রজাবর্গ সমক্ষে
মহারানীর মন্তক মুগুন করে' সহরের বাহির করে' দেওয়া হবে ।
নিয়ে যাও মহারানীকে । [অনুরোধ মহারানীকে লইয়া গেল]

বিজয় । এখন, বাবা আমার নিবেদন আছে ।

সিংহবাহ । বন্দী অবস্থায় আবেদন শোনা দস্তুর আছে কি বিজয়-
সিংহ ?

বিজয় । মহারাজ বন্দী নন । মহারাজ পূর্বে য়ে রূপ মুক্ত ছিলেন,

দ্বিতীয় অঙ্ক ।]

সিংহল বিজয় ।

[তৃতীয় দৃশ্য ।]

আজও তেমনি মুক্ত । শুদ্ধ মহারাণীর সমক্ষে যাবার অধিকার
নাই ।

সিংহবাহ । কার আজ্ঞায় ?

বিজয় । আমার আজ্ঞায় ।

সিংহবাহ । আমার চক্ষের সন্মুখে তোমাত্ত হুকুম খাটাচ্ছ বালক !
স্পর্ধা বটে ! যে পিতার হাত পা বাঁধতে পারে, সে কি না পারে ?

বিজয় । আমার আজ্ঞায় কি জ্ঞাতসারে এ কাজ হয় নি । আমার
বিশ্বাস করুন মহারাজ ।

সিংহবাহ । হোক না হোক, একই কথা ।

বিজয় । আমার মার্জনা করুন ।

সিংহবাহ । তারপর ?

বিজয় । আমার আবেদন শুনুন ।

সিংহবাহ । বঙ্গের মহারাজ সিংহাসনে বসে' আবেদন শোনে !

বিজয় । উত্তম, তবে তাই শুনবেন । বঙ্গের সিংহাসন অধিকার
করে' বসি নাই—রাজ্যে আমার স্পৃহা নাই । শুদ্ধ এক অধিকার
চাহি । সে অধিকার থেকে কেউ আমার বঞ্চিত কর্তে পাবে না ।
মহারাজ নিজেও নয় ।

সিংহবাহ । বিজয়সিংহ, তুমি রাজদ্রোহী । তার বিচার কর্ব ।
তার পর তোমার আবেদন শুনবো ।

বিজয় । উত্তম, বিজিত ! মহারাজ মুক্ত ও স্বেচ্ছাগতি । প্রণাম
মহারাজ !

[প্রস্থান]

সিংহবাহ । 'সেই দর্প । সেই অভিমান ! আমার পণ্ডিত গলে'

দ্বিতীয় অঙ্ক ।]

সিংহল বিজয় ।

[চতুর্থ দৃশ্য ।

বাচ্ছে । আমার হৃদয় গলে' যাচ্ছে—আমার পুত্র বটে ! সুরমা ! কত
আমার !

সুরমা । বাবা ! 'দাদা মহৎ, তাঁকে ক্ষমা করুন ।

সিংহবাহু । রাগ জল হ'য়ে গেল—জল হ'য়ে গেল ।

চতুর্থ দৃশ্য ।

কালসেন ও বিরূপাক্ষ কথোপকথন করিতেছিলেন ।

কালসেন । কুবেরের কোন সন্ধান পাও নাই ?

বিরূপাক্ষ । না মহারাজ ।

কালসেন । খোঁজ করেছ ?

বিরূপাক্ষ । করেছি । নগরে, গ্রামস্তরে, পর্বতে, গ্রামে, অরণ্যে,
সর্বত্র খোঁজ করেছি ।

কালসেন । যাও !—না, শোন ! হারীতকে সপরিবারে ধরে
আন ।

বিরূপাক্ষ । যে আজ্ঞে মহারাজ ।

কালসেন । তাকে সপরিবারে শূলে দেবো । তার গচ্ছিত সম্পত্তির
সন্ধান এবার দেয় কিনা দেখি । যাও ধরে নিয়ে এস ।

বিরূপাক্ষ । যে আজ্ঞা ।

[প্রস্থান]

কালসেন । প্রজাদের স্পর্ধা চূর্ণ কর্ব । কুলবধূদেয় কলঙ্কিত

দ্বিতীয় অঙ্ক ।]

সিংহল বিজয় ।

[চতুর্থ দৃশ্য ।

কৰ্ণ । গ্রাম পুড়িয়ে ছারখার করে' দেবো । চরম রাজত্ব করছি ! কে ?
জয়সেন ?

উদ্ভ্রান্ত ভাবে জয়সেনের প্রবেশ ।

কালসেন । জয়সেন ! এ বেশ !

জয়সেন । তাইত মহারাজ ! বদলে আসি । [গমনোদ্যত]

কালসেন । দাঁড়াও—শোন জয়সেন ! তোমার দিন দিন পাথুর
মুখ, শীর্ণ তনু, অপাঙ্গে কালিমা—তোমার হয়েছে কি ?

জয়সেন । কৈ ! কি হয়েছে ?

কালসেন । খেতে পাওনা ?

জয়সেন । পাই বৈ কি ? মহারাজ ! কুবেরীর সন্ধান পেয়েছি ।

কালসেন । সে কি ! ক্রোধায় কুবেরী ?

জয়সেন । জলধির তলে ।

কালসেন । সে কি ?

জয়সেন । দেখেছি । কাল সন্ধ্যাবেলায় সমুদ্রের কূলে দাঁড়িয়ে
ছিলাম—তাকে দেখলাম ।

দূরে বসুমিত্রার প্রবেশ ।

কালসেন । সে কি !

জয়সেন । কুবেরীসিদ্ধ থেকে সূর্য্যোর মত উঠল । তারপর সমুদ্রের
উপর দিয়ে হেঁটে এসে আমার হাত ধল', আমার পানে অনেক ক্ষণ চেয়ে
রইল । তারপর ধীরে ধীরে গিয়ে জলধির জলে আবার মিলিয়ে গেল ।
তারপর আকাশ পানে চাইলাম । সেখানে দেখলাম, উজ্জ্বল কনক
বেশে ভূষিত কুবেরী—শেষে আকাশে মিশে গেল ।

‘ দ্বিতীয় অঙ্ক ।]

সিংহল বিজয় ।

[চতুর্থ দৃশ্য ।

কালসেন । কি বলছ জয়সেন ! প্রলাপ বোকো না ।

জয়সেন । সত্য দেখ্লাম ।

কালসেন । যাও বৈশ পবিবর্তন করে’ এস ।

জয়সেন । মহারাজ ! স্পষ্ট দেখ্লাম ।

কালসেন । যাও জয়সেন ।

[জয়সেন ধীরে ধীরে গ্রস্থান করিল]

কালসেন । শুনলে বহুমিত্রা ?

বহুমিত্রা । [অগ্রসর হইয়া আসিয়া] কুমার উদ্ভাস্ত—প্রেমে ।

কালসেন । অসম্ভব ।

বহুমিত্রা । অসম্ভব নয় প্রিয়তম ! তুমি প্রেমের গতি বুঝ্বে কি—
যে কখন ভালবাসে নি ।

প্রেম গোম্পদের বারি

নহে মহারাজ, প্রেম গৈরিক নিব্বরি ।

প্রেম নহে ক্ষণিকের প্রমোদ উল্লাস,

প্রেম নিত্য কর্তব্যের তীর্থ দরশন ।

কালসেন । বটে, তুমি আমার সেই রকম ভালবাস ?

বহুমিত্রা । বাসি না ? বাসি । নৈলে তোমার আমার সর্বস্ব
অর্পণ কর্তে পার্ভাম না ।

কালসেন । বটে !—কি দিয়েছ ?

বহুমিত্রা । [উত্তেজিত ভাবে] কি দিয়েছি জানো না । প্রাণ, মন,
দেহ, আত্মা, লোকলজ্জা, ধর্মভয়, বিভব, সম্পৎ, স্বর্ণলঙ্কা,—সব তোমার
পায়ে ঢেলে দিয়েছি । তার পর আবার জিজ্ঞাসা কর্ছ কি দিয়েছ ?

কালসেন । এত ।

বসুমিত্রা । তার পর—এই আমার জাতির উপর—এই তুমি রাজত্ব করছ, তাদের পদতলে দলিত করছ, তাদের ঘন আর্তনাদ—একটা জাতির আর্তনাদ, আমি কান পেতে শুন্ছি, তাদের জননী আমি—সেই আর্তনাদ শুন্ছি, শিশুর চক্ষে জননীর প্রতি সেই সজল নিফল যাক্তা দেখছি, আব কিছু কর্তে পারি না । সে হুঃখ—যে জননী, সেই বুঝে ।

কালসেন । কেন আমার হাতে এ রাজ্য দিয়েছিলে রাণী ?

বসুমিত্রা । কেন ? কেন ? কেন ? তাই আমি বাববার আপনাকে জিজ্ঞাসা করি,—প্রভাতে সন্ধ্যায় আপনাকে সেই কথা জিজ্ঞাসা করি ; অমনি হৃদয় থেকে একটা আত্মগ্লানির বৃহদ উপর দিকে উঠে গলা টিপে ধরে । নিশীথে কৃষ্ণ আকাশের পানে চেয়ে জিজ্ঞাসা করি, কেন ? অমনি বিশ্ব জুড়ে অটু হাহাধ্বনি উঠে, আর বৃকের মধ্যে রক্তের সমুদ্র ঢেউ খেলে যায় । তুমিও জিজ্ঞাসা করছ কেন !!

কালসেন । এত যদি অমুতাপ হয় ত, রাজ্য ফিরে নাও, দিচ্ছি । ফিরে নাও ।

বসুমিত্রা । তা কি যায় মহারাজ ! রমণী যা একবার দেয়,—তা কি আর ফিরে নেওয়া যায় মহারাজ ! সে যা হারায় জন্মের মত হারায় ।

কালসেন । সেটা হচ্ছে কি ?

বসুমিত্রা । ধর্ম । আমি ধর্ম হারিয়েছি ! ধিক্, শত ধিক্ আমাকে ।

কালসেন । অমুতাপ হচ্ছে ?

বসুমিত্রা । প্রথম যৌবনে একাকিনী অসহায়্য যুবতী বিধবা,—অঙ্গে অঙ্গে তরল যৌবন ছুটে যাচ্ছে, ঐশ্বর্যের মদভরে মত্ত, কামনা মদিরা

দ্বিতীয় অঙ্ক ।]

সিংহল বিজয় ।

[চতুর্থ দৃশ্য ।

পানে আলাময়, অর্কেক উন্মাদ আমি—একসঙ্গে সব হারিয়ে বেসে’
আছি । তারপর—

কালসেন । তারপর ?

বসুমিত্রা । এখন আর বলে’ কি হবে মহারাজ ! তারপর আমার
এক সম্পত্তি—আমার শেষ সম্পত্তি বলতে অলস জিহ্বা জড়িয়ে আসে—
আমার একমাত্র সন্তান আমার মৃত পতির একমাত্র স্মৃতিচিহ্ন ;—শেষরত্ন,
মুম্বুর হরিনাম—সেই কত্ৰাও আমার কামের অনলে আহতি দিয়েছি !—
ওঃ [ঘাম মুছিলেন]

কালসেন । সুন্দর ! নিজের পাপের এমন বিস্তৃত ব্যাখ্যান—মুখস্থ
পাঠের মত এমন আবৃত্তি পূর্বে কখন শুনি নি ।

বসুমিত্রা । সব গেছে । সব নাও । শুধু মহারাজ । আমার কত্ৰা
ফিরে দাও । এক কত্ৰা নিয়ে বৈধব্য সমুদ্রে ভাসলাম ;—তারপর কুল
পেলাম—ভুজঙ্গ বেষ্টিত ক্রুর গহ্বরসঙ্কুল অরণ্য । সে কত্ৰাটিকে সাপে
কামড়াল, ছটফট করে’ সে মারা গেল, আমি তাই দাঁড়িয়ে দেখলাম ।

কালসেন । অনুতাপ হচ্ছে ?

বসুমিত্রা । না, না—কি বলছি ! উন্মাদিনী ! যা গিয়েছে যাক !
তুমি থাক । তোমার ভুজঙ্গপিচ্ছিল গলদেশ জড়িয়ে থাকি । শূত্র চেয়ে
তাও ভাল, তাও ভাল ! [ক্রন্দন]

কালসেন । কঁাদ, চিরদিন কঁাদ । এ জন্মে এ রোদন আর
থামবে না । তুমি কিছু শুনেছ প্রেয়সী ?

বসুমিত্রা । কিছু না । লক্ষা সমুদ্রের জলে ডুবে যাক, এস নাথ !
আমরা প্রেমের ভরে আকাশে বিচরণ করি । যা হবার তা হবে ।

দ্বিতীয় অঙ্ক ।]

সিংহল বিজয় ।

[চতুর্থ দৃশ্য ।

কালসেন । কি বলছ প্রিয়ে ?

বহুমিত্রা । ডুবতে বসেছি, ডুব্ব, তুমিও ডুব্ব, আমিও ডুব্ব ।
এত জাতির রক্তের উষ্ণ ঢেউয়ে হুজনেই ডুব্ব । এস ডুবি । এস এই
সম্পদের পরীতশিখর থেকে হাত ধরাধরি করে' নাচতে নাচতে গভীর
গহবরে নেমে যাই । যাক লক্ষা—রসাতলে যাক ।

উৎপলবর্ণের প্রবেশ ।

কালসেন । কি সংবাদ পুরোহিত ?

উৎপল । মহারাজ ! আজ আমি পুরোহিতরূপে তোমার কাছে
আসিনি ।

কালসেন । তবে ? কি রূপে এসেছ ?

উৎপল । জাতির প্রতিভূরূপে আজ প্রজাদের দীন আবেদন
জানাতে এসেছি ।

কালসেন । কি আবেদন ?

উৎপল । তোমার স্বৈচ্ছাচার সম্বরণ কর । রাজ্যের পিতার মত
রাজ্য শাসন কর । রাজ্যের আর নিজেব সর্বনাশ ক'র না ।

কালসেন । কেন ? আমি করেছি কি ?

উৎপল । . তুমি রাজ্যে দস্যুর অধম ব্যবহার করেছ, লক্ষার ললনার
প্রতি ব্যভিচার করেছ, শিশুপূর্ণ তরুণী নিমজ্জিত করে' মজা দেখেছ ;
আর নগরে আগুন লাগিয়ে দিয়ে, সেই দৃশ্য দেখে হাততালি দিয়ে প্রেতের
ভ্রাস নৃত্য করেছ । ;

কালসেন । মিথ্যা কথা !

দ্বিতীয় অঙ্ক ।]

সিংহল বিজয় ।

[পঞ্চম দৃশ্য ।

উৎপল । সাবধান মহারাজ ! সময় থাকতে এর প্রতিকার কর ;
নৈলে এর প্রতিকার ভগবান্ কর্কেন ।

কালসেন । কি বল্ছ উন্মাদ !

উৎপল । না আমি উন্মাদ নই, আমি শুধু কালের পৃষ্ঠায় নিয়তির
অঙ্কর প'ড়ে যাচ্ছি, তোমাদের যার বর্ণপরিচয় হয়নি সাবধান, এইটুকু
বলে' যাচ্ছি, আর বেশী বলবো না ।

পঞ্চম দৃশ্য ।

স্থান—বজ্রের রাজসভাস্থান । কাল—প্রভাত ।

বিজয়সিংহ সিংহবাহুর হাত ধরিয়া সিংহাসনে বসিয়া আছেন ।

বিজয় । মহারাজ ! এই আপনার সিংহাসনে বসুন । আমি বজ্রের
সিংহাসন অধিকার কর্কার জন্ত এ যুদ্ধ করি নাই । আমি সিংহাসন চাই
না । শুদ্ধ আমি আপনার হৃদয়ে নিজের সিংহাসন দাবী করি । সে
সিংহাসন আমার । তা থেকে কেউ আমায় বঞ্চিত কর্তে পারে না—
মহারাজ নিজেও না ।

সিংহবাহ । তুমি দাবী কর বিজয়সিংহ—আশ্চর্য্য তোমার দম্ভ !
এখনও সেই দর্পিত দৃষ্টি, স্ফীত বক্ষ, উদ্ধত শির !

বিজয় । আমি আপনারই ত পুত্র ।

সিংহবাহ । আমার পুত্র বটে—

বিজয় । হাঁ আপনারই পুত্র । নৈলে, এই বাহুতে এত বল কোথা থেকে এল ? অন্তরে এই দর্প, এত স্নেহ কোথা থেকে এল মহারাজ ! আপনার পুত্র না হ'লে রাজ্যের সর্বময় কর্ত্তা হইবে সে রাজ্য আপনার পদে দান করে' আপনার স্নেহভিক্ষা করি ?

সিংহবাহ । দান ! বিজয়সিংহ ! আমি সিংহাসন এই মুহূর্ত্তে ত্যাগ করছি । পাবি, ত এই বাহুবলে উদ্ধার কর্ব । নহিলে বনে যাব । পুত্রের দান !

বিজয় । পুত্রের অর্ঘ্য । মহারাজ ! সিংহাসনে বসুন ।

সিংহবাহ । কদাপি না ।

বিজয় । মিনতি করি [কবযোড়ে] ।

সিংহবাহ । পুত্রের দান শিরে বহন কর্বে সিংহবাহ ?

বিজয় । পুত্রের অর্ঘ্য কোন পিতা চরণে ঠেলে না ।

সিংহবাহ । তার পূর্বে মৃত্যু শ্রেয়ঃ । দান !

বিজয় । পুত্রের দান কি তুচ্ছ মহাবাজ ! পিতা যে পুত্রের জন্মদান করে, আশৈশব অন্নবস্ত্র দান কবে, স্নেহদান করে, পুত্রের শিক্ষাদান করে, সে সব কি পুত্র ভিক্ষাদান স্বরূপ গ্রহণ করে মহারাজ ! সে সকল কি তাঁর প্রাপ্য নয় ? আবার বৃদ্ধ মরণোন্মুখ পিতাকে যখন পুত্র আহার, আশ্রয়, শক্তি, ভক্তি দান করে—সেই বা কি ভিক্ষা দান ? এ প্রকৃতির সাম্যতাজ্ঞ পরিশোধ । মহারাজ এ পুত্রের দান—দেবতা যেমন ভক্তের পুষ্পাঞ্জলি গ্রহণ করে—তদ্রূপ আপনিও গ্রহণ করুন । সিংহাসনে বসুন ।

সিংহবাহ । ত্বর পূর্বে প্রতিজ্ঞা কর যে, আমার আজ্ঞা রাজার আজ্ঞা বলে' গ্রহণ কর্বে ।

বিজয় । নিশ্চয় । চিরদিন যা মাথায় করে’ বহন করেছে, হৃদয়ে ধারণ করেছে, আজ তা পেশীর বল হয়েছে বলে’—রক্তের তেজ হয়েছে বলে’ কি ছুড়ে ফেলে দেব ? দিতে পারি । বিজয়সিংহ চিরদিনই আপনার প্রজা, চিরদিনই আপনার পুত্র, চিরদিনই আপনার ভৃত্য ।

সিংহবাহ । তবে শোন বিজয়সিংহ ! তোমার বিপক্ষে যে গুরুতর অভিযোগ তার কৈফিয়ৎ চাই ।

বিজয় । কিসের কৈফিয়ৎ মহারাজ !

সিংহবাহ । তুমি রাজদণ্ডে দণ্ডিত হ’য়ে কারাগার ভেঙে পালিয়েছ । তার পর, এ রাজ্যের প্রজা হ’য়ে এই রাজ্যের রাজার বিরুদ্ধে কলিঙ্গের পদ্মপাল নিয়ে বিদ্রোহের ডঙ্কা বাজিয়ে এই রাজ্য আক্রমণ করেছ । এ গুরুতর অপরাধ । এর উত্তর চাই ।

বিজয় । এর কৈফিয়ৎ দিব । কিন্তু তার পূর্বে পুত্র একবার পিতার সহিত সাক্ষাৎ ভিক্ষা করে ।

সিংহবাহ । তার অর্থ ?

বিজয় । তার অর্থ এই যে, এই মন্ত্রী, এই ভৃত্যদের, এই পারিষদ-বর্গদের বিদায় দিন । এই ঘরে একবার নিভৃত পিতা পুত্রের সাক্ষাৎ হোক । করযোড়ে মহারাজ বলে’ ডাক্‌বার পূর্বে একবার তোমার গলাটি জড়িয়ে গালের উপর গাল রেখে একবার ‘বাবা’ বলে’ ডাকি । আপনার প্রাণে আমার রাজ্য, আমার অধিকার আমি বুঝে নেই, ঐ প্রসারিত বক্ষে একবার প্রাণের উচ্ছ্বাসে, আবেগে মুখ লুকিয়ে কাঁদি, তার পর কৈফিয়ৎ দিব ।

সিংহবাহ । ভণ্ড তপস্বী—

বিজয় । না আমি ভণ্ড নই । আমি উদ্ধৃত হ'তে পারি, মৃত হ'তে পারি, নরহস্তা হ'তে পারি । শুধু আমি ভণ্ড নই । রাজা ! আমি তোমায় বড় ভালবাসি ।

সিংহবাহ । তার প্রমাণ যথেষ্ট দিয়েছ । * এখন কৈফিয়ৎ দাও, রাজদ্রোহ গুরুতর অপরাধ ।

বিজয় । এ গুরুতর অপরাধ স্বীকার করি ।

সিংহবাহ । তার উত্তর ?

বিজয় । মহারাজের ক্ষমা ভিক্ষা করি ।

সিংহবাহ । ক্ষমা ! রাজার বিচারে ক্ষমা নাই ।

বিজয় । তবে কার বিচারে ক্ষমা আছে মহারাজ ! অশক্তের ক্ষমার মূল্য কি ? যে অত্যাচারের প্রতিশোধ নিতে পারে না, সে ক্ষমা বকক বা না বকক, সংসারের কি যায় আসে ? যে শাস্তি দিতে পারে, যে আততায়ীর পদাঘাতের ঋণ সেই আততায়ীর রক্ত দিয়ে ধোত করে' দিতে পারে, সে যদি সেই পদাঘাত ক্ষমা করে, সেইখানেই ক্ষমার প্রয়োজন—সেইখানেই ক্ষমার মাহাত্ম্য । মহারাজ ! যখন শৃঙ্খলাবদ্ধ হস্তপদে কারাগারে ছিলেন, তখন আমি মহারাজের ক্ষমা চাই নাই । মহারাজ এখন আবার বাঙ্গলার সিংহাসনে, এখন ইচ্ছা করলে, আমার শিরশ্ছেদের আজ্ঞা দিতে পারেন । এখনই ত মহারাজের ক্ষমার সময়, ক্ষমার ক্ষমতা ।

সকলে । সাধু বিজয়সিংহ ।

সিংহবাহ । বিজয়সিংহ ! আমি ক্ষমা জানি না । আমি পূর্বেরই

দ্বিতীয় অঙ্ক ।]

সিংহল বিজয় ।

[পঞ্চম দৃশ্য ।

তোমার মৃত্যুদণ্ড দিয়েছিলাম । সে দণ্ড প্রত্যাহার করলাম । কিন্তু আমি তোমায় দেশ থেকে চিরনির্বাসন দণ্ড দিলাম ।

বিজয় । দণ্ড মাথা পেতে নিচ্ছি পিতা ! আর মহারাজের রাজ্যে বিজয়সিংহের নাম কেউ শুভে পাবে না । আমি যাচ্ছি, আপনায় ছেড়ে, দেশ ছেড়ে, জন্মের মত যাচ্ছি—তবে তার আগে একবার আমার তেমনি করে’ বক্ষে টেনে নিন, যেমন আগে নিতেন, আমার স্নেহ-গদগদস্বরে তেমনি করে’, বিজয় বলে’ ডাকুন, যেমন আগে ডাকতেন—একবার, একবার—বাবা !

সিংহবাহ । দূর হও ভণ্ড ।

বিজয় । বাবা [পদধারণ] ।

সিংহবাহ । আমি তোমায় বিষচক্ষে দেখি, দূর হও ।

[পদাঘাত ও প্রস্থান]

বিজয় । এতদূর ! শেষে মহারানী তোমারই জয় ! আমারই পরাজয়, উঃ কি পরাজয় ! পিতার স্নেহভিক্ষা করে’—তার পর পদাঘাত ! আমার অগাধ স্নেহের এই প্রতিদান—জগদীশ ! এ হৃদয়ে এত স্নেহ দিয়েছিলে কেন ? পিতার পদাঘাত ! পিতার পদাঘাত !! উঃ—সর্বাক্ষে অগ্নিবৃষ্টি হচ্ছে, মাথা যুচ্ছে—কি পরাজয় !—কি পরাজয় ! উঃ—ভগবতি বস্তুকরে ! দ্বিধা হও । একি ! মাথা যুচ্ছে । একি ! [যুচ্ছিত]

উরুবল । যুবরাজ ! যুবরাজ ! হো অহুরোধ ! জল নিয়ে এসো । যুবরাজ যুচ্ছিত । জল নিয়ে এসো—শীঘ্র ।

[অহুরোধের প্রস্থান]

বিজিত । যুবরাজ !

দ্বিতীয় অঙ্ক ।]

সিংহল বিজয় ।

[পঞ্চম দৃশ্য ।

জল লইয়া অনুরোধের প্রবেশ ।

বিজিত । [মুখে জল দিয়া] যুবরাজ !

ভৈরবের প্রবেশ ।

ভৈরব । কৈ—আমার বিজয় কৈ ?

বিজিত । মুচ্ছিত ।

ভৈরব । মুচ্ছা গিয়েছে ? বিজয়—দাদা !

বিজয় । বাবা ! বাবা ! [চারিদিকে পর্যবেক্ষণ] বাবা কৈ ?

ভৈরব । বাবা ! কোথায় তৌব বাবা ? তোর দাদা আছে, বাপ নাই ! তুই আমার দাদা, আমি তোর দাদা , সংসারে বাবা কেউ নেই ।

বিজয় । [উঠিয়া] ভৈরব ! ভৈরব ! কেন এসে আবার দাদা বলে' ডাকলে ? আমার হেন সুখসুপ্ন ভেঙ্গে গেল । বাবা যেন স্নেহে গলে' গিয়ে আমার বাবা বলে' ডাকছেন, আর স্বর্গে যেন বীণা বেজে উঠলো, মর্ত্যভূমে স্বর্গেব আলোক ছেয়ে গেল ! তারপর, তারপর—

বিজিত । বিজয় !

ভৈরব । ভাই তুই বীৰ ! এত অধীর হওয়া কি তোর সাজে ?

বিজয় । না ভৈরব ! তবে দেশ ছেড়ে যাই । স্বদেশ আমার ! প্রিয় জন্মভূমি ! এখন একা তুমিই আমার মা । তোমাকেও ছেড়ে যেতে হ'ল।—তবে বিদায় দাও মা । বুখাই তোমার হৃদয় ছেলেকে তোমার আকাশ, তোমার বাতাস, তোমার ফলমূল, তোমার মিষ্টরস দিয়ে মাসুষ করে' তুলেছিলে । কিছু কর্তে পারলাম না । আজ আমি পিতৃমাতৃহীন, গৃহহীন, লক্ষ্যহীন যুবক । আমার কেউ নেই । বিদায় দাও মা !

ভৈরব । দেশ ছেড়ে যাবে কেন বিজয় ? বহির্দ্বারে পঞ্চসহস্র

‘ দ্বিতীয় অঙ্ক ।]

সিংহল বিজয় ।

[পঞ্চম দৃশ্য ।

তরবারি তোমার এক ইঙ্গিতের অপেক্ষা কর্ছে । বল—আজ্ঞা দাও,
এই রাজ্য তোলপাড় করে’ দিয়ে, ভূমিসাৎ করে’ দিয়ে চলে’ যাই । তার
উন্মাদ রাজাকে বন্দী করে’ রেখে দেই । তুমি আবার নূতন রাজ্য স্থাপন
কর । দেশ ছেড়ে যাবে কেন বিজয় ?

বিজয় । না ভৈরব ! পিতা সাক্ষাৎ দেবতা ।

বিজিত । এই পিতা ?

বিজয় । সম্ভান পিতা বেছে নিতে পারে না বিজিত ! চল বিজিত
রাজ্য ছেড়ে যাই ।

ভৈরব । রাজ্য ছেড়ে যেতে যাবি কেন রে বিজয় । আমি আমার
কুঁড়ে ঘরে রেখে দেবো—কেউ টের পাবে না । আমার বুকের মধ্যে
রেখে দেবো—কেউ টের পাবে না ।

বিজয় । না ভৈরব ! পিতা সাক্ষাৎ দেবতা । আমি দেশ ছেড়ে
যাবো । বন্ধুগণ ! বিদায় দাও ।

বিজিত । বিদায় দিব ? না বিজয় ! তোমাকে বিদায় দেব না ।
তুমি এখানে থাকতে না চাও, আমি তোমার ছাড়ব না । তুমি যেখানে
যাবে, আমি সঙ্গে যাবো ।

বিরূপাক্ষ । আমরা তোমায় ছাড়ব না ।

বিশালাক্ষ । আমরা কেউ তোমায় ছাড়ব না ।

বিজয় । আমার সঙ্গে যাবে !

বিশালাক্ষ । যাব তাই ।

বিজয় । আমি কোথায় চলেছি জানো ?

বিরূপাক্ষ । যেখানে হয়, কিছু যায় আসে না ।

দ্বিতীয় অঙ্ক ।]

সিংহল বিজয় ।

[বর্ষ দৃষ্ট । ”

বিজয় । আমি যেখানে চলেছি, সেখানে মানুষ নাই, আনন্দ নাই, যত্নভর নাই । যেখানে কেউ হাসে না, কাঁদে না, ভালবাসে না । ওঃ—সংসারের কি বিশাল ভ্রম ! কি ভয়ানক শক্তির অপচয় ! মানুষ ! কাকে বিশ্বাস করুক—যখন বাপ ছেলেকে পদাঘাত করে—সে ছেলে, যে সেই বাপের স্নেহের জন্ত পাগল । সংসারে সব চোর । সব পর্কতের মত স্বার্থমগ্ন, সমুদ্রের মত স্বেচ্ছাচারী, আকাশের মত উদাসীন, ঈশ্বরের মত কঠিন । গ্রাষ, মমতা, ভক্তি, বিশ্বাস কিছু নাই । তবে চল সবাই, সমুদ্রে তরী ভাসিয়ে দেই ।

—
ষষ্ঠ দৃষ্ট ।

•—•—•

স্থান—বঙ্গরাজপ্রাসাদ ।

সুরমা ও লীলা ।

সুরমা । শুনেছ বোন্ ?

লীলা । শুনেছি ।

সুরমা । স্বদেশ থেকে চিরনির্বাসন ! এত বড় দণ্ড !—

লীলা । তার আর অস্তায় কি হয়েছে ? তিনি বিদ্রোহ করেছিলেন, মহারাজ বিদ্রোহীর দণ্ড দিয়েছেন । অস্তায় কিছু হয় নি ।

সুরমা । সে কি বলিস্ লীলা !—এত স্নেহের বিনিময়ে—

লীলা । রাজ্যের বিচারে স্নেহের স্থান নাই । পাত্রাপাত্রের ভেদ নাই । এই ত বিচার ।

দ্বিতীয় অঙ্ক ।]

সিংহল বিজয় ।

[ষষ্ঠ দৃশ্য ।

সুরমা । সে কি ! তুই খুব সন্তুষ্ট হয়েছিস্ ?

লীলা । অত্যন্ত । এমন কি, এ সময়ে যুবরাজের স্ত্রীর যদি নাচা
প্রথা থাকত, ত হয় ও আমি নাচতাম ।

সুরমা । তুই যে বলেছিলি যে,—তুই কাছে থাকতে কেউ তার কিছু
কর্তে পার্বে না ।

লীলা । তা বলেছিলামই ত ।

সুরমা । কিন্তু এ নির্বাসন দণ্ড থেকে ত তাকে রক্ষা কর্তে
পালি নে ?

লীলা । না, তা পার্লাম না । কিন্তু—আমি কিন্তু বলিনে—কেউ
তাকে নির্বাসন কর্তে পার্বে না । আমি বলিছিলাম যে, কেউ তাঁকে
ধরে রাখতে পার্বে না । তা কেউ পার্লে ?

সুরমা । তুই যেন দেখাচ্ছিস্ যে, এই নির্বাসন দণ্ডে তুই খুব
খুসী ।

লীলা । খুসীই ত—

সুরমা । এ নির্বাসন দণ্ড ভাল হয়েছে ?

লীলা । মন্দ কি ।—

সুরমা । তোকে আমি বুঝলাম না ।

লীলা । কাল বুঝবে ।

[প্রস্থান]

সুরমা । কি আশ্চর্য্য প্রকৃতি !

সুরমিত্রের প্রবেশ ।

সুরমিত্র । দিদি ! দাদা কোথায় ?

দ্বিতীয় অঙ্ক ।]

সিংহল বিজয় ।

[ষষ্ঠ দৃশ্য ।

সুরমা । দাদা দেশ ছেড়ে যাচ্ছেন ।

সুমিত্র । কোথায় ?

সুরমা । জানি না । সুমিত্র ! কাল থেকে দাদাকে দেখতে
পাবিনে, দাদা জন্মের মত দেশ ছেড়ে যাচ্ছেন ।

সুমিত্র । আমিও সঙ্গে যাবো !

সুরমা । অবোধ বালক ! কিছু জানে না, যে তাকে এ রাজ্যের
রাজা কর্তার জ্ঞানই এই মন্ত্রণা ।

সুমিত্র । আমি এ রাজ্যের রাজা হব না, যদি দাদা দেশ হ'তে যায় ।
আমি মাকে গিয়ে বলছি । [প্রস্থানোত্তত]

সুরমা । তোর মা সেই কণ্ঠ শুনলেন আর কি !

সুমিত্র । শুস্তে হবে । স্পষ্ট কথা বলি শোন দিদি ! আমি মায়ের
চেয়ে দাদাকে ভালবাসি ।

সুরমা । ঐ যে বাবা আর বিমাতা আসছেন ! কি মন্ত্রণা কচ্ছেন
তিনি ।

সিংহবাহ ও রাণীর প্রবেশ ।

সিংহবাহ । পূর্বেই জ্ঞাস্তাম ।

রাণী । বিদ্রোহ কর্তে পারে ।

সিংহবাহ । তা পারে । অর্ধেক প্রজা ত ক্ষেপেছে ।

রাণী । বিদ্রোহ কর্তে বলে' বোধ হয় ?

সিংহবাহ । বোধ কিছু হয় না রাণী !—কিন্তু একটা কথা ঠিক যে,
চোখ রাজানিতে আমি ভয় পাই না । তবে—

দ্বিতীয় অঙ্ক ।]

সিংহল বিজয় ।

[ষষ্ঠ দৃশ্য ।

রাণী । তবে ?

সিংহবাহু । না—সে কথা যাক । যখন দণ্ড দিয়েছি—দিয়েছি ;
যা হবার হবে ।

বিজয়সিংহের প্রবেশ ।

বিজয় । প্রণাম হই মহারাজ !

সিংহবাহু । কে ? বিজয় ।

বিজয় । [অগ্রসর হইয়া] হাঁ বাবা, আমি ।

সিংহবাহু । কবে যাচ্ছ ?

বিজয় । এই দণ্ডেই । তরণী প্রস্তুত । [প্রস্থানোত্তত]

সুমিত্র । আমি তোমায় যেতে দেব, না দাদা ! [পথ আগলাইলেন ।

বিজয় চলিয়া গেলেন]

সুরমা । বাবা ! আপনি কি করেছেন ?

সিংহবাহু । কি করেছি ?

সুরমা । এই নির্বাসন দণ্ড প্রত্যাহার করুন ।

সিংহবাহু । প্রত্যাহার কর্ব ?

সুমিত্র । দাদাকে ফিরিয়ে আনো বাবা ! নৈলে—

সুরমা । এখনও দাদা দেশে আছেন । কাল সন্ধ্যায় আর তাঁকে
খুঁজে পাবেন না । মাথা খুঁড়লেও পাবেন না,—এখনও সময় আছে ।
দণ্ড প্রত্যাহার করুন ।

সিংহবাহু । এখনও সময় আছে !

রাণী । কি বলছ সুরমা ? এ বিচার ; পিতা পুত্রের কলহ নয় ।
এখান থেকে চলে' যাও ।

দ্বিতীয় অঙ্ক ।]

সিংহল বিজয় ।

[ষষ্ঠ দৃশ্য ।

সুরমা । কাল তাকে মাথা খুঁড়লেও আর পাবেন না । দাদা বড়
অভিমানী । আর সে ফিরে আসবে না । চিরজীবন কাঁদতে হবে ।
চিরজীবন অসুস্থতা প কর্তে হবে । চিরজীবন—

রাণী । চলে' যাও বালিকা !

সুরমা । মা ! রাজ্য নাও—প্রাসাদ নাও—স্বর্গ নাও । দাদাকে
ফিরিয়ে দাও । তিনি রাজ্য চান না ।

রাণী । উদ্ধত বালিকা ! চলে' যাও এখান থেকে ।

সুরমা । বাবা !

সিংহবাহু । [ধীরে] যাও ।—এদিকে এস ।

[সুরমার হাত ধরিয়া ধীরে প্রস্থান ।

রাণী তাহার অসুস্থত্বিনী হইলেন ।]

সুরমা । [জাহ্নু পাতিয়া] পরমেশ্বর ! দয়াময় ! দাদাকে ফিরিয়ে
দাও । দাদাকে ফিরিয়ে দাও ।

বালকবেশী লীলার প্রবেশ ।

লীলা । দেখ দেখি কেমন দেখাচ্ছে দিদি !

সুরমা । এ আবার—কি !

লীলা । দেখাচ্ছে কেমন ?

সুরমা । লীলা ! একি তোর ছেলেমানুষি কর্কার সময় ?

লীলা । এস দিদি কথা আছে ।

সপ্তম দৃশ্য ।



স্থান—বিজয়সিংহের শিবির। কাল—প্রভাত ।

বিজিত, উরুবেল ও অনুরোধ ।

বিজিত । মহারাজ বিজয়কে দেশ থেকে নির্বাসিত করেছেন ।

উরুবেল । হাঁ, যুবরাজ ।

বিজিত । মাথা খারাপ !—এ পরিবারের সব পাগল ।

অনুরোধ । কুমার মহারাজের পায়ে ধরে' মার্জনা ভিক্ষা করেছিলেন ।

বিজিত । বিজয় ?

অনুরোধ । হাঁ, যুবরাজ ।

বিজিত । বুঝতে পারলাম না !—এত গর্ব্বী, এত অভিমানী পুত্র—

অনুরোধ । কুমারের সেই অশ্রুগদগদ প্রার্থনায় সভায় একজনও ছিল

না যে কাঁদিনি !

বিজিত । বিজয় এখন কি কর্বে ?

উরুবেল । তিনি দেশ ছেড়ে চলে' যাবেন ।

বিজিত । কোথায় ?

উরুবেল । জানি না ।

বিজিত । কবে ?

উরুবেল । আজই ।

বিজিত । মাথা খারাপ ।

অনুরোধ । প্রজারা কিন্তু তাঁকে যেতে দিতে চায় না ।

বিজিত । তারা কি বলে ?

অনুরোধ । বলে—“বিদ্রোহ কর্ক”, তাবা বলছে “বঙ্গের মহারাজ সিংহবাহু নয় । বঙ্গের মহারাজ কুমার বিজয়সিংহ ।

বিজিত । তাতে বিজয় কিছু বলছে ?

অনুরোধ । কুমার তাদের বোঝাচ্ছেন ।

বিজিত । মাথা ঋরাপ ।

অনুরোধ । ঐ যে কুমার আসছেন ।

বিজিত । তাইত ! তারই ত গলা ।

অনুরোধ । সঙ্গে প্রজাবর্গ । কুমার তাদের বোঝাচ্ছেন ।

বিজিত । এই যে বিজয় ।

বিজয়ের প্রবেশ ।

বিজয় । এই যে বিজিত !

বিজিত । তুমি নাকি দেশ ছেড়ে যাচ্ছ বিজয় !

বিজয় । হাঁ, বিজিত ।

বিজিত । তুমি ক্ষেপেছ ?

বিজয় । কেন বিজিত ? মহারাজ আমাকে নির্বাসন দণ্ড দিয়েছেন । দেশে থাকবার আর আমার অধিকার কি ?

বিজিত । মহারাজ এখন তাঁর ভার্য্যার অধীন, তখন মহারাজ আর মহাবাজ নহেন ।

বিজয় । তার উপরে তিনি পিতা ।

বিজিত । যে পিতা এমন স্নেহময় পুত্রকে ত্যাজ্য পুত্র করেছেন ।

বিজয় । পিতা চিরদিনই পিতা ।

বালকবেশিনী লীলার প্রবেশ ।

বিজিত । এ কে আবার ?

বালক । আমি একজন পিতৃমাতৃহীন বালক ।

বিজয় । এখানে কি চাও ?

বালক । আমার একটা চাকরি দিতে পারেন ?

বিজয় । তুমি চাকরি কর্কে ?

বালক । তা ছাড়া ত আর কোন উপায় দেখছি না । তবে চাকরিই করি ।

বিজয় । কব ?

বালক । এই ধরুন যে আপনাব—

বিজয় । আমি কে বল দেখি ?

বালক । মানুষ । তার চেয়ে বেশী চান্নে । তার চেয়েও কম হ'লে, তোমার চাকরি কর্তাম না । আপনি—আপনি ত মানুষ ?

বিজয় । না—আমি নিতান্ত হতভাগ্য ।

বালক । আমিও তাই । তা হ'লে আপনার কাছেই ঠিক পোষাবে ।

বিজয় । তুমি এই বয়সে চাকরি খুঁজতে বেরিয়েছ ?

বালক । আজ্ঞে ঠিক ধরেছেন ।

বিজয় । তুমি কি জানো ?

বালক । আমি এমন একটা বিদ্যা জানি, যাতে আপনি খুসী না হ'য়ে থাকতে পার্কেন না ।—একেবারে ব্রহ্মাঙ্গ ।

বিজিত । বটে ! সে কি বিদ্যা ?

বালক । খোসামোদ ।

বিজিত । খোসামোদ কর্ত্তে পারো ?

বালক । খুব ।

বিজিত । কি রকম ! একটা নমুনা দেখাও দ্বৈধি বালক ?

বালক । দেখবেন ? আচ্ছা, ধরুন প্রথমতঃ আপনি ত খুব বিদ্রী

দেখতে—

বিজিত । খুব বিদ্রী ।

বালক । অত্যন্ত ।

বিজিত । কে বল্লো ?

বালক । সকলেই বলবে ।

বিজিত । এই রকম করে' বুঝি তুমি খোসামোদ কর্ত্তে !

বালক । আগে শেষ পর্য্যন্ত শুনুন । আপনি ত বেশ লোক মহাশয় !

ভদ্রতা জানেন না ?

বিজিত । বেশ খোসামোদ কর্ত্তে বালক !

বালক । খোসামোদ আমি খুব কর্ত্তে পারি । আপনি কবিতা লেখেন ?

বিজিত । লিখি ।

বালক । সেগুলো কিছুই হয় না ।

বিজিত । কেমন করে' জানলে ?

বালক । আপনার চেহারা দেখেই বোঝা যাচ্ছে । ঐ চেহারায় কখন কবিতা হয় ?

বিজিত । এ চেহারায় বুঝি কবিতা লেখা চলে না ?

বালক । আচ্ছা, আপনি যখন যুদ্ধ করেন, তখন তরোয়ারের কোন্ দিকটা ধরেন ?

বিজিত । দামাটটা ।

বালক । কোন বিশেষত্ব নেই । প্রতিভার কোন লক্ষণ পাওয়া যাচ্ছে না ।

বিজিত । কেন ?

বালক । তলোয়ারের দামাট ত সকলেই ধরে । আপনি যখন লেখেন, তখন কলমের কোন্ দিক্ দিয়ে লেখেন ?

বিজিত । আগা দিয়ে ।

বালক । যে দিকটা কালিতে ডোবান ?

বিজিত । হাঁ ।

বালক । কোন বিশেষত্ব নেই । আপনি অত্যন্ত সাধারণ ব্যক্তি । এই দেখুন আপনার কোনই গুণ নেই ত । এখন খোসামোদের জোরে আপনাকে কি করে' তুলতে পারি দেখুন । প্রথমতঃ, যদি বলি যে আপনি দেখতে চমৎকার । আপনি কিছুতে বিশ্বাসই কর্কেঁন না । টুক করে' একটা উদ্দেশ্য ধরে' ফেলবেন । আমি কি রকম করে' আরম্ভ কর্কেঁ জানেন ?

বিজিত । কি রকম করে' ?

বালক । প্রথমতঃ, ক্রমাগত আপনার মুখের দিকে চেয়ে থাকতে হবে । আপনি আমার দিকে চাইলেই চোখ নামাতে হবে । তারপর, আর একজনকে দিয়ে আপনার কাছে বলাতে হবে যে, আমি বলছিলাম যে আপনি দেখতে নবকার্ত্তিকটি । এ রকম উত্তরসাধক যত জোটাতে পারি—ততই আমার জয় ।

^ বিজিত । ওরা কারা আসে ?

বিজয় । আবার ! মেলা লোক ।

প্রজাবর্গের প্রবেশ ।

১. বিজিত । এরা কারা বিজয় ?

বিজয় । রাজ্যের প্রজা ।

১ম প্রজা । আমরা তোমায় ছাড়ছি, তুমি যাই বল ।

২য় প্রজা । আমাদের ছেড়ে তুই যাবি কোথায় রাজা !

৩য় প্রজা । তুই এখানে থাক্ । দেখি কার বাবার সাধি যে, তোকে দেশ থেকে তাড়ায় ।

বিজয় । প্রজাগণ !

৪র্থ প্রজা । আমরা ছেড়ে দেবো না ।

৫ম প্রজা । যাবি কোথা ?

২য় প্রজা । আমবা তোকে রাজা কর্ব ।

১ম প্রজা । তুমিই বঙ্গের মহারাজ । আমরা অগ্র রাজা মানি না ।

বিজয় । ভাই সব ! পিতার আজ্ঞা—

৩য় প্রজা । আমরা জানিনে ।

৪র্থ প্রজা । আমরা তোকে যেতে দেবো না । সোজা কথা ।

বিজয় । এ রাজার আজ্ঞা—

৫ম প্রজা । তুইই আমাদের রাজা । আমরা অগ্র রাজা মানি না—

সকলে । জয় মহারাজ বিজয়সিংহেব জয়—

বিজয় । বন্ধুগণ ! আমার কথা শোন—তারপর তোমাদের যা ইচ্ছা তাই কর । :

৫ম প্রজা । আচ্ছা, শোন শোন !

বিজয় । ভাই সব । ভগবান রামচন্দ্র পিতৃ-আজ্ঞায় বনে গিয়ে-
 ছিলেন । পুরু পিতার জরা নিজে যেচে নিয়েছিলেন । পিতার
 আজ্ঞা—সে ত্রায় হউক, অত্রায় হউক, পিতার আজ্ঞার বিচার কর্তার
 অধিকার পুত্রের নাই । পুত্র পিতার আজ্ঞা বাড় পেতে নেবে । এই
 সংসারের নিয়ম । পুত্র পিতার উপর যে দিন বিচার কর্তে বসবে—সেদিন
 সূর্য্য পশ্চিম দিকে উঠবে, সংসার উন্টে যাবে, মানুষ আবার পশুত্বের
 দিকে অগ্রসর হবে; গৃহে অশান্তি, রাজ্যে অরাজকতা, উচ্ছৃঙ্খল অহঙ্কারে
 সংসার ছেয়ে যাবে । পিতা পরম গুরু । যিনি আমাদের এই সুন্দর
 সংসারে এনেছেন, যার জন্ত ঐ নীল আকাশ, ঐ প্রভাতের অরুণচ্ছটা,
 মানুষের স্বর্গীয় মুখমণ্ডল দেখতে পাচ্ছি, যার প্রসাদে মায়ের মধুর স্নেহ
 অল্পভব করি ; যিনি শৈশবে পালক, যৌবনে শিক্ষক, হৃৎথে বন্ধু, পীড়ায়
 বৈজ্ঞ, বিপদে সহায়, দৈন্ত্রে আশ্রয় ; বার্ষিক্যে যার স্নেহমুখচ্ছবি আর
 দেখতে পাই না, যতদিন আছেন,—তিনি ভ্রান্ত হোন, মৃত হোন
 ততদিন—তিনি পরম গুরু, তাঁর আজ্ঞা—ঈশ্বরের আজ্ঞা । পিতার
 আজ্ঞা পালন কর্ব । তা কর্তে যদি চক্ষে জল আসে, কেঁদে পৃথিবী
 ভাসিয়ে দেবো—যদি বুক শতখান হ'য়ে ভেঙ্গে যায়—যাক্ ' পিতৃ-আজ্ঞা
 অবহেলা কর্ব না,—পাপ হবে । তোমরা আমার পিতৃ আজ্ঞা অবহেলা
 কর্তে বোলো না, তোমাদেরও পাপ হবে ।

১ম প্রজ্ঞা । ঠিক বলেছেন সুবরাজ ! পাপ হবে, পাপ হবে ।

২য় প্রজ্ঞা । তবে আমরা তোমার সঙ্গে দেশ ছেড়ে যাবো—

বিজয় । সে কি !

৩য় প্রজ্ঞা । আমরা তোমায় ছাড়বো না ।

বিজয় । তোমরা কোথায় যাবে ?

৪র্থ প্রজা । যেখানে তুমি যাবে রাজা !

বিজয় । আমি রাজা নই ।

৪র্থ প্রজা । আমরা অস্ত্র রাজ্য মানি না । এখানে না হোক, চল, অস্ত্র কোন খানে চল, সেখানে নূতন রাজ্য তৈরি কর্ব, তোকে সেখানকার রাজ্য কর্ব ।

বিজয় । কিন্তু—

৫ম প্রজা । আমরা শুন্বো না । কোন কথা শুন্বো না । আমরাও তোমর সঙ্গে যাবো রাজা !

বিজয় । বিজিত ! তুমি এদের বোঝাও ।

বিজিত । আমার মনে হচ্ছে, আমিও তোমার সঙ্গে যাবো !

বিজয় । সে কি !

অনুরোধ ও উক্বেল । আমরাও যাবো ।

বিজয় । তোমরা কি বলছ সব !

বালক । এদের কথা শুন্বেন না, যুবরাজ । এরা ষড়যন্ত্র করেছে ।

প্রজাবর্গ । আমরা—তোমার ছাড়বো না । আমরা সঙ্গে যাবো—

বালক । কিন্তু তোমাদের জীরা যদি ঐ বায়না ধরে, যে আমরা তোমাদের ছাড়বো না । তা হ'লে ?

বিজয় । জীপুত্র ছেড়ে কোথায় যাবে ?

বালক । হাঁ, যুবরাজ যেন জীর কোন ধার ধারেন না, কিন্তু তোমরা ত জীর ধার ধার ।

১ম প্রজা । • তারাও সঙ্গে যাবে !

যিতীর অঙ্ক ।]

সিংহল বিজয় ।

[অষ্টম দৃশ্য ।

২য় প্রজা । আমরা সপরিবারে যাবো ।

বালক । এ ভাল কথা । তবে যুবরাজ আর আপত্তি কল্লো চলছে
না ।

বিজয় । তবে তাই চল । কিন্তু—

বালক । আর এতে কিন্তু নেই—

বিজিত । রাজ্যের প্রজাবর্গ রাজ্যের যুবরাজকে এত ভাল বাসে,
এ কখন দেখিনি, শুনিনি । বিজয় তুমি সতাই মহারাজ ; তুমি মানুষের
হৃদয়রাজ্যের রাজা । এত বড় রাজ্য কার আছে ?

বালক । তবে এসো ভাই সব—সমুদ্রে তরী ভাসিয়ে দেই ।

অষ্টম দৃশ্য ।

—(*)—

স্থান—শূণ্য সমুদ্রতীর !

সিংহবাহ । ঐ জাহাজ যাচ্ছে—বিজয় ! বিজয় ! ফিরে আয় বাবা,—
ফিরে আয় ।

সুমিত্র । দাদা ! দাদা !

[জাহাজ অদৃশ্য হইল ।]

তৃতীয় অঙ্ক ।

প্রথম দৃশ্য ।

স্থান—সমুদ্রবক্ষে তরলী । কাল—প্রভাত ।

তরলীর সম্মুখে কুবেলী একাকিনী ।

কুবেলী । আন্দোলিত বাবিধির দিগন্তবিতত
অগাধ ভীষণ এই লবণাস্রুবাশি ;—
প্রকৃতিব কি প্রকাণ্ড অপচয় ! তবু—

নাবিকের প্রবেশ ।

কুবেলী । আমরা কি কুমারিকা অন্তরীপ ছাড়িয়ে এলাম নাবিক ?

নাবিক । বুঝতে পারছি না ।

কুবেলী । কি বোধ হয় ?

নাবিক । ছাড়িয়ে আস্‌বার ত কথা নয় । সেতুবন্ধ ধ'রে ক্রমাগত
ত উত্তরমুখে চ'লে এসেছি । কুমারিকা ছাড়িয়ে আস্‌বার ত কথা নয় ।

কুবেলী । তবে এতদিনে কুল পাচ্ছিনা কেন ?

নাবিক । বুঝতে পাচ্চিনে—এ দিকে খাবার আর জল ফুরিয়ে এল ।

কুবেলী । তাঁহিত । আচ্ছা ও পারে বারা আছে, তারা যক্ষ না রাক্ষস ?

নাবিক । না, তারা মানুষ ।

কুবেগী । মানুষ ? মানুষ কি রকম দেখতে নাবিক ?

নাবিক । আমাদের২ মত মা ! তবে চেহারার কিছু প্রভেদ আছে ।

কুবেগী । আমি সেই মানুষ দেখব । নাবিক কূলে চল ।

নাবিক । তাইত বরাবরই আমার উদ্দেশ্য । কিন্তু কুল পাচ্ছিনে যে !

কুবেগী । মেঘ ক'রে আসছে ।

নাবিক । হ্যাঁ, ঝড় উঠবে বোধ হয়—দেখি

[কক্ষান্তরে প্রস্থান]

কুবেগী । বাতাস উঠেছে । কাল মেঘের ছায়া সমুদ্রের বুকের উপর এসে পড়েছে । কি বিরাট ! কি ভীম ! কি সুন্দর ! উঃ ! ডেউ উঠছে দেখ । যেন এক একটা ছোট পাহাড় ! আবার নেমে যাচ্ছে । কি ভীম তাণ্ডব নৃত্য ! কে আছে গো ওপারে ? ঐ মান্নির গাইছে । সঙ্গে আমিও গাই—

গীত

কে আছে ওপারে গো, কে আছে দাও না সাড়া ।

অকুল এ সিঁধু মাঝে আমি যে দিশেহারা ॥

উঠিছে চারিদিকে সমুদ্র ঝঞ্ঝনা,

গভীর প্রবাসি' প্রসারি' কোটি কণা

অলিছে বিদ্রুৎ—খেলিছে অনলকনা—

অনিছে অশনি—নামিছে মুষলধারা ॥

তৃতীয় অঙ্ক ।

সিংহল বিজয় ।

[প্রথম দৃশ্য ।

বাহবা ! কি গান ! কি সঙ্গীত ! প্রাণ নেচে উঠছে । “কে আছ গো
ওপারে”—উত্তর দাও । ওকি ! মাঝিরা চীৎকার কচ্ছে কেন ?

নাবিকের পুনরায় প্রবেশ ।

কুবেরী । কি নাবিক ! তোমরা চীৎকার কচ্ছিলে কেন ?

নাবিক । তুমি চৈঁচাচ্ছিলে কেন মা ? ভয় পেয়েছ ?

কুবেরী । ভয় ? কিসের জন্ত নাবিক ! তুমি চীৎকার কচ্ছিলে না ?

নাবিক । একি ! জাহাজ ঘুচ্ছে কেন ?

কুবেরী । ঘুচ্ছে কেন ?

নাবিক । বুঝতে পাচ্ছি না—এ ঘূর্ণি ঝড় ! একি হ'ল মা ?

কুবেরী । কি হ'ল ?

নাবিক । এই সমুদ্রের মাঝখানে ঘূর্ণিতে প'ড়ে গেলাম । বুঝি বা
এবার—কপালে কি আছে ? কে জানে । [দ্রুত প্রস্থান]

কুবেরী । কি ভীম তরঙ্গরাশি চারিদিকে ঐ

কুরিছে তাণ্ডব নৃত্য, ভীষণ কল্লোল !

—যেন কোটি ফণী, কোটি ফণা বিস্তারিয়া,

বেষ্টিয়া নিশ্বাসে তারে, করিছে গর্জন ।

নাবিকের পুনঃ প্রবেশ ।

নাবিক । মা ! মা !

কুবেরী । কি নাবিক ?

নাবিক । বুঝি আর রক্ষা নাই—ভগবানের নাম কর মা ! যিনি
এই অকুল সমুদ্রের কাণ্ডারী—তাঁকে ডাক ।

কুবেরী । তাইত ডাক্‌ছিলাম ।

নাবিক । কাকে ?

কুবেরী । ওপারে যে আছে তাকে । তাকে ডাক্‌ছিলাম— যদি ওপার থেকে কেউ উত্তর দেয় ।

নাবিক । ওপার থেকে কে উত্তর দেবে ?

কুবেরী । যদি কেউ দেয় । যদি দিত, তা' হ'লে কি রকম একটা ব্যাপার হ'য়ে যেত নাবিক ! এপাব থেকে ওপাবে ডাক্‌ছে, ওপার থেকে এপারে ডাক্‌ছে, মধ্যে প্রকাণ্ড ঢেউ ব'য়ে যাচ্ছে ! পরস্পর শুস্তে পাচ্ছে, কিন্তু কেউ এক পা এগোতে পাচ্ছে'না । আর একদিন ডেকেছিলাম মনে আছে ? সেদিন ডেকেছিলাম এপার থেকে —

[নেপথ্যে মাঝিদিগের চাৎকার]

নাবিক । ঐ আবার ! আমি যাই ।

[প্রস্থান]

কুবেরী । কে আছ ওপারে গো—আজ ডাক্‌ছি সমুদ্রের মাঝখান থেকে । এই অন্ধকারে, এই গভীরে, এই অকূলে, এই বিপদে, এই বারিরাশির উদ্ভাসিত গর্জনে, এই মৃত্যুর মত পবিত্যক্ত ভীষণ নির্জনে—ডাক্‌ছি, কে আছ গো ওপারে ? উত্তর দাও ।

নাবিক । নৌকা ডোবে মা !

কুবেরী । ডোবে যদি ডুবুক ।

নাবিক । মৃত্যু সম্মুখে !

কুবেরী । বেশ । এই ত চাই ! কুবেরী—এক সামান্ত বালিকার মত—ঘরের মধ্যে বিছানার উপরে শুয়ে, ছোট, তুচ্ছ, সাধারণ মরণ মর্মে' । তার চেয়ে, এই উদার আকাশের নীচে, উদার সমুদ্রের বক্ষে, এই প্রকাণ্ড

তৃতীয় অঙ্ক ।]

সিংহল বিজয় ।

[প্রথম দৃশ্য ।

নর্তনে হুলতে হুলতে, এই প্রলয় সঙ্গীত শুন্তে শুন্তে, গান গাইতে গাইতে মৰ্কে । আমিও গাই—

কে আছ ওপারে গো, কে আছ দাও না মড়া ।

কেউ নেই ওপারে, নৈলে ডাক শুনে আস্তই ।

নাবিক । ঐ দূরে আর একখানা জাহাজ বুঝি ! হাঁ তাইত ; জাহাজই ত ।

কুবেরী । তা'ব আমার ডাক শুন্তে পেয়েছে । ঐ আসছে । ঐ আমার বর আসছে—আমায় নিতে । নিশ্চয় আমার বর—গলায় মালা, হাতে মালা, চন্দনচর্চিত লগাটে, পীতবাসে, নুপুৰ-ঝঞ্ঝারে—ঐ আমার বর আসছে ।

নাবিক । আরো কাছে, আরো কাছে ।

[নেপথ্যে—মাঝিরা । সামাল, সামাল ।]

নাবিক । নৌকা ডোবে—আর একটু কাছে, আর একটু কাছে ।

কুবেরী । ঐ যে ! ঐ যে ! ঐ যে আমার বর । ঐ জাহাজের মাস্তলের উপর থেকে চারিদিক চেয়ে দেখছে—এই দিকে—এই দিকে চেয়েছে, আর ভয় নেই । বর এয়েছে, বর এয়েছে, বাদ্যি বাজা, পাঁথে—

[নেপথ্যে—সামাল সামাল]

দূরে বিজয় । ভয় নেই—

কুবেরী । ঐ আমার বর এয়েছে—তার ডাক শুনেছি ।

[ঝম্প প্রদান]

নাবিক । ঝা ! কি করি মা !

[দূরে বিজয়সিংহ অপর জাহাজ হইতে সমুদ্রে ঝম্প দিলেন ।]

দ্বিতীয় দৃশ্য ।

—•—

স্থান—সমুদ্রবক্ষে বিজয়ের তরণী । কাল—প্রভাত ।

উরুবেল একাকী ।

উরুবেল । ঝড়ের বেগ বাড়ছেই । সমস্ত সমুদ্রটাকে যেন ভোলপাড়
ক'রে তুলেছে । আর রক্ষা নাই, চারিদিকে মেঘ—উঃ ।

অনুরোধের প্রবেশ ।

অনুরোধ । উরুবেল ! উরুবেল ! বিজয়সিংহ কোথায় ?

উরুবেল । কেন ? ঐ ঘরে ।

অনুরোধ । হবে ত নেই—

উরুবেল । অসম্ভব ।

অনুরোধ । না, এসে দেখ ।

উরুবেল । সে কি ?

অনুরোধ । কোথাও তাঁকে খুঁজে পাচ্ছি না ।

[উভয়ের দ্রুত প্রস্থান]

বিজিত ও অন্তান্ত সৈন্যগণের প্রবেশ ।

বিজিত । কোথাও খুঁজে পেলেন না ?

সৈন্যগণ । কৈ না ।

বিজিত । ভাল ক'রে দেখ । তন্ন তন্ন ক'রে দেখ ! জাহাজের
প্রত্যেক কোণ, প্রত্যেক গর্ভ, প্রত্যেক খোপ খুঁজে দেখ । তাতেও
যদি না পাও, তবে জাহাজের তলদেশ চিরে দেখ । বিজয়কে চাই ।

তৃতীয় অঙ্ক ।]

সিংহল বিজয় ।

[দ্বিতীয় দৃশ্য ।

প্রথম সৈন্ত । সব জায়গায় খুঁজেছি, আর কোথায় খুঁজবো ?

বিজিত । উদ্ধত সৈনিক ! যাও, আজ্ঞা পালন কর । নৈলে এই তরবারি দেখেছ ?

সৈনিক । তরবারির ভয় কি দেখাচ্ছ বিজিত ? [তরবারি নিক্ষেপন]

অস্ত্রান্ত সৈনিক । খবরদার । [তরবারি নিক্ষেপন]

দ্বিতীয় সৈন্ত । আমরা সব জায়গায় খুঁজেছি মহাশয় ।

বিজিত । সব জায়গায় খুঁজেছ, তবে এস আমার সঙ্গে, সমুদ্রের জলে খুঁজি [তরবারি ফেলিয়া দিয়া বেগে প্রস্থানোত্তত] ওকি ! ঐ ত বিজয়ের স্বর ! ঐ ত সমুদ্রের জলের ভেতর থেকে আওয়াজ বেরোচ্ছে । গেছে, বিজয় সমুদ্রের জলে ডুবে গেছে । কে আমার সঙ্গে সমুদ্রের জলে কাঁপ দেবে এস । [উদ্ভ্রান্ত ভাবে নিক্ষেপণ]

তৃতীয় সৈনিক । সর্বনাশ ! বিজিত ক্ষেপে গিয়েছে—ধর, ধর—
[পশ্চাৎ গমন]

চতুর্থ সৈনিক । ঐ যে মহারাজের স্বর ! ঐ আবার । এ কি ভৌতিক ব্যাপার ! ঐ যে আবার—

[উদ্ভ্রান্ত বিজিতকে ধরিয়া অনুরোধ ও উরুবেলের প্রবেশ]

অনুরোধ । ক্ষিপ্ত হয়নি বিজিত । এই অন্ধকার, এই প্রবল ঝটিকায় অতল সমুদ্রে কাঁপ দিতে যাচ্ছ বিজয়কে খুঁজতে !

বিজিত । আমি তার স্বর শুনেছি—সমুদ্রের নীচে থেকে ডাকছে ! ঐ শোন—আমি তাকে রক্ষা করব, ছেড়ে দাও । [ছাড়াইবার চেষ্টা]

উরুবেল । উঃ ! কি গর্জন ! কি ঝড় ! আজ কি প্রলয়ের প্রভাত ! ছিঃ বিজিত, কথা শোন ।

তৃতীয় অঙ্ক ।]

সিংহল বিজয় ।

[দ্বিতীয় দৃশ্য ।

বিজিত । ছাড় ভীক, কাপুরুষ বিদ্রোহী ! ঐ যে শুনছ না ?
এত উচ্চ স্বর শুনতে পাচ্ছনা ?

[সকলে লোক হইয়া দাঁড়াইল ।]

নেপথ্যে । দড়ি ফেল ! শীগ্গীর !

অনুরোধ । ঐ যে—

উল্লেবেল । ঐ ত'!—নাবিক !—[প্রস্থানোত্তত] চল, চল ।

[সকলের প্রস্থান]

সিন্ধু বসনে বিজয় ও সৈনিকগণের প্রবেশ ।

স্বক্কে এক সিন্ধু কত্না—অজ্ঞান অবস্থায় ।

বিজয় । বন্ধুগণ ! দেহ উদ্ধাব কবেছি । কিন্তু বুঝি মবে গেছে ।

সকলে । কে এ !

বিজয় । স্থি ব হও । শোন ! এ বেচাবীব জাহাজ জলমগ্ন হয়েছে ।
মাঝিরা সব মরেছে ।

সকলে । সে কি ! সে কি !

বিজয় । টেঁচিও না ! দাঁড়াও । শেষ পর্য্যন্ত শোন । তাদের মধ্যে
বেঁচেছে একজন—এই মেয়েটা । বেঁচে আছে কি না জানি না । তবে
তার শরীর উদ্ধার কবেছি । আর কাউকে উদ্ধার কর্তে পার্লাম না ।

বিজিত । তুমি তবে এতক্ষণ—

বিজয় । বলছি, দাঁড়াও । আমি মাস্তুলের উপরে উঠে সমুদ্রের ঐ
আন্দোলিত বাবিবাশির বর্ষণে উত্থিত বিদ্যাজ্জাল দেখছিলাম—আর তার
গভীর গর্জন শুনিলাম । তার পরে সেই গর্জন ছাপিয়ে আর্দ্র চীৎকার
শুনলাম ! দূরে জাহাজ থেকে সেই চীৎকার আসছিল । আমি—তাড়া-

তৃতীয় অঙ্ক ।]

সিংহল বিজয়

[দ্বিতীয় দৃশ্য ।

তাড়ি নেমে চার জন মাঝি ডেকে নিয়ে এই জাহাজের একখানি নৌকা ক'রে সেই জাহাজের দিকে ভাসলাম, কিন্তু অর্ধ পথে যেতে যেতে সে জাহাজ জলমগ্ন হ'ল। চক্ষে শূন্য দেখলাম। সমুদ্র-আমার চারিদিকে ঘুরে ঘুরে করতালি দিয়ে অটুহাস্ত কর্তে লাগল। তাবপর একটা কি যেন নৌকায় এসে ঠেকল। তুলে দেখি, এই নাবীর দেহ, মৃত কি জীবিত বুঝতে পারলাম না।

[কেহ কেহ সেই শরীর পরীক্ষা করিয়া কহিল 'বঁচে আছে', কেহ কহিল 'না ম'বে গিয়েছে।']

বিজিত। বঁচে আছে বিজয়। ঐ যে-চোখের পাণ্ডা নড়ছে।

বিজয়। দেখ, তোমরা ওকে বাঁচাও। কার কাছে ওকে বেথে যাই ?

বালক। আমার কাছে বেথে যাও যুবরাজ ! আমি শুক্রবা ক'রে তাকে বাঁচাব।—ঠিক বাঁচাব। আমার মত শুক্রবা কেউ কর্তে পারেন না।

বিজয়। তুমি বালক।

বালক। এও বালিকা। আপনি যান যুবরাজ, ভিজা কাপড় বদলান। তোমরা সবাই যাও।

বিজয়। কিন্তু—

বালক। কোন চিন্তা নাটু যুবরাজ, আমার বিশ্বাস করুন।—যান।

[কুবেরী ও বালক ভিন্ন সকলের প্রস্থান]

বালক। সুন্দরী! অপূর্ণ সুন্দরী! ঘনকৃষ্ণ-সলিলসিক্ত কেশদাম বটের জটার মত পৃষ্ঠ বেয়ে জাহ্নব নীচে এসে পড়েছে। দর্পণস্বচ্ছ

তৃতীয় অঙ্ক ।]

সিংহল বিজয় ।

[দ্বিতীয় দৃশ্য ।

ললাট—যেন ভৃত্যে প্রভুসম আদেশ কর্ছে । দীর্ঘ নেত্রদ্বিটি সায়্যাহ্নে
পদ্মপলাশের মত মুদে রয়েছে । তার ভিতরে কি দৃষ্টি নিহিত আছে
কে বলতে পারে । সমুন্নত সরল নাসা । তার নীচে অধর রাজ্যী
দর্পিত হাস্যকে আচ্ছাদন ক'রে রয়েছে । তার নীচে চিবুক—সুখাপাত্র সম
সে বিগলিত হাস্য ধর্ম্মার জন্ত যেন উন্মত্ত রয়েছে । উন্নত বক্ষিম গ্রীবা
তার দর্পিত ভঙ্গিমা' এখনও প্রকট । গোরতমুখানি, কুঞ্চিত সিক্ত
বসনের তলে জলদজড়িত প্রত্যাঘের মত শুয়ে আছে । ঐ সূর্য্য
উঠছে, তার স্বর্ণকররাশি ঐ সমুদ্রজলে ছড়িয়ে প'ড়ল । চোখ মেলেছে ।
সূর্য্য উঠেছে, আর কি চোখ দুটি ঘুমিয়ে থাকতে পারে ?

কুবেরী । আমি কোথায় ?

বালক । নিরাপদ তুমি ভগ্নী ।

কুবেরী । তুমি কে ?

বালক । কোন চিন্তা নাই । উঠতে পার্কে ?

[কুবেরী উঠিলেন]

বালক । এস ।

কুবেরী । কোথায়—?

বালক । আমার সঙ্গে । কোন চিন্তা-নাই । এস ।

[উভয়ের গ্রহান]

তৃতীয় দৃশ্য ।

—:—

স্থান—বজ্ররাজ সিংহবাহুর প্রাসাদ-ভবন । কাল—প্রভাত ।

সিংহবাহু ও সুরমা দণ্ডায়মান ।

সিংহবাহু । বিজয়ের কোনই সংবাদ পেলেন না সুরমা ?

সুরমা । না বাবা ।

সিংহবাহু । “না বাবা ।” রোজ ঐ এক উত্তর “না বাবা”—না, তোমার দোষ কি ? দোষ আমার !—যাও সুরমিত্রকে এখানে ডেকে দাও ।

সুরমা । বাবা !

সিংহবাহু । [কঠোর স্বরে] যাও ।

[সুরমার প্রস্থান]

সিংহবাহু । যাক, পরম স্নেহবান্ পুত্রকে দেশত্যাগী ক’রে পরমানন্দে আছি । পুত্র অবনত শিরে দোষ স্বীকার ক’রে, মার্জনা চেয়েছিল—দিই নাই । স্নেহভিক্ষা করেছিল—দিই নাই । বাড়ী থেকে কুকুর তাড়া ক’রে বিদায় দিয়েছি । ক্রোধ কি বিষম শত্রু ! কি অন্ধ ! ঐ গাঢ় অন্ধকারের চেয়েও অন্ধ—বিজয় ! বিজয় !

সুরমিত্রের প্রবেশ ।

সুরমিত্র । বাবা !

সিংহবাহু । কে ? সুরমিত্র ?

সুরমিত্র । আমায় ডেকেছিলেন ?

তৃতীয় অঙ্ক ।]

সিংহল বিজয় ।

[তৃতীয় দৃশ্য ।

সিংহবাহ । ডেকেছিলাম—হঁ। ডেকেছিলাম, কিন্তু—না, যা
ফিরে যা ।—

সুমিত্র । বাবা !

সিংহবাহ । ফিরে যা ।

[সুমিত্র নীরবে অবনতমুখে রহিল]

সিংহবাহ । না, না—তোরই বা কি অপরাধ ? তুই কি কর্ণি ?—
ওরে পশু ! ভিতরে আবার গর্জাচ্ছিস্ ? থেমে যা ।—না সুমিত্র ! তোরা
কোন অপরাধ নাই । দোষ আমার । সুমিত্র ! বিজয় তোকে
ভালবাস্ত ?

সুমিত্র । বাসুতেন বাবা ! তিনি আমায় বড় ভালবাসুতেন ।

সিংহবাহ । আমাকেও বাসুত । তেমন ভাল বুঝি কোন ছেলে কোন
বাপকে বাসেনি—হেন পুলকে আমি নির্কাসিত করেছি—সেই সুন্দর,
সেই মহৎ, সেই উন্নত ললাট, সেই শৌর্য—বিস্ফারিত বক্ষ—সেই উদার !
হেন পুত্রকে—বিজয় ! বিজয় !!

সুমিত্র । বাবা ! [হাত ধরিলেন]

সিংহবাহ । না, তুই কি কর্ণি ? তোরা দোষ নাই [অর্দ্ধ স্বগত]
তার পরিবর্তে এই ভীক, এই চকিতদৃষ্টি, এই নারী-কোমল, লোল
মাংসপিণ্ড, এই অসার ! না—তোরা দোষ কি, দোষ আমার, আমার,
আমার ! [বক্ষে করাঘাত]

সুমিত্র । ওকি কচ্ছেন বাবা !

সিংহবাহ । স'রে যা,—না, না, ওকি কর্ণি ? না, না, রাজকুমার !
তোমার তরোয়াল কৈ ?

সুমিত্র । এই যে ।

সিংহবাহু । বা'র কর ।

[সুমিত্র বাহির করিলেন ।]

সিংহবাহু । আয়, তরোয়াল খেলা শিখাই ; [শিখাইতে লাগিলেন]
এই রকম ক'রে মাথা বক্ষা কর্তে হয়—এই খোঁচ দিতে দিতে মাথা বক্ষা
কর্তে হ'লে, এই রকম ক'রে ঘূবে যেতে হয়, ঘোর । না—হ'ল না । এই,
তারপব—

সুমিত্র । পা বক্ষা কর্তে হয় কি রকম ক'রে বাবা ?

সিংহবাহু । পা বক্ষা কর্তে হবে না । পা ছুথানা আছে, একখানা
গেলে ক্ষতি নেই ; কিন্তু মাথা মোটে একটা । বিপক্ষের প্রধান লক্ষ্য,
ঐ তোর মাথাটার দিকে ।

সুমিত্র । মাথাটার দিকে ?

সিংহবাহু । হাঁ, ঐ মাথাটা । পা গেলে কাঠের পা হয় ; কিন্তু মাথা
গেলে কাঠের মাথা হয় না । মাথা বাঁচিয়ে তারপব আর সব—

সুমিত্র । বিপক্ষকে আক্রমণ কর্তে হয় ত এমনি ক'রে ?

সিংহবাহু । হাঁ, কিন্তু নিজের মাথা বাঁচিয়ে ।

সুমিত্র । বাবা ! আপনি যে সেদিন বল্লেন, যে আত্মরক্ষা এই রকম
ক'বে কর্তে হবে, যাতে আত্মরক্ষা থেকেই সহজে আক্রমণ করা যায় ।

সিংহবাহু । সে সব ভুল শিখিয়েছি, তা সব ভুলে যা । নতুন
বকম শেখাচ্ছি । এই—এই—

সুরমাব প্রবেশ ।

সুরমা । বাবা ! বাবা !

সিংহবাহু । তারপর, তরোয়াল—এই—

সুরমা । বাবা ! দাদার সংবাদ পেয়েছি ।

সুমিত্র । বাবা ! দিদি কি বলছে শোন ।

সুরমা । দাদা জীবিত !

সুমিত্র । শোন বাবা ! দাদা জীবিত ।

সিংহবাহু । মিথ্যা কথা !

সুরমা । না বাবা ! মিথ্যা কথা নয় । তিনি—

সিংহবাহু । বেরো বলছি ।

[সুরমার প্রস্থান]

সিংহবাহু । ঘোরা—দাঁড়িয়ে রৈলি যে !

সুমিত্র । বাবা—

সিংহবাহু । ঘোরা ! মাথা বাঁচা নৈলে বধ কর্ব ।

সুমিত্র । কর বধ । [তরবারি কেলিয়া দিলেন]

সিংহবাহু । কি !—ভেবেছিন্ পার্কনা ? পার্কনা ? সে আমার
পায়ে ধ'রে মার্জনা চেয়েছিল । আমি তাকে পদাবাতে দূর করেছি—বাপ
হ'য়ে !—ওরে বোকা ছেলে ! আমি কে জানিন্ ? আমি সিংহবাহু ।
সিংহ আমার বাপ । সিংহ সন্তানের রক্ত পান করে জানিন্ ? নে,
তরোয়াল নে, বীরের মত যুদ্ধ কর্তে কর্তে মরু ।

সুমিত্র । [করঘোড়ে] বাবা !

সিংহ । চোপুয়ও, আমার মন গলাবি ভেবেছিন্ ? সেও বাবা ব'লে
ডেকেছিল,—কিছু কর্তে পারে নি । আমার নাম সিংহবাহু—নে
তরোয়াল নে ।

তৃতীয় অঙ্ক ।]

সিংহল বিজয় ।

[তৃতীয় দৃশ্য ।

মন্ত্রী প্রবেশ ।

মন্ত্রী । মহারাজ !

সিংহবাহু । মন্ত্রী !

মন্ত্রী । মহারাজ [অভিবাদন]

সিংহবাহু । ভিষক ডাকো, যুবরাজের বিকার হ'য়েছে । মৃত্যুর বেশী
বিলম্ব নেই [কঠোর স্বরে] যাও [মন্ত্রীর প্রস্থান]

সুমিত্র । ভগবান্ ! এত স্নেহময় পিতা, এত স্নেহময় ! তাঁকে কিপ্ত
ক'রো না । দাদাকে ফিরিয়ে দাও—আমার অভিমানী, মহৎ, উদার
দাদাকে ফিরিয়ে দাও । বড় অভিমানী—কিন্তু বড় স্নেহময় । ভগবান্ !
[রুদ্ধকণ্ঠে] বাবা ! আমায় বধ কর, কিন্তু জ্ঞান হারিও না । [সিংহবাহুর
গলদেশ ধরিয়া] বধ কর্ত্তে চাও বাবা !

সিংহবাহু । [তরবারি ফেলিয়া দিয়া] আয় কোলে আয়, বাছা !
আগা ! কি শীতল স্পর্শ ! আমার পশুপ্রযুক্তি জল হ'য়ে গেল ! ওরে
অবোধ বালক ! আমার ভিতরে কি হ'চ্ছে জানিস্—তাকে পদাঘাত
ক'রে তাড়িয়ে দিয়েছি—ও হো হো হো [ক্রন্দন] আর একদিন ছিল, যখন
তার—তার নিমিষের অদর্শনে মনে হোত, বুঝি বাছা আমার নাই—
কর্ণিকের বিচ্ছেদের পর পুনর্শ্লিলনে মনে হোত, যেন এ হারানো ধন ফিরে
পেলায় । সে ত শুধু ছেঁলে ছিল না, সে যে আমার খেলার সাথী, আমার
প্রাণের প্রাণ, আমার ইহজীবনের সব । তাকে আমি কুকুর তাড়া
করেছি । ও হো হো হো—

সেনাপতির প্রবেশ ।

সেনাপতি । মহারাজ ! ভৈরব ডাকাত ধরা প'ড়েছে ।

তৃতীয় অঙ্ক ।]

সিংহল বিজয় ।

[তৃতীয় দৃশ্য ।

সিংহবাহু । শূলে দাও ।—না, সে বিজয়কে বাঁচিয়ে ছিল । তাকে পেট ভ'রে খাইয়ে ছেড়ে দাও ।

সেনাপতি । সে একবার মহারাজের সাক্ষাৎ চায় ।

সিংহবাহু । সাক্ষাৎ চায় ?—কেন ?

সেনাপতি । কিছু বলতে চায়—

সিংহবাহু । কি বিষয়ে ?

সেনাপতি । মহারাজীর সম্বন্ধে—

সিংহবাহু । দরকার নাই—

সেনাপতি । বিজয়সিংহের বিষয়ে—

সিংহবাহু । চল ।

[প্রস্থান]

সুমিত্র । বাবার এ রকম হ'ল কেন, এ রকম হ'ল কেন ?
[জাম্বু পাতিয়া] ভগবান্ । বাবাকে রক্ষা কর । দাদাকে ফিরিয়ে দাও—
রাজীর প্রবেশ ।

সুমিত্র । মা !—মা !

রাজী । সুমিত্র ! মহারাজ কোথায় ?

সুমিত্র । জানি না ত মা !—মা ! বাবা কি রকম হ'য়ে গিয়েছেন—

রাজী । তিনি এখানেই ত ছিলেন ?

সুমিত্র । ছিলেন । তারপর—ভৈরব ডাকাত এসেছে ব'লে মন্ত্রী মহাশয় তাঁকে ডেকে নিয়ে গেলেন, ও কি মা !—ও রকম ক'রে চেয়ে রয়েছে কেন মা !

রাজী । তারপর ?

তৃতীয় অঙ্ক ।]

সিংহল বিজয় ।

[তৃতীয় দৃশ্য ।

সুমিত্র । তারপর বাবা হঠাৎ তাঁর সঙ্গে চ'লে গেলেন ।

রাণী । সর্বনাশ !—

সুমিত্র । কি মা ?

রাণী । তিনি কতক্ষণ হ'ল এখান থেকে গিয়েছেন ?

সুমিত্র । এই কতক্ষণ ।—মা ! বাবা কেন এমন হ'লেন ?

রাণী । জানি না । [দ্রুত প্রস্থান]

সুমিত্র । আশ্চর্য্য !

মন্ত্রী ও ভিষকের প্রবেশ ।

মন্ত্রী । রাজকুমার ! মহারাজ কোথায় ?

সুমিত্র । মন্ত্রীমহাশয় ! বাবা হঠাৎ এ রকম হ'লেন কেন, আপনি কিছু জানেন ?

ভিষক্ । রাজকুমার ! হাত দেখি ? [পরীক্ষা]

সুমিত্র । কেন ? [হাত বাড়াইলেন । ভিষক্ নাড়ী দেখিলেন]

ভিষক্ । জ্বিত ।

সুমিত্র । জ্বিত দেখাইলেন ।

ভিষক্ । তাইত !

মন্ত্রী । কি দেখলেন ?

ভিষক্ । অবস্থা খারাপ ।

মন্ত্রী । কেন ! কেন মহাশয় ?

ভিষক্ । আর কেন ? [ক্লগ্ন ভাবে মাথা নাড়িলেন] রাজকুমার ! তোমার অবস্থা খারাপ ।

সুমিত্র । কেন ?

ভিষক্ । রাত্রে ঘুম হয় না ভাল—না ?

সুমিত্র । চমৎকার ঘুম হয় ।

ভিষক্ । কিন্তু যদি ঘুম ভাঙে, তখন ত ঘুম হয় না ? আর—
আর ক্ষুধা—?

সুমিত্র । আজ্ঞে, ক্ষুধা বেশ হয় ।

ভিষক্ । বেশ ত হবেই । কিন্তু যখন ক্ষুধা হয়—তখন খেতে ইচ্ছা
হয় ?

সুমিত্র । তা হয় ।

ভিষক্ । খারাপ । ক্ষুধা হ'লে খেতে ইচ্ছে হওয়াটা—উঁহ—
খারাপ । আর একবার নাড়ীটা দেখি । [পরীক্ষা] হুঁ—বাপুহে
তোমার বিকার ।

সুমিত্র । বিকার !—সে কি !

ভিষক্ । বিকার !—জ্বর-বিকার ।

সুমিত্র । কৈ ! আমি ত বুঝতে পারিছিনে ।

ভিষক্ । ঐ ত খারাপ !—আরে বাপু, বুঝতেই যদি পার্কে, তা হ'লে
ত সোজা জ্বর ! কিন্তু ঐ যে বুঝতে পারছ'না, ঐ ত খারাপ ।

সুমিত্র । আজ্ঞে আমার জ্বর হ'ল !

ভিষক্ । বাপুহে ! আমি চিকিৎসক, আমি বলছি'তোমার জ্বর ।
তুমি ত এ শাস্ত্র পড় নি ।

সুমিত্র । কিন্তু—

ভিষক্ । তর্ক ক'রো না—তোমার জ্বর-বিকার । শোও গে যাও ।
ঔষধের ব্যবস্থা আমি করছি । তুমি শোও গে যাও ।

নেপথ্যে সিংহবাহ । [ক্রুদ্ধ স্বরে] রাণী কোথায়, ডাক তাঁকে ।

মন্ত্রী । ঐ যে মহারাজ আসছেন ।

ক্রুদ্ধভাবে সিংহবাহর প্রবেশ ।

সিংহবাহ । এ কি ! ভিষক্ এখানে ! রাজ-অন্তঃপুরে ?

ভিষক্ । মহারাজের অনুমান ঠিক । কুমারের বিকার হয়েছে ।

সিংহবাহ । বাতুল ! বাতুল !

ভিষক্ । বাতুলই বটে—কুমার আবোল তাবোল বকছেন ।

সিংহবাহ । আবোল তাবোল তুমি বকছ মূর্থ ।

মন্ত্রী । ভিষক্ কি উদ্ভাদ হয়েছে ?

ভিষক্ । মহারাজ !

সিংহবাহ । বা'র ক'রে দাও ।

মন্ত্রী । মহারাজ !

সিংহবাহ । আগে একে বা'র ক'রে দাও, তারপর কথা ক'রো ।

ভিষক্ । আমি ঔষধের—

সিংহবাহ । বেরোও [ভিষকের প্রশ্নান]

মন্ত্রী । মহারাজ কিন্তু ভিষক্কে—

সিংহবাহ । এরা আমায় পাগল না ক'রে ছাড়বে না, বেরোও বৃদ্ধ—

[মন্ত্রীর প্রশ্নান]

সিংহবাহ । আর তুমি দাঁড়িয়ে রৈলে যে ? ভেবেছ রাজ্য পাবে ?

তা পাচ্ছ না । তার আগে, রাজ্য ভেঙ্গে, চুরে, পুড়িয়ে, ভস্ম ক'রে দিয়ে, সেই ভস্ম রাণীর মুখে ছড়িয়ে দেবো ।—না—না, রাণী কোথায় ? রাণী কোথায় ? দৌরাবিক !

দৌবারিকের প্রবেশ ।

সিংহবাহু । রাণীকে খবর দেও, বল-এই মুহূর্তে আমি তার সাক্ষাৎ চাই, এই মুহূর্তে । [দৌবারিকের প্রস্থান]

সিংহবাহু । আজ রাণীর রাজ্য গেল ! রাণী গেল, রাজা গেল, রাজপুত্র গেল—আজ আমি আর তুই পুত্র—একি । আমার পশু প্রকৃতি আবার জেগে উঠছে—জ্ঞান দিচ্ছে—না কোন ভয় নেই পুত্র ! দাঁড়াও, আমি স্থির হ'য়ে নেই । বিচার কর্ব । [পরিক্রমণ] আমি এ ত ভাবিনি ! কিন্তু কেন যে ভাবিনি তা জানিনে—এই যে রাণী !

রাণীর প্রবেশ ।

সিংহবাহু । দাঁড়াও রাণী ! আমার সম্মুখে দাঁড়াও । হাত যোড় ক'রে দাঁড়াও ।

সুমিত্র । বাবা !

সিংহবাহু । চূপ ; রাণী ! এতদিন পরে সমস্ত চক্রান্ত, কথা ক'রে উঠেছে, রণতুরীর শব্দে চোঁচিয়ে উঠেছে ।

রাণী । চক্রান্ত !

সিংহবাহু । জান না ? পাপ এমন সুন্দর মুখোষ পর্তে পারে ! আশ্চর্য্য ! পাপীয়াসী !—না ভুল হচ্ছে—ধীরভাবে বিচার কর্ব । ধীর ভাবে—যতদূর সম্ভব । বিধাতঃ ! এই কর, যেন দণ্ড দেবার আগে আমি ক্ষেপে না যাই—দৌবারিক !

দৌবারিকের প্রবেশ ।

সিংহবাহু । জল্পাদকে ডাক ।

[দৌবারিকের প্রস্থান]

সিংহবাহু । আজ তোমায় কুকুর দিয়ে—না ধীরভাবে বিচার কর্ব ।
রাণী ! দাঁড়াও, হাত ঘোড় কর, কম্পিত হও । তোমার বিপক্ষে কি
অভিযোগ উপস্থিত হয়েছে জান ?

রাণী । আমার বিপক্ষ !

সিংহবাহু । হাঁ তোমাব বিপক্ষে । রোস, স্থির হ'য়ে নিই [পরিক্রমণ]
এ কখনও ভাবিনি ; কিন্তু ভাবিনি কেন তা জানি না । রাণী ! দাঁড়াও,
আমার সম্মুখে অপরাধীর মত হাত ঘোড় ক'রে দাঁড়াও । [সপদদাপে]
দাঁড়াও । [রাণী উক্তবৎ দাঁড়াইলেন]

সিংহবাহু । শোন, আমার পুত্র বিজয়সিংহের বিরুদ্ধে তোমার ষড়্‌যন্ত্র
প্রমাণ হয়েছে । তুমি এই অভিযোগ আনিয়েছিলে—

রাণী । [সাস্চর্য্যে ।] আমি !

সিংহবাহু । একেবারে আকাশ থেকে প'ড়'লে যে ?

রাণী । আমি কুমার বিজয়সিংহের বিরুদ্ধে ষড়্‌যন্ত্র করেছি ?

সিংহবাহু । হাঁ রাণী !

রাণী । প্রমাণ ?

সিংহবাহু । প্রমাণ চাও ? প্রহরী ! ব্রাহ্মণকে ডাক—

ব্রাহ্মণ প্রবেশ করিল ।

সিংহবাহু । প্রমাণ এই ব্রাহ্মণ । ব্রাহ্মণ ! কে তোমায় এ অভিযোগ
আস্তে বলেছিল ?

ব্রাহ্মণ । মন্ত্রী ।

সিংহবাহু । মন্ত্রীর মন্ত্রণায় এ অভিযোগ এনেছিল জান ?

ব্রাহ্মণ । জানি—

সিংহবাহ । কার প্ররোচনায় ?

ব্রাহ্মণ । মহারানীর ।

সিংহবাহ । প্রমাণ শুনলে রানী !

রানী । উত্তম ! এই এক দরিদ্র ভিক্ষুক—মহারাজ । প্রকৃতিস্থ হোন্ । আমি এর বিন্দু বিসর্গ জানি না ।

সিংহবাহ ।—দাঁড়াও, আরও আছে । তারপর, তুমি যুবরাজকে হত্যা কর্কার জন্ত মন্ত্রীকে নিযুক্ত কবেছিলে ।

রানী । কি রকম ক'রে ?

সিংহবাহ । বিষ দিয়ে ।

রানী । তারও কি প্রমাণ—

সিংহবাহ । এই দরিদ্র ভিক্ষুক নয়, তার প্রমাণ সেই মন্ত্রী ; মৃত্যু-শয্যায় সে আমার কাছে তা স্বীকার ক'রে গিয়েছে । আমি কিন্তু তখন তা' বিশ্বাস করিনি—কি ! মুখ যে পাথরের মত হ'য়ে গেল ?

রানী । তারপর ?

সিংহবাহ । তারপর তুমি নিজে যুবরাজকে হত্যা কর্তে গিয়েছিলে, তাব প্রমাণ—এই ডাকাত—ভৈরব !

ভৈরবের প্রবেশ ।

সিংহবাহ । তার প্রমাণ এই ভৈরব [ভৈরবকে সম্মুখে ধরিলেন]

বাণী । উত্তম ! বঙ্গের মহারানীর বিপক্ষে অভিযোগ—মহারাজের পুত্রহত্যার চেষ্টা ; তার সাক্ষী—এক ভিক্ষুক, এক বিশ্বাসঘাতক মন্ত্রী, আর এক ডাকাত !—এই বুদ্ধি নিয়ে তুমি একটা রাজ্য শাসন কর—
[অবজ্ঞায় ফিরিলেন]

সিংহবাহু । দাঁড়াও । আমার কথা শেষ হয় নি ৭ শোন ; আমি বিচার করি শোন—ব্রাহ্মণ ! তোমার কণ্ঠা গিয়েছে, আমার পুত্র গিয়েছে, —আমরা সমদুঃখী । কিন্তু বজ্রের যুবরাজের বিপক্ষে মিথ্যা অভিযোগ আনার শাস্তি কি জান ?—কাঁপুছ কেন ব্রাহ্মণ ! তোমায় বেশী শাস্তি দেবো না । তোমায় রাজ্য থেকে নির্বাসিত করলাম । মন্ত্রী শাস্তির বাহিরে । আর ভৈরব ডাকাত ! তুমি আমার পুত্রকে রক্ষা করেছ, তুমি আজ থেকে আমার রাজ্যের সেনাপতি ।

ভৈরব । মহারাজ মার্জনা কর্বেন—আমি মহারাজের হস্তে কোন পুৰস্কার নেবো না, শপথ করেছি ।

সিংহবাহু । যেকপ তোমাব ইচ্ছা—আর মহারাণী ! বজ্রের যুবরাজের প্রাণনাশের বড়যন্ত্রের শাস্তি কি জান ?

রাণী । প্রাণদণ্ড !

সিংহবাহু । জল্লাদ ! [জল্লাদের প্রবেশ , রাণীকে বধ্য ভূমিতে নিয়ে যাও । যাও, আমার আজ্ঞা ।— [জল্লাদ রাণীকে বাঁধিল]

সুমিত্র । বাব্বা !

সিংহবাহু । সুমিত্র !

সুমিত্র । বাবা ! মাকে মেরো না ।

সিংহবাহু । আচ্ছা, তবে তোমায় প্রাণদণ্ডের বিনিময়ে এই দণ্ড দিলাম ।—জল্লাদ ! তপ্ত লৌহশলাকা দিয়ে এই নারীকে অন্ধ ক'রে পুরপথে ছেড়ে দাও ।—না আর একবার আমার কাছে নিয়ে এসো ।—একবার দেখব কি চেহারা হয় ।—নিয়ে যাও ।

[রাণীকে লইয়া জল্লাদ প্রস্থানোত্তত]

সিংহবাহু । আর শোন! তার আগে ওর—জিভ কেটে দিবি! জিভ থাক্তে জীলোককে বিশ্বাস নেই।—সে এত মিথ্যা কথা কৈতে পারে!—যাও, নিয়ে যাও ।

রাজা । রাণী! তুমি আমার প্রিয়তম পুত্রকে আমার পর ক'রে দিয়েছ, আমার চোখ থাক্তে আমার অন্ধ করেছ, আমি যদি বিনিময়ে—

সুমিত্র । বাবা! দাবা! মাকে মার্জনা কর, মার্জনা কর ।

সিংহবাহু । কি? পুত্র? তোকে এই বাজ্যের রাজা ক'বে যাবো ভেবেছিল্? তা মনেও করিস্ না। ঐ রাক্ষসীও গর্ভে মানুষ জন্মায় না, রাজা ত দূরের কথা। তোকেও ওর সঙ্গে নির্বাসিত কর্ব। বেরো বেটা ।

সুমিত্র । বাবা! ক্রোধে ক্ষিপ্ত হবেন না ।

সিংহবাহু । ক্রোধে! না, না, কচ্ছি কি? না—কিছু না—কিন্তু ওঃ!—যাকে পথের বর্দ্ধম হ'তে তুলে এনে, গোলাব জলে স্নান করিয়ে, সিংহাসনে আমার পাশে বসিয়েছিলাম, তাব এই উচিত প্রতিদান বটে! ঠিক শাস্তি দিয়েছি ।

সুমিত্র । ঐ মা আর্তনাদ কচ্ছে'ন! মা—মা! [দ্রোড়িয়া নিঃশব্দ]

রাজা । ঐ—ঐ—আহা হা! বেচাবী। ওবে, অন্দের ক'রে দিস্ না—অন্ধ ক'রে দিস্ না। [দ্রোড়িয়া যান্ত্রিতে উত্তত হইয়াই সহসা নিবৃত্ত হইয়া] না, যেমন কর্ম তেমনি ফল!—আশ্চর্য্য! না, আর না। পদাঘাতে ঘুম ভেঙ্গে গিয়েছে ।

অন্ধ রাণীকে লইয়া জল্লাদের প্রবেশ ।

সিংহবাহু । অন্ধ ক'রে দিয়েছিল্? [দেখিয়া সভয়ে মুখ ফিরাইয়া] ও কি! এ কে? এ কি রাণী!—কি ভয়ানক!—হুঃ! কোন ১২৪]

তৃতীয় অঙ্ক ।]

সিংহল বিজয় ।

[তৃতীয় দৃশ্য ।

দুঃখ নাই । এখন আমরা দুজনাই অন্ধ—আমি চোখ থাকতে অন্ধ,
আর তুমি !—হাঃ, হাঃ, হাঃ, বেশ হয়েছে । বেশ হয়েছে !—পিশাচী !
শয়তানী ! [কেশ ধরিলেন]

সুরমার প্রবেশ ।

সুরমা । বাবা ! বাবা ! কি কর্ছেন ?

সিংহবাহ । কেন ? কি কর্ছি ? [ছাড়িয়া দিলেন]

সুরমা । এও কি আপনার দ্বারা সম্ভব বাবা !

[সিংহবাহ লজ্জায় অধোমুখ হইলেন ।]

সুরমা । বাবা ! এখন নিষ্ফল ক্রোধ ক'রে কি হবে ? পুত্র ত আর
ফিরে পাবেন না ।

সিংহবাহ । কি অগ্নায়-করেছি ? রাজা আমি, বিচার কবেছি ।
তাকেও পুত্র ব'লে রেয়াৎ করিনি, একে রাণী ব'লে রেয়াৎ করব ? আমি
মহারাজ সিংহবাহ—বিনা দোষে পুত্রকে নির্কাসিত করেছি । নিয়ে যাও
এই পিশাচীকে—দশ থেকে নির্কাসিত ক'রে দাও ।

সুরমা । তা'হলে আমিও চললাম বাবা !

সিংহবাহ । যা না, কে তোকে ধ'রে রাখছে ?

সুরমা । এস মা অভাগিনী ! আজ তোমার সব অপরাধ ক্ষমা
কলাম । আজ আমি তোমাব মা হ'লাম । এসো মা ! [পিতাকে
প্রণাম করিয়া রাণীকে লইয়া প্রস্থান]

সিংহবাহ । ব্যস, ব্যস । পুত্র গেল, কন্যা গেল, স্ত্রী গেল । রাজ্য
যাক । আর কেন ? আমিও যাই । বম্ ভোলানাথ !

চতুর্থ দৃশ্য ।

—•—

স্থান—লঙ্কার উপকূল । কাল—সন্ধ্যা ।

বিজয় একাকী ।

বালক সমুদ্রতীরে "গান গাহিতেছিল । বিজয় দূরে অর্দ্ধশয়ান
অবস্থায় তাহাই শুনিতেছিলেন ।

গান ।

বরষা আইল ওই ঘন ঘোর মেঘে
দশদিক তিমিরে আঁধারি ।
আকুল বেদনা আর হৃদয় আবেগে
রাখিতে—রাখিতে নাহি পারি ॥
চমকে চপলা, চিত চমকে, সঘন ঘন
গরজনে কাঁপে হিয়া সখিবে—
ঝর ঝর অবিরল ঝরে জলধারা,
ঝর ঝর চোখে বহে বারি ॥
সঘন আঁধার ওই ঘনাইয়া আসে,
বিবাদে হৃদয় কাসে ছেয়ে,
বাতাস মিণায়ে বায় সজল বাতাসে—
শূন্য-নয়নে রহি চেরে—
কত না নিহিত ব্যথা, নিহিত বাতনা কত,
হৃদয়ে জাগিয়ে উঠে সখিরে—
সরম ভেদিয়া উঠে গভীর নিরাশা,
ধিক্ ধিক্ জনম আমারি ॥

বিজয় । কি আশ্চর্য্য !

[গাইতে গাইতে লীলা বিজয়ের কাছে আসিলেন ।]

বিজয় । বালক ! এত কিশোর বয়সে কি হুঃখ তোমার ? এই তরুণ বয়সে তুমি কি কাউকে ভাল বেগেছ ?

লীলা । কে বল্লো ? আমার হুঃখ ! আমার অপার স্নেহ ।

বিজয় । তবে হুঃখের গান গাইছিলে যে—

বালক । হুঃখের গানের মত মিষ্ট গান আছে ?

বিজয় । ঠিক বলেছ ভাই ।

লীলা । আচ্ছা, তুমি কি ভাবছিলে ভাই ?

বিজয় । বিশেষ কিছু নয় ।

লীলা । আমার মনে হুঃছে, যে বিশেষ কিছু ।

বিজয় । কেন ?

লীলা । আমি চিরকাল দেখে এসেছি যে, যখনই কোন যুব পুরুষ মানুষ, ‘কি ভাবছিলেন’ উত্তরে বলে, ‘এঁয়া—এমন বিশেষ কিছু নয়’, তখনই তারা বিশেষ কিছুই ভাবছে ।

বিজয় । কে বল্লো ? কখন না ।

লীলা । স্নেহ রাগ কেন ? বল্লোই ত হয়—‘এই জীবির কথা ভাবছিলাম’ ; তা ভাবলি কেউ তোমায় দোষ দিতে পার্ত্ত না ; কিংবা—“ভাবছিলাম—পশু চার পক্ষিই হাঁটে, আর মানুষ দু পায়ে হাঁটে কেন” ? সে সমস্তাটার মীমাংসা এতদিন কেউ কর্ত্তে পারেনি—কিন্তু—“না—তা—এমন কি—হাঁ—তা—বিশেষ কিছু—এঁয়া” এর একটা নিগূঢ় অর্থ আছে ।

বিজয় । তুমি এখন যাও ।

[তীয় অঙ্ক ।]

সিংহল বিজয় ।

[চতুর্থ দৃশ্য ।

লীলা । তুমি কি ভাবছিলে—আমি বলবো ?

বিজয় । কি ? বল দেখি ।

লীলা । তুমি ভাবছিলে, যে দুই আর দুইয়ে চার হয় কেন ? কখন
পাঁচ হয় না কেন ?

[বিজয় হাসিলেন ।]

লীলা । তার উত্তর কি বলবো ?

বিজয় । [সহাস্ত্রে] কি ?

লীলা । তার উত্তর—চিরকাল তাই হ'য়ে এসেছে, অল্প রকম হবার
যো নেই, কি কর্বে বল ।

বিজয় । না । [হাসিলেন ।]

লীলা । এটা কিন্তু কাষ্ঠ হাসি ।—কেমন ধরেছি কি না ?—আচ্ছা
বন্ধু ! তুমি এত গস্তীর কেন ?

বিজয় । আমি কি অত্যন্তই গস্তীর ?

লীলা । ভয়ানক ! সংসারে এসে এত গস্তীর ! যে সংসারের
দিকে—চেয়ে দেখি—একটু যদি ভাবি—অমনি ভয়ানক হাসি পায় ।

বিজয় । খুব বেশী হাসি পায় না কি ?

লীলা । ভয়ানক । আমার মনে হয়, মানুষ পরস্পরেব পানে চেয়ে
দেখেও কি রকম ক'রে গস্তীর হ'য়ে থাকে !

বিজয় । গস্তীর হ'য়ে থাকা কি ভারি শক্ত ?

লীলা । ভারি শক্ত । এ যে ভয়ানক বেশী জোরে হাসবার বিষয় ।

বিজয় । কি রকম ?

লীলা । এই দেখ বন্ধু ! মানুষ কাপড় চোপড় জড়িয়ে খাড়া হ'য়ে

ভূতীয় অঙ্ক ।]

সিংহল বিজয় ।

[চতুর্থ দৃশ্য ।

দাঁড়িয়ে, মাথা উঁচু ক'রে দেখায় যে, সে মাহুয । কিন্তু ভিতরে
সে পশু ।

বিজয় । পশু কেন ?

লীলা । নগ্ন অবস্থায় চার পায়ে হাঁটলেই সে পশু ! দ্বিতীয়তঃ, যা
নিকট, যা ঋষ, যা মুষ্টিগত, যা সহজ, তা ছেড়ে, যা দূর, যা অজ্ঞেয়, যা অস্পষ্ট,
তাবই পিছনে ছুটেছে ! তাই, সে ঘরের লক্ষ্মীকে ছেড়ে, পরের লক্ষ্মীর দিকে
ধেয়ে যায়, দীপ ছেড়ে জোনাকি ধর্মে ছোটে । তাই, সে এমন স্তম্ভর, সরল,
প্রত্যক্ষ জগৎ ছেড়ে, অবোধা, অন্ধকার, নিগূঢ় ঐশ্বর্যতত্ত্ব নিয়ে মাথা
ঘামায় । ঐ আকাশের পিছনে কি আছে, মৃত্যুর পরপারে কি আছে—সেই
চিবস্তন “কি ?” আর “কেন”র পিছনে ছুটেছে, যা—জান্‌বার যো নাই ।

বিজয় । বালক ! তুমি কে ? আমি সত্য সত্যই আশ্চর্য্য হই যে—

লীলা । আশ্চর্য্য হ'বার কথা বটে !

বিজয় । যে—তুমি এই কিশোর বয়সে বাড়ী ছেড়ে একদল গৃহহীন
ডাকাতের সঙ্গে সঙ্গে ঘুচ্ছ' কেন ?—আশ্চর্য্য !

লীলা । আশ্চর্য্য বটে—

বিজয় । কেন ঘুচ্ছ' ?

লীলা । কোতুহল মাত্র ।

বিজয় । মিথ্যা কথা ।

লীলা । ঠিক বলেছ—মিথ্যা কথা । বন্ধ তুমি অন্তর্যামী ।

বিজয় । কিসে ?

লীলা । কিপ্রা মিথ্যা কথা তোমার এত পরিচিত, যে দেখলেই
তাকে চিন্তে পার । তোমার সঙ্গে কথা কইতে ভয় হয় ।

বিজয় । কেন ?

লীলা । পাছে সত্য কথাগুলি মিথ্যা হ'য়ে যায় ।—একে মিথ্যা কথা কহা অভ্যাস আমার—স্তোর উপরে—ঐ শোন ঘুঘু ডাকে ।

বিজয় । তুমি এক প্রহেলিকা ।

লীলা । ঠিক বুঝেছ ।

বিজয় । কি বুঝেছি ?

লীলা । যে আমি এক প্রহেলিকা—ঠিক—এত বুদ্ধি !

বিজয় । যে হেতু বুঝেছি যে তুমি প্রহেলিকা ?

লীলা । তাই কয় জন জানে ? মানবজীবনই যে এক মহা প্রহেলিকা । কে কাকে জানে বন্ধু ? কতটুকু জানে ? আপনাকেই বা কে জানে ? তথাপি মানুষ, কে সৎ, অসৎ, সরল, উদার, কুট, তাই বিচাব কর্তে বসে—আম্পর্কী বটে ! জান কি বন্ধু যে সম্পদে যে সাধু, দারিদ্র্যে হেন কত “সাধু” চোর হয়, আর কত শত চোর প্রাচুর্য্যে “সাধু” নামে খ্যাত হ'তে পার্ত্ত ! জান কি তে বন্ধু—যাকে আজ অবজ্ঞা কর, যার সঙ্গে কথা কৈতে ঘৃণা কর—সে যদি তোমার প্রভু হ'য়ে বসে, তবে তার সঙ্গে একটি কথা কৈবার জন্ত তুমি লালায়িত হ'তে ? শুধু আমি প্রহেলিকা ? না মনুষ্যজীবনই এক প্রহেলিকা—এ বিশ্বসংসারই এক মহা প্রহেলিকা । মূৰ্খ ভাবে বুঝেছি—জ্ঞানী ভাবে কিছু বুঝি নাই—তাই সে জ্ঞানী ।

বিজয় । এসব কোথায় শিখলে বালক ?

লীলা । [মন্তকে হাত দিয়া] এইখানে—তুমি যে উত্তরোত্তর বিস্মিত হচ্ছ ! যাও নিজের কাজ কর । এক বালকের প্রলাপ শুনে, আলোকে এ দীপ্ত প্রভাত কাটিয়ে দিচ্ছ ! লজ্জা করে না ? কণ্ঠ কর, ১৩০]

তৃতীয় অঙ্ক ।]

সিংহল বিজয় ।

[চতুর্থ দৃশ্য ।

নহিলে এ দীর্ঘ জীবন কাটবে কিসে ? কৰ্ম্ম কর্কার যা আছে, তার পক্ষে
এ জীবন অতি ক্ষুদ্র, যে কৰ্ম্ম না করে, তার পক্ষে এ জীবন অতি দীর্ঘ ।
যাওঁ বীর কৰ্ম্ম কর । [প্রস্থান]

বিজয় । কি আশ্চর্য্য ! এত ক্ষুদ্র বালক—সংসারের কিছু জানে না—
কিন্তু এত প্রাজ্ঞ ! কখন কখন তার কথোপকথন ক্ষুদ্র তটিনীর তরল
কল্লোলের মত অলস-মধুর । আর কখন কখন তার সরল বিজ্ঞান মৰ্ম্মে
গিয়ে আঘাত করে—হৃদয়ের নিহিত ঝঙ্কারকে গিয়ে আলোড়িত করে ।
মাঝে মাঝে মনে হয়, যে সে প্রাণব কোন নিহিত ব্যথা গোপন ক’রে
আছে । তার হাসি হাসি মুখ, নত চক্ৰ, বিকম্পিত স্বর । তথাপি তার
সঙ্গে কথাবার্তায় অনেক শান্তি পাই ।

অনুরোধের প্রবেশ ।

অনুরোধ । মহারাজ !

বিজয় । [চমকিয়া] কে—অনুরোধ ! কি সংবাদ ?

অনুরোধ । বন্দীর প্রতি কি আজ্ঞা হয়েছে ?

বিজয় । বন্দী ! কোন্ বন্দী ?

অনুরোধ । মেহরার মহারাজ ।

বিজয় । ওহ ! তাকে মুক্ত ক’রে দাও ।

অনুরোধ । যে আজ্ঞা ।

[প্রস্থান]

বিজয় । সুন্দর সুনীল ঐ প্রগাঢ় আকাশ,

‘সুন্দর এ শৈলতট—নিরুদ্ধ নির্জন,

কিন্তু, ঐ হৃদয়ে এক অশান্তি গভীর ।

সুন্দর সে মুখখানি ! কি মহিমাযয় !

উরুবেল ও বিজিতের প্রবেশ ।

বিজিত । বিজয় ! তুমি এ স্থান পরিত্যাগ করবার আদেশ দিয়েছ ?

বিজয় । দিয়েছি ।

বিজিত । আবার কোথায় যাবে ?

বিজয় । জানি না, পাল তুলে দাও, যেখানে গিয়ে পড়ি ।

বিজিত । বিজয় ! তোমার মাথার ঠিক নাই ।

বিজয় । আমারও তাই বেধ হয় ।

বিজিত । কি বোম ভয় ?

বিজয় । যে আমার মাথার ঠিক নাই ।

বিজিত । সেটা বুঝেছ ? তা হ'লে একেবারে মাথার ঠিক নাই বলি কেমন ক'রে ? যদি বা মাসাধিক কাল পরে একটা উপকূলে এসে পড়লে, দুর্জয় বাহুবলে সেই মেছুরা জয় ক'রে মহারাজ হ'য়ে বসলে, তিন দিন না যেতে যেতেই আবার মেছুরা ছাড়বার সংকল্প ক'রে বসলে !

বিজয় । আব ভাল লাগে না ।

বিজিত । কোথা যাবে বিজয় ? দেখ, এই সুন্দর রাজ্য—একটা শাস্তিময় শ্রীমল সুন্দর রাজ্য—এমন রাজ্যের রাজা হ'য়ে বসতে পার । না আবার ছুটতে চলেছ ।

বিজয় । এত শাস্তি, এত সৌন্দর্য্য, এত সেবা, সহ্য হচ্ছে না—তাই যেতে চাই বন্ধু ।

বিজিত । কোথায় ?

বিজয় । যেখানে অরাজক, অত্যাচার, উচ্ছৃঙ্খল, উৎপীড়ন, প্রাণঘাতী ক্রোধ । যেখানকার রাজা—'কে আমার অংশ কেড়ে খেতে

তৃতীয় অঙ্ক ।]

সিংহল বিজয় ।

[চতুর্থ দৃশ্য ।

এলো ? ব'লে মার্জে ধেরে আসে, যেখানে অগ্নিবর্ণ চক্ষু আর উত্তত তরবারি, আর সরল শত্রুতা । ঢাকাঢাকি নাই, ধূর্ততা মাখামাখি নাই—
স্নেহা সরল শত্রুতা পাই ।

বিজিত । কিন্তু দশদিন এক জায়গায় স্থির থাকতে পার না ?

বিজয় । পারি কেমন ক'রে বন্ধু ?

বিজিত । আমি পারি কেমন ক'রে বিজয় ?

বিজয় । তুমি ! হুঁ—তুমি কখন নিজের বাপকে ক্রমে ক্রমে অপরিচিতের ভ্রাতা, শেষে শত্রু মত ব্যবহার কর্তে দেখেছ ? বাপের কোলে উঠতে গেলে, বাপ তোমায় কখন লাগি মেরেছে ? যে তোমায় হাতে ক'রে মাহুষ করেছে, সে কি তোমার অধরে বিষপাত্র ধরেছে ? তুমি কি—না
আমাব এ জীবন-সমুদ্র মগ্নন কু'রে কি হবে ? গবল উঠবে বৈ ত নয় ।

বিজিত । ঢাকা ঘূবে ঘেতে পারে ।

বিজয় । ভাগ্যের দয়ার উপর নির্ভর ক'রে থাকবার লোক
বিজয়সিংহ নয় ।

বিজিত । তবৈ কি কর্কে ?

বিজয় । নূতন দেশ আবিষ্কার কর্কে, নূতন রাজ্য স্থাপন কর্কে, নূতন
ধর্ম প্রচার কর্কে ।

বিজিত । কি ধর্ম ?

বিজয় । যে—সংসারে ভাই নাই, বাপ নাউ, মা নাই । সব মায়া ।
সব ভ্রান্তি, সব মিথ্যা । সব শ্বেততপ্ত মস্তিষ্কের ধূমায়িত কল্পনা ।
সংসার মায়া, স্বজন-মায়া, স্নেহ মায়া, ভক্তি মায়া ।

বিজিত । তবে সব সত্য ?

বিজয় । নিষ্ঠুরতা, মিথ্যাবাদ, ধাপ্লাবাজি, শয়তানী । পরমেশ্বর যদি থাকেন—থাকুন । অনন্ত নিদ্রায় অভিভূত থাকুন । তাঁর সঙ্গে আমার কোন সম্বন্ধ নাই ।

বিজিত । আমরা কি এক উন্মাদের পিছনে ছুটেছি !

বিজয় । তাই কি তোমার বোধ হয় ?

বিজিত । তাইত বোধ হচ্ছে ।

বিজয় । তবে তোমরা বাড়ী ফিরে যাও ।

বিজিত । যাব, তোমাকে নিয়ে ।

বিজয় । পার্কে না ।

বিজিত । চেষ্টা ত করি ।

বিজয় । নিষ্ফল প্রয়াস । আগে ভেবেছিলাম আর লোকালয়ে মুখ দেখাব না । অকূল গভীর সমুদ্রে তরী ভাসিয়ে দিয়ে—চ'লে যাই—যেখানে বাতাস ও ঢেউয়ে তাড়িয়ে নিয়ে যায় । তার পর তোমরা আমার সঙ্গে নিলে ।—কেন নিলে,—ভগবান্ জানেন ।

বিজিত । আমরা তোমায় ভালবাসি ব'লে ।—

বিজয় । তোমার তাই বোধ হয় ?

বিজিত । বোধ হয় কি রকম !

বিজয় । আমার ত তা ঠিক বিশ্বাস হয় না ।

বিজিত । আমার ব'লে গেল ।

বিজয় । আচ্ছা—এরা না হয় গৃহহীন দম্ভ্য; এরা আমার শক্তির পূরিচয় পেয়েছে—লুটের আশায় আমার পশ্চাৎ নিয়েছে । কিন্তু তুমি—রাজপুত্র তুমি—না, এ বেশ একটু খটকা ।

তৃতীয় অঙ্ক ।]

সিংহল বিজয় ।

[চতুর্থ দৃশ্য ।

বিজিত । তা হোক্ । এখান থেকে আজই যেতে হবে ?

বিজয় । হাঁ ।

বিজিত । কিন্তু—

বিজয় । দোহাই বিজিত ! আপত্তি ক'রোনা, আমি আর থাকতে পার্ক না । যাও প্রস্তুত হও গে ।

[বিজিতের প্রস্থান]

বিজয় । উত্তাল সমুদ্র করে প্রবল আঘাত
মেঘুরার শৈলতটে মেঘমল্লসম ;
উঠিছে সে মেঘবায় ঘন আর্দ্রনাদ,
তথাপি সিংহুর অন্ধ অস্থির হৃদয়ে
দয়া নাই, অনুকম্পা নাই—কি অসীম,
কি অস্থির, কি গম্ভীর, ঐ পারাবার ।
অলক্ষ্যে কুদেবীর প্রবেশ ।

বিজয় । কে !—ওঃ !

কুদেবী । বঙ্গ-যুবরাজ ! করিতেছ পরিত্যাগ
মেঘুরার শৈলতট ?

বিজয় । সত্যকথা দেবি !

কুদেবী । কোথায় যাইবে ?

বিজয় । কোন লক্ষ্য নাই দেবি !

তরণী ভাসায়ে দিব অকূল সাগরে ।

ভারপন্ন তরঙ্গ ও বায়ু যেথা ল'য়ে যায় ।

কুদেবী । কোথায় যাইব আমি ?

বিজয় । বখা অভিলাষ ।

কুবেণী । যাইতে ছাড়িয়া মোরে পারিবে কুমার ?

বিজয় । কেন পারিব না দেবি ?

কুবেণী । পারিবে না তুমি ।

আমি ভালবাসিয়াছি তোমারে কুমার !

নীরব কি হেতু ? আমি ছাড়িয়া দিব না

তোমারে কুমার আর । পাইয়াছি খুঁজি

নিজ অধিকার আজ ।

বিজয় । বিবাহিত আমি ।

কুবেণী । না, তাহার নহ তুমি, তুমি যে আমার—

বুঝিলাম সে মুহূর্ত্তে, যে মুহূর্ত্তে আমি

দেখিলাম তোমারে কুমার !

আমারে ছাড়িয়া যাবে ? সাধ্য কি তোমার !

বিজয় । বিবাহিত আমি দেবি !

কুবেণী । চেয়ে দেখ দেখি

আমার এ মুখপানে । শুধু একবার

ভাল ক’রে চেয়ে দেখ । তার পর তুমি

পার যদি, যেও সুবরাজ ! চেয়ে দেখ ।

বিজয় । অনিন্দ্যসুন্দরী তুমি, হেন রূপ রত্ন

দেখি নাই—কিন্তু দেবি !

কুবেণী । আর ‘কিন্তু’ নাই ।—

আর চিন্তা নাই । তুমি আমার—আমার !

বাখানি কন্ঠার রূপ—বিবাহপ্রস্তাবে—
 কহিতেন মাতা গর্বে—কন্ঠারহু তাব
 অতুল সুন্দরী বিশ্বে । স্বজন বান্ধবী
 উন্নত, আনন্দে অন্ধ, করিত বন্দনা,
 হই নাই উদ্বেলিত । কেন আজ তবে,
 তুমিয়া তোমার মুখে কপের ব্যাখ্যান,
 আনন্দে অধীর আমি ? শোন প্রিয়তম !
 এ রূপ তোমারে আমি ভিক্ষাদান কবি ।
 লহ, ধন্য হও ।

বিজয় । দেবি ! বিবাহিত আমি ।

কুবেণী । কহিয়াছি একবার, যথা ইচ্ছা তব
 যাও । দেখি সাধ্য তব ।

[বাহুদণ্ড হুলাইলেন]

বিজয় । কে তুমি সুন্দরী ?

কুবেণী । পরিচয়ে প্রয়োজন ? যাও দেখি বীর !

বিজয় । উত্তম, বিদায় দ্বাণ্ড, দেখি—

কুবেণী । সাবধান !

অন্ধকার করিও না তব অহঙ্কারে

তব ভবিষ্যৎ !

বিজয় । দেবি ! যেই অন্ধকার

মল্ল বর্ত্তমান, তার চেয়ে গাঢ়তর

অন্ধকার অসম্ভব ।—

কুবেণী । কি হুঃখ তোমার ?

বিজয় । নহিলে ভাসায়ে দেই মম বর্তমান

লবণাষু পারাবারে ?

কুবেণী । বিজয় ! তোমার

কি হুঃখ আমারে বল ।—করিব মোচন ।

বিজয় । সাধ্য নাই বন্ধু তব ।

কুবেণী । তথাপি, তথাপি—

কি হুঃখ আমারে বল ; বল প্রিয়তম !

বিজয় । শুনিবে বান্ধবী ?

কুবেণী । কহ ।

বিজয় । দেশ-নির্কাসিত

আমি ! আর—আর সেই নির্কাসনদাতা—

প্রিয়তম পিতা মম—যাঁহারে—জগতে

এত ভালবাসি নাই জীবনে কাহারে—

সেই পিতা—সেই পিতা !—না, না, কাজ নাই,

পিতা তিনি বটে, কিন্তু তিনি মহারাজ,

করেছেন সুবিচার । কোন দোষ নাই,

সব দোষ—অপরোধ—আমার, আমার ।

কুবেণী । বুঝিয়াছি, বুঝিয়াছি । আর সুবরাজ !

আমাদের ভবিষ্যৎ জড়িত গোপনে

একসঙ্গে । এ জীবনে অভেদ্য আমরা ।

কুবেণী আমার নাম । ভূত লঙ্কেশ্বর

পিতা মোর । পিতৃহীন আমি প্রিয়তম !
 জননী বিবাহ করি' নব লঙ্কেশ্বরে
 হয়েছেন সন্তানের পর । বল দেখি,
 সে কি হুঃখ সন্তানের, যখন—যখন
 জননী জননী নহে আর ! তারপর,
 এই নব লঙ্কেশ্বর ; নির্কাসিত আমি।
 এই রাজকন্যা আমি, পিতৃ-মাতৃহীনা,
 কিশোরী—বিশাল বিশ্বে কেহ নাহি মোর !
 পিতা নাই, মাতা নাই, গৃহ নাই ! তুমি
 সমুদ্রেব গ্রাস হ'তে করিলে উদ্ধার !
 এস নাথ ! কর মম রাজ্যের উদ্ধার,
 সিংহাসন ফিরে দাও । ফিরে দাও দেব !
 আমাব পৈতৃক স্বত্ব, জন্ম—অধিকার ।

সংকল্প দৃশ্য ।



স্থান—লঙ্কা । উৎপলবর্ণ ও তাপস ।

উৎপলবর্ণ । সেই একই পুরাণে কথা—শুঙ্ক নূতন আকারে ।
 মানবজীবন চক্রের মত ঘুরে যাচ্ছে । যা ঘটেছে, তাই আবার নূতন
 ক'রে ঘটছে, আবার ঘটবে । তাই মাঝে মাঝে জন্মান্তর হ'তে ভাবী
 ঘটনার দৃষ্টি একটা সঙ্কেত পাই । স্মৃতির নীরব তন্ত্র বেজে ওঠে । পূর্ব

জন্মের নিবিড় কাহিনী স্বপ্নাবেশে ভেসে আসে । তারপর মোহের আলোস্তে আবার ঘুমিয়ে—

তাপস । তা বুঝেছি পুরোহিত । কিন্তু এ স্বর্ণলঙ্কা যক্ষেব ।
মানুষের কখনও হবে না ।

উৎপল । যক্ষের আগে এ স্বর্ণলঙ্কা রাক্ষসের ছিল, তাপস !

তাপস । তবু আমি বিশ্বাস কর্তে পারি না যে, এ দ্বীপ মানুষ এসে
জয় করবে ।

উৎপল । বিশ্বাস শীঘ্রই কর্তে হবে । যে জয় করবে, সে এসেছে ।

তাপস । কে ?

উৎপল । বিজয়সিংহ । আমি তার গভীর বিজয়ভেরী শুনেছি ।

তাপস । অসম্ভব ।

উৎপল । এসেছে । আজই এক অভূত ব্যাপার দেখবে । সাতশত
সৈন্য নিয়ে বিজয় লঙ্কাজয় করবে ।

তাপস । সাতশত মাত্র সৈন্য নিয়ে ! অসম্ভব—উৎপলবর্ণ !

উৎপল । যখন ভিতর ক্ষয় হ'য়ে যায়, তখন সুমেরু-পর্বতশৃঙ্গও
বাতাসের এক মৃদু নিশ্বাসে ভুমিসাৎ হয় ।—ঐ দেখ আসছে । অন্তরালে
এসো [উভয়ের অন্তরালে গমন]

কথা কহিতে কহিতে অনুরোধ ও উরুবেলের প্রবেশ ।

অনুরোধ । আমাদের দেশ থেকে যে বিশেষ তফাৎ, তা ত বোধ
হচ্ছে না ।

উরুবেল । কৈ ! সেই নীল আকাশ, সেই চম্বা ধানক্ষেত, সেই
গাছপালা ।

ভূতায় অন্ধ ।]

সিংহল বিজয় ।

[পঞ্চম দৃশ্য ।

অনুরোধ । গুরুগুলো ঠিক গুরু ।

উরুবেল । বোধ করি ছুধও দেয় ।

অনুরোধ । উঃ ! লঙ্কার বিষয়ে কতই শুনেছিলাম—যে তার মাঠে
সোনা ফলে, গাছে হীরে ঝোলে !—এ সবই ত আমাদের দেশের মত ।

উরুবেল । তবে একটু বেশী জঙ্গলে !

অনুরোধ । আর বেশ ঠাণ্ডা ।

উরুবেল । ভারি নিস্তর্র ।

অনুরোধ । মায়াময় ! যেন থাকতে থাকতে ঘুম আসে !

উরুবেল । কিন্তু বেজায় জলকষ্ট । ছ'ক্রোশের মধ্যে একটা সরোবর
নেই ।

অনুরোধ । এরা বোধ হয় জল খায় না ।

উরুবেল । তাইত ! এরা সব ফেরে না কেন ?

অনুরোধ । চল এগিয়ে দেখি !

[উভয়ে নিষ্ক্রান্ত]

উৎপলবর্ণ ও তাপস বাহির হইয়া আসিলেন ।

তাপস । এদের কথা কিছু বোঝা গেল না ।

উৎপল । একে প্রাকৃত ভাষা বলে ।

তাপস । তুমি এন্ডাষা জান ?

উৎপল । জানি ।

তাপস । এরাই লঙ্কা জয় কর্বে ?

উৎপল । অবিকল ।

তাপস । অসম্ভব ।

[প্রস্থান*]

তৃতীয় অঙ্ক ।]

সিংহল বিজয় ।

[পঞ্চম দৃশ্য ।

উৎপল । [তাপসের পানে চাহিয়া] বেচারী । পূর্বজন্মের কিছুই
জানে না—ঐ বিজয় আসছে ।

[বালকের সহিত বিজয় পদচিহ্ন লক্ষ্য করিতে করিতে
প্রবেশ করিলেন ।]

বিজয় । তাদেরই পদচিহ্ন । ঠিক । কিন্তু এইখানে যে শেষ ।
আর ত দেখতে পাচ্ছি না ।

বালক । তাইত ।

বিজয় । এর মানে কি বালক ?

বালক । এইখানেই কেউ তাদের ইত্যা করেছে, কিংবা—

বিজয় । ‘কিংবা’ কি ?

উৎপল । এসেছ বিজয় ?

বিজয় । কে আপনি ?

উৎপল । একি ! তোমাকে যে চিনি বিজয়সিংহ !

বিজয় । সে কি ! আপনি আমার নাম জানলেন কেমন
ক’রে ?

উৎপল । নাম ।—তোমার নাড়ী নক্ষত্র সব জানি ।

বিজয় । আপনি আমার চেনেন ?

উৎপল । বেশ চিনি । ঠিক সেই গর্কিত শিরঃসঞ্চালন, সেই
চিন্তাকুল উদাস দৃষ্টি ।—ঠিক সেই বটে ।

বিজয় । আপনি আমার পূর্বে দেখেছেন ?

উৎপল । দেখেছি ।

বিজয় । কোথায় ?

উৎপল । পূর্বজন্মে । তুমি আমার কিছু চিন্তে পাচ্ছ'না ?—কি !
আশ্চর্য্য ভাবে আমার মুখপানে চেয়ে রয়েছ যে ! চিন্তে পাচ্ছ'না ?

.বিজয় । না ।

উৎপল । কিন্তু আমার বেশ মনে আছে । বেশ মনে পড়ে—তুমি
এক বণিকের পুত্র ছিলে, আর আমি এক গৃহস্থপুত্র ছিলাম । বাণিজ্যে
তোমার আসক্তি ছিল না, আমারও সংসারে স্পৃহা ছিল না । আমরা
দুই অভিন্নহৃদয় বন্ধু ছিলাম ।—কিছু মনে পড়ে না ?

বিজয় । না ।

উৎপল । আমরা দুজনে দিনের মধ্যে পরস্পরকে একবার না দেখলে
থাক্তে পার্ভাম না । একদিন মনে আছে, আমরা দুজনে নীলাচলমূলে
বেড়াচ্ছিলাম, তুমি দেশ দেশান্তরের কথা আমার শোনাচ্ছিলে, আমি
তোমায় কত জন্ম জন্মান্তরের বার্তা শোনাচ্ছিলাম । বেড়াতে বেড়াতে
সন্ধ্যা হ'য়ে এলো । আমি বল্লাম—‘চল বাড়ী যাই ।’ তুমি বল্লে—‘আগে
চাঁদ উঠুক ।’ তার পর অন্ধকার হ'য়ে এলো ; পরে চাঁদ উঠলো ; তখন
আমরা বাড়ী ফির্লাম—কিন্তু এক অপরিচিত পথ দিয়ে ।—মনে পড়ে না ?

বিজয় । কৈ ?

উৎপল । তার পর, একটা জঙ্গলে এসে পড়লাম । একটা বাঘের
ডাক শুনলাম । আমি ভয় পেলাম । তুমি কিছুমাত্র বিচলিত না হ'য়ে,
পূর্ববৎ গল্প কর্তে কর্তে চলে । তার পর—

বিজয় । তার পর ?

উৎপল । একটা বাঘ বনের মধ্যে থেকে বেরিয়ে আমার আক্রমণ
কল' । তুমি ক্ষিপ্রহস্তে তরবারি খুলে তার গলায় বসিয়ে দিলে ; বাঘ

আমায় ছেড়ে তোমায় আক্রমণ কর'। এখনও মনে পড়ে—ব্যাঘ্রের
সেই উন্মত্ত গর্জ্জন, তোমার সেই স্থির রক্তাক্ত দেহ, কাতর দৃষ্টি, মৃত্যু—

বিজয় । আমারু মৃত্যু !

উৎপল । ঠিক মনে আছে ।

বালক । সতাই এ মায়াব দেশ, সবই অদ্ভুত ।

উৎপল । এ বাণকটি কে ? পূর্বজন্মে দেখেছি ব'লে ত মনে
হচ্ছে না ।

বিজয় । পূর্বজন্মের কথা আপনাব এত মুখস্থ ?

উৎপল । পবীক্ষা দিতে পারি ।

বালক । যাক—সে বিষয়ে আপনাকে পরীক্ষা করবার যোকের
অভাব । আপাততঃ এ জন্মে আপনি কে ?

উৎপল । আচার্য্য ।

বালক । তা বেশ বোঝা যাচ্ছে ।—এ কোন্ দেশ ?

উৎপল । লঙ্কা । এ নগরের নাম তাম্রপর্ণী ।

বালক । রাবণ তবে এই লঙ্কার রাজা ছিলেন ?

উৎপল । হাঁ বালক ।—পূর্বজন্মে তুমি কি ছিলে বল দেখি ?

বালক । পূর্বজন্মে আমি হতাশ-প্রণয়িনী ছিলাম ।

উৎপল । বটে ! বটে !—কাকে ভালবাসত ?

বালক । এই বিজয়সিংহকে । বন্ধু তোমার মনে নেই ? সেই যে—
একটি ছোট ব্রাহ্মণের মেয়ে ছিল । ধূলার প্রাসাদ তৈর ক'রে ভেঙ্গে
ফেলতো, খাবার পেলে তোমাকে অর্দ্ধেক এনে দিত ।

উৎপল । দিত নাকি ?

বালক । না দিয়ে খেত না । বিজয়কে যখন তাঁর বাপ বেত মার্শেন—

• বিজয় । কি ! আমার বেত মার্শেন ?

বালক । আমি সে আঘাত পিঠ পেতে নিতাম । উঃ ! এখনও তার বেদনা কিছু কিছু অনুভব করছি যেন । তারপর, বিজয়ের বাপ যখন বিজয়কে তাড়িয়ে দিলেন—

বিজয় । পূর্বজন্মেও আমার বাপ আমার তাড়িয়ে দিয়েছিলেন ?

বালক । আমি তাঁর সঙ্গে সঙ্গে ফির্তাম । বিজয় আমার দেখত না ।

উৎপল । বিজয়কে তোমার প্রেম—

বালক । না—

উৎপল । ঠিক ।

বালক । “ঠিক” কি ?

উৎপল । তুমিই বটে !

বালক । এখন চিন্তে পাচ্ছেন ?

উৎপল । না, তোমায় কখন দেখিনি । তবে—

বালক । তবে ?—

উৎপল । বিজয় তোমার কথা আমার কখন কখন বলত ।

বালক । বলতেন ? বাচ্চলাম ।

উৎপল । বিজয় তোমায় ভালবাসতো ।

বালক । বাসতেন ? আহা ! সে কথাটা যদি পূর্বজন্মে জ্ঞাতাম !

বিজয় । তোমায় ছ’জনে একটা ষড়যন্ত্র ক’রেছে নাকি ?—মহাশয় !

তৃতীয় অঙ্ক ।]

সিংহল বিজয় ।

[পঞ্চম দৃশ্য ।

সে সব পূর্বজন্মে আমি যা-ই ছিলাম—তাতে আপাততঃ কিছু যাচ্ছে আসছে না । এখন আমার সঙ্গীরা কোথায় বলতে পারেন ? তাঁরা এই দিকেই এসেছিলেন ।

উৎপল । ক'জন ?

বিজয় । সাত শ জন ।

উৎপল । ঠিক ।

বালক । পূর্বজন্মের সঙ্গে মিলে গেল নাকি ?

উৎপল । রোস, তোমায় মায়ার অভেদ ক'রে দেই । [হস্তে স্ত্রবন্ধন]

বালক । আবার—বাঁধে যে !

উৎপল । মন্ত্র পড়িয়া বিজয়ের গায়ে জল ছিটাইয়া দিলেন ।

বিজয় । ও আবার কি ?

উৎপল । তুমি লঙ্কাজয় কর্বে ।

বিজয় । একি ! আমার উন্নাদ পেলেন নাকি ? [কঠোর স্বরে] আমার সঙ্গীরা কোথায় ? শীঘ্র বলুন । নইলে—[তরবারি নিষ্কাশন করিলেন]

উৎপল । অত উৎকট নয় ভাই । তরবারির ব্যবহার কর্তে হবে—কিন্তু এখন নয় ।—তোমার সঙ্গীদেব বন্দী ক'রে রেখেছে ।

বিজয় । কে ?

উৎপল । লঙ্কার অধিপতি ।

বিজয় । কি রকমে ?

উৎপল । মায়াবলে । এই যক্ষ মায়াবলে অজেয় । কিন্তু যক্ষকন্তা ১৪৬]

তৃতীয় অঙ্ক ।]

সিংহল বিজয় ।

[পঞ্চম দৃশ্য ।

কুবেরী তার মায়াবলে তাদের উদ্ধার করেছে । আমি মায়াবল জানি না ।
কিন্তু মায়াবল প্রতিরোধ কর্তে জানি । ঐ দেখ, তোমার সঙ্গীরা আসছে ।

বিজয়ের সঙ্গিগণের প্রবেশ ।

সঙ্গিগণ । জয় যুবরাজ বিজয়সিংহের জয় !

উৎপল । তুমি এই সাত শ সেনা নিয়েই লঙ্কাজয় কর্বে ।
পূর্বেও এইরূপ হয়েছিল । এবারও হবে । তুমি লঙ্কার রাজা হবে,
কুবেরী লঙ্কার রাজ্ঞী হবে । যাও বিজয় ! যুদ্ধের জন্ত প্রস্তুত হওগে,
কাল যুদ্ধ । [বিজয় ও বালক ভিন্ন সকলে নিষ্ক্রান্ত ।]

লীলা । বন্ধু ! আমার কিন্তু ভারি হাসি পাচ্ছিল ।

বিজয় । কেন ?

লীলা । একটা কথা মনে ক'রে ।

বিজয় । সেটা হচ্ছে কি ?

বালক । সেটা হচ্ছে যুদ্ধ ।

বিজয় । যুদ্ধ হাশ্বকর ?

বালক । হাশ্বকর নয় ? একটা গরু ঘাস খাচ্ছে, পাশের জমিতে
আব একটা গরু ঘাস খাচ্ছে । এ গরুটা তাই দেখল । আর সৈল না ।
সে বলল, আমি নিজের ঘাস খাব না, ওর ঘাস খাব । কেন ? না ও ঘাস
বেশী মিষ্টি । ও গরুটা যদি বলে, যে তবে তোমার ঘাস আমি খাই ? না,
আমি এমুও খাব, ও-ও খাব ! দুটোই খাব । তুমি খেতে পাবে না ।
শুদ্ধ আমি খাচ্ছি । তোমার বাঁচার ত কোন দরকার নাই ।

বিজয় । ঠিক বলেছ বালক !

বালক । তবে আমার গলা টিপে ধর ।

তৃতীয় অঙ্ক ।]

সিংহল বিজয় ।

[পঞ্চম দৃশ্য ।

বিজয় । কেন ?

বালক । তোমার জোর বেশী । অপ্রিয় সত্য কথা বলবার আমার
অধিকার কি ?

বিজয় । সত্য, বালক ! কে তুমি ? আপন মনে কি বলে যাও—
যেন পাগলের পাগলামি ! কিন্তু তা ত নয় । এর ভিতরে একরাশ
মানে,—কে তুমি বালক ? [হস্ত ধরিলেন]

[বালক সর্পদষ্টবৎ হাত সরাইয়া লইলেন ।]

বিজয় । কি, লেগেছে ?

বালক । লেগেছে, বড় লেগেছে, কিন্তু হাতে নয়—[বক্ষে হাত
দিয়া] এখানে, এখানে । কেন আমার তুমি স্পর্শ করলে ? কি করলে !
কি করলে !

বিজয় । কেন, কি করেছি ?

বালক । আর ত পারি না । এই নির্জজন সমুদ্রতীর, এই মধুর সন্ধ্যা,
আকাশে ঐ চাঁদ উঠছে ।—প্রিয়তম ! প্রাণাধিক !—না, না—রাজাধিরাজ !
আমার কোন বাসনা নাই । ক্ষমা কর । [প্রস্থান]

বিজয় । কি আশ্চর্য্য !

অষ্ট দৃশ্য ।



স্থান—লঙ্কার প্রাসাদ । কাল—সন্ধ্যা ।

কালসেন ও জয়সেন ।

কালসেন । যুদ্ধের সংবাদ কি, জয়সেন !

জয়সেন । জানি না পিতা !

কালসেন । তুমি যুদ্ধক্ষেত্র থেকে আসছ না ?

জয়সেন । না, পিতা ।

কালসেন । তবে এতক্ষণ কোথায় ছিলে ?

জয়সেন । প্রাসাদশিখরে ।

কালসেন । প্রাসাদশিখরে !—সেখানে কি কর্ছিলে ?

জয়সেন । যুদ্ধ দেখছিলাম ।

কালসেন । যুদ্ধ দেখছিলাম !—ও কি ! কাঁপছ কেন ?

জয়সেন । পিতা ! এ সমরে আমাদের পরাজয় নিশ্চিত ।

কালসেন । কে বলে ?

জয়সেন । বিজয়সিংহ দৈবরাজ ইন্দ্রের মত যুদ্ধ কর্ছে ! লঙ্কার সৈন্য তাকে আক্রমণ কর্তে যাচ্ছে, আর তার শরাঘাতে ভস্মের মত উড়ে যাচ্ছে । বিজয়সিংহ সাক্ষাৎ কালাস্তক যম । হেন ভীষণ মৃত্তি কখন দেখিনি । এসে কি ভয়ানক ! লঙ্কার পরাজয় হবে ।

কালসেন । জ্বাই কাঁপছ ? ভীক ! তুচ্ছ মাহুষের সঙ্গে যুদ্ধে যকের পরাজয় হবে ! কি প্রলাপ বকছ ? তুচ্ছ মাহুষের সঙ্গে !—

উৎপলবর্ণের প্রবেশ ।

উৎপল । স্বয়ং ভগবান্ মানুষেরই আকারে লঙ্কাধামে এসেছিলেন
মহারাজ !

কালসেন । কিন্তু বজ্রের বিজয়সিংহ ভগবান্ নয় ।

উৎপল । মহারাজ কালসেনও শমনজয়ী দশানন নয়—রাজপুত্র
জয়সেনও ইন্দ্রজিৎ মেঘনাথ নয় ।

কালসেন । কিন্তু সাত শ সৈন্ত—

উৎপল । মহারাজ ! যখন কালপূর্ণ হয়, তখন সব অসম্ভবই সম্ভব
হয় । লঙ্কায় যকের রাজত্বের পরমায়ু শেষ হয়েছে—মানুষের যুগ এসেছে ।

কালসেন । কে বলে ?

উৎপল । আমি দেখেছি ।

কালসেন । কি দেখেছ পুরোহিত ?

উৎপল । এই ভবিষ্যদ্বাণী ।

কালসেন । দেখেছ ? কোথায় ?

উৎপল । অনল অক্ষরে লেখা ।

কালসেন । কোথায় ?

উৎপল । আকাশের ঘন আন্তরণে ।

ঐ শোন মানুষের জয়ধ্বনি !

ও কি লঙ্কেশ্বর ! কেন পাংশু ভয়ে ?

রক্ষা নাই—সাবধান !

[ঐহান]

কালসেন । আবার ও মানুষের জয়ধ্বনি !—একি ?

দেখি অন্ধকার ! কেন কম্পিত চরণ !

তৃতীয় অঙ্ক ।]

সিংহল বিজয় ।

[ষষ্ঠ দৃশ্য ।

আবার, আবার ঐ সমুচ্চ নিনাদ—

মাল্লুষের জয়ধ্বনি ।—কে আছে কোথায় ?

রক্ষা কর, রক্ষা কর ।

নেপথ্যে বসুমিত্রা । পালাও । পালাও ।

বসুমিত্রার প্রবেশ ।

কালসেন । কে—কে তুমি ?

বসুমিত্রা । চল, চল—পলাইয়া যাই ।

কালসেন । কোথায় ?

বসুমিত্রা । সমুদ্রে, ঘন গহনে, পর্বতে ; যেখানে হয়, পালাই ।

কালসেন । পালাবো !

বসুমিত্রা । হাঁ, চল পালাই ।

কালসেন । রক্ষা কর বরুণাশ্ব !

বসুমিত্রা । কারো সাধ্য নাই যে, তোমায় এ সঙ্কটে রক্ষা করে
মহারাজ !

কালসেন । কেন ? স্পষ্ট ক'রে বল । ওকি ! বারবার বিপক্ষের জয়-
ধ্বনি ! ওকি বসুমিত্রা ! পাষণ্ডপ্রতিমার মত স্থিরমূর্ত্তি—নির্গিমেষ নেত্রে
চেয়ে রয়েছে কেন ? বসুমিত্রা !

বসুমিত্রা । মহারাজ ! পালাই চল । নইলে রক্ষা নাই ।

কালসেন । কেন ? স্পষ্ট ক'রে বল ।

বসুমিত্রা । কুবেরীকে মনে পড়ে মহারাজ !

কালসেন । সে ত ম'রে গিয়েছে ।

বসুমিত্রা । মরে নাই মহারাজ ! কাল রাত্রিকালে তাকে দেখেছি ।

কালসেন । কোথায় ?

বসুমিত্রা । স্বপ্নে । দেখলাম, সে বিজয়সিংহের পাশে দাঁড়িয়ে ।
পরিধানে রণবেশ ; ঘর্ন উষ্ণীষের নীচে আলুলায়িত কেশদাম, দীপ্ত
বদনমণ্ডল, অপাঙ্গে গভীর কালিমা । সে বল্ল, “মা পালিয়ে এসো ।”
আমি যাইতে চাইলাম না । অমনি সে নিমেষে আকাশের সঙ্গে
মিশিয়ে গেল । কিন্তু স্কিঞ্জর দাঁড়িয়ে রইল । চল পালাই ।

কালসেন । শুধু নারীর স্বপ্ন ।

বসুমিত্রা । শুধু স্বপ্ন নয়, তারপর ঘুম থেকে উঠে আমি ভাবছি—
চক্ষু তুলে দেখি সম্মুখে কুবেণী ! আমি তাকে জড়িয়ে ধরলাম । আমার
হাত ধ’রে বল্ল “মা চ’লে এস ।” আমি বললাম, “না, যাব না ।” অনেক
সাধুল, আমি তবু গেলাম না । তারপর—তারপর সে চ’লে গেল ।

কালসেন । তুমি গোপনে তার সঙ্গে সাক্ষাৎ করেছ ?

বসুমিত্রা । করেছি । কি ! তোমার মুখ হঠাৎ সাদা হ’য়ে গেল
কেন ? এস, এস পালাই । [হাত ধরিলেন]

কালসেন । [ধীরে হাত ছাড়াইয়া] বসুমিত্রা ! এ তোমার কাজ !

বসুমিত্রা । কি আমার কাজ ?

কালসেন । তুমি এই বৈরীদল লঙ্কায় ডেকে এনেছ—ওকি !

আবার বিপক্ষের জয়ধ্বনি ! তুমি—তবে—

বসুমিত্রা । না, না, আমি নই । আমার কুন্তা ।

কালসেন । একই কথা । আমি পাল্যাব না । আমি মর্জিত বসেছি,
মর্জ । কিন্তু তুমিও মর্জ ।

বসুমিত্রা । সে কি !—

কালসেন । তোমায় হত্যা কর্ব । [তরবারি খুলিয়া বহুমিত্রার গলদেশ ধরিয়া ভূপাতিত করিয়া] প্রস্তুত হও ।

বহুমিত্রা । হত্যা ক'রো না—আমি নির্দোষী ।

কালসেন । দোষী কি নির্দোষী তা বিচার কর্বার অবসর নাই ।
তবে—[তরবারি উঠাইয়া]

বহুমিত্রা । রক্ষা কর ! রক্ষা কর ! কে আছে কোথায়—রক্ষা কর ।

কালসেন । এই কচ্ছি । [তরবারি দ্বারা পুনঃ পুনঃ আঘাত]

রণবেশে বিজয়সিংহ ও কুবেরীর প্রবেশ ।

কুবেরী । এই যে এখানে, মহারাজ ! মহারানী কোথায় ?

কালসেন । মহারানী ! কোথাকার মহারানী ?

কুবেরী । লঙ্কার জননী !

কালসেন । কেন ?

কুবেরী । যেন তাঁর আর্তস্বর শুন্লাম ।

কালসেন । শুনেছ ?

কুবেরী । ' শুনেছি—কে যেন বল্ল, "হত্যা ক'রো না, রক্ষা কর ।"

সেই স্বর । মহারানী কোথায় ?

কালসেন । 'ঐখানে' । ঐ কোণে । ঐ স্থির মাংসপিণ্ড ।

কুবেরী । [অগ্রণর হইয়া] মা ! মা—উত্তর নাই যে ! মা !

একি ?—রক্ত !

কালসেন । সব বাক্য স্তব্ধ হয়েছে ।

কুবেরী । কি করেছ মহারাজ !

কালসেন । হত্যা করেছি ।

তৃতীয় অঙ্ক ।]

সিংহল বিজয় ।

[ষষ্ঠ দৃশ্য ।

কুবেরী । হত্যা করেছ ? তুমি—

কালসেন । আমি হত্যা করেছি ।

বিজয় । [অগ্রসর হইয়া] লঙ্কেশ্বর ! তুমি নারীহত্যা করেছ ?
অস্ত্র বা'র কর ।

কালসেন । কে তুমি ?

বিজয় । আমি বিজয়সিংহ । যুদ্ধ ক'রে মর—কাপুরুষ !

[উভয়ের যুদ্ধ ও কালসেনের পতন ।]

কুবেরী । [বনুমিত্রার উপর পড়িয়া] জননী ! জননী !

চতুর্থ অঙ্ক ।

—*~*—

প্রথম দৃশ্য ।

—:::—

স্থান—লঙ্কার একটি বিজন প্রান্তর । কাল—সন্ধ্যা ।

বিক্রপাক্ষ ও বিশালাক্ষ ।

বিক্রপাক্ষ । বিজয়সিংহ তা হ'লে রাজা হ'য়ে বসেছেন ?

বিশালাক্ষ । বসেছেন বৈ কি ।

বিক্রপাক্ষ । যখন এই বিজয়ী বীর লঙ্কার সিংহাসনে বসলেন, তখন লঙ্কার অধিবাসীরা কি ভাবে তা নিলে ?

বিশালাক্ষ । বিজয়সিংহ লঙ্কার সেই পুরাতন মণিখচিত স্বর্ণ সিংহাসনে বসলেন । তাঁর অনুচরবর্গ উচ্চ স্বরে ব'লে উঠুল—“জয় লঙ্কাধিপতি বিজয়সিংহের জয় ।” অমনি প্রাসাদমঞ্চে জয়বাণী বেজে উঠল । তুর্গশিরে বন্ধের শুভ্রপতাকা উড়িয়ে দিল । সভাসদগণ জয়ধ্বনি করল ।

বিক্রপাক্ষ । প্রজাগুণ সে জয়ধ্বনিতে যোগ দেয় নি ?

বিশালাক্ষ । দিয়েছিল ।

বিক্রপাক্ষ । ঘরে ঘরে শঙ্খধ্বনি হয় নি ?

বিশালাক্ষ । হয়েছিল ।

বিরূপাক্ষ । পুরোহিতবর্গ উপস্থিত ছিল ?

বিশালাক্ষ । ছিল ।

বিরূপাক্ষ । কেউ কিছু বলেছিল ?

বিশালাক্ষ । একজন তরুণ তাপস বলেছিল । সে বলেছিল—“জয় মহারাজ জয়সেনের জয় ।”

বিরূপাক্ষ । সত্য ? কৈ সে তাপস ?

বিশালাক্ষ । জানি না ।

বিরূপাক্ষ । ধন্য তাপস ! তা’তে কেউ কিছু বলেছিল ?

বিশালাক্ষ । না । বঙ্গের বিজয়সিংহ একবার তা’ব পানে চেয়ে দেখেছিলেন । অমনি তাঁর দীপ্ত মুখমণ্ডল সহসা গম্ভীর হ’ল । তাঁর পর পূর্ববৎ তিনি তাঁর প্রিয় অম্বুচরদেব সঙ্গে কথাবার্তা কৈতে লাগলেন ।

বিরূপাক্ষ । তারপর আর কিছু ?

বিশালাক্ষ । আজ প্রভাতে রাজ্ঞী কুবেরীর সঙ্গে বিজয়সিংহের বিবাহ হ’য়ে গিয়েছে ।

বিরূপাক্ষ [[গম্ভীর ভাবে] হ’ !

বিশালাক্ষ । রাজকুমার জয়সেন সে বিবাহে এসে বাধা দেন’ । বাজ্ঞী তাকে কারাগারে নিক্ষেপ করেছেন ।

বিরূপাক্ষ । কি অপরাধে ?

বিশালাক্ষ । জয়সেন উন্নতবৎ বিবাহ-সভায় বিজয়সিংহকে হত্যা কর্তে যান । রাজ্ঞী উন্মাদ ব’লে তাকে বধ করেছেন ।

বিরূপাক্ষ । উত্তম ! তারপর ?

চতুর্থ অঙ্ক ।]

সিংহল বিজয় ।

[প্রথম দৃশ্য ।

বিশালাক্ষ । আজ রাজ্যিকালে রাজদম্পতীর বিবাহ-উৎসব ।

বিরূপাক্ষ । হঁ ! এখন কি কর্কে ঠিক করেছ বিশালাক্ষ !

বিশালাক্ষ । কি আবার কর্কে ?

বিরূপাক্ষ । এই শত্রুর সেনাপত্য কর্কে ?

বিশালাক্ষ । কেন কর্কে না ? যখন লঙ্কা স্বাধীন ছিল, যুদ্ধ করেছি ।
লঙ্কাজয়ের পর, আর বিবাদ করা পাপ ।

বিরূপাক্ষ । এক বাঙ্গালীর দাসত্ব কর্কে—লঙ্কার অধিবাসী !
মানুষের দাস্ত কর্কে—যক্ষ !

বিশালাক্ষ । মানুষ । কিন্তু মানুষের মত মানুষ । এই বিজয়সিংহকে
দেখে তোমার ভক্তি হয় না ?

বিরূপাক্ষ । কি বল্লে বিশালাক্ষ ? ভক্তি ! কথাটা বেশ উচ্চারণ
কলে'ত ! মানুষকে ভক্তি !

বিশালাক্ষ । বিরূপাক্ষ বুঝা এই আশ্চর্য । যক্ষের যুগ গিয়েছে ।
এখন মানুষের যুগ এসেছে । অবশ্য, সে মানুষের মত মানুষ যদি হয় ।

বিরূপাক্ষ । সেনাপতি ! যদি যক্ষের যুগ গিয়ে থাকে, ত আমিও
তার সঙ্গে যাব ! জ্যোৎস্নার বিলয়ে, নিলজ্জ কলঙ্কী চাঁদের মত, আকাশে
ভয়ে পাংশু হ'য়ে, দাঁড়িয়ে সূর্যের দিকে চেয়ে থাকব না ।

বিশালাক্ষ । রাজ্যশাসন কর্তে অক্ষম, অত্যাচারী কালসেনের
উচ্ছৃঙ্খল রাজত্ব ত যাটবেই । বিজয়সিংহ কেবল বিধাতার হুকুম তামিল
করেছেন । তার জয় হোক ।

বিরূপাক্ষ । উত্তম ! আজ থেকে আমি তোমার শত্রু ।

বিশালাক্ষ । বিবেচনা কর বিরূপাক্ষ ! [হাত ধরিলেন]

বিরূপাক্ষ । যাও [হস্ত ছাড়াইয়া দ্রুত প্রস্থান ।]

বিশালাক্ষ । বুঝা আশ্ফালন, বিরূপাক্ষ ! নূতনের কাছে পুরাতন টেকে না,—কি রাজ্যে, কি শিল্পে, কি ধর্ম্মে । আকাশে মেঘ ছেঁরে এসেছে । অথচ বৃষ্টি নাই, বাতাসের একটা উচ্ছ্বাসও নাই । কি গ্রীষ্ম !

কথা কহিতে কহিতে উৎপল ও তরুণতাপসের প্রবেশ ।

তাপস । তবে তুমি—এই বঙ্গের বিজয়সিংহকে এই লঙ্কায় টেনে এনেছ পুরোহিত !

উৎপল । আমি নয়—ভাগ্য ।

তাপস । ভাগ্য ?—মিথ্যা কথা ! ভাগ্য ? মানুষ আপনার ভাগ্য আপনি গড়ে ।

উৎপল । জেতার তাই বিশ্বাস ? অহঙ্কার চিরদিন অহঙ্কার করে যে, সে একা নিজে নিজের ভবিষ্যৎ গঠন করে । কিন্তু সে এই গভীর ভিতর আছে । বাইরে যাবার সাধ্য নাই । এ বিজয়সিংহ এ অবস্থায় চিরদিন এসেছিল, আজ এসেছে, চিরদিন আসবে ।

তাপস । আর তুমি তাকে বরণ ক'রে এনে ঘরে তুলবে ?

উৎপল । আমি ভাগ্যের অধীন ।

তাপস । ভাগ্যের অধীন ! না বিশ্বাসঘাতক !

উৎপল । হাঁ, আমি বিশ্বাসঘাতক । কিন্তু এই ভাগ্য !—আমি কি কর্কষ বল ? আমি জাস্তাম যে, আমি বিশ্বাসঘাতক হব । বিজয় লঙ্কায় কর্কে । তুমি নিষ্ফল আশ্ফালন কর্কে । এ ললাটলিপি আমি যে পড়েছি । যা যা হচ্ছে, সব—জাস্তাম ।

তাপস । আর যা যা হবে ?

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

উৎপল । সব জানি ।

তাপস । জান, যে তোমার মৃত্যু তোমার সম্মুখে ?

উৎপল । বহুদূরে । আমার কাজ এখনও শেষ হয় নি । বহুদূরে—

তাপস । না, এই দণ্ডে ।

উৎপল । বহুদূরে —

তাপস । তবে এই মুহূর্ত্তে ! এই দেখ—। গলদেশ ধরিয়া কুক্ষি
হইতে ছুরি বাহির করিয়া উৎপলবর্ণকে বধ করিতে উত্তত হইলেন ।
তৎক্ষণাৎ বিশালাক্ষ আসিয়া তাপসের হাত ধরিয়া কহিলেন “সাবধান !”]

তাপস । কে তুমি ?

বিশালাক্ষ । পুরোহিত হত্যা ক’রো না । [হস্ত হইতে ছুরিকা
সবলে কাড়িয়া লইয়া দূরে ছুঁড়িয়া ফেলিয়া দিলেন]

তাপস । তোমায় মার্জ্জিত পাল্যম না ।

উৎপল । তা পূর্বেই জাস্তাম ! [সকলের গ্ৰহণ]

দ্বিতীয় দৃশ্য ।

স্থান—লঙ্কা । বালকবেশী লীলা ও কুবেরী ।

বালক । কি ভাব্ছ মহারানী !

কুবেরী । গাঁড় ভবিষ্যৎ ।

বালক । তা আর ভেবে কি হবে মহারানী ! এই গাড় ভবিষ্যৎ—

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

গাঢ় অন্ধকার ! সে অন্ধকারে কেউ প্রবেশ কর্তে পারে না । তবু,
আশ্চর্য্য মহারানী ! মানুষ ভবিষ্যৎ ভেবে আকুল ।—শুধু সময় অপব্যয় ।

কুবেরী । নহিলে 'আর কি ভাব্ব ? অতীত ?

বালক । মন্দ কি !

কুবেরী । যা অতীত তা অতীত ।

বালক । তথাপি 'ভবিষ্যতের চেয়ে সে ভাল ঞ্জরমহাশয় । অতীত
তবু কিছু শিক্ষা দিতে পারে !

কুবেরী । অতীত বিজ্ঞান ! কিন্তু ভবিষ্যৎ কবিত্ব ।

বালক । অতীত মাতা, ভবিষ্যৎ পত্নী ! অতীত করুণার মত স্নেহের
সরল বেটনে গলাটি জড়িয়ে ধ'রে কাঁদে, শীর্ষে আলীকাদ বর্ষণ ক'রে কাঁদে,
আর ভবিষ্যৎ শুধু চায়, শুদ্ধ দাবী করে—

কুবেরী । অতীতের স্মৃতির মূল্য আছে । এ অতীত পতিতের নিকটে
মধুব—হায়রে সেদিন !

বালক । সে দিন চিরকালই হায়রে সেদিন । মানুষ বর্ত্তমান সুখের
মধ্যে চিরকালই অতীতের দিকে তাকিয়ে বলে হায়রে সেদিন ! অকৃতজ্ঞ
মানুষ !

কুবেরী । কেন ?

বালক । চিরদিন অহুযোগ করা তার স্বভাব । নিজের নিয়ে কেউ
স্বার্থী নয় । বর্ত্তমান তার পক্ষে যথেষ্ট নয় । বিগত শৈশব চিরকালই—
“হায়রে সেদিন ।” আমি ত মনে করি, শৈশব একবারেই সুখের নয় ।

কুবেরী । কেন ?

বালক । রোজ রোজ নূতন পড়া মুখস্থ করা বড় সুখের ব'লে ত

বোধ হয় না । বাড়ীতে বাবা আর বিজ্ঞানলয়ে গুরুমহাশয় । এ এক দিকে
বাবু, আর এক দিকে সমুদ্র, বাই কোন্ দিকে স্থির কর্তে না পেরে ইচ্ছা
হয় যে, রাস্তায় একটা ছাতি নিয়ে ব'সে থাকি—

কুবেরী । তোমার গুরুমহাশয় তোমার মার্তেন ?

বালক । উঃ—তাইতেই ত দেশ ছেড়ে পাললাম ।

কুবেরী । আর তোমার বাবা ?

বালক । তিনি মার্তেন না—চোখ রক্তাভেন ।

কুবেরী । আচ্ছা—তোমার মা আছেন ?

বালক । না !

কুবেরী । বিয়ে হয়নি ?

বালক । হ'য়েছিল বোধ হয়, ঠিক মনে নেই ।

কুবেরী । কিছু মনে নেই ?

বালক । কিছু মনে নেই ।

কুবেরী । আশ্চর্য্য ত !

বালক । ভারি আশ্চর্য্য ।

কুবেরী । বিজয়সিংহের সঙ্গে তোমার কতদিন থেকে আলাপ ?

বালক । পূর্ব্বজন্ম থেকে । পূর্ব্বজন্মে আমি তাঁর স্ত্রী ছিলাম ।

কুবেরী । স্ত্রী ছিলে ?

বালক । স্ত্রী ছিলাম ।

কুবেরী । পূর্ব্বজন্মে তিনি তোমার ভালবাসতেন ?

বালক । তিনি আমার মুখদর্শন কর্তেন না ।

কুবেরী । কেন ?

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

বালক । বোধ হয় আমি দেখতে ধারাপ ব'লে ।

কুবেণী । না—তুমি ত দেখতে বেশ ।

বালক । মন্দ কি !

কুবেণী । না । এই বিজয়সিংহ ভালবাসতে জানেন না ।

ভালবাসা কাকে বলে, তা তিনি জানেন না ।

বালক । কেন ? তিনি ত তোমার বেশ পোষ মেনেছেন !

কুবেণী । তিনি যাহ্নমন্ত্রে আমার বশ । এই যাহ্নদণ্ডে তাঁকে
চালাচ্ছি । ভালবাসায় নহে ।

বালক । চালাচ্ছ ত ।

কুবেণী । তাতে তৃপ্তি হয় না ।

বালক । কেন ?

কুবেণী । এ অন্তরের ক্ষুধা । ভালবাসা সম্বন্ধে তুমি কি জান্বে

বালক !

বালক । আমি কতক জানি ।

কুবেণী । তুমি !

বালক । পরীক্ষা ক'রে নেন ।

কুবেণী । বল দেখি ভালবাসা কি ?

বালক । ভালবাসা ছ'রকম আছে ।

কুবেণী । কি রকম ?

বালক । এক ভালবাসা আছে, যা সর্বদা প্রিয়জনকে, আপনার
ক'রে নিতে চায়—যে সাহচর্য্য, প্রতিপক্ষ-প্রণয় সহ কর্তে পারে
না, যে প্রেম, তার পুষ্পকোমল ক্ষীণ বাহর বন্ধনে একটা জগৎকে

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

আঁকড়ে ধর্তে চায়—বন্ধের মধ্যে একটা অগাধ অস্থির সমুদ্রকে বেঁধে রাখতে চায় ।

কুবেরী । ঠিক বলেছ বালক ! আমার সেই প্রেম—সর্বগ্রামী, অধীর, অসহ্য, অস্থির প্রেম । বিশ্ব আর কিছু জানি না, মানি না—চাই না—শুধু তাকেই চাই । ঐ চাঁদ, ঐ সমুদ্র, এই উৎসবজ্ঞা—এ সব চোখের সামনে দিয়ে ছবির মত ভেসে যাচ্ছে । মস্তিষ্কে এক চিন্তা, হৃদয়ে এক ভাব, জীবনে এক লক্ষ্য, ইহকালে এক সুখ—তার ভালবাসা ।

বালক । জানি, তুমি প্রতিদানের জন্ত ব্যাকুল । কিন্তু আর এক ভালবাসা আছে জেনো মহারানী ! যা নিত্য বিশ্বের কল্যাণে আপনাকে জাগিয়ে তোলে, যা আপনাকে বিশ্বময় ছড়িয়ে দেয় ; সুখী ক'রে সুখী হয় । তার ভালবাসা এক কণা পাই, ত আপনাকে ধন্য জ্ঞান করি, কিন্তু যদি না পাই, ক্ষতি নাই—কারণ সে ভালবাসার আশা করি না । সেই রকম ভালবাসা একবার বাস দেখি মহারানী ! দেখবে, যে আর ভয় নাই, দ্বিধা নাই, উদ্বেগ নাই, চিন্তা নাই ।

কুবেরী । সে কথার কথা ।

বালক । যদি তাই হয়, তবু সেই মন্ত্র জপ কর । কামনাহীন প্রেম জপ কর ।

কুবেরী । শুধু কামনাহীন প্রেম ! একটা কথা—শব্দ মাত্র ।

বালক । যদি তাই হয়, তবু তার কি মূল্য নাই ? কথা—শব্দ—ধ্বনি মাত্র—কথনের ভিতরে নিত্য যেতে যেতে যদি বা কখন কোন শুভ মুহূর্তে অন্তরের দ্বার খোলা পেয়ে সেখানে প্রবেশ করে । আমাদের

‘চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

দেশের লোক নিত্য হরিনাম জপ করে—গুরু জপ করে । মনে হয়, তার মধ্যে গুঢ় অর্থ আছে । হয়ত বা সেই নিরাকার, নিত্য, নিরঞ্জন, সেই হরিনাম, কখন কোন্ স্রাবাগে আকার ধারণ ক’রে, হয়ত বা সেই শব্দেই একখানি হৃদয়ের বীণা বেজে ওঠে—নিশ্চয় এ রকম হ’য়েছে, নৈলে তারা করে কেন ।

কুবেরী । বালক ! তুমি কে ?

বালক । ঐটেই এতদিনে বুঝতে পারি নি মহারানী ! আপনি কে, তা কতকটা বুঝতে পারি—কিন্তু আমি কে, সেইটে বুঝতে পারলেম না । আমি কে ? এ সংসারে এসেছি কেন ? কেনই বা দেশ ছেড়ে বিদেশে ঘুরে বেড়াচ্ছি ? কি চাই ? কেন ভালবাসি ? ভাল না বাসলেই বা তার কি আস্ত যেত ? সে কি আমার কখন বুঝতে পার্কে ?

কুবেরী । কে সে ? কাকে তুমি ভালবাস বালক !

বালক । ছি ছি ছি ! কি বলেছি, কি বলেছি ! মহারানী ! সে তোমার ! আমার কেউ নয় ! কেউ নয় !

[প্রস্থান]

ধীরে ধীরে বিজয়ের প্রবেশ ।

কুবেরী । ঐ আমার প্রিয়তম আসছেন [দৌড়িয়া গিয়া] এস এস আমার প্রাণেশ্বর—নাথ—বল্লভ—সর্বস্ব—কি ‘ব’লে তোমার ডাকুব তা জানি না—তুমি আমার ভালবাস ?

বিজয় । এখানে বালকটি এখন ছিল না ?

কুবেরী । সে চিন্তা কেন নাথ ! যে ছিল, সে ছিল—তুমি এসেছ, আর কেউ নাই । কেবল তুমি আর আমি আছি,—আর কেউ নাই,
১৬৪]

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

কিছু নাই, চন্দ্র স্বর্ঘ্য নাই, নক্ষত্র আকাশ নাই, সাগর পর্বত নাই ; কানন
প্রান্তর নাই । কেবল তুমি আর আমি ! দুইটি জগৎ—দুইটি বাসনা—
দুইটি চেতনা, দুইটি সৃষ্টি, দুইটি প্রাণ, দুইটি স্বর্গ, দুইটি নরক ।

বিজয় । কুবেরী ! তুমি কি উন্মাদ ?

কুবেরী । উন্মাদ ! আমি তোমার প্রেমোন্মাদ ! বিজয় ! আমি
তোমায় বড় ভালবাসি, বড় ভালবাসি ।

বিজয় । সে ত অনেকবার বলেছ ।

কুবেরী । তৃপ্তি হয় নি । আর কিছু বলতে চাইনে, পারি না, আর
কিছু মধুর লাগে না । আর যা কিছু জ্ঞাতাম, তা ভুলে গেছি । আমার
অস্তিত্বানে আজ ঐ এক শব্দ আছে—“ভালবাসি” “ভালবাসি” । সে
শব্দে কত যে মধু, কত যে মাদুরী, কত নিবিড় আনন্দ, কত ভাব, কত
ছন্দ, কত নব নব নিহিত নিগূঢ় অর্থ, কত রত্নধন, ধর্ম, অর্থ, কাম, মোক্ষ,
শাস্তি, কত পুণ্যরাশি, কত জন্মজন্মান্তর—নাথ ! পৃথিবীতে আর কি
আছে ? ঐ শব্দটি কেড়ে নাও । দেখ দেখি, পৃথিবীতে আর কি থাকে ?
ছাই আর ভস্ম ?

বিজয় । কুবেরী ! তুমি এত উদ্দাম-প্রবৃত্তি—এত অস্থির ! তুমি এক
প্রহেলিকা ।

কুবেরী । কেন ?

বিজয় । যেদিন অধমার সঙ্গে প্রথম কথা কইলে, আমার কি
বলেছিণে মনে আছে ?

কুবেরী । কি বলেছিলাম ?

বিজয় । রাজ্যীর মত ঘাড় বঁকিয়ে তর্জনী হেলিয়ে বলেছিলে “আমি

তুর্থ অঙ্ক ।]

সিংহল বিজয় ।

[দ্বিতীয় দৃশ্য ।

তোমায় এই রূপ দান করছি—ভিক্ষুক ! ভিক্ষা নাও” । আর আজ তোমার এত কাতর নিবেদন ! ভিক্ষকের মত দীন প্রার্থনা !

কুবেণী । তোমায় সব দিয়েই ত আমি ভিখারিণী হ’রেছি । একদিন গর্ভ ক’রে বলেছিলাম ‘আমি বিবাহ করব ! কাকে ? আমার সমতুল্য জগতে কে আছে, যাকে আমি বিবাহ কর্তে পারি।’ তারপর তোমায় দেখলাম । মনে হ’ল, যে এই সেই । যাকে সেই দেখে-ছিলাম—নিদাঘের ভীম রৌদ্রে, শরতের রঞ্জিত প্রভাতে, প্রাবৃটের নব জলধরে । এ সেই, যার স্বর শুনেছি—জলধি নির্ঘোষে, মুরজমস্ত্রে, মেঘের গর্জনে, উল্লাসের উচ্চহাস্ত্রে, ভক্তের কীর্তনে ! এ সেই, যাকে হৃদয়ে অনুভব করেছি—সত্যের আলোকে, সরল বিশ্বাসে, ত্যাগীর সন্ন্যাসে । তোমায় দেখলাম—চিনলাম—তোমায় একক্ষেপে আমার সব দিলাম ।

বিজয় । কেন দিলে ? কে চেয়েছিল !

কুবেণী । কেন দিলাম ? জানি না !—আশ্চর্য্য বটে ! কেন দিলাম !—সেই আমি আর এই আমি !

বিজয় । কি ভাবছ কুবেণী ?

কুবেণী । বাল্যকালেই উদ্ধামপ্রবৃত্তি, ছিলাম । বনে, পর্বতে, সৈকতে, অস্থির বাসনার অবারিতগতি ছুটে বেড়াতাম । যেন কেউ ডাঙস মেরে চালাচ্ছে । ক্রোধে মত্ত, স্তম্বে দৃষ্ট, বাসনার অন্ধ, দুঃখে জ্বালাময়, আনন্দে অধীর । এই কুবেণীর পৃষ্ঠাব্যাপী ইতিহাস । তারপর—

বিজয় । তারপর—

কুবেণী । না, না, আমি ভিক্ষাদান করিনি । আমার রাজাকে রাজকর ১৬৬]

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

দিয়েছিলাম । অশান্ত বাঘিনী কোন্ বাহুমুখে নিজের প্রভু চিনে নিল,
আর হুয়ে তার চরণতলে লুঠিয়ে পড়ে' গেল । উদ্বেল প্রবৃত্তির দুর্বল
উচ্ছ্বাস নিবৃত্ত হ'ল । এই ক্ষুধা সমুদ্র ঝটিকার পর শান্ত হ'য়ে সূর্য্যের
অর্চনা কর্ত্তে বসল । কি কলে' ? কি কলে' বিজয় ।

বিজয় । কি করেছি ?

কুবেরী । সব দিয়েছি ! রূপ, যৌবন, স্বদেশ, সিংহাসন, ভূত গরিমার
স্বত্তি—বাপ মা—আত্ম পরিজন—সব দিয়েছি ! এক ক্ষেপে সব দিয়েছি !
রাজপুত্রী আমি, দাসী হ'য়েছি । আব আমিই না মাতাকে ভৎসনা
কবেছিলাম ।—জননী ! জননী ! ক্ষমা কব । ক্ষমা কর ।

[করজোড়ে জ্ঞানু পাতিয়া বসিলেন]

বিজয় । কুবেরী ! যদি আক্ষেপ হয়, সব ফিরে নাও । আমি
চ'লে যাই ।

কুবেরী । না, না ; যেও না, যেও না । 'যাব বলাে না,—
ছেড়ে দিতে পার্কিনা । আমি তোমায় যেতে দেব না । নাও, নাও,
সব নাও । যা আছে তা নাও, যা নেই, তার জন্ত ক্ষমা করো ! এ কি
ছাব রূপ ! যদি এ রূপ শতগুণ হ'ত, ত অর্ঘ্যসম তোমার চরণে ঢেলে
দিতাম । আর এ দ্বীপ বড় ক্ষুদ্র । তোমার উপযুক্ত নয় । আর ক্রোধ
নাই, অভিমান নাই, হিংস্র নাই, স্রুথ নাই, ইচ্ছা নাই, ক্ষুধা নাই !—এক
অনন্ত উল্লাস—অনন্ত ক্রন্দন—অনন্ত নরক ।

বিজয় । নরক !

কুবেরী । ঠিক বলছি । শুনো না—শুনো না । আমি আজ
প্রলাপ বক্ছি । আমার মাথা খারাপ হ'য়েছে । বিকার ! বিকার ! অনন্ত

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

দাহ!—সব দিয়েছি। আরও থাক্ত, ত আরও দিতাম! আমার ভালবাসা কুধিতের গ্রাস—খাওয়া এসে সে কুধার কণ্ঠরোধ করে! আমি উন্নত হ'য়েছি। শুনো না। আমি গাই শোন ।

বিজয়। গাও প্রিয়ে!

কুবেণী। তার আগে, আমার তৃষিত অধরে তোমার চুখন সুধা দাও, আমি পান ক'রে—অমর হই। দেশ যাক্; পিতা মাতা যাক্, আমি যাই।—এখন আমি গান গাই।

বিজয়। গান কর, গান কর, থেমনো না; আমার চিন্তার হাত থেকে উদ্ধার কর।

কুবেণী। কিসের চিন্তা?

বিজয়। তা তুমি কি বুঝবে? এ তোমার স্বদেশ। তার ক্রোড়েই দোল খাচ্ছ। কিন্তু আমি আমার স্বদেশ ছেড়ে—

কুবেণী। স্বদেশকে এতদিনে ভুলতে পাল'ে না?

বিজয়। স্বদেশ কি ভোলা যায়! সুখে দুঃখে, বিপদে সম্পদে, আলোকে অন্ধকারে, গোরবে লাঞ্জনায়, স্বদেশ চিরদিনই স্বদেশ।

কুবেণী। যে স্বদেশ তোমায় নির্বাসিত ক'রেছে!

বিজয়। স্বদেশের তিরস্কার—সে জননীর তিরস্কার—ত'ও মিষ্ট।

কুবেণী। এ লঙ্কাপুরী তোমার ভাল লাগল না? এর এত স্নেহ, এত সুপ্তি, এত সৌন্দর্য, ভাল লাগল না!

বিজয়। কুবেণী! আমি তোমার দ্বীপের নিন্দা করি না। এ, অপূর্ণ দ্বীপ! ফলে ফুলে, প্রান্তরে পর্কতে, উপত্যকায় উপবনে—এ অপূর্ণ দেশ। এ যেন এক মায়ার পুরী। গভীর জলধি এর প্রাকার বেষ্টন

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

ক'রে জুড় ভুজঙ্গমের মত পাহারা দিচ্ছে । এর পবনে লবঙ্গলতার সুগন্ধ ভেসে আসছে ; এর আকাশ চিরনিঃশব্দ ; এখানে চির বসন্ত বিরাম ফেলেছে । কিন্তু—

কুবেরী । কিন্তু ?—

বিজয় । কিন্তু বিমাতা পরম স্নেহবতী হ'লেও বিমাতা ।—কুবেরী ! শৈশবেই আমি মাতৃহারা । জননীর স্নেহ ঠিক আজ মনে নাই । তবু যেন মাঝে মাঝে তাঁর সেই মৃদু সসকরণ স্নেহ-উচ্ছলিত ঘুম পাড়ানিরা গান মনে পড়ে ; এই অতীত বর্ষগুলির কুস্মাটিকা দিয়া দূরগত বংশী-ধ্বনির মত ভেসে আসে । মা শৈশবে ছেড়ে গেলেন । সেই অবধি এই জন্মভূমিই আমার মা । সেইদিন থেকে—

কুবেরী । কি ! বলতে বলতে থেমে গেলে যে !

বিজয় । আমার মঠ দুঃখী জগতে আর কেউ আছে কি কুবেরী ! হুই মা-ই হারিয়েছি । জানো কি কুবেরী ! গভীর নিশীথে যখন তুমি সুখে নিদ্রিত, যখন তোমার ঐ গোরতমুখানি—সাগরসৈকতে জ্যোৎস্নার মত শুভ্র শযাপরে ছড়িয়ে রয়েছে, যখন দূবে থেকে বাঁশীব গান স্রুতিহীন প্রাণে ভেসে আসে, তখন আমি হর্ষামঞ্চে গিয়ে আলসের উপর বাহর ভর দিয়ে, ঐ অশান্ত দিগন্ত-বিতত কক্ষসমুদ্রের পানে চেয়ে দেখেছি ; আর আমার চিত্তপটের উপর দিয়ে বাঙ্গালার মধুর ছবি মধুর স্বপ্নের মত ভেসে গিয়েছে ;—বাঙ্গালার সেই শ্রামল ক্ষেত্র, বাঙ্গালার সেই ধূসর নদী ; বাঙ্গালার সেই নীল নির্মল আকাশ, সেই দীপ্ত রৌদ্র, সেই স্নিগ্ধ মলয়পর্বত হিল্লোল, সেই কোকিলের বন্ধার, বাঙ্গালা মাঝির সেই গান, যেন অজুতব ক'রেছি, আর চক্ষে ক্ষুদ্র বর্তমান লুপ্ত হ'য়ে

‘চতুর্থ’ অঙ্ক ।]

সিংহল বিজয় ।

[দ্বিতীয় দৃশ্য ।

গিয়েছে । স্বদেশ কি ভোলা যায় কুবেরী ! আর এ হেন স্বদেশ—যার
পবনে স্নগন্ধ, নিকুঞ্জে সঙ্গীত, বৃক্ষে অমৃত, নিখরৈ জননীর স্তনধার ;
গগনে দেবতার আশীর্বাদ ; সেই কৃষকের ধাত্তভরা প্রাঙ্গণ, সতীর মুখভরা
হাসি, মাতার বুকভরা স্নেহ, পিতার—

কুবেরী । কি ! সহসা অধোমুখ কি হেতু নাথ ?

বিজয় । না, গান গাও,—নৃত্য কর, কোলাহলে বর্তমান ডুবিয়ে
দাও ।—

কুবেরী । নৃত্য কর নর্তকীবৃন্দ !

বিজয় । দাও সুরা ! [সহচরী সুরা তাহার অধরে ধরিল ।
বিজয় পান করিলেন] তুমি গাও প্রিয়তমে !

[কুবেরী গাইলেন]

বিজয় । না, গান গাও ! কোলাহলে বর্তমান ডুবিয়ে দাও । তুমি
গাও প্রিয়তমে !

যাও হে স্বপ্ন পাও যেখানে সেই ঠাই, আমার এ দুঃখ আমি দিতে তো পারি না ;
(তুমি) রহিলে স্বপ্নে নাথ, পুরিবে সব সাধ, নিরাশা কভু (যদি) ললাট ঘিরে—
তখনই এই বৃকে আসিও ফিরে, তখনই এই বৃকে আসিও ফিরে ।

হয়ত দিতে পারে অপর কেহ, আমার চেয়ে যদি মধুর স্নেহ,
মিটিলে সব সাধ, ভাঙ্গিলে অবসাদ, প্রাণের নিরাশায় গভীর দুঃখে—

যদি বা প্রাণ চায় এস এ বৃকে ;

এ হৃদি—যাও চলি চরণে দলি’ তার, অথবা তুলে ধর ‘আমার বলি’ তার,
রবে সে চিরদিন, তোমারি পরাধীন, যখন মনে পড়ে অভাগিনীরে—

তখনই এই বৃকে আসিও ফিরে ।

[এই গানের মধ্যে বিজয় নিদ্রিত হইলেন ।]

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

কুবেরী । নীবব যে নাথ !—ঘুমিয়ে প’ড়েছেন । বহ বহ—সুন্দর
সুগন্ধ গন্ধবহ । প্রিয়তমের শ্রান্তি দূর কর !—বিজয় । বিজয়সিংহ ।
দম্বিতবল্লভ ! কেন এত ভাল বাসলাম ।—[নিরীকৃণ] প্রদীপ নিভিয়ে
দেই [নিরীকৃণ] একি এ অভূত ! প্রদীপের বক্তিম আভার এমন শুভ্র
চন্দ্রকররাশি সমাবৃত ছিল । জ্যোৎস্না ঘরের মধ্যে এসে যেন মাহুষেব
পায়ে ধ’বে সাধুছে—ঐ বাইরের সৌন্দর্য্যেব উৎসর্গ দেখ’বাব জন্ত । সমুদ্র
উন্মুক্ত উদার গবিমায় যেন হুচ্ছে । উপরে সচন্দ্র শরীরী ! কি সুন্দর !

জুমেলিয়ার প্রবেশ ।

জুমেলিয়া । মহারানী ।

কুবেরী । কি জুমেলিয়া ? কি হ’য়েছে ?

জুমেলিয়া । নীচে দরোজা খুলে রেখে এসেছিলে ?

কুবেরী । কেন ?

জুমেলিয়া । প্রাসাদে শত্রু প্রবেশ ক’বেছে ।

কুবেরী । কেক বলে !

জুমেলিয়া । আমি তোমার শয়নকক্ষের পাশে অশ্রুট কর্তৃকবনি, আর
সতর্ক পদশব্দ শুনেছি !

কুবেরী । তুমি সেখানে কি করছিলে ?

জুমেলিয়া । ঘুমোচ্ছিলাম । তারপর হঠাৎ জেগে উঠে শব্দ শুন্লাম ।
যেন ধরাভাল পাশ ফিবে গুলো, বাতাস যেন কথা ক’য়ে উঠল ! তারপর—

কুবেরী । চুল দেখি—পার্শ্বরক্ষীরা কোথায় ?

জুমেলিয়া । ‘এই কক্ষের বাহিরে । [উভয়ের প্রস্থান]

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

ধীরে ধীরে বালকের প্রবেশ ।

বালক । একা রেখে কোথায় গেলে রানী ! ততক্ষণ আমি তাঁকে রক্ষা কর্ব। [বিজয়ের নিকট অগ্রসর হইয়া] গাঢ় নিদ্রিত । তাঁদের আলো মুখের উপর এসে পড়েছে । কি সুন্দর !—একবার জন্মের সাধ—না । শুধু চেয়ে দেখি । [অবলোকন] ।

দূরে কুবেরী ও জুমেলিয়ার প্রবেশ ।

কুবেরী । ও তোমার কল্পনা । যাও, সুখে নিদ্রা যাও গে ।—

বালক । একবার, কি দোষ ?—আমারও ত তিনি । একবার—[বিজয়সিংহকে চুম্বন]

কুবেরী । কে তুমি ?

বালক । [জাহ্নু পাতিয়া] ক্ষমা করো ! ক্ষমা করো ! অজ্ঞান ক'রেছি । কিন্তু পার্লাম না । অভাগিনী আমি—[হস্তদ্বয় দিয়া মুখ ঢাকিলেন]

কুবেরী । সঙ্গে এস !

[উভয়ের প্রস্থান]

পঞ্চসৈনিকসহ বিরূপাক্ষের প্রবেশ ।

বিরূপাক্ষ । [থমকিয়া দাঁড়াইয়া] এই যে, এখানে ।—গাঢ় নিদ্রিত । একাকী ।—এত সহজ হবে, তা কখন ভাবিনি ।—নিদ্রিত ! এ ক্ষুদ্র নিরীহ যুবক, সমরে অজেয় বীর—আশ্চর্য্য ! কি নিষ্পন্দ ! শুধু নীরবে বক্ষস্থল নিঃশ্বাসে প্রশ্বাসে আন্দোলিত হচ্ছে । কি গাঢ় নিদ্রিত ! না, এ সুপ্ত সুকোমল দেহে অস্ত্রাবাত কর্ত্তে পার্ব না । যা কখন শ্রীবনে করিনি । জাগাই । বিজয়সিংহ ! বীরবর ! উঠ ।

চতুর্থ অঙ্ক ।]

সিংহল বিজয় ।

[দ্বিতীয় দৃশ্য ।

বিজয় । [উঠিয়া] পিতা ! একি ! কোথা আমি ? এ ত পিতা নহে !
এ ত জন্মভূমি নহে !—স্বপ্ন ! স্বপ্ন !—কে তুমি সৈনিক !

বিরূপাক্ষ । বিরূপাক্ষ ।

বিজয় । কি চাও ?

বিরূপাক্ষ । অস্ত্র লও । যুদ্ধ কর—

বিজয় । কেন ?

বিরূপাক্ষ । তোমায় বধ কর্ব্ব—কিংবা মর্ব্ব । এই ভিক্ষা চাই ।
আর কিছূ না ।

বিজয় । কি হেতু ?

বিরূপাক্ষ । হেতুর প্রয়োজন নাই । তোমায় হত্যা কর্তে এসেছি ।
তারপর দেখলাম, তুমি সুপ্ত শিশুসম অসহায়, তার উপর লঙ্কার আকাশের
জ্যোৎস্না এসে পড়েছে । লঙ্কার বাতাসে তোমার বিকম্পিত শুভ্রায়িত
কৃষ্ণ অলকগুচ্ছ । হত্যা কর্তে পার্লাম না । চিরদিন যুদ্ধ ক'রেছি ।
হত্যা কখন করিনি । পার্লাম না । অস্ত্র নাও বীর ! [নিজের তরবারি
দান ও নিজে অপর এক সৈনিকের অস্ত্রগ্রহণ]

বিজয় । উত্তম । প্রস্তুত আমি ।

[উভয়ের যুদ্ধ ; বিরূপাক্ষের পতন]

বিরূপাক্ষ । উদ্ধার ফর্তে পার্লাম না । জননী বিদায় !

ব্রহ্মান্দ্রস্তবাসা কুবেরীর প্রবেশ ।

কুবেরী । একি ! একি ! নাথ !

বিজয় । [দ্বীপে কুবেরীকে সরাইয়া] বিরূপাক্ষ ! বীরবর ! বুঝেছি,
তোমার জিনিষ আমি ফিরিয়ে দেবো ।

বিরূপাক্ষ । সে কি !

বিজয় । এতক্ষণ আমি কি দেখেছিলাম জান—আমার জন্মভূমি
আর তার পাশে দাঁড়িয়ে আমার পিতা । আর গৃহান্তরালে মুক্ত গবাক্ষে
সজল নয়ন দুটি । এতদিনে তোমার জিনিষ তোমার ফিরে দেবো বীর !

বিরূপাক্ষ । তবে এ আমার সুখমৃত্যু ।

বিজয় । আমায় ক্ষমা কর বীর ! ক্ষমা কর কুবেরী !—ক্ষমা
কর পরমেশ !

বিরূপাক্ষ । বাঙ্গালী বীর ! এত মহৎ তুমি !

তৃতীয় দৃশ্য ।

বনমধ্যে সিংহবাছ ও সুমিত্র ।

সিংহবাছ । এ নিবিড় জঙ্গলের যে আর শেষ নাই ।

সুমিত্র । মাঝে মাঝে কেবল জলা আর নদী ।

সিংহবাছ । বহু বরাহ আহার, আর এই নোনা জলে স্নান, বৃক্ষতলে
শয়ন—এ মন্দ নয়—সুমিত্র !

সুমিত্র । বাবা !

সিংহবাছ । রাত্রে চারিদিকে আগুন জ্বলে শুয়ে থাকি—তার বাহিরে
বহু পশুর গর্জন, উপরে বৃক্ষপত্রের দীর্ঘশ্বাস, আর সব ছাপিয়ে—অন্তরে
এক অসীম ক্রন্দন—এর মাঝখানে এই দেহখানি বিচ্ছিন্ন শুয়ে থাকি ।
তাতেও নিদ্রাও ত হয় !

চতুর্থ অঙ্ক ।]

সিংহল বিজয় ।

[তৃতীয় দৃশ্য ।

সুমিত্র । বাবা ! রাত্রে মাঝে মাঝে আমার বড় ভয় করে ; তোমার করে না ? যখন সিংহের ডাক শুনি—

সিংহবাহু । ওরে বেটা ! সিংহের ডাক শুনে ভয় করিস্ ? সিংহ-রাশিতে আমার জন্ম, সিংহ আমার বাপ, সেই সিংহ বধ ক’রে আমার রাজ্য । জানিস্ রে বেটা !

সুমিত্র । সে কি বাবা !

সিংহবাহু । এই বন্য সৌন্দর্য্যের মধ্যে শৈশব কাটিয়েছি—বন্যপশুদের রাজত্বে আমি নির্ভয়ে বুক ফুলিয়ে বেড়িয়েছি, বন্য জাতিদের সঙ্গে তীর ধনুক নিয়ে লড়েছি । আমার আবার ভয় ! এই চেহারা দেখ্‌ছিস্ ? সিংহের মত না ?

সুমিত্র । বাবা ! এখানে কিসের রক্ত ?

সিংহবাহু । হুঁ রক্ত । মেঘরক্ত, সিংহ তার ষাড় মটকেছে । রক্ত । রক্ত । আমি খাব ! আমি খাব ।

সুমিত্র । বাবা !

সিংহবাহু । • খাব—রক্ত খাব ।

সুমিত্র । • ওকি বাবা ! আমার ভয় কচ্ছে ।

সিংহবাহু । সিংহ ব্যাঘ্র নিজের সন্তান খায় জানিস্ ?

সুমিত্র । • শুনেছি বরাবর—

সিংহবাহু । আমারও তাই খেতে ইচ্ছে করে । এক বেটাকে খেয়েছি । তোকেও—মাঝে মাঝে ভাবি—সেই পেটের মধ্যে পূরি । আজ আমার—

সুমিত্র । আজ কি বাবা ! বাবা ! বাবা ! অমন ক’রে আমার পানে চাইচেন কেন বাবা ?

চতুর্থ অঙ্ক ।]

সিংহল বিজয় ।

[তৃতীয় দৃশ্য ।

সিংহবাহ। আজ এই ঘোর বনের মধ্যে, এই ক্ষুদ্র কাস্তারের রক্তাক্ত জমির উপর,—এই ভয়ানক নির্জনে, আমার মধ্যে সেই বস্ত্র জঙ্ঘ লাফিয়ে উঠেছে ; আমার ক্ষিদে পেয়েছে । আমি আজ তোকে খাব, খাব । নে, তরোয়াল নে—যুদ্ধ কর ।

সুমিত্র। সে কি বাবা ।

সিংহবাহ। বাবা, নাবা, করিসনে । আমার মধ্যে মানুষ যা, তা পেটের মধ্যে মাথা গুঁজে আছে । আজ সে পাশব ক্রোধ জেগে উঠেছে । সেই রক্ত—রক্ত চাই, রক্ত চাই । তরোয়াল বের কর । যুদ্ধ ক’রে মর বেটা । স্বর্গে যাবি । [তরবারি উত্তোলন]

সুমিত্র। মেরোনা, মেরোনা বাবা ! [সিংহবাহর গলদেশ জড়াইয়া ধরিল]

[সিংহবাহর হস্ত হইতে তরবারি স্থলিত হইল ।]

সিংহবাহ। না রে না । এই কোমলস্পর্শে যে সব গলে জল হ’য়ে গেল । আমার অনুকম্পার আমার মধ্যে মানুষ জেগে উঠেছে । স্নেহের স্পর্শ এত শীতল !—মানুষের মধ্যে মানুষের এত শক্তি ! আমারে বাপ্— আমার বক্ষে আয়, আমার প্রাণ শীতল হোক !

সুমিত্র। বাবা ! বাবা আমার !

সিংহবাহ। গলে’ গেল,—গলে’ গেল ! প্রাণ আমার স্নেহে গলে’ গেল । তোর ঐ চত্বের জলে আমার পশুত্ব সব ভেসে গিয়েছে ।

সুমিত্র। ও কিসের শব্দ !

সিংহবাহ। তাইত !—ও—দস্যুর চীৎকার ! বনের মধ্যে দস্যুরা কি ডাকাতি করে—ফল মূল ?

চতুর্থ অঙ্ক ।]

সিংহল বিজয় ।

[তৃতীয় দৃশ্য ।

সুমিত্র । ঐ আবার ! কাছে ।—ঐ যে, এই দিকেই আসছে ।

সিংহবাহু । আসুক ।

দস্যুদলের প্রবেশ ।

১ম দস্যু । ওরে এখানে মানুষ !

২য় দস্যু । তাইত !

১ম দস্যু । [অগ্রসর হইয়া] কে তোমরা ?

সিংহবাহু । তোমরা কা'রা ?

২য় । আমরা ডাকাত ।

সিংহবাহু । দাঁড়াও । বিচার কর ।

৩য় দস্যু । কে তুমি ?

সিংহবাহু । আমি এদেশের রাজা ; ডাকাতির শাস্তি কি জানিস ?

২য় দস্যু । বেটা পাগল ।

সিংহবাহু । না, যেতে দেবো না । আমার রাজ্যে ডাকাতি ! শাস্তি দিব ।—সুমিত্র ! পুত্র !—পাক্‌ড়াও ।

[সুমিত্র তরবারি লইয়া দস্যুদের আক্রমণ করিলেন ।]

১ম দস্যু । বা রে !

[যুদ্ধ । দুইজন দস্যুর পতন]

সিংহবাহু । সাবাস পুত্র !—এমন পুত্র যার সে সত্যই রাজা । খত পুত্র । ঞ্জাণে মেরো না ; আহত কর ; বন্দী কর ; আমি রাজা—
বিচার কর ।

[অস্ত্র দস্যুদের সহিত সুমিত্রের যুদ্ধ]

সিংহবাহু । সাবাস !

চতুর্থ অঙ্ক ।]

সিংহল বিজয় ।

[তৃতীয় দৃশ্য ।

[দস্যুরা স্মিত্রকে ঘেরিল ।]

সিংহবাহ । স'রে দাঁড়া । যুদ্ধ দেখতে দে ।

স্মিত্র । [ভিতর হইতে] বাবা !

সিংহবাহ । এই যে যাচ্ছি বাবা ! [তরবারি নিক্ষেপন করিয়া ব্যাহের মধ্যে প্রবেশ ।—অতীত দস্যুর পতন ও যখন সেই স্থান কতক পরিষ্কার হইল, দেখা গেল যে, স্মিত্র^১ ভূপতিত, পার্শ্বে জাহ্নু পাতিয়া সিংহবাহ]

স্মিত্র । বাবা ! আমি মরি ।

সিংহবাহ । বিষম আহত হয়েছে পুত্র !

১ম দস্যু । একেও সাবাড় কর—

২য় দস্যু । বেশ কথা

স্মিত্র । বাবা ! বাবা ! ডাকাতরা তোমার অক্রমণ কর্তে আসছে, নিজে কক্ষ কর ।

সিংহবাহ । তুই চ'লে গেলে, আর আমার জীবনে প্রয়োজন কি ?—
বৎস আমার । [স্মিত্রকে জড়াইয়া ধরিলেন ।]

[দস্যুরা স্মিত্রকে ছাড়িয়া সিংহবাহকে আক্রমণ করিল ।]

সিংহবাহ । আয় তোরা ! দেখি একবার—এ সিংহবাহতে এখনও
কত শক্তি আছে । যুদ্ধ কর—

স্মিত্র । বাবা ! বাবা ! সাবধান । আমি আসছি । [তরবারির
উপর ভর দিয়া উঠিয়া সিংহবাহর দিকে অগ্রসর হইলেন ।]

১ম দস্যু । এ আবার ওঠে যে !

২য় দস্যু । দে ওকে সাবাড় ক'রে ।

[উভয়ে স্মিত্রের উপরে তরবারি উঠাইল ।]

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

সুমিত্র । বাবা ! বাবা !

সিংহবাহু । এই যে আসছি বাবা ! [দৌড়িতে গিয়া পদশ্যালিত হইয়া পতিত ও তরবারিচ্যুত হইলেন । সিংহবাহু গড়াইয়া গিয়া সুমিত্রকে জড়াইয়া ধরিলেন ।]

সুমিত্র । বাবাকে বধ করো না, বাবাকে বধ করো না ! বাবা !
আমায় ছেড়ে দাও ।

[দস্যুরা তাহাকে বধ করিতে উদ্যত হইলে, ভৈরব আসিয়া হস্ত উত্তোলন করিয়া কহিল, “সবুর !” উদ্যত খড়্গাগুলি সেইরূপই রহিল ।]

ভৈরব । সুমিত্রের গলা শুন্লাম না ?—কে ? মহারাজ ! প্রশ্নাম ।
আমি ভৈরব ডাকাত !

সুমিত্র । ভৈরব দাদা !

ভৈরব । আমায় দাদা বলে’ ডেকেছিস, আর ভয় নেই । ভাই সব !
তরোয়াল নামাও ।—এদের কুঁড়েয় নিয়ে চল ।

চতুর্থ দৃশ্য ।

স্থান—লঙ্কার কারাগার ।

বালকবেশে লীলা ।

বালক । ঈশ দিন প্রথমে—প্রথমদিন—ক্ষীণ মুহূর্ত্তে, অতর্কিতে, নিজের
প্রভু হারিয়েছিলাম । আমার সাধনাকে কামনায় পঙ্কিল করেছিলাম ।

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

তার শাস্তি জগদীশ্বর দিয়েছেন। তোমার জন্ম হোক !—একি ! পাশে
আবার এক কক্ষ !—এ কে ?

ঘার খুলিয়া জুমেলিয়ার প্রবেশ ।

জুমেলিয়া । এ কে আবার ! তুমি কে ?

বালক । আমিও তাই ভাবছিলাম ।

জুমেলিয়া । তুমি যে নারী ! তুমি এখানে কেন ?

বালক । তাইত !

জুমেলিয়া । তোমাকে তারা বন্দী করেছে ?

বালক । সেইরকম ত এখন বুঝছি ।

জুমেলিয়া । আগে বুঝতে পার নি ?

বালক । কেউ ত তা পূর্বে বলে নি ।

জুমেলিয়া । প্রহরী কি বল ?

বালক । প্রথমে এসেই আমার হাতে হাতকড়ি লাগিয়ে দিল ।

আমি প্রথমে ভাবলাম, যে বুঝি বিয়ে দিতে নিয়ে যাচ্ছে ।

জুমেলিয়া । ভাবলে বিয়ে দিতে নিয়ে যাচ্ছে !—হাতকড়ি দিয়ে ?

বালক । তার আর আশ্চর্য্য কি ! এও হাতকড়ি, সেও হাতকড়ি ।

তবে এ হাতকড়ি খোলে, আর সে হাতকড়ি জীবনে খোলে না ।—এই
তফাৎ ।

জুমেলিয়া । বটে ! তারপর ?

বালক । তারপর আমার বরাবর এইখানে নিয়ে এল । এনে
আমায় বলে, যে তুমি আপাততঃ এইখানে বাস কর । আমি জিজ্ঞাসা

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

কল্যাম, কেন আমি অন্তত্ব বাস কল' কি কারও আপত্তি আছে ? তা বলে, 'আছে' । তখন বুঝলাম আমি বন্দী ।

জুমেলিয়া । তবে তুমি বন্দী !

বালক । সে বিষয়ে বোধ হয় আর সন্দেহ নেই !

জুমেলিয়া । না ।

বালক । বাঁচা গেল ।

জুমেলিয়া । কেন ?

বালক । আমার অবস্থাটা জান্‌বার জ্ঞাত আমার একটু ভাবনা হয়েছিল । এখন নির্ভাবনা হওয়া গেল ।

জুমেলিয়া । তোমার তারা বন্দী কল' কেন ?

বালক । সেইটে এখনও কেউ বুঝিয়ে দেয় নি ।

জুমেলিয়া । কেন, জান না ?

বালক । না ।

জুমেলিয়া । কেন—বোধ হয় ?

বালক । *বোধ হয় আমার চেহারা খারাপ ব'লে ।

জুমেলিয়া । তোমার চেহারা ত বেশ ।

বালক । আপনার তাই বোধ হয় ?

জুমেলিয়া । হাঁ, আমার ত তাই বোধ হয়—

বালক । দেখুন, এই বন্দী অবস্থা শেষ হ'লেই, আপনার আমার বাড়ীতে নিমন্ত্রণ রৈল !

জুমেলিয়া । কেন ?

বালক । আমার চেহারাখানা ভাল শুনে আমার বড় আনন্দ

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

হচ্ছে । কার না হয় ? অথচ, এর জন্ত আমার নিজের কোন বাহাদুরি নেই । আমি মুক্ত হ'লেই, আপনি বরাবর আমার বাড়ী যাবেন,—
বিজিতপুরে—সমুদ্রের ধারে তেতালা বাড়ী—নীলরং । আপনি
এখানকার ব্যবস্থা সব জানেন বোধ হয়, লঙ্কার এটা কারাগার ?

জুমেলিয়া । হাঁ ।

বালক । বেশ কারাগার ত । এ দ্বীপে সবই অদ্ভুত,—সবই
মায়াময়—হাঁ,—এখানে এরা খেতে দেয় কি রকম ?

জুমেলিয়া । মন্দ নয় ।

বালক । নেংড়া আম দেয় ত ? সেটা নৈলে আমার বড় অন্ববিধা
হবে । সকালে উঠেই আমার পাঁচটা নেংড়া আম চাই ।

জুমেলিয়া । রোজ !

বালক । রোজ—তা কি গ্রীষ্ম কি শীত ! অভ্যাস হয়ে গিয়েছে ।

জুমেলিয়া । শীতকালে নেংড়া আম কোথা থেকে পেতে ?

বালক ।—কি করব ? অভ্যাস ।

জুমেলিয়া । বালিকা ! তোমার মাথা ধারাপ হয়েছে ।

বালক । শুনে সুখী হ'লাম ।

জুমেলিয়া । সুখী হ'লে !—কেন ?

বালক । তা'লে এতদিনে বুঝলাম, যে আমার মাথাটা আছে । নৈলে
ধারাপ হবে কোথা থেকে ।

জুমেলিয়া । তোমার কি বিশ্বাস ছিল, যে তোমার মাথা নেই ?

বালক । সেই রকম বিশ্বাস ছিল ।—আপনার চেহারা, ত বেশ !

জুমেলিয়া । তোমার কি তাই মনে হয় ?

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

বালক । মনে ? খুব হয় । আপনি সাঁতার জানেন ?

জুমেলিয়া । না ।

বালক । জানেন না ? আমি শিখিয়ে দেবো'খনি !

জুমেলিয়া । তুমি মনুষ্য ?

বালক । দস্তুরমত ! আপনি বোধ হয় যক্ষ ?

জুমেলিয়া । আমি যক্ষ ।

বালক । তা'হলে আরো ভালো । আপনার কাছে অনেক শেখা
যাবে ।—আচ্ছা, আপনারা হাত দিয়েই শোন ?

জুমেলিয়া । হাঁ ।

বালক । বেশ করেন । তারপর—আপনারা লক্ষ্য হ'য়েই শোন ?

জুমেলিয়া । তা শুই বৈ কি !

বালক । ও প্রথাও ঠিক ।—স্বপ্ন দেখেন ?

জুমেলিয়া । দেখি ।

বালক । আর দেখবেন না ।—বেশ খেতে ত ?

জুমেলিয়া । কি ?

বালক । এই আখ । লক্ষ্য আখ বেশ হয় ; কিন্তু সব চেয়ে
ভাল এই নেংড়া, যা আমর খাওয়া অভ্যাস—এ বেশ কারাগার ত ?

জুমেলিয়া । কেব ?

বালক । কেমন জলকল্লোল শোনা যাচ্ছে !—এ ঘরের চারিদিকেই
জল ?

জুমেলিয়া । চারিদিকেই জল !

বালক । ও গুলি কি ?

জুমেলিয়া । বাতাস আস্‌বার ফোকোর ।

বালক । বেশ ত ! ঐ আকাশ দেখা যাচ্ছে । না ?

জুমেলিয়া । হাঁ ।

বালক । এখান দিগ্নে বৃষ্টি বাহিরে যাবার পথ ?

জুমেলিয়া । হাঁ ।

বালক । আর এঁরা নুবি পাহারা ?

জুমেলিয়া । হাঁ ।

বালক । বেশ ত বন্দোবস্ত ।—আপনি এখানে হঠাৎ এলেন কেন ?

জুমেলিয়া । আমাদের মহারানী আস্‌ছেন ।

বালক । তিনি কোথায় ?

জুমেলিয়া । আস্‌ছেন ।—ঐ যে, আমি তবে আসি । [প্রস্থান]

কুবেরীর প্রবেশ ।

লীলা । এই যে মহারানী !

কুবেরী । কি আশ্চর্য্য ! এই ক্ষুদ্র, ক্ষীণ, সামান্ত জীব ! এর জন্ত

—বালিকা ! তুমি মন্ত্র জান ?

লীলা । মহারানী !

কুবেরী । কি মন্ত্রে তুমি বিজয়কে বশ করেছ, বল ।

লীলা । বশ করেছি ?

কুবেরী । বল অধম ঘাঢ়করী ! নহিলে—এই ছুরিকা দেখ্‌ছ ?

লীলা । আমি কিছু বুঝতে পাচ্ছি'না, মহারানী !

কুবেরী । নেকী সেজো না, তুমি সব জান ; সত্য কহ—প্রশ্ন

করি ।

লীলা । করুন ।

কুবেরী । তুমি বিজয়সিংহের অনুরাগিনী ?

লীলা । স্বচক্ষে দেখেছেন । আর জিজ্ঞাসা কচ্ছেন কেন ?

কুবেরী । বিজয়সিংহ তোমার অনুরাগী ?

লীলা । কে বলে ?

কুবেরী । তুমি জান না ?

লীলা । আমি জানি না, কিন্তু—না, অসম্ভব । আমি যে নারী,
তা পর্যন্ত তিনি অবগত নন ।

কুবেরী । মিথ্যাবাদিনী !

লীলা । মহারাণী ! আমি স্বয়ং হাতে হাত দিয়ে তোমাদের বিবাহ
দিয়েছি । আমার কোস্তভরত্ব নিজের বক্ষ থেকে ছিঁড়ে নিয়ে তোমার
বক্ষে পরিয়ে দিয়েছি ।—আর কি চাও ? তোমাদের ক্রীড়া কোতুকে
হাস্তপরিহাসে, আমি হেসেছি—যখন শরীরের মধ্যে রক্তের তপ্তশ্রোত
ব'হে গিয়েছে । তোমাদের মিলন সন্তোগ দাঁড়িয়ে দেখেছি—মাথা ঘুরে
প'ড়ে যাই নি । আর কি চাও ?

কুবেরী । আর কি চাই ? আমি আমার বিজয়সিংহকে চাই ।

লীলা । পেয়েছ ত ।

কুবেরী । পেয়েছি। তাকে আমি যাহুমন্ত্রে মুগ্ধ ক'রে রেখে দিয়েছি ।
আমি ছলে তাকে অধিকার ক'রে রেখে দিয়েছি । কিন্তু আমি তাকে
পাই নি । তুমি তার হৃদয় অধিকার ক'রে ব'সে আছ—রাক্ষসী !
একখানি শূণ্য, শূন্য, প্রাণহীন আলিঙ্গন নিয়ে কি করব ? সে তোমার,
আমার নয় ।

লীলা । মহারানী ! আমি সত্য বলছি—ভগবান্ সাক্ষী, তিনি এখনও
জানেন না, যে আমি নারী ।

কুবেণী । আবার মিথ্যা কথা ? ছদ্মবেশিনী গণিকা !

লীলা । [ধীর-গম্ভীরে] মহারানী ! আমি তাঁর গণিকা নই ।

কুবেণী । তবে ?

লীলা । আমি, কুলবধু ।

কুবেণী । তুমি তাঁর স্ত্রী ?

লীলা । আমি তাঁর স্ত্রী ।

কুবেণী । কুলবধু ! তুমি কি তবে বিজয়সিংহের সঙ্গে—

লীলা । বেরিয়ে এসেছি ।

কুবেণী । তুমি তাঁর প্রণয়িনী ?

লীলা । তার চেয়ে একটু বেশী ।

কুবেণী । বেশী ?

লীলা । আমি তাঁর স্ত্রী । আমি যে বাঁধা মাহিনার চাকর ! আমি
কি তাঁকে ছাড়তে পারি ?

কুবেণী । [ইতস্ততঃ করিয়া] মিথ্যা কথা ।

লীলা । রানী ! আমার মুখের পানে চাও দেখি । আমার মিথ্যা-
বাদিনী ব'লে মনে হয় ? গণিকা যদি হ'তাম, ত' লাঞ্চিত, দেশনির্বাসিত,
পিতৃপদাহত এক দরিদ্র হতভাগ্যের সঙ্গে, দীনহুঃখী বেশে, দেশে দেশে
ঘুরে বেড়াইতাম ? গণিকা—যখন গাড়ী উপর দিকে ওঠে, তখন সে সেই
গাড়ি ধ'রে থাকে, নীচের দিকে যখন নামে, তখন লাফিয়ে পড়ে । গণিকা
শুধু সম্পদে সহচরী—বিপদে নয় ।

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

কুবেরী। তুমি তাঁর জ্বী, অথচ তিনি তোমায় ছদ্মবেশে চিনেন নি ।
একি হ'তে পারে ?

লীলা। তিনি কদাপি বিবাহিত জ্বীর মুখাবলোকন পর্যাস্ত করেন নি ।

কুবেরী। কেন ?

লীলা। জ্বীলোকের প্রতি তাঁর বিদ্বেষ । তাই আমি বালকবেশ
ধ'রে তাঁর অনুসরণ করেছি ।

কুবেরী। তাই ঘর ছেড়ে, তুমি কুলবধু—ঘর ছেড়ে, ছদ্মবেশে বিদেশে
ঘুরে বেড়াচ্ছ !

লীলা। মহারাণী ! সতীর কাছে তার স্বামীই ঘর, স্বামীই সর্বস্ব ।
সীতা* শ্রীরামচন্দ্রের সঙ্গে বনবাসিনী হয়েছিলেন । নারীর মরণ নেই,
তাই ।—নহিলে, যে তাকে দেখতে পারে না, তার হাতে পায়ে ধ'রে
জীবনধারণ করে ! ধিক্ ।

কুবেরী। বালিকা ! তুমি আমার ভালবাস ?

লীলা। বাসি ।

কুবেরী। কেন ?

লীলা। আমার বিজয় যে তোমায় ভালবাসেন, আমি ভাল না বেসে
থাকতে পারি ?

কুবেরী। তবে তোমায় এক কাজ কর্তে হবে ।

লীলা। কি !

কুবেরী। তুমি দেশে ফিরে যাও ।

লীলা। কেন মহারাণী !

কুবেরী। আঁর তুমি বিজয়সিংহের মুখদর্শন কর্তে পাবে না ।

লীলা । মহারাণী ! তবে কি দেখব ? জগতে আর কি দেখবার আছে ? সেই যে—শত-ইন্দ্রবিন্দিত স্নান মুখখানি, কে যেন লুখা নিংড়ে তাতে ঢেলে দিয়েছে, সেই যোগীর সাধনার ধন, সেই এই বিশ্বসৌন্দর্যের সেরা সৌন্দর্য্য—তা দেখতে পাব না ? হ'তে পারে রাণী ! তুমিও ত. সে মুখখানি দেখেছ । এখন আর না দেখে থাকতে পার ? সত্য বল । পার ?

কুবেরী । আমি পারি কি না, তোমার জানার প্রয়োজন নাই । তোমায় এই কাজ কর্তে হবে ।

লীলা । আমি পার্ক না ।

কুবেরী । কর্তে হবে, নৈলে—

লীলা । আমার বধ কর ।

কুবেরী । না, তোমায় অন্ধ ক'রে দেবো । প্রতিজ্ঞা কর—

লীলা । সে প্রতিজ্ঞা কর্ক কেমন ক'রে মহারাণী ! যে প্রতিজ্ঞা রাখতে পার্ক না—সে প্রতিজ্ঞা কর্তে পার্ক না ।

কুবেরী । নৈলে তোমায় অন্ধ ক'রে দেবো, জেনো বালিকা ।

লীলা । না, না, আমার অন্ধ ক'রে দিও না মহারাণী ! আমার পূর্ণ বিকলাঙ্গ ক'রে দাও,—শুদ্ধ আমার অন্ধ ক'রো না । শুদ্ধ তাঁকে দেখতে দাও । বিধাতা ! আমার সমস্ত অঙ্গ—তোমার বিরাট কারখানায় গলিয়ে, শুদ্ধ ছটি চক্ষু তৈরি ক'রে দাও । অনন্ত—অনন্ত যুগ তাঁকে নয়ন ভ'রে দেখি ।

কুবেরী । তুমিই বলেছিলে না, যে—দেখার ভালবাসা ভালবাসা নয় । ভালবাসা কিছু চায় না,—দিয়েই সুখী । দেখি, তুমি সেই ভালবাসুতে পার কি না ।

চতুর্থ অঙ্ক ।]

সিংহল বিজয় ।

[চতুর্থ দৃশ্য ।

লীলা । বলেছিলাম । কিন্তু পারি কৈ ? সেই আমার সাধনা, কিন্তু আমি অবলা । ঈশ্বরের কাছে দিবারাত্রি এই বর চাই যে, সেই ভাল-বাসা আমার শেখাও দয়াময় !—কিন্তু হৃদয়ে সে বলনাই ।

কুবেণী । নারী ! বৃথা বাক্যে সময় অপব্যয় কর্তে পারি না । এই প্রতিজ্ঞা কর ।

লীলা । পারি না ।

কুবেণী । এই তোমার স্থির সংকল্প ?

লীলা । না—পারি না, তা কর্ব কি ক'রে মহারানী ?

কুবেণী । পার কি না দেখছি । যাও, দীপ্ত লোহশলাকা নিয়ে এসো ।

রক্ষিণীর প্রস্থান ও দীপ্ত লোহশলাকা লইয়া প্রবেশ ।

কুবেণী । তবে প্রস্তুত হও ।

লীলা । মহারানী ! মার্জনা কর । আমার অঙ্গ ক'রে দিও না । আমার সর্বস্ব তোমার হাতে সঁপে দিইছি । শুধু তাকে দেখবার অধিকার থেকে আমার বঞ্চিত ক'রো না ! আর কিছু চাই না । তাঁর চরণের তলে আমার বেঁধে রেখে দাও । আমি শুধু দেখব ! এখনও দেখা শেষ হয় নি । আমার অঙ্গ ক'রো না ।

কুবেণী । অহুনয় কচ্ছ'কার কাছে বালিকা ! আমি বধির । কিছু শুনে পারছি না । প্রস্তুত হও ।

লীলা । দগ্ধা কর ।

কুবেণী । দয়া মায়া নাই । তবে—[লোহশলাকা দিয়া বালিকাকে

চতুর্থ অঙ্ক ।]

সিংহল বিজয় ।

[পঞ্চম দৃশ্য ।

অন্ধ করিতে উত্তত—এমন সময় বিজয় আসিয়া কহিলেন—“ক্ষান্ত হও ।” কুবেরী ক্ষান্ত হইয়া বিজয়ের মুখ পানে চাহিলেন ।]

বিজয় । কে তুমি ?

কুবেরী । তোমার প্রণয়িনী ।

লীলা । তোমার বিবাহিত পত্নী ।

পঞ্চম দৃশ্য ।

—::—

স্থান—লঙ্কা ।

বিজিত । কি ! বিজয় এই দ্বীপ পরিত্যাগ কর্ণার আদেশ দিয়েছে ?

অনুরোধ । হাঁ কুমার ।

বিজিত । আশ্চর্য্য মানুষ !

উকবেল । তাঁকে কিছু বুঝতে পারি না ‘কুমার ! যুদ্ধে হেন হুজ্জর বীর ! বক্ষ প্রসারিত, মুখমণ্ডল দীপ্ত, চক্ষুধ্বজ দিয়ে ফুলিঙ্গ ঘেরোচ্ছে । কিন্তু যুদ্ধ শেষ হ’লে, আবার সেই দীন সঙ্কচিত মূর্ত্তি, ম্লান মুখ, নিস্ত্রাজ ।

অনুরোধ । লঙ্কার রাজকুমারীর সঙ্গে বিবাহের, পর দিনকতক সম্ভোগের শ্রোতে গা ভাসিয়ে দিয়ে, তার পর এই কয় দিন আবার সেই

চতুর্থ অঙ্ক ।]

সিংহল বিজয় ।

[পঞ্চম দৃশ্য ।

চিন্তাকুল, শূন্যদৃষ্টি, যেন নিজের শরীর ছেড়ে, তার মন ঐ সমুদ্রের পরপারে
ভেসে গিয়েছে । ডাকলে সাড়া পাইনে ।

বিজিত । আমিও লক্ষ্য করেছি ।—ঐ যে বিজয় আসছে । তোমরা
এখন যাও । [অমরোধ ও উরবেলের প্রস্থান]

বিপরীত দিক হইতে বিজয়ের প্রবেশ ।

বিজিত । বিজয় ! তুমি নাকি এ দ্বীপ ত্যাগ কর্তে আদেশ
দিয়েছ ?—বিজয় !—

বিজয় । কে ?

বিজিত । আমি বিজিত । চিন্তেই পাচ্ছ' না ! বিজয় ! তুমি কেন
এমন হ'য়ে গেলে ?

বিজয় । কেমন ?

বিজিত । তুমি নাকি দ্বীপ ত্যাগ করবার আদেশ দিয়েছ ?

বিজয় । হাঁ বিজিত ।

বিজিত । তুমি যে শেষে ক্ষেপে গেলে ।

বিজয় । [স্তান হাশ্বে] বোধ হয় ।

বিজিত । এ লক্ষাপুরী তোমার আর ভাল লাগে না ?

বিজয় । ভাল লাগবে ! এ ভয়ানক জায়গা ! এখানে ঘুম আসে,
বড় ঘুম আসে ! এরা মন্ত্র জানে ! পালাও—পালাও !

বিজিত । বিজয় ! তোমার মনের মধ্যে কি একটা বিরাট হুংস
জাগছে ?

বিজয় । [মৃহসা] এই জায়গায় ! এই জায়গায় ! [বিজিতের
হস্ত লইয়া নিজের বক্ষের উপর রাখিলেন] উঃ ! দিবারাত্রি কর' কর'

‘চতুর্থ অঙ্ক।

সিংহল বিজয়।

[পঞ্চম দৃশ্য।

ক’রে কাটছে। আমি শুন্তে পাচ্ছি। [কাণ পাতিয়া] ঐ, ঐ বেশ শুন্তে পাচ্ছি।

বিজিত। দেশে ফিরে চল।

বিজয়। [সহসা বিজিতের স্বক্ষে করতল স্থাপন করিয়া] বিজিত!

বিজিত। [চমকিয়া] কি!

বিজয়। তুমি—তোমরা সব দেশে ফিরে যাও।

বিজিত। কেন?

বিজয়। সেখানে ফিরে যাবার আমার অধিকার নাই। আমি যে নির্দাসিত। নিজের দেশের রাজা,—আমার দেবতা—আমার পরিত্যাগ করেছেন।

বিজিত। পিতার উপর কি এই অভিমান সাজে তাই! দেশে ফিরে চল।

বিজয়। না, দেশে যাব না।

বিজিত। কেন?

বিজয়। কেন এক হতভাগ্য দিগ্ধিদিক্ জ্ঞানশূণ্য উন্মাদের সঙ্গে ঘুরে মচ্ছ’? দেশে যাও, বিবাহ কর, স্ত্রী হও।

বিজিত। সে কথা ত অনেকবার বলেছ।

বিজয়। কেন এই গুরু পঞ্জরথানা তোমাদের অসীন স্নেহ দিয়ে ঘিরে, আছ? গায়ে হাড় ফুটছে না?—যাও।

[নীরবে প্রস্থান]

উদ্ভ্রান্তভাবে জয়সেনের প্রবেশ।

জয়সেন। একি!

বিজিত । কে ? জয়সেন ।

জয়সেন । শীঘ্র এস ! শীঘ্র এস !

বিজিত । কোথায় ?

জয়সেন । আমার সঙ্গে ।

বিজিত । কোথায় ?

জয়সেন । ঐ বনের ভিতর । এক বিপন্ন নারীকে রক্ষা কর ।

বিজিত । কি হয়েছে তার ?

জয়সেন । তাকে জ্যান্ত দাহ কচ্ছে ।

বিজিত । কে ?

জয়সেন । মহারাণী ।

বিজিত । কেন ?

জয়সেন । জানি না ।। আগে এসো,—তাকে বাঁচাও । তারপর
জিজ্ঞাস ক'রো ।

বিজিত । ঠিক বলেছ কুমার ! নারী—বিপন্ন ! এই যথেষ্ট ! আর
জিজ্ঞাসা কর্কার কিছু নাই ।—চল ! [নিজ্রাস্ত]

বিজয় ও সুরমিত্রের প্রবেশ ।

বিজয় । আশ্চর্য্য ! আমার প্রথমে মনে হ'ল, যে আমি স্বপ্ন
দেখছি নাকি ! এইখানে ব'স ! জিজ্ঞাসা করি । কত কথা জিজ্ঞাসা
কর্কার আছে ।—বাবার কুশল ত ! কি ! নীরবে রৈলে যে ? তবে কি
পিতা ইহ জগতে নাই ? শীঘ্র বল ।

সুরমিত্র । বাবা বেঁচে আছেন ।

বিজয় । তার পর—

সুমিত্র । তিনি রাজ্যচ্যুত বনবাসী ।

বিজয় । সে কি ! কেন ?

সুমিত্র । অঙ্গরাজ বঙ্গজয় করেছেন ।

বিজয় । এঁা—

সুমিত্র । ও কি ! ও রকম ক’রে চেয়ে না দাদা !

বিজয় । না ।—তারিপর !—বিমাতা ?

সুমিত্র । দাদা ! তাঁকে ক্ষমা কর ।

বিজয় । সাধ্য নাই ।—বিমাতা ! কোথায় ?

সুমিত্র । মৃত্যুর পরপারে [উল্কে দেখাইয়া] এখানে ! তাঁকে ক্ষমা কর দাদা ।

বিজয় । বাবার শরীর সুস্থ ?

সুমিত্র । সুস্থ ।—মাকে ক্ষমা কর দাদা !

বিজয় । সুমিত্র ! ভাই ! আমি দেবতা নই, আমি মানুষ,—সামান্ত মানুষ । মানুষে যা পারে, তা আমি পারি । কিন্তু মানুষে যা পারে না, তা আমি পারি না । যে বিমাতা—না ভাই ! তোমার মনেকষ্ট দেবো না—তার পর—বাবা ? তিনি আমার নাম করেন ?

সুমিত্র । তাঁর মুখে আর কোন কথা নেই দাদা ! দিব্যরাত্রি ঐ এক নাম “বিজয়—আর বিজয় !” মুমূর্ষু যেমন হরিনাম করে ।

বিজয় । কি বলি ! এ সত্য ? সত্য ?—বল, আর একবার বল ।

সুমিত্র । কেঁদে কেঁদে তাঁর চক্ষু ছুটি অন্ধ হ’য়ে গিয়েছে । সমুদ্রের ধারে একখানি কুটার বেঁধে ব’সে আছেন । প্রতি সন্ধ্যায় অন্ধনেত্রে

চতুর্থ অঙ্ক ।]

সিংহল বিজয় ।

[দৃষ্টান্ত ।

মাগর তটে ব'সে দিগন্তের দিকে চেয়ে থাকেন, ঢেউ গ'র্জ্জে ওঠে, আর তিনি চোঁচিয়ে ওঠেন—‘ঐ আমার বিজয় আসছে ।’

বিজয় । [উন্নত ভাবে] বিজিত ! বিজিত !

সুমিত্র । ও কি দাদা ! [ধরিলেন]

বিজয় । ছেড়ে দাও !—নৌকা খুলে দাও বিজিত ! দেশে চল ।

বাবা ! আমি আসছি । আমি আসছি । বিজিত ! বিজিত !

[নিক্রান্ত]

দৃষ্টান্ত ।

— ০০০ —

বিজয়ের সঙ্গিগণের গীত ।

যেদিন হনৌল জলধি হইতে উঠিলে জননি ! ভারতবর্ষ !
উঠিল বিধে সেকি কলরব, সেকি মা ভক্তি, সেকি মা হর্ষ !
সেদিন তেঁমার অভায় ধরার অভাভ হইল গভীর রাত্রি ;
বন্দিল প্ৰবে, “জয় মা জননি ! জগত্তারিণি ! জগদ্ধাত্রি !”

(কোরাদ্)—

ধন্য হইল পরণী তোমার চরণ-কমল করিয়া স্পর্শ ;
গাইল, “জয় মা জগন্মোহিনি ! জগজ্জননি ! ভারতবর্ষ !”

সদঃমান-সিক্তবসনা চিকুর সিঙ্কলীকরলিপ্ত !
লালাটে গরিমা, বিমল হান্তে অমল-কমল-আনন দীপ্ত ;
উপরে গগন ঘেরিয়া নৃত্য করিছে—তপন তারকা চন্দ্র ;
মগ্নমুগ্ধ, চরণে ফেলিল জলধি গরজে জলদমস্ত্র ।

(কোরাস্)—

ধস্ত হইল ধরণী তোমার চরণ-কমল করিয়া স্পর্শ ;
গাইল, “জয় মা জগন্মোহিনি ! জগজ্জননি ! ভারতবর্ষ !”
শীর্ষে গুজ্র তুষারকিরীট, সাগর-উর্ধ্বি ঘেরিয়া জজ্বা,
বক্ষে ছুলিছে মুক্তার হার—পঞ্চসিদ্ধু ঘমুনা গজা ।
কখন মা তুমি ভীষণ ৌণ্ড তপ্ত মরুর উবর দৃশ্যে ;
হাসিয়া কখন শ্রামল শস্ত্রে, ছড়িয়ে পড়িছ নিখিল বিধে ।

(কোরাস্)—

ধস্ত হইল ধরণী তোমার চরণ-কমল করিয়া স্পর্শ ;
গাইল, “জয় মা জগন্মোহিনি ! জগজ্জননি ! ভারতবর্ষ !”
উপরে পবন প্রবল ঘননে শূন্য গরজি’ অবিশ্রান্ত,
লুটারে পড়িছে পিক-কলরবে, চুধি’ তোমার মণ-প্রান্ত ;
উপরে, জলদ হানিয়া বজ্র, করিয়া প্রলয়-সলিল-বুষ্টি—
চরণে তোমার, কুঞ্জকানন কুহুমগন্ধ করিছে স্ফুটি !

(কোরাস্)—

ধস্ত হইল ধরণী তোমার চরণ-কমল করিয়া স্পর্শ ;
গাইল, “জয় মা জগন্মোহিনি ! জগজ্জননি ! ভারতবর্ষ !”
জননি, তোমার বক্ষে শান্তি, কণ্ঠে তোমার অস্তর-উক্তি,
হস্তে তোমার বিতর অন্ন, চরণে তোমার বিতর দ্রুতি ;
জননি ! তোমার সন্তান তরে কত না বেদনা কত না হর্ষ
জগৎপালিনি ! জগন্তারিণি ! জগজ্জননি ! ভারতবর্ষ ।

(কোরাস্)—

ধস্ত হইল ধরণী তোমার চরণ-কমল করিয়া স্পর্শ ;
গাইল, “জয় মা জগন্মোহিনি ! জগজ্জননি ! ভারতবর্ষ !”

ষষ্ঠ দৃশ্য ।



সম্মুখে প্রজ্জলিত অগ্নি ।

প্রহরিনী-বেষ্টিত রক্তাশ্রয়া লীলা ও সম্মুখে কুবেরী ।

কুবেরী । না জুমেলিয়া ! আমি কোন কথা শুন্ব না ! আজ চক্কের সম্মুখে বিজয়ের প্রণয়িনীর সংকার কর্ব ।

জুমেলিয়া । তাতে কি হবে মহারানী !

কুবেরী । কিছু হবে না । আমার স্নেহের সংসার পুড়ে গিয়েছে । আজ সকলের ঘর উড়িয়ে পুড়িয়ে দিয়ে চ'লে যাব । আমার সর্বনাশ ক'রে বিজয় স্থখী হবে ! তার স্থখ নিশ্চল ক'রে দিই ।

জুমেলিয়া । মহারানী ! এ কাজ কর্বেন না, আমি বারবার বলছি ।

কুবেরী । কেন কর্ব না ? আমার আর কি বল ।

জুমেলিয়া । কিন্তু এতে কি হবে ?

কুবেরী । এই যা স্থখ—অন্ত সকল স্নেহের আশা যখন গিয়েছে ।

জুমেলিয়া । কিন্তু এখনও তার পথ আছে ।—এতে সে পথ তোমার সম্মুখে চিরদিনের জন্ত বন্ধ হবে ।

কুবেরী । যাক্, উড়ে পুড়ে সব ছারখার হ'য়ে যাক্ ! গেছে যখন, তখন সব যাক্ ।

জুমেলিয়া । কিন্তু লাভ কি হবে ?

কুবেরী । লোকে লাভ কি হ'বে বলে, লোকসান হিসাব ক'রে কি ভাসে, কাঁদে, হিংসা করে, জুঁজু হয় ? এই বিজয়সিংহ চ'লে যাবে—

চতুর্থ অঙ্ক ।]

সিংহল বিজয় ।

[ষষ্ঠ দৃশ্য ।

যাক্ । কিন্তু—ওঃ ! যদি তার গতি বোধ কর্তে পার্তাম !—বিজয় যায়
যাক্, কিন্তু আমার ভোগ্যকে যে এ ভোগ কর্কে, তা দিব না ।

জুমেলিয়া । কিন্তু এ অন্ধ প্রবৃত্তি ।

কুবেণী । সব প্রবৃত্তিই অন্ধ ।—সব প্রস্তুত পুরোহিত ?

তাপস । প্রস্তুত ।

কুবেণী । অগ্নিকুণ্ঠে^৭ নিক্ষেপ কর । না, তার পূর্বে একবার আমার
কাছে নিয়ে এসো ।

[তাপস লীলাকে কুবেণীর কাছে লইয়া আসিলেন ।]

কুবেণী । কি বিজয়সিংহের প্রণয়িনী ! ঐ অগ্নিকুণ্ঠে তোমায় পুড়ে
মর্ন্তে হবে ।

লীলা । তা জানি মহারানী !

কুবেণী । ভয় কচ্ছে ?

লীলা । [সব্যঙ্গ হাশ্বে] ভয়, মহারানী ! ভয় ! হিন্দুসতী যে স্বামীব
মৃতদেহ ক্রোড়ে জড়িয়ে ধ'রে হাস্তে হাস্তে জলন্ত চিতায় ওঠে, তাব এই
আগুন দেখে ভয় !—তবে এ একটু—একটু—[হাসিধা] তাড়াতাড়ি
হ'ল ।

কুবেণী । কি ! তুমি হাসছ ?

লীলা । ওটা আমাব একটু স্বভাব । কায়দা^৮ ছরস্ত নয় । পাড়ার্গেয়ে
মেয়ে ! আদব কায়দা শিখি নি । ক্ষমা কর্জন ।—আচ্ছা মহারানী,
আমি যদি এখন একটা গান গাই, ত আপত্তি আছে ?

কুবেণী । গান—গাইবে !

লীলা । গাইলামই বা ! আমার বোধ হয়, মৃত্যুদণ্ড তামিল কর্কার

চতুর্থ অঙ্ক ।]

সিংহল বিজয় ।

[বর্ষ, দৃশ্য ।]

সময় একটা সঙ্গীতের প্রথা প্রচলিত করা মন্দ নয় । 'দণ্ডিত ব্যক্তি, গান শুন্তে শুন্তে একটু সুখে মরে । তার আত্মা সেই গানের মূচ্ছনার সঙ্গে আবেগে, আনন্দে, কাঁপতে কাঁপতে, ঐ নীল আকাশে মিশিয়ে যায় ।

কুবেণী । বধ কর, নৈলে আমার যাহু কর্কে ।

লীলা । কিছু কর্কে না দিদি ।

কুবেণী । নিয়ে যাও ।

লীলা । কারো নিয়ে যেতে হবে না, আমি নিজেই যাচ্ছি । স্বামীকে ভালবাসার শাস্তি আমি ঘাড় পেতে নিয়েছি । কোন হুঃখ নাই—শুধু যদি মর্য্যার আগে একবার তাঁর মুখখানি শেষ দেখতে পেতাম, দেখতে দেখতে চোখ বুঁজতাম—স্বর্গে যেতাম । না পাই, তাঁর ছবি এইখানে আছে । চোখ বুঁজে দেখতে দেখতে মর্য্য ।—দিদি—

কুবেণী । শুন্তে চাইনা ! যাহু কর্কে ! নিয়ে যাও, দাহ কর ।

লীলা । এই যাচ্ছি বোন্ । তুমি মহারানী হ'লেও তুমি আমার ছোট বোন্ । বিজয়সিংহকে যেন তুমি পাও, ভগবানের কাছে কামনানোবাক্যে এই শেষ প্রার্থনা করি । যাও দিদি, সুখিনী হও—যশস্বিনী হও ।

[কুবেণী পশ্চাদ্ধিক্ চাহিয়া রহিলেন । লীলা নির্ভীকভাবে চিতার কাছে গিয়া করজোড়ে প্রার্থনা করিলেন] “হে দেবাদিদেব মহাদেব ! আমি কাছে থাক্লে, স্বামীর কোন অমঙ্গল হবে না, এটা আমি ঐব জানি । কিন্তু আজ তাঁকে ছেড়ে চ'লে যাচ্ছি । তোমার হাতে তাঁকে সমর্পণ করে চ'লে গেলাম । দেখো প্রভু ।”

[পরে সগর্বে অগ্নিকুণ্ডের উপর আরোহণ করিলেন । চারিদিকে জয়ধ্বনি উঠিল । কুবেণী সেই দিকে মুখ ফিরাইলেন ও চীৎকার করিয়া

চতুর্থ অঙ্ক ।]

সিংহল বিজয় ।

[সপ্তম দৃশ্য ।

উঠিলেন,—“রক্ষা কর—রক্ষা কর” এই সময়ে বিজিত আসিয়া থমকিয়া
দাঁড়াইয়াই, চিতার মধ্য হইতে লীলাকে টানিয়া বাহির করিলেন ।]-

কুবেরী । কে তুমি ! কার আজ্ঞায় তুমি এই নারীকে রক্ষা করেছ ?

বিজিত । [বক্ষে হাত দিয়া] এর আজ্ঞায় ।

কুবেরী । আমি ওর মৃত্যুদণ্ড দিগেছি । আমি রাজ্ঞী ।

বিজিত । আমি তার চেয়েও বড় । আমি মানুষ !

সপ্তম দৃশ্য ।

কুবেরী ও জুমেলিয়া ।

কুবেরী । আজ আমার শেষ রাত্রি ! বড় অহুন্নয় ক’রে, ভিক্ষা
ক’রে—লঙ্কার রাজ্ঞী আমি—ভিক্ষা ক’রে—এক রাত তার কাছ থেকে
চেনে নিগেছি । জুমেলিয়া—এরাত্রি যেন রুখা না যায় ।

জুমেলিয়া । হায় মহারানী !

কুবেরী । ও রকম ক’রে আমার পংনে চাস্‌নে জুমেলিয়া ! তুইও
বল—যেতে দেবো না ।—বল তাকে ধ’রে রাখব ।

জুমেলিয়া । এ বিশ্বের ভিতর কে কাকে ধরে’ রাখতে পারে
মহারানী ! কে কবে স্নেহের বশ হয়েছে ? সখি ! প্রবৃত্তি প্রবল, স্বার্থ
প্রবল, নিয়তি প্রবল ; কেবল এক স্নেহ দুর্বল—অতি দুর্বল !

কুবেরী । ও কথা বলিস্‌ না । তুই আজ আমার সহায় হ’,—লঙ্কার
স্বর্ণভাণ্ডার খুলে দে । স্বর্ণ যা ক্রয় কর্তে পারে, একটা জাতি যা ভ্যাগ
২০০]

চতুর্থ অঙ্ক ।]

সিংহল বিজয় ।

[সপ্তম দৃশ্য]

কর্ত্তে পারে, সব তার পায়ে ঢেলে দেবো ।—সে কি মানুষ নয় ?—দেখি পারি কি না । সজ্জিত কক্ষে নিয়ে গিয়ে রত্ন-সিংহাসনে তাকে বসাব । সে মানুষ ত ?—সব প্রস্তুত ক'রে রেখে দে,—সুৱা, সঙ্গীত, আলোক, সুগন্ধ ! দেখি পারি কি না ? যা জুমেলিয়া !—[জুমেলিয়ার প্রস্থান]

কুবেরী । চ'লে যাবে ! আমার ছেড়ে চ'লে যাবে ! এত রূপ—এত প্রেম—এত ক্ষমতা—এত ঐশ্বর্য্য—এত সম্ভোগ—ছেড়ে সে চ'লে যাবে ! সেই দুর্জয় বীর, যে এতদিন আমার তর্জ্জনীর সঞ্চালনে কলের পুতুলের মত বসেছে, উঠেছে, হেসেছে, কঁদেছে । সে কিনা—না যেতে দেবো না—তবে এসো আজ স্বর্গের নন্দনকানন—মর্ত্ত্যে নেমে এসো ! চন্দ্রমা ! শ্লিঙ্গতম জ্যোৎস্নায় আকাশ ভাসিয়ে দাও । স্বর্ণ-লঙ্কা ! আজ ঐশ্বর্য্যে জ'লে ওঠ ! আর তুমি লঙ্কার রাজ্ঞী—রূপের তড়িৎ খেলিয়ে দিয়ে, এর উপর দিয়ে চ'লে যাও । আর এই পুষ্পহারসম ক্ষীণ বাহুবন্ধ আজ মৃত্যুর নিগড়ের মত কঠিন হোক । আমার বাহুদণ্ড কৈ ?—আমি তাকে যেতে দেবো না ।

লীলার প্রবেশ ।

কুবেরী । এই যে বালিকা । আমার বিজয় কোথায় ?

লীলা । আসছেন ।

কুবেরী । তুমি এখানে কেন ?

লীলা । কেন বোনু ! তোমার কাছে কি আমার আসতে নাই ? তুমি যে আমার ছোট বোন ।

কুবেরী । পিশাচী ! শয়তানী !—তুই আমার বিজয়সিংহকে কেড়ে নিয়েছিস্ ! কিরিয়ে দে রাক্ষসী ।

চতুর্থ অঙ্ক ।]

সিংহল বিজয় ।

[সপ্তম দৃশ্য ।

লীলা । আমি নিই নাই বোন । তোমার বিজয় তোমারই আছে ।

কুবেরী । মিথ্যা কথা—

লীলা । সত্যবাণী । যে বিজয় বালককে ভালবাস্ত, সে বালিকাকে ঘৃণা করে ।—রাজ্ঞী ! বিজয় আমার প্রত্যাখ্যান করেছে ।

কুবেরী । সত্য কথা ?

লীলা । শুধু তাই নয় । আমার এই দক্ষ গণ্ডচর্য দেখে তিনি ভীত হ'য়ে, স'রে গেলেন, আর আমি লজ্জায় মাটির সঙ্গে মিশিয়ে গেলাম ।

কুবেরী । সত্য ?

লীলা । সত্য কথা মহারানী ! ভালই হয়েছে, আমার প্রেমের মোহ কেটে গিয়েছে । অগ্নিপরীক্ষায় আমার মালিন্য পুড়ে গিয়েছে । এখন আমার যা আছে, তা শিশিরের মত পবিত্র—ঐ নক্ষত্রের মত উজ্জ্বল !

জুমেলিয়ার প্রবেশ ।

কুবেরী । তুমি কি বলছ বালিকা !

লীলা । এতদিন আমার প্রেমে প্রতিদানেচ্ছা ছিল, রূপের গর্ভ ছিল, স্মৃতি অতৃপ্তি ছিল । আর নাই । বিজয়সিংহ আমার অন্তরে । বাহিরের বিজয়কে তোমায় দিলাম । আমি একবার—শেষবার—বিজয়ের সঙ্গে সাক্ষাৎ ক'রে—জন্মের মত বিদায় নিয়ে যাব—তারপরে এ সংসারে আমারে কেউ দেখতে পাবে না ।

[প্রস্থান]

কুবেরী । জুমেলিয়া কিছু বুঝতে পারি ?

জুমেলিয়া । পারি ।

কুবেণী । কি বৃষ্ণি ?

জুমেলিয়া । এ বালিকা ক্ষিপ্ত । আমি ভয়ে স'রে যাচ্ছিলাম দেখ'ছিলে না ।

কুবেণী । কেন ?

জুমেলিয়া । পাছে কামড়ায় । এসো রাজ্ঞী ! সব প্রস্তুত ।

[প্রস্থান]

কুবেণী । তবে এ বালিকা নয় । স্বদেশ তাকে টেনে নিয়ে যাচ্ছে । তবে এ দ্বন্দ্ব কুবেণীতে আর এ বালিকাতে নয় । দ্বন্দ্ব স্বদেশে আর স্বর্গে । তবে, না—বিশ্বাস হয় না । ও ত বাতাস নয়, পাণ্ডুর নয়, উদ্ভিদ নয়, রক্ত মাংসে গড়া মানুষ ত, নারী ত, হ'তে পারে না, সব ছল, সব প্রতারণা । আমি তোমার হাতে আমার বিজয়কে দেবো না । দেখি, কি ক'রে ছিনিয়ে নাও । আচ্ছা, এত অন্তর্য কিসের জন্ত ? যাক্ না বিজয় । সে বিজয় নৈলে কি আর আমি বাঁচি না ? যাক্ই না । কিসের জন্ত আক্ষেপ ? যে জগতে বিজয়-সিংহ নাই, সেখানে কি কেউ বাঁচে না ? যাক্ !—কৈ জয়সেন এখনও এল না । তাকে ডাক্তে পাঠিয়েছি'স্ ত ?

জুমেলিয়া । ঐ আস'ছেন কুমার ।

জয়সেনের প্রবেশ ।

কুবেণী । জয়সেন ! তুমি আমার ভালবাস ?

জয়সেন । জান না কি কুবেণী—

কুবেণী । এত ক্ষীণস্বর ! একি ! তুমি যে কঙ্কালসার হ'য়ে গিয়েছ !

জয়সেন । তুমিই আমার এই দশা করেছ কুবেণী !

কুবেণী । অন্ময় করেছি । এবার আমি হৃদয়েশ্বর কর্ব ।

জয়সেন । ব্যঞ্জে প্রয়োজন কি কুবেণী !

কুবেণী । না, সত্য কথা জয়সেন । তোমায় যদি হৃদয়েশ্বর কর্তাম্ হয় ত এক রকম স্থখে কেটে যেত । এই শাস্ত হৃদের স্বচ্ছসলিল ছেড়ে, অকুল সমুদ্রে আমার তরীখানি ভাসিয়ে দিলাম কেন ?

জয়সেন । আমার ভালবাস কুবেণী—আমি তোমার ক্রীতদাস হ'য়ে থাকব ।

কুবেণী । এই রাজত্ব ছেড়ে—এপরের দ্বারে ভিক্ষা কর্তে গিয়েছি ! ধিক্ আমার । তোমায় ভালবাসুব জয়সেন ! পার্ক না ?—কেন পার্ক না ?

জয়সেন । পার্ক । আমি তোমার—শৈশবের বন্ধু, তোমার স্বজাতি—

কুবেণী । প্রেমের এ কি প্রকৃতি, যে সমতল উপত্যকার বিচরণ কর্তে চায় না—পর্বতের শিখর থেকে লাফিয়ে পড়তে চায় ।

জয়সেন । কুবেণী !

কুবেণী । পার্ক । তোমায় আমি ভালবাসুব জয়সেন ! তোমায় লঙ্কার সিংহাসনে বসাব । যাক্, বিজয়সিংহ দেশে ফিরে যাক্ । কে বিজয় ? কোথাকার বিজয় ? কে তাকে চায় ? এস জয়সেন !

জয়সেন । কুবেণী ! তোমায় আমি বড় ভালবাসি । [চুখন করিতে উত্তত]

কুবেণী । কৈ ! স্বরে মাদকতা নাই ত,—স্পর্শে রোমাঞ্চ হয় না ত,—নিশ্বাসে নন্দন-সৌরভ নাই ত—ঐ বিজয় আসছেন । ঐ আমার প্রিয়তম আসছেন, কি ভীক্ষু দৃষ্টি ! কি গভীর মৃষ্টি !

চতুর্থ অঙ্ক ।]

সিংহল বিজয় ।

[অষ্টম দৃশ্য ।

বিজয়ের প্রবেশ ।

বিজয় । কোথায় কুবেরী ?

কুবেরী । কি মধুরস্বর—এই আর ঐ ! না, না, পার্ক না, পার্ক
না । যাও জয়সেন ! এই মুহূর্তে—নহিলে হয়ত তোমায় ঘৃণা কর্ব ।
ঐ আর এই !—এসো প্রিয়তম ।

[বিজয়ের হস্ত ধরিয়া নিজ্জান্ত]

জয়সেন । এতদূর ! কুবেরী ! তোমায় হত্যা কর্ব ।

অষ্টম দৃশ্য ।

আলোকিত সজ্জিত কক্ষ ।

নর্তকীবৃন্দ ।

গীত

ঢালো অমিয়া ঢালো কিশোর হৃদাকর, আকুল ত্বা অতি অধীরা ;
উঠুক শিহরিয়া তপ্ত ধমনীর স্তব্ধ চেউ—ঢালো মদিরা ।
ঢলিও চামর বসন্ত শিখর হৃগন্ধ চঞ্চল পবনে,
বার্জো হুললিত মৃদঙ্গ মন্দিরা মুরলী নন্দন ভবনে ;
গাও বিকম্পিত কুরি' দিগন্ত বিমুক্ত অঙ্গরা রমণী,
নৃত্য কর মদমত্ত, মদ্যথ হৃদয়ে বিধ শর অমনি ।

সসহচরী কুবেরী ও সসহচর বিজয়ের প্রবেশ ।

বিজয় । একি ! এ যে স্বর্গ !

কুবেণী । স্বৰ্গ কখন দেখেছ কি নাথ !

বিজয় । না ।

কুবেণী । আমি দেখেছি ।

বিজয় । কোথায় ?

কুবেণী । [বিজয়কে আলিঙ্গন করিয়া] এই আমার স্বৰ্গ । ও কি !
মুখ ফিরাচ্ছ কেন নাথ ! ক্রমে ক্রমে নিজেকে এই ভূজপাশ থেকে
ছিনিয়ে নিচ্ছ কেন নাথ ! আমি তোমায় যেতে দেবো না ।

• বিজয় । ঝটিকার গতিকে কে-রোধ কর্তে পারে কুবেণী ? আজ
বিদায় দাও কুবেণী ।

কুবেণী । আশ্চর্য্য পুরুষ জাতি ! অনায়াসে হস্তমুখে অনাসক্ত
ভাবে রমণীর মৃত্যুদণ্ড উচ্চারণ কর ! তারপর ঋতু মুখে রোচে ?
নিদ্রাও হয় ? [স্বর কাঁপিতে লাগিল]

বিজয় । কুবেণী ! ক্রুদ্ধ হ'য়ে না ।

কুবেণী । না । সহচরীগণ ! তোমাদের প্রভু দেশে ফিরে যাচ্ছেন ।
উৎসব কর—

বিজয় । কুবেণী ! তুমি দেবী । তাই আজ তুমি আমার আনন্দে
যোগ দিতে এই মহোৎসবের আয়োজন করেছ ।

কুবেণী । এ আয়োজন লঙ্কেশ্বরের উপযুক্ত নয় । এমন আনন্দের
দিনে— [হস্তে মুখ ঢাকিলেন]

বিজয় । ও কি কুবেণী !

কুবেণী । কিছু না—গাও, নৃত্য কর—সহচরীগণ ! তোমাদের প্রভু
কাল তোমাদের ছেড়ে যাচ্ছেন । এ জন্যে তাঁকে আর দেখতে পাবে
২০৬]

চতুর্থ অঙ্ক ।]

সিংহল বিজয় ।

[অষ্টম দৃশ্য]

না । অনেকবার তাঁর মনোরঞ্জন ক'রেছ । আজ শেষ রাত্রি । আজ আমাদের শেষ রাত্রি ।

বিজয় । কি ! কুবেরী ! কঁাদছ ?

কুবেরী । না—আজ শেষ রাত্রি । আজ আমি গাইব—আমি নাচব ।

বিজয় । গাও, উৎসব কর—আমি কাল স্বদেশে ফিরে যাচ্ছি ।
এর যোগ্য উৎসব কর !

নৃত্যগীত ।

কুবেরী । দেখ ! দেখ নাথ !

[সহসা নর্ত্তকীগণের সজ্জার পরিবর্তন হইল ।]

বিজয় । চমৎকার ! চমৎকার ! [পান]

[নৃত্য চলিল ।]

বিজিত । আর পান ক'রো না বন্ধু !

বিজয় । কি বলছ বিজিত ! আজ মহোৎসব, বাবা আমার জন্ম
কেঁদেছেন । আজ মহোৎসব, কাল প্রভাতে তরী স্বদেশের দিকে
ভাসিয়ে দেবো । নাচ গাও ! [পান]

বিজিত । [বিজয়ের হস্ত ধরিয়া] আর পান ক'রো না ।

বিজয় ।^{১০} বিরক্ত কর কেন বিজিত । নাচ গাও !—

[নৃত্যগীত চলিল ; সঙ্গে সঙ্গে কুবেরী এক অদ্ভুত নৃত্য

সহকারে বিজয়ের মস্তকোপরি বাহুদণ্ড

দোলাইতে লাগিলেন ।]

বিজয় । কি সুন্দরী তুমি প্রেমসী ! এ কি মায়াবী রাজ্য—আমার

ঐতুর্থ অঙ্ক ।]

সিংহল বিজয় ।

[অষ্টম দৃশ্য ।

চক্ষুর সম্মুখে খুলে দিলে সুন্দরী ! এ যে স্বর্গ । তুমি কি ইন্দ্রাণী ?
কুবেরী । আর না । এ মদিরা বড় মধুর, বড় তীব্র, আর সহ হয় না ।
[পান করিতে উদ্ভত]

বিজিত । আর পান কর্তে দেবো না । [হস্ত ধরিলেন]

বিজয় । দূর হও বিজিত—

কুবেরী । দূর ক'রে দাও প্রহরিনী ।

বিজিত । আমি যাব না ।

কুবেরী । দূর ক'রে দাও । আমার রাজার আদেশ ।

[প্রহরী বিজিতের হাত ধরিল ।]

প্রহরী । রাজার আদেশ—

বিজিত । অবনতশিরে বহন করিছি । [অবনতশিরে প্রস্থান]

বিজয় । কুবেরী ! কোথায় তুমি ?

কুবেরী । এই যে নাথ ! জুমেলিয়া [ইঙ্গিত করিলেন ।]

[নর্তকীগণ অস্থহিত হইল । প্রদীপ নিভিয়া গেল ।]

বিজয় । কুবেরী !—

কুবেরী । নাথ ।

বিজয় । আমি কোথায় ? স্বর্গে না মর্ত্যে ?

কুবেরী । এ স্বর্গও নয়, মর্ত্যও নয়—এ ‘কনককিরীটা’ লকা ।

[বাহুদণ্ড ছলাইলেন ।]

বিজয় । কুবেরী ! প্রেরসী ! কি সুন্দরী তুমি !

কুবেরী । নাথ ! কাল দেশে ফিরে যেতে হবে মনে রেখা ।

বিজয় । কোথায় দেশ—

চতুর্থ অঙ্ক।]

সিংহল বিজয়।

[অষ্টম দৃশ্য।

কুবেণী। যাবে না বল। প্রতিজ্ঞা কর।

বিজয়। কুবেণী তুমি আমার দেশ। তুমি আমার—

কুবেণী। প্রতিজ্ঞা কর। বাঙ্গালীর প্রতিজ্ঞা ভঙ্গ হয় না।

প্রতিজ্ঞা কর,—আমায় ত্যাগ কর্বে না।

বিজয়। তোমায় ত্যাগ কর্বে! কুবেণী। কার জন্ত?

কুবেণী। আর দেশে ফিরে যাবে না?

[দ্রুত জয়সেনের প্রবেশ ও বিজয়কে তীব্র ছুঁবিকা আঘাত করিতে

উদ্ভূত; বিছাভের মত আসিয়া লীলা নিজের বক্ষে সে

আঘাত লইলেন ও ভূপতিত হইলেন।]

বিজয়। কে তুমি?

কুবেণী। এ কি কর্লে বালিকা! প্রহরী!

প্রহরীগণ প্রবেশ করিল।

কুবেণী। [জয়সেনকে দেখাইয়া] বন্দী কর—

[প্রহরীগণ জয়সেনকে বন্দী করিল। কুবেণী

বালিকার সেবা করিতে উদ্ভূত

হইলেন।]

বিজয়। একি! রক্ত!

লীলা। নম্র—সেবার প্রয়োজন নাই। এই মৃত্যুই আমি প্রার্থনা
করেছিলাম।

বিজয়। একি! বালক না? এ বেশ!

কুবেণী। ও বালক নয়। ও তোমার স্ত্রী।

বিজয় উঠিয়া বজ্রাহতবৎ দাঁড়াইলেন।

চতুর্থ অঙ্ক ।]

সিংহল বিজয় ।

[নবম দৃশ্য ।

লীলা । বালক বলে' আমার ভালবাস্তে । নারী বলে' আমার
ঘৃণা ক'রো না প্রিয়তম !

বিজয় । একি স্বপ্ন ! [স্তম্ভ ধরিয়া দাঁড়াইলেন]

কুবেণী । তুমি এ কাজ কেন কলে' ভগ্নী ?

লীলা । আমি যে ভালবাসি । নাথ ! [চরণ ধরিয়া] তোমার হৃদয়
চাই না । তা তুমি কুবেণীকে দাও । আমার তোমার চরণ দাও ।
[হস্ত বাড়াইলেন] এ আমার সুখমৃত্যু ।

নবম দৃশ্য ।



স্থান—সমুদ্রতীর । সিংহবাহু ও সুরমা ।

সিংহবাহু । কৈ ? বিজয় ত এল না !

সুরমা । কৈ আর এলেন তিনি বাবা !

সিংহবাহু । কিন্তু আসবে । আজই আসবে । স্বপ্নে দেখেছি
আসবে । সে আসবেই ।

সুরমা । স্বপ্ন কখন সত্য হয় ?

সিংহবাহু । কখন কখন হয় । এত দিন, এত মাস, এত বর্ষ, এই
সমুদ্রের সৈকতে ব'সে আমি তার অপেক্ষা করছি । কোন দিন ত স্বপ্ন
দেখিনি যে বিজয় এসেছে । কাল রাতে দেখলাম কেন ? সে
আসবেই ।

সুরমা নীরব রহিলেন ।

সিংহবাহ। কি স্বপ্ন দেখলাম জানিস্ ।

সুরমা । শুনেছি ।

সিংহবাহ। না, আবার শোন। স্বপ্ন দেখলাম যে, বিজয় এসেছে ! তার সেই শতচক্র নিংড়ানো হাসি হেসে, তার সেই জলদ গম্ভীর স্বরে ডেকে, বল “বাবা এসেছি”—বলে’ আমার পা জড়িয়ে ধর্তে এল—ঠিক সেই দিনকার মত ক’রে সুরমা ! আমি পু ছুটো পিছন দিকে সরিয়ে নিয়ে হাত বাড়িয়ে তাকে ধর্তে গিয়েছি, এমন সময় পা পিছলে উপুড়-হ’য়ে পড়ে’ গেলাম। তার পর, বিজয় আবার ডাকল বাবা !—তার পর আর মনে নাই। আচ্ছা, পড়ে’ গেলাম কেন সুরমা ! বলতে পারিস্ ?

সুরমা । সে ত স্বপ্ন ।

সিংহবাহ। স্বপ্ন ? কি ! এত স্পষ্ট, এত প্রকৃতবৎ স্বপ্ন জীবনে আর কখন দেখিনি কষ্টা ! এত প্রত্যক্ষ—ঐ সমুদ্র গর্জন করছে। বাতাস উঠেছে বুঝি ?

সুরমা । হাঁ বাবা !

সিংহবাহ। বৎসে !

সুরমা । বাবা !

সিংহবাহ। তা সমুদ্র ঠিক সেই রকম নীল স্বচ্ছ অসীম ? ঠিক সেই রকম ?

সুরমা । ঠিক সেই রকম ।

সিংহবাহ। হায় ! অন্ধ আমি ! অন্ধ আমি !—গিরি, নদী, বন, সমুদ্র, আকাশ, নক্ষত্র, আমার কাছে সব একাকার। অন্ধ আমি !—
সুরমা !

চতুর্থ অঙ্ক ।]

সিংহল বিজয় ।

[নবম দৃশ্য ।

সুরমা । বাবা !

সিংহবাহু । শুধু আজ অন্ধ নই । চিরদিন এমনি অন্ধ । চোখ থাক্তে এমনি অন্ধ । বাসনার অন্ধ, ক্রোধে অন্ধ, মদভরে অন্ধ, আজ শোকে অন্ধ ।—আমার মত দুঃখী কে ?—কত্না !—কথা কচ্ছি না যে ?

সুরমা । কি কথা কৈব বাবা !

সিংহবাহু । আমি রাজ্য হারিয়েছি । তা'তে দুঃখ ছিল না, যদি এই সাম্রাজ্য—আমার পুত্র—থাক্ত । কিন্তু আজ আমি পথের ভিখারী, কিছু নাই—কেউ নাই ।

সুরমা । এই যে আমি আছি বাবা !

সিংহবাহু । [তাহাকে ধীরে সরাইয়া] সে আমার বীরপুত্র, আমার—শুধু আমার স্নেহ চেয়েছিল—ধন নয়, রত্ন নয়, রাজ্য নয়, সিংহাসন নয়, শুধু স্নেহ । আমি দিই নাই । বিনিময়ে—স্নেহ না দিয়ে—সেই কৃতাজলি করপুটে ভস্ম ঢেলে দিয়েছিলাম । পুত্রের সেই করুণ কাতর চরণ ধারণে পদাঘাত করেছিলাম ! [সরোদনে] পদাঘাত করেছিলাম ।

সুরমা । এখন আর নিষ্ফল বিলাপ কবে' কি হবে বাবা !

সিংহবাহু । সত্য কথা । তরুর মূলোচ্ছেদ করে, জলসেচন করলে আর কি হবে ?—সুরমা !

সুরমা । বাবা !

সিংহবাহু । সূর্য্য অস্তে যায় নাই ?

সুরমা । না ।

সিংহবাহু । আমি রাজ্য হারিয়েছি । আমার বীর পুত্র থাক্ত, ত

চতুর্থ অঙ্ক ।]

সিংহল বিজয় ।

[নবম দৃশ্য ।

রাজ্য হারাতাম না।—সুরমা ! উত্তর দিচ্ছি না যে ? তুই এত কম কথা কস্ ?

সুরমা । কি কথা কৈব ?

সিংহবাহ । আমার সাস্থনা দে । আমার সাস্থনা দে ।

সুরমা । বাবা ! আমার প্রাণ দিলেও যদি আপনার মনে এতটুকু শান্তি পান, আমি এক্ষণি এ প্রাণ দিতে রাজি আছি।—কিস্ত—কি করব বাবা !

সিংহবাহ । না, না, তুই বড় ভাণ্ডা মেয়ে । তোকে আমি তাড়া দিয়েছি—ভৎসনাই করেছি । বিনিময়ে—তুই আমার অন্ধের যষ্টি হ'য়ে আঁচিস্।—সুরমা ! রাগীকে আমি অন্ধ করেছিলাম । ভগবান্ আমার অন্ধ করেছেন । শোধ বোধ । কেমন—শোধ বোধ ? সুরমা ! কেমন ?

সুরমা । আমি কি বলব বাবা !

সিংহবাহ । তা বটে !—আচ্ছা—তোর বোধ হয় বিজয় আসবে ?—আসবে না ?—সে যে বড় স্নেহবান্ পুত্র । স্মিত্রের মুখে শুনে, সে নিশ্চয় আসবে । সে'য়ে আমার বড় ভালবাসে । পৃথিবীতে এত ভাল কেউ কাউকে বাঁসেনি।—এমন পুত্রকে আমি পদাঘাত করেছিলাম ! [ক্রন্দন]

সুরমা । আবার !

সিংহবাহ । না, না—অনুশোচনার মত দুর্বল কিছু নয়—কি হবে ?—ও কিসের শব্দ !

সুরমা । সমুদ্র গর্জ্জন । বাবা ! বাড় উঠছে !

সিংহবাহ । সঙ্গে সঙ্গে আমার হৃদয়েও বাড় উঠছে।—বিজয় কখন আসবে সুরমা !

সুরমা । কৈ আর এলেন !

সিংহবাহ । না—সে আসবে, সে স্নেহশীল ।

সুরমা । কিন্তু বড় অভিমানী ।

সিংহবাহ । হাঁ বড় অভিমানী ।—বিজয় এলে এখন আমি কি করি জানিস ?

সুরমা । কি করেন ?

সিংহবাহ । ছিঁড়ে খাই । না, না—তাকে এই বুকে জোরে চেপে ধরি, যাতে সে নিঃশ্বাস আটকে মরে যায় । বলি, “ওরে বিজয় নে কত স্নেহ নিবি নে”—ওঃ !—এত স্নেহ তখন কোথা লুকিয়ে ছিল সুরমা ! কোথা ছিলি ? কোথা ছিলি ? [পুনঃ পুনঃ বক্ষে করাঘাত]

সুরমা । [নিবারণ করিতে চেষ্টা করিয়া] ওকি কচ্ছেন বাবা !—ওকি কচ্ছেন ?

সিংহবাহ । তাইত, ও কি করছি ।

সুরমা । বাবা ! ঝড় উঠল, বাড়ী চলুন ।

সিংহবাহ । না, আমি এখানে দাঁড়িয়ে বিজয়সিংহের অপেক্ষা করছি ।

সুরমা । আর অপেক্ষা করে’ কি হবে বাবা ! রাত হয়ে এল । আজ দাদা আসবেন না ।

সিংহবাহ । আসবে । আমি স্বপ্ন দেখছি ।

সুরমা । ঐ বজ্রনাদ । বাড়ী চলুন ।

সিংহবাহ । খালি বুকে আমি বাড়ী ফিরে যাবো না । বিজয় আসুক ।

সুরমা । তিনি আসবেন না ।

চতুর্থ অঙ্ক ।]

সিংহল বিজয় ।

[নবম দৃশ্য ।

সিংহবাহ । যদি না আসে—ত এই সৈকতে রাত্রিযাপন কর্ব ।

সুরমা । গম্ভীর—গম্ভীরতর সমুদ্র গর্জ্জন !

সিংহবাহ । গম্ভীর সঙ্গীত ।

সুরমা । [সহসা] বাবা !

সিংহবাহ । কি ?

সুরমা । ঐ বুঝি আসছে ।

সিংহবাহ । কৈ ?

সুরমা । ঐ ঢেউয়ের উপর একখানি তরলী দেখছি—পাল তুলে
দিয়ে ছুটে আসছে ।

সিংহবাহ । কৈ ?

সুরমা । ঐ যে—

সিংহবাহ । ভগবান্ ! একবার—মুহূর্তের মত—চক্ষুদুটি ফিরে
দাও । প্রাণ ভ'রে দেখে নেই । তার পর আবার অন্ধ করে'
দিও ।—

সুরমা । ও কার কণ্ঠস্বর বাবা !

সিংহবাহ । বিজয়ের । নৈলে মেঘনির্ঘোষের মত ও কণ্ঠধ্বনি আর
কার হ'তে পারে ?—ঐ যে গান গাইছে—শোন্ !

[দূরে গীত ।]

সিংহবাহ । ঐ যে আরও কাছে ! বিজয় [নৃত্য] ঐ যে, ঐ যে
আমার—বিজয় । বিজয় !—[সমুদ্রের দিকে ছুটিয়া গেলেন ও একটি
ঢেউ আসিয়া তাঁহাকে ভাসাইয়া লইয়া গেল]

চতুর্থ অঙ্ক ।]

সিংহল বিজয় ।

[নবম দৃশ্য ।

সুরমা । বাবা !—বাবা !—সৰ্বনাশ ! [মুখ ঢাকিলেন]—ওঃ !
[বসিয়া পড়িলেন]

সদলে রিজিত, বিজয় ও সুরমিত্রের প্রবেশ ।

বিজয় । ঢেউয়ে কি কর্কে—বিজিত ! যখন সন্তান তার মায়ের বক্ষে
ঝাঁপিয়ে পড়ে !—এই আমার জননী । সেই শাস্তিময় । মা !—মা !—
একে ! [সুরমাকে পরীক্ষা]

সুরমিত্র । এ যে সুরমা !—

বিজয় । সে কি ! তাইত ! মুচ্ছিত না মৃত ?—সুরমা ! সুরমা !

সুরমা । কে ?—একি !—দাদা না ?

বিজয় । হাঁ, আমি দিদি !

সুরমা । [উঠিয়া] হাঁ, মনে পড়েছে । বাবা ! বাবা !—[সমুদ্রদিকে
দৌড়িলেন]

বিজয় । ও কি সুরমা !—[হস্ত ধরিলেন]

সুরমা । দাদা ! দাদা ! [বিজয়ের বক্ষে মুখ লুকাইলেন] এত
দেবী ! বাবা !—

বিজয় । বাবা কোথায় ?

সুরমা । ঐ সমুদ্রের তলে । ওঃ !

—

পঞ্চম অঙ্ক ।

প্রথম দৃশ্য ।



স্থান—লক্ষা । জয়সেন ও তাপস ।

জয়সেন । তবে ইন্ধন প্রস্তুত ?

তাপস । প্রস্তুত । কেরলরাজকেও এ ব্রতে দীক্ষিত করেছি ।

জয়সেন । কিন্তু কেরলরাজ লক্ষার সিংহাসনে বসবে না ?

তাপস । না । বিদেশী কেউ এসে লক্ষার রাজা হবে না । লক্ষার সিংহাসনে তুমি বসবে ।

জয়সেন । আর আমার বাম পার্শ্বে কুবেরী—

তাপস । যুবরাজ ! কুবেরীর আশা ত্যাগ কর ।

জয়সেন । তা পারি না তাপস ! আজ যে আমি কুবেরীকে সিংহাসনচ্যুত কর্তে বসেছি, সে ঈর্ষায়—ক্রোধে নয় ।

তাপস । ঈর্ষায় ?

জয়সেন । ঈর্ষায় । এই কুবেরীকে আমি শৈশব থেকে ভালোবেসেছি । স্নিগ্ধময়ে—তার কাছ থেকে অবজ্ঞা পেয়েছি—অতঃপর কিছু নয় । ওবু তাকে ভালোবেসেছি । কিন্তু সেদিন—সেই উৎসব নিশীথ—যখন সে

পঞ্চম অঙ্ক ।]

সিংহল বিজয় ।

[প্রথম দৃশ্য ।

বিজয়সিংহকে দেখে আমার বন্ধে 'দূর হও', সেদিন আমার প্রথম মনে হোল—

তাপস । কি ?—থাম্লে যে যুবরাজ ?

জয়সেন । মনে হোল—আমি কি কুকুরেরও অধম ! চ'লে এলাম । কিন্তু একেবারে চলে যেতেও পারলাম না, না । অন্তরালে দাঁড়িয়ে বিজয়সিংহের সঙ্গে এষ্ট কুবেণীর—প্রমালাপ দেখতে লাগলাম । হৃদয়ে সহস্র বৃশ্চিক দংশন জালা অনুভব কর্তে লাগলাম । তারপরে আর থাকতে পারলাম না । উন্মত্তবৎ—ছুটে গিয়ে ছুরী মারলাম, তা ম'ল—এক নিরীহ ব্রাহ্মণ কন্যা ।

তাপস । এই বিজয়সিংহকে যেন একটা দৈবশক্তি ঘিরে রক্ষা কচ্ছে ।

জয়সেন । বিজয় আমার বন্দী কলে' । কিন্তু সে চলে' গেলে, এই কুবেণী অবজ্ঞাভরে হেসে আমার মুক্ত ক'রে দিলে—আমায় নিকরাসিত কলে' ।—তার চেয়ে আমার বধ কলে' না কেন ? এত অবজ্ঞা ! এত !—আমি এবার তাকে সিংহাসন থেকে টেনে এনে আমার দাসী করে' রাখবো । দেখুক কুবেণী যে—

বীরবলের প্রবেশ ।

তাপস । এই কেরলরাজ ।—আমরা আপনাই অপেক্ষা করছিলাম । এই যুবরাজ ত অধীর হ'য়ে পড়েছেন ।

বীরবল । ইনি লঙ্কার যুবরাজ ?

তাপস । ইনি যুবরাজ জয়সেন ।

পঞ্চম অঙ্ক ।]

সিংহল বিজয় ।

[প্রথম দৃশ্য ।

বীরবল । কোন চিন্তা নাই যুবরাজ ! আমি তোমার যুবরাজ পদবী
ঘোচাবো । তোমায় লঙ্কার রাজা কর্ব । কোন চিন্তা নাই ।

জয়সেন । আমি রাজত্ব চাই না, কুবেরীকে চাই ।

বীরবল । কুবেরী কে ?

অলঙ্কিতে বিশালাক্ষের প্রবেশ ।

তাপস । কুবেরীব নাম শুনে নাই ? তিনি লঙ্কার রাজ্ঞী ।

বীরবল । ও ! বিজয়সিংহের—[ইঙ্গিত]

তাপস । হাঁ মহারাজ !

বীরবল । বিজয়সিংহ যে নূতন বিবাহ করেছে ।

তাপস । কাকে ?

বীরবল । পাণ্ডুরাজ কুমারীকে । ভারি ঘট !

তাপস । তার ত কুবেরীর প্রতি এই গভীর প্রেম !

বীরবল । সে একটা নীচ ভণ্ড ।

বিশালাক্ষ । সাবধান ।

বীরবল । [চমকিয়া] কে তুমি ?

বিশালাক্ষ । তবে এই শত্রুর বিবর খুঁজে বের করেছি ।—
যুবরাজ ! এই চক্রান্তের উর্ণনাভে পড়ে মারা যাবে । এ কুমন্ত্রণা
তোমায় কে দিলে যুবরাজ !

বীরবল । তুমি কে ?

বিশালাক্ষ । আমি বিজয়সিংহের সেনাপতি বিশালাক্ষ ।

বীরবল । বন্দী কর ।

পঞ্চম অঙ্ক ।]

সিংহল বিজয় ।

[দ্বিতীয় দৃশ্য ।

বিশালাক্ষ । [হাসিয়া] বন্দী কর্বে !

[তরবারি নিষ্কাশন] অপর সকলে পরস্পরের দিকে চাহিলেন ।

বিশালাক্ষ ধীরে নিষ্ক্রান্ত হইলেন ।]

দ্বিতীয় দৃশ্য ।



স্থান—বজ্রের প্রাসাদ, অন্তঃপুর । কাল—প্রভাত ।

বিজয় একাকী ।

বিজয় । এখনও কুবেরীর কথা মনে পড়ে । সেই অশাস্ত উদাম-
পূর্ণ যুবতী—প্রাতঃসূর্য্যোব মত, পূর্ণ প্রস্ফুটিত ফুলপদ্মের মত । আমি
তাকে ভালোবাসি ? না ভয় করি ? ঠিক বুঝে উঠতে পারি নে ।—সেই
রাত্রির কথা মনে পড়ে, সেই চলে' আস্‌বার আগেকার রাত্রি । সেই
উজ্জ্বল আলোকিত, ঝঙ্কারিত নৃত্যগীত !—কি আশ্চর্য্য ! আর সেই সরলা,
মুগ্ধা, নতনেত্রী বালিকা, লজ্জাবতী লতার মত পবন হিল্লোলে সঙ্কুচিত ।—
কি প্রভেদ ! তবে—এই যে গুরুদেব ।

বুদ্ধদেবের শিষ্যের প্রবেশ ।

শিষ্য । বিজয়সিংহ ! তবে তুমি প্রস্তুত ?

বিজয় । প্রস্তুত গুরুদেব !

শিষ্য । যাও বিজয়সিংহ ! সিংহলে এই ধর্ম্ম প্রচার করণে যাও ।
বুদ্ধদেব তোমায় সেই কার্য্যের ভার অর্পণ করেছেন ।

বিজয় । জগদগুরুর আজ্ঞা শিরোধার্য্য ।

শিষ্য । তুমি অশান্ত হৃদয়ে, উন্মত্তবৎ পৃথিবীময় ছুটে বেড়িয়েছ; সাগর, কানন, নগরী, পরিভ্রমণ করে' বেড়িয়েছ, কৰ্ম কর, শাস্তি পাবে ।

বিজয় । শাস্তি পাবো আমি ?—আমাব হুংখ আপনি জানেন ?

শিষ্য । জানি বৎস ! হুংখদিগের সাস্ত্রনার জহ্নই এই ধৰ্ম্ম । যারা স্ত্রী, যারা বিলাসে মজে আছে, ঐশ্বর্য্যে ডুবে আছে, পুত্রকন্যা সম্পদে যাবা সম্পৎশালী, যাদেব দেহে বল, মনে তেজ, হৃদয়ে উল্লাস, তাবা ধৰ্ম্ম চায় না । কিন্তু যারা বিপন্ন, ক্লিন্ন, হুবেলু হুমুটো যাদের আহাংর জোটে না, যাদের সংসারে কেউ নাই—বা যারা ছিল, তারা গিয়েছে, যারা প্রপীড়িত—স্তম্ভেজ, যাদের গণ্ডে হুধারে অশ্রু বয়ে যাচ্ছে, তাদের সাস্ত্রনার জহ্নই এই ধৰ্ম্মের সৃষ্টি, তারাই ধৰ্ম্মের মৰ্ম্ম বোঝে ।

বিজয় । সত্য বলেছেন গুরুদেব !

শিষ্য । এই ধৰ্ম্ম একদিন জগৎ ছেয়ে ফেলবে । কারণ, 'এ জগতে অনেকেই হুংখী—স্ত্রী ক' জন ? স্ত্রী ক' দিনের ? আতস বাজীর আলো নিভে যায়, উৎসবের হাসি থেমে যায়, উল্লাসের গান উঠেই হাহাকারে চারিদিকে ছড়িয়ে পড়ে । এ জগতে অন্ধকারের রাজত্ব শূন্তের বিস্তার, মরণের অবসাদ ; স্তম্ভকতার সাত্রাজ্যের অন্ত নাই । তার মধ্যে এই আলোক, এই প্রশা, এই জীবন, কতটুকু বৎস !

বিজয় । সত্য কথা ।

শিষ্য । যাও বৎস ! ধৰ্ম্ম প্রচার কর, তাই তোমার কৰ্ম্ম । বজ্রের বুদ্ধদেবের মহান্ ধৰ্ম্মের প্রথম প্রচারক বজ্রের বিজয়সিংহ । এর চেয়ে গৌরবের কথা আর কি আছে ?

বিজয় । যে আজ্ঞা গুরুদেব [প্রণাম]

[শিষ্য আশীর্বাদ করিয়া গাইতে গাইতে প্রস্থান ।]

বিজয় । তাই হোক ।

সুরমা ও বিজিতের প্রবেশ ।

সুরমা । দাদা ! তুমি আবার সিংহলে ফিরে যাচ্ছ ?

বিজয় । যাচ্ছি বৎসে—বুদ্ধদেবের আদেশ, জাহাজ প্রস্তুত ।

বিজিত । আমাকে নিয়ে যাবে না ?

বিজয় । নিয়ে গেলেই বা পারি কৈ ? এখন কি আর আমায় ভালো লাগবে ?—কি বল বিজিত ! এখন একটা নূতন মুখ দেখতে দেখতে নিশিভোর হ'য়ে যাবে । এখন জগৎকে একটু রঞ্জিত ভাবে, একটু ঘোরালো রকম দেখবে ।

সুরমা । এখন আমি আমার শূত্র জীবনে একটা কর্তব্য খুঁজে পেলাম—একজনকে স্ত্রী করা, একজনের পদতলে আমার ভবিষ্যৎ অবিশ্রান্তধারে চলে যাওয়া—আর যদি পারি—

বিজয় । কি শুনুছো বিজিত !

বিজিত । কৈ ?

বিজয় । ঐ যে ! বংশীধ্বনিবৎ, কাণ উচু করে শুনুছো কি !—নূতন স্ত্রীর কণ্ঠস্বর বড় মিষ্ট—বিশেষতঃ, যখন সে বলে,—“নাথ আমি জগতের সকলের চেয়ে তোমাকে ভালবাসি”—যদিও নাথ ছাড়া জগতে আর কাউকে দেখিনি ।—এই যে ভাই—

সুরমা । তুমি এঁকে সঙ্গে নিয়ে যাও আর না যাও, কিন্তু তাঁকে ত নিয়ে যাচ্ছ ?

বিজয় । কাকে ?

সুরমা । পাণ্ডুরাজপুত্রীকে ?

বিজয় । না ।

সুরমা । সে কি ?

বিজয় । তাকে নিয়ে গিয়ে কি হবে ?

সুরমা । কি হবে ! সরলা, বিশ্রা, কিণোরীকে বিবাহ করেছিলে,
এখানে ফেলে রেখে যাবার জ্ঞা ?

বিজয় । তাকে বিবাহ করেছিলাম সুরমা, গুরুদেবের আদেশে—
সিংহলে বৌদ্ধ ধর্ম প্রচারের উদ্দেশে—

সুরমা । কি রকম ?

বিজয় । গুরুদেবের আদেশ, যে আমার লঙ্কার রাজা হ'তে হবে,
আর লঙ্কার রাজা হ'তে হলে, রাজকন্যাকে বিবাহ করা চাই ।

সুমিত্রের প্রবেশ ।

সুমিত্র । দাদা ! আমার ডাকছিলে ?

বিজয় । হাঁ ভাই । তোমাকে স্ত্রী একটা দিয়ে যেতে পারলাম না ।
সেটা তুমি নিজে দেখে শুনে নিও । কিন্তু তার চেয়ে বোধ হয় বেশী
দামী জিনিষ—রাজ্য দিয়ে গেলাম—যা নিজে দেখে শুনে নেওয়া একটু
শক্ত ।—তোমাকে বঙ্গরাজ্যের অধীশ্বর করে' গেলাম ।

সুমিত্র । তুমি আবার সিংহলেই যাচ্ছ ?

বিজয় । এবার যুদ্ধে দেশ জয় কর্তে যাচ্ছি না । হৃদয়রাজ্য জয়
কর্তে যাচ্ছি । কেড়ে নিতে যাচ্ছি না, দিতে যাচ্ছি ।

সুমিত্র । কি দিতে যাচ্ছ ?

পঞ্চম ভূক ।]

সিংহল বিজয় ।

[তৃতীয় দৃশ্য ।

বিজয় । বৌদ্ধধর্ম ।—সুমিত্র ।—এই দেশ শত্রুর হাত থেকে পুনরুদ্ধার করে, আমার মাকে তোমার কাছে বেথে গেলাম । দ্বিতীয় ইন্দ্রের মত বিক্রমে ও রামচন্দ্রের মত মেহে তাকে শাসন ক'বো । আর—ভাই !

সুমিত্র । দাদা !

বিজয় । আমরা হু'জুনেই পিতৃমাতৃহীন ! আর একবার জন্মের মত, 'যাবার আগে, তাকে' একবার বক্ষে ধরি । বৎস ! ভাই !

তৃতীয় দৃশ্য ।

— ০০০ * ০০০ —

স্থান—লঙ্কা । কুবেরী ও বিশালাক্ষ ।

কুবেরী । লঙ্কাব সৈন্য বিদ্রোহী ? তাদের নায়ক কে ?

বিশালাক্ষ । যুবরাজ জয়সেন ।

কুবেরী । আর প্রজাগণ ?

বিশালাক্ষ । তারাও এই 'বিদ্রোহী' সৈন্যের সঙ্গে যোগ দিয়েছে । তরুণ তাপস মকরন্দ তাদের উত্তেজিত করেছে ।

কুবেরী । এ যে স্বপ্নেরও আগোচর বিশালাক্ষ ! [হস্তীর স্বরে] অমাত্যবর্গকে ডেকেছিলে ?

বিশালাক্ষ । ডেকেছিলাম । তারা এই শত্রুর সঙ্গে যোগ দিয়েছে । 'তারা এল না ।

কুবেরী । আশ্চর্য্য ! আমি কি এমন মহা অপরাধ করেছি, ২২৪]

পঞ্চম অঙ্ক ।]

সিংহল বিজয় ।

[তৃতীয় দৃশ্য ।

বিশালাক্ষ ! মহারাজ বিজয় যখন এখানে ছিলেন, আমার কৃপার দ্বারে
ভিখারী হ'য়ে, গড়িয়ে, হাত পাত্ত, তারাই !—তুমিও বিদ্রোহীর সঙ্গে
শ্লোগ দাওনি সেনাপতি !

বিশালাক্ষ । যতদিন দেহে একবিন্দু রক্ত থাকে, তা রানীর জন্ত দিব ।

কুবেণী । সিংহলের পক্ষে কয়জন সৈন্ত আছে ?

বিশালাক্ষ । শতাধিক হবে ।

কুবেণী । এই এক শ সৈন্ত নিয়ে বিদ্রোহীর সঙ্গে যুদ্ধ কর্বে !

বিশালাক্ষ । কর্ব ।

কুবেণী । তাতে কি ফল হবে ?

বিশালাক্ষ । এই একশ রাজভক্ত সৈনিকের সঙ্গে যুদ্ধে রানীব জন্ত
প্রাণত্যাগ কর্ব । তার চেয়ে উচ্চ আকাজ্ঞা আমার নাই ।

কুবেণী । সত্য বল্ছ সেনাপতি ?

বিশালাক্ষ । ঈশ্বর সাক্ষী ।

কুবেণী । বিশালাক্ষ ! বীর !—নেও এই মুক্তাহার—কৃতজ্ঞ রাজ্ঞীর
এই শেষ অভিজ্ঞান । নেও, শির অবনত করে' গ্রহণ কর—নেও বীব !
লঙ্কার রাজ্ঞীর দান । তুচ্ছ কৌরোন' [মুক্তাহার দান] তার পর, লঙ্কার
স্বর্ণ ভাণ্ডার খুলে দাও । লুট করে' তারা গৃহে চলে' যাক্ ।

বিশালাক্ষ । সে কি রাজ্ঞী ?

কুবেণী । চুপ্, কথা কোয়ো না—কথা না । হৃদয় ভেঙ্গে যাবে ।
যাও সেনাপতি !

বিশালাক্ষ । দেবি !

কুবেণী । [কঠোর স্বরে] যাও । এখনও আমি রাগি' । আমার

পঞ্চম অঙ্ক ।]

সিংহল বিজয় ।

[তৃতীয় দৃশ্য ।

আজ্ঞা পালন কর। কেন এই বৃথা যুদ্ধ বীরবর! তুমি আর একশ সৈন্ত আমার পুত্র। কেন তারা আমাকে বাঁচাতে প্রাণ দেবে? হয়ত তাদের কাছে জীবন মধুর। হয়ত তারা আজ পত্নীর সাক্ষাৎ নেত্রপুট চুষন করে, সন্তানকে স্নেহের পীড়নে বক্ষে চেপে ধ'রে, আবেগ কম্পিত-চিস্তে নিষ্ফল যুদ্ধে চলেছে—আমায় বাঁচাতে। যাব আশা নাই, আসক্তি নাই, যার ভবিষ্যৎ ঐ লবণাস্থিবিব সলিলের মত অশান—উদাস, বৈচিত্র্য-হীন; রাবণের চিতাসম শুধু এক ধূ ধূ শব্দ তার শোনা যায়। যাও বীর! ফেরাও আমার সৈন্তে।

বিশালাক্ষ। তার পর—

কুবেরী। তার পর দুর্গের দ্বার খুলে দাও। স্বহস্তে আমার মুণ্ড কেটে, আমাব সৈন্তদের উপহার দেব।

বিশালাক্ষ। আর এ সিংহল?—

কুবেরী। রসাতলে যাক!

বিশালাক্ষ। সম্রাজ্ঞী!

কুবেরী। তুমিও আমার অবাধ্য!—যাও, আমি যুমোবো।

[বিশালাক্ষের প্রস্থান]

কুবেরী। [দূরে সমুদ্রের পানে চাহিয়া রহিলেন, পরে কহিলেন]
ঐ সমুদ্রের উপরে ছ'জনার দেখা!—ঐ সমুদ্রের উপর! না! আবার কেন?—সব যায় অতি যায় না কেন? বিধাতা!—[পাদচারণ] এ কি! ধরণী এত স্তব্ধ কেন! উপরে ঐ মলিন সূর্য্য, আর ঐ আকাশ—একটা নীল মরুভূমির মত বিস্তৃত! একদিন ছিল—আবার!—
জুমেলিয়া!—জুমেলিয়া—

জুমেলিয়ার প্রবেশ ।

কুবেণী । জুমেলিয়া ! সুরা দে ।—নর্তকী নিয়ে আস । কি !—হাঁ করে' রৈলি যে !

জুমেলিয়া । সে কি রাজ্যী ! সম্মুখে যুদ্ধ ! আর এই—

কুবেণী । কোথায় যুদ্ধ ? আমি হুর্গের দ্বার খুলে দিতে বলেছি । লঙ্কার নূতন রাজা আসছে । আজ নব ভূপতির সমুচিত অভ্যর্থনা দিব । নিন্দা না কর্তে পারে । যা জুমেলিয়া—ও কি ! মুক পাষণমূর্তির মত—
যা জুমেলিয়া । আজ কি লঙ্কার রাজ্যী এক আজ্ঞা হবার দিতে হবে !
যাও ।

[জুমেলিয়ার প্রস্থান]

কুবেণী । তাকে ভুল্‌বো ! একবারে ভুল্‌বো [ছুরিকা বাহির করিয়া বক্ষেব উপব ধীরে স্থাপন করিয়া] ধার আছে ? কিন্তু—এই যে !—

জুমেলিয়া মদিরাপাত্র লইয়া প্রবেশ করিল ।

কুবেণী । দে, দে—শীঘ্র—[পান করিয়া] নর্তকীরা ?

জুমেলিয়া । আসছে ।

দূতের সহিত বিশালাক্ষের প্রবেশ ।

কুবেণী । কি সংবাদ বিশালাক্ষ !

বিশালাক্ষ । বিপক্ষেব শিবির থেকে এই দূত এসেছে ।

কুবেণী । হুর্গদ্বার মুক্ত করেছ ?

বিশালাক্ষ । না মঞ্জরাণী ! এই দূত—

কুবেণী । দূত কিসের জ্ঞাত ? দূতের কথা শুন্‌বার জ্ঞাত আমি এখানে বসে' নাই । জয়সেনকে নিমন্ত্রণ করে' নিয়ে এস । আমি তার অপেক্ষায় বসে' আছি ।

পঞ্চম অঙ্ক ।]

সিংহল বিজয় ।

[তৃতীয় দৃশ্য ।

বিশালাক্ষ । তার আগে জয়সেনের কি বক্তব্য শুনুন না মহারানী !
কুবেণী । কিছু প্রয়োজন নাই । “না, বল দূত ! কি বলতে চাও ।
শীঘ্র বল ।”

দূত । আমি পত্রবাহক মাত্র । [পত্রদান]

কুবেণী । [বিশালাক্ষকে পত্র দিয়া] পড় বিশালাক্ষ ! উচ্চঃস্বরে
পড় ।

বিশালাক্ষ । [পড়িতে লাগিলেন] “বিজয়ের ক্রীতদাসী ! যে দস্যুর
বলে আমার পিতাকে বধ করে’, লঙ্কার প্রাসাদ অধিকার করেছিল, সে
দস্যু বিজয় এখন কোথায় ? রাজ্ঞী ! পরাভব স্বীকার কর । নহিলে—

কুবেণী । আর দরকার নাই । পত্রে কার স্বাক্ষর ?—

বিশালাক্ষ । “মহারাজ জয়সেন ।”

কুবেণী । (ব্যঙ্গস্বরে) মহারাজ জয়সেন ! কেবে থেকে দূত ?

দূত । আমি পত্রবাহক মাত্র ।

কুবেণী । তা বটে । যাও—

দূত । পত্রের উত্তর ?

কুবেণী । বিশালাক্ষ ! কৃপাণের বনংকারে—ভেরীর নির্ঘোষে—এ
পত্রের উত্তর দাওগে যাও । আমি আসছি ।

বিশালাক্ষ । জয় লঙ্কার রাজ্ঞীর জয় ।

[দূতের সহিত বিশালাক্ষের প্রস্থান]

কুবেণী । এতদূর স্পর্ধা ! জুমেলিয়া ! সেই নিরৌহ মাংসপিণ্ড জয়সেন
—যে নতজাহ্নু না হ’য়ে—আমার সঙ্গে কথা কহিত না—ঐ রণ-শূঙ্গ বেজে
উঠেছে ! জুমেলিয়া ! আমি মরু, যুদ্ধ করে’ মরু । পরাভব স্বীকার কর
২২৮]

পঞ্চম অঙ্ক ।]

সিংহল বিজয় ।

[চতুর্থ দৃশ্য ।

না । ডাক, আমার সহস্র পার্শ্বরক্ষিণীদের ডাক ! তারা ত আমার ত্যাগ করিনি । ছুড়ে ফেলে দাও এসব ।

[মদিরাপাত্র ছুড়িয়া ফেলিয়া] জুমেলিয়া !

জুমেলিয়া । মহারানী—

কুবেণী । আমার বর্ষ চন্দ্র অসি নিম্নে এস । আর শোন—জুমেলিয়া, সাজো, তুমিও রণবেশে সজ্জিত হও । গার্সে ? না দরকার নাই । তুমি মর্তে যাবে কেন ? তুমি ত—

[প্রস্থান]

চতুর্থ দৃশ্য ।

—:—

স্থান—লঙ্কা ।

জয়সেন, তাপস, কুবেণী, উৎপলবর্ণ, বিশালান্ন ও জুমেলিয়া ।

তাপস । ঐ ধীরে ধীরে জ্ঞান হচ্ছে ।

কুবেণী । বিজয় ! বিজয় ! এ কি ! আমি কোথায় ?

উৎপল । আপন প্রাসাদে রাজ্ঞী ।

কুবেণী । একি ! আমার হাত বাঁধা কেন ?—জুমেলিয়া !

[উঠিতে চেষ্টা] !

জুমেলিয়া । স্থির হও রাজ্ঞী ! আমি উঠিয়ে দিচ্ছি [উঠাইয়া দিলেন] ।

কুবেণী । এরা কারা ?—এ যে জয়সেন ! তুমি জয়সেন বটে ?

বিশালাক্ষ । ধীরে ধীরে স্মৃতি ফিরে আসছে ।

কুবেরী । এ কি ! আমার হাত বাঁধা কেন !

জয়সেন । তুমি আমার বন্দিনী ।

কুবেরী । তোমার বন্দিনী আমি ! কেন জয়সেন ?

বিশালাক্ষ । মহারাজ্ঞী ! আমাদের যুদ্ধে পবাজয় হয়েছে ।

কুবেরী । পরাজয় ? যুদ্ধে ?—কার সঙ্গে কাব যুদ্ধ ?—ও ! মনে পড়েছে । তবে সে কি সব স্বপ্ন !—[বিশালাক্ষকে] আমি এতক্ষণ কোথায় ছিলাম সেনাপতি ?

বিশালাক্ষ । মুচ্ছিত, সমরক্ষেত্রে ।

কুবেরী । তবে কি সে সব স্বপ্ন ?

উৎপল । কি স্বপ্ন মহারাণী ?

কুবেরী । আমি দেখেছিলাম যে, অন্ধকারে আমি সমুদ্রের উপর এক উত্তাল তরঙ্গের উপর বসে, তাব নীচে সহস্র ফণা বিস্তার কবে' রয়েছে ; আর দূর থেকে এক স্বর্ণকিরণ এসে' সে সমস্ত দৃশ্যকে উজ্জ্বল করে' দিল । সমুদ্র ধামারে তাল দিয়ে বেজে উঠল, উপরে কে ভূপালী রাগিণীতে গান ধরে' দিলে—সে কি সব স্বপ্ন' ?

উৎপল । তার পর ?

কুবেরী । তার পর স্বর্ণকিরণ সেই সমুদ্রে জলে ডুবে গেল । আবার গাঢ় অন্ধকার । পিছন থেকে এক প্রাণাণ ঢেউ এসে আমার ধাক্কা দিয়ে সমুদ্রের গর্ভে ফেলে দিল । তার পর বিজয় আমার—তুরী বাজাতে বাজাতে, পীত নিশান উড়িয়ে, সেই সমুদ্রের উপর দিয়ে ভেসে এল । আমি হাত বাড়িয়ে ডাকলাম, বিজয় !—বিজয়ওহাত বাড়াল,

পঞ্চম স্কন্ধ ।]

সিংহল বিজয় ।

[চতুর্থ দৃশ্য ।

ধৰ্ত্তে পার্লাম না । আমি ডুবলাম । জলের মধ্যে থেকে সেই তুরীধ্বনি
শুনতে পাচ্ছিলাম । জলের মধ্যে থেকেই ডাকলাম, বিজয় !—একটা
বুহুদ উঠল,—সে কি সব স্বপ্ন !—ও কি ! পুরোহিত ! চোখ মুছছ
কেন ?

উৎপল । বিজয় আসবে ।

কুবেরী । [দাঁড়াইয়া] আসবে ? আসবে ? কখন আসবে ?

উৎপল । বড় বেশী দেরিতে মহারানী !

কুবেরী । যত দেরি হয় হোক—আসবে ত ? আর কোন হুঃখ
নাই, আমার হাত খুলে দাও, সে এলেই আমি তার পা জড়িয়ে ধরব ।—
ছাড়ব না । হাত খুলে দাও পুরোহিত !

জয়সেন । [সৈনিককে] হাত খুলে দাও ।

কুবেরী । তুমি এখন লঙ্কার মহারাজ ?

জয়সেন । আমি মহারাজ ।

কুবেরী । এই সিংহাসন, এ প্রাসাদ তোমার, এ সৈন্ত তোমার,
এ পৌরজন তোমার, এ লঙ্কার অগাধ ধন রত্নরাজি তোমার ভূপতি ! সব
নাও । বিজয় আমার থাকুক, আমি—

জয়সেন । কোথায় বিজয়সিংহ স্তম্ভরী—তোমার ?—যে পতি
তোমারে হৃদয় ভোগ করে' উচ্ছিষ্টের মত পথে পরিত্যাগ করে'—

কুবেরী । পেয়েছিলাম তারে যদি—সে বিজয় দেবতার বর ;
হারিয়েছি তারে যদি, সেও দেবতার বর । পূর্বজন্মের কৃত পুণ্যফলে
পেয়েছিলাম, পূর্বজন্মের কৃত পাপফলে তাকে হারিয়েছি—আবার যদি
সেই বীর, সেই রাজাধিরাজ, সেই দেবতা—

জয়সেন । সেই দেশনিরাসিত, ঝটিকাতাড়িত যুবা, সেই অধমাদম
দম্ভা—

কুবেরী । দম্ভা তুমি জয়সেন ! বজ্রের বিজয়সিংহ দ্বিতীয় রাঘবসম
এসে এ সিংহল বিজয় করেছিলেন । আর তুমি ছলে, আমারই প্রজাদের
—আমারই ভৃত্যদের হীন চক্রান্তের বলে লঙ্কা অধিকার করে, এই
আক্ষালন কচ্ছ'দম্ভা !

জয়সেন । জানোঁ কি বন্দিনী ! আমি যদি ইচ্ছা করি, মুহূর্ত্তেই
তোমার দ্রুত রসনার গতি নিরুদ্ধ কর্ত্তে পারি ।

কুবেরী । জানি জয়সেন ! যখন সিংহ শৃঙ্খলিত, হেয় কুকুর এস
তাকে পদাঘাত করে' চ'লে যায় । তবু চিরদিন সিংহ—সিংহ, কুকুর
কুকুর । যখন সূর্য্য অন্তমিত, তখন শিবা উল্লাসে চীৎকার ক'বে ;
মহাধ্বংসের উপর ছত্রক জন্মে । এতে গর্ক কৰ্কা কিছু নেই জয়সেন !

জয়সেন । বল মহারাজ ।

কুবেরী । মহারাজ !—আশ্চর্য্য ! লঙ্কার মহারাজ জয়সেন ! আচ্ছা
জয়সেন ! তুমি একবার ঐ সিংহাসনে ব'স দেখি—যে সিংহাসনে মহারাজ
বিজয়সিংহ বসত । দেখি কি রকম দেখায় । আর এই আমার কৃতঘ্ন
ভৃত্যকুল একবার চোঁচিয়ে জয়নাদ করুক—‘জয় জয়সেন—নব লঙ্কার
ভূপতি’, দেখি কি রকম শোনায়—ব'স জয়সেন !

জয়সেন । তার জন্ত তোমার আন্তর অঙ্গুপক্ষা কর্কার প্রয়োজন
হয় নাই কুবেরী !

কুবেরী । তোমার সঙ্গে বাক্যালাপ কর্কার প্রবৃত্তি আমার নাই ।
আমি তোমার বন্দিনী, তোমার যা ইচ্ছা হয় কর ।





উৎসর্গ পত্র।

কবিবর

হেমচন্দ্র বন্দ্যোপাধ্যায়ের

উদ্দেশে

এই নাটকখানি

উৎসর্গ হইল।

কলিকাতা, ২০১নং কর্ণওয়ালিস্ ষ্ট্রীট,
বেঙ্গল মেডিকেল লাইব্রেরী হইতে
শ্রীযুক্ত গুরুদাস চট্টোপাধ্যায়-কর্তৃক প্রকাশিত ।

কলিকাতা, ৬নং সিমলা ষ্ট্রীট,
“এমারেল্ড্ প্রিন্টিং ওয়ার্কস্” হইতে
শ্রীবিহারীলাল নাথ-কর্তৃক মুদ্রিত ।

কুশীলবগণ ।

(পুরুষ)

নন্দ	...	মগধের রাজা ।
চন্দ্রগুপ্ত	...	নন্দের বৈয়াক্ষণ্যে ভাই পরে ভারত-সম্রাট ।
বাচাল	...	নন্দের শালক ।
চাণক্য	...	জনৈক ব্রাহ্মণ পরে চন্দ্রগুপ্তের মন্ত্রী ।
কাত্যায়ন	...	নন্দের মন্ত্রী ।
চন্দ্রকেতু	...	মলয়াধিপতি ।
সেলুকস	...	সৈকেন্দ্রের সাহার সেনাপতি পরে গ্রীক-সম্রাট ।
আর্টিগোনস	...	জনৈক গ্রীক সৈন্যধ্যক্ষ ।

(স্ত্রী)

হেলেন	...	সেলুকসের কন্যা পরে ভারত-সম্রাজ্ঞী ।
ছায়া	...	চন্দ্রকেতুর ভগ্নী ।
মুরা	...	চন্দ্রগুপ্তের মাতা ।

চন্দ্রশতক ।

প্রথম অঙ্ক ।

প্রথম দৃশ্য ।

স্থান—সিদ্ধ নদতট ; দূরে গ্রীক জাহাজ-শ্রেণী । কাল—সন্ধ্যা ।

নদতটে শিব-সম্মুখে সেকেন্দার ও সেলুকস অন্তর্গামী সূর্যের দিকে চাহিয়াছিলেন । হেলেন সেলুকসের হস্ত ধরিয়া তাঁহার পার্শ্বে দণ্ডাধম্বনা । সূর্য্যরশ্মি তাঁহার মুখের উপর আসিয়া পড়িয়াছিল ।

সেকেন্দার । সত্য সেলুকস ! কি বিচিত্র এই দেশ ! দিনে প্রচণ্ড সূর্য্য এর গাঢ় নীল আকাশ পুড়িয়ে দিয়ে যায় ; আর রাত্রিকালে শুভ্র চন্দ্রমা এসে তাকে স্নিগ্ধ জ্যোৎস্নায় স্নান করিয়ে দেয় । তামসী রাত্রে অগণ্য উজ্জল জ্যোতিঃপুঞ্জ যখন এর আকাশ বলমল করে, আমি বিম্বিত আতঙ্কে চেয়ে থাকি । প্রায়টে ষন-কৃষ্ণ মেঘরাশি গুরু গম্ভীর-গর্জনে প্রকাণ্ড দৈত্যসৈন্তের মত এর আকাশ ছেয়ে আসে ; আমি নির্ঝাঁক হয়ে দাঁড়িয়ে দেখি । এর অভভেদী অবল-ভুবার-মোলি নীল হিমাত্রি স্থির ভাবে দাঁড়িয়ে আছে । এর বিশাল নদ নুদী ফেনিল উচ্ছ্বাসে উদ্যমবেগে ছুটেছে । এর মরুভূমি বিরাট খেচ্ছা-চারের মত তপ্ত বায়ুরাশি নিয়ে থেলা করছে ।

সেলুকস । সত্য সত্যট ।

সেকেন্দার । কোথাও দেখি তালীবন গর্ভভরে মাথা উঁচু করে' দাঁড়িয়ে আছে ; কোথাও বিরাট বট মেহচ্ছায় চারিদিকে ছড়িয়ে পড়েছে ; কোথাও মদমত্ত মাতঙ্গ জঙ্গমপর্কতসম মস্থর গমনে চলেছে ; কোথাও মহাভুজঙ্গম অলস হিংসার মত বক্র রেখায় 'পড়ে' আছে ; কোথাও বা মহাশৃঙ্গ কুরঙ্গম মুগ্ধ বিশ্বয়ের মত নির্জন বনমধ্যে শূন্ত-প্রেক্ষণে চেয়ে আছে । আর সবার উপরে এক সৌম্য, গৌর, দীর্ঘ-কাস্তি জাতি এই দেশ শাসন করছে । তাদের মুখে শিশুর সারল্য, দেহে বজ্রের শক্তি, চক্রে সূর্য্যের দীপ্তি, বক্ষে বাত্যার সাহস । এ শৌর্য্য পরাজয় করে' আনন্দ আছে । পুরুকে বন্দী করে' আনি যখন— সে কি বলে জানো ?

সেলুকস । কি সত্যট ?

সেকেন্দার । আমি জিজ্ঞাসা ক'লাম 'আমার কাছে কিরূপ আচরণ প্রত্যাশা কর ?'—সে নির্ভীক নিঃস্পন্দরে উত্তর দিল "রাজার প্রতি রাজার আচরণ ।" চমকিত হ'লাম । ভাবলাম—এ একটা জাতি বটে ! আমি তৎক্ষণাৎ তাকে তার রাজ্য প্রত্যর্পণ ক'লাম ।

সেলুকস । সত্যট মহাহুভব ।

সেকেন্দার । 'মহাহুভব' তার পরে তার সঙ্গে অস্ত্ররূপ ব্যবহার সম্ভব ? মহৎ কিছু দেখলেই একটা উল্লাস আসে । আর, আমি এখানে সার্বভৌম স্থাপন কর্তে আসি নাই । আমি এসেছি সৌধীন দিগ্বিজয়ে । জগতে একটা কীর্তি রেখে যেতে চাই ।

সেলুকস । তবে সে দিগ্বিজয় অসম্পূর্ণ রেখে যাচ্ছেন কেন সত্যট ?

সেকেন্দার। সে দিগ্বিজয় সম্পূর্ণ কর্তে হ'লে নূতন গ্রীক সৈন্ত চাই।—কি আশ্চর্য্য সেনাপতি! ছুর মাগিডন থেকে রাজ্য, জনপদ তুণসমু পদতলে দলিত করে' চলে' এসেছি। ঝড়ার মত এসে মহাশয়-সৈন্ত ধুমরাশির মত উড়িয়ে দিয়েছি। অর্ধেক এসিয়া মাগিডনের বিজয়বাহিনীর বীরপদভরে কম্পিত হয়েছে। নিরস্তির মত হুকার, হত্যার মত করাল, দুর্ভিক্ষের মত নিষ্ঠুর আমি অর্ধেক এসিয়ার বন্ধের উপর দিয়ে আমার কুধিরাস্ত্র বিজয়-শকট অবাধে চালিয়ে গিয়েছি। কিন্তু বাধা পেলাম প্রথম—সেই শতদ্রভীয়ে।

চন্দ্রগুপ্তকে ধরিয়া আন্টিগোনসের প্রবেশ।

সেকেন্দার। কি সংবাদ আন্টিগোনস? এ কে?

আন্টিগোনস। গুপ্তচর।

সেলুকস। সে কি!

সেকেন্দার। গুপ্তচর!

আন্টিগোনস। আমি দেখলাম যে এক শিবিরের পাশে বসে নিরুজ্জনে শুষ্ক তালপত্রের কি লিখছিল। আমি দেখতে চাইলাম। পত্রখানি দৈখাল। পড়তে পারলাম না—তাই সত্ৰাটের কাছে নিয়ে এসেছি।

সেকেন্দার। কি লিখছিলে সুবক!। সত্য বল।

চন্দ্রগুপ্ত। সত্য বলব!—রাজাধিরাজ! ভারতবাসী মিথ্যা কথা বলতে এখনও শিখে নাই।

সেকেন্দার। একবার সেলুকসের প্রতি চাহিলেন, পরে চন্দ্রগুপ্তকে কহিলেন—“উত্তম! বল কি লিখছিলে।”

প্রথম অঙ্ক ।]

চন্দ্রগুপ্ত ।

[প্রথম দৃশ্য ।

চন্দ্রগুপ্ত । আমি সম্রাটের বাহিনী-চালনা, ব্যূহ-রচনা-প্রণালী, সামরিক নিয়ম, এই সব মাসাবধি কাল ধরে' শিখছিলাম ।—

সেকেন্দার । কার কাছে ?

চন্দ্রগুপ্ত । এই সেনাপতির কাছে ।

সেকেন্দার । সত্য সেলুকস ?

সেলুকস । সত্য ।

সেকেন্দার । [চন্দ্রগুপ্তকে] তার পর ?

চন্দ্রগুপ্ত । তার পর গ্রীক সৈন্য কাল এ স্থান পরিত্যাগ করে' যাবে শুনে, আমি যা শিখেছি তা এই পত্রে লিখে নিচ্ছিলাম ।

সেকেন্দার । কি অভিপ্রায়ে ?

চন্দ্রগুপ্ত । সেকেন্দার সাহায্য সঞ্জে যুদ্ধ করবার জন্য নহে !

সেকেন্দার । তবে ?—

চন্দ্রগুপ্ত । তবে শুধুন সম্রাট । আমি মগধের রাজপুত্র চন্দ্রগুপ্ত । আমার পিতার নাম মহাপদ্ম । আমার বৈমাত্র ভাই নন্দ সিংহাসন অধিকার করে' আমায় নির্বাসিত ক'রেছে । আমি তারই প্রতিশোধ নিতে বেরিয়েছি ।

সেকেন্দার । তার পর !

চন্দ্রগুপ্ত । তার পর শুন্লাম মাসিডন ভূপতির অদ্বুত বিজয়-বার্তা । অর্ধেক এশিয়া পদতলে দলিত করে', নদ নদী গিরি দুর্ব্বার বিক্রমে অতিক্রম করে', শুন্লাম তিনি ভারতবর্ষে এসে আর্য্যকুলরবি পুরুকে পরাজিত ক'রেছেন । হে সম্রাট ! আমার ইচ্ছা হোল যে দেখে আসি—কি সে পরাক্রম, যার ভ্রুকুটি দেখে, সমস্ত এশিয়া' তার পদতলে

প্রথম অঙ্ক ।]

চন্দ্রগুপ্ত ।

[প্রথম দৃশ্য ।

লুটিয়ে পড়ে ; কোথায় সে শক্তি লুকায়িত আছে, আর্যের মহাবীর্যও যার সংঘাতে বিচলিত হ'য়েছে । তাই এখানে এসে এই সেনাপতির কাছে শিক্ষা ক'ছিলাম । আমার ইচ্ছা শুদ্ধ আমার হৃত রাজ্য পুনরুদ্ধার করা । এই মাত্র ।

সেকেন্দার সেলুকসের পানে চাহিলেন ।

সেলুকস । আমি এরূপ বুঝি নাই । যুবকের চেহারা, কথাবার্তা আমার মিষ্ট লাগত । আমি সরলভাবে গ্রীক সামরিক প্রথা সম্বন্ধে যুবকের সঙ্গে আলোচনা কর্তাম । বুঝি নাই যে এ বিশ্বাস-ঘাতক ।

আর্টিগোনস্ ? কে' বিশ্বাসঘাতক ?

সেলুকস । এই যুবক ।

আর্টিগোনস্ । এই যুবক না তুমি ?

সেলুকস । আর্টিগোনস্ ! আমার বয়স না মানো, পদবী দেনে চোলো ।

আর্টিগোনস্ । জানি, তুমি গ্রীকসেনাপতি, তা সবেও তুমি বিশ্বাসঘাতক ।

সেলুকস । আর্টিগোনস্ ! [তরবারি বাহির করিলেন]

আর্টিগোনস্ কিপ্রভর হস্তে তরবারি বাহির করিয়া সেলুকসের শির লক্ষ্য করিয়া তরবারি ক্ষেপণ করিলেন । ততোদ্রিক কিপ্রহস্তে চন্দ্রগুপ্ত নিজ তরবারি বাহির করিয়া সে আঘাত নিবারণ করিলেন । আর্টিগোনস্ তাঁহাকে ছাড়িয়া চন্দ্রগুপ্তকে আক্রমণ করিলেন ।

প্রথম অঙ্ক ।]

চন্দ্রগুপ্ত ।

[প্রথম দৃশ্য ।

সেকেন্দার । নিরস্ত হও ।

সেই মুহূর্ত্তেই আর্টিগোনসের তরবারি চন্দ্রগুপ্তের তরবারির
আঘাতে ভূপতিত হইল ।

সেকেন্দার । আর্টিগোনস্ ।

আর্টিগোনস্ লজ্জায় শির অবনত করিলেন ।

সেকেন্দার । আর্টিগোনস্ ! তোমার এই ঔদ্ধত্যের জন্ত তোমায়
আমার সাম্রাজ্য থেকে নির্বাসিত ক'র্লাম । একজন সামান্য সৈন্য-
ধ্যক্ষের এতদূর স্পর্ধা !—আমি এতক্ষণ বিশ্বয়ে অবাক্ হয়ে
চেয়েছিলাম । তোমার এতদূর স্পর্ধা হতে পারে, তা আমার
অপেক্ষাও অগোচর ছিল ।—যাও, এই মুহূর্ত্তেই তোমায় নির্বাসিত
ক'র্লাম ।

[আর্টিগোনসের প্রস্থান ।]

সেকেন্দার । আর সেলুকস্ ! তোমার অপরাধ তত নয় । কিন্তু
ভবিষ্যতে স্মরণ রেখো, যে গ্রীক সম্রাটের সম্মুখে চক্ষু রক্তবর্ণ করা
গ্রীক সেনাপতির শোভা পায় না ।—আর যুবক !

চন্দ্রগুপ্ত । সম্রাট্ !

সেকেন্দার । •তোমায় যদি বন্দী করি ?

চন্দ্রগুপ্ত । কি অপরাধে সম্রাট্ ?

সেকেন্দার । আমার শিবিরে তুমি শত্রুর গুপ্তচর হয়ে প্রবেশ
ক'রেছো, এই অপরাধে ।

চন্দ্রগুপ্ত । এই অপরাধে !—ভেবেছিলাম যে সেকেন্দার
সাহা বীর, দেখছি যে তিনি ভীক্ৰ । এক গৃহহীন নিরাশ্রয় হিন্দু
৬]

প্রথম অঙ্ক ।]

চন্দ্রগুপ্ত ।

[দ্বিতীয় দৃশ্য ।

রাক্ষপুত্র ছাত্রহিণাবে তাঁর কাছে উপস্থিত, তাতেই তিনি ব্রন্ত ।
সেকেন্দার সাহা এত কাপুরুষ তা ভাবি নাই ।

সেকেন্দার । সেলুকস ! বন্দী কর ।

‘চন্দ্রগুপ্ত । সত্ৰাট ! আমার বধ না করে’ বন্দী কর্তে পারেন না ।

[তরবারি বাহির করিলেন]

সেকেন্দার । [সোলাসে] চমৎকার !—যাও বীর ! তোমার বন্দী
কর না । আমি পরীক্ষা করছিলাম মাত্র । নির্ভয়ে তুমি তোমার রাজ্যে
ফিরে যাও । আর আমি এক ভবিষ্যদ্বাণী করি, মনে রেখো । তুমি
হতরাজ্য উদ্ধার করবে । তুমি দুর্জয় দিগ্বিজয়ী হবে ।—যাও
বীর ! মুক্ত তুমি ।

দ্বিতীয় দৃশ্য ।

স্থান—আশানপ্রান্ত । কাল—প্রত্যুষ ।

চাণক্য একাকী সেইখানে দাঁড়াইয়া ছিলেন ।

চাণক্য । ঐ বহুজলার উপরে একটা ধোঁয়ার কুণ্ডলী উঠছে । পচা
হাড়ের দুর্গন্ধে বাতাসের যেন নিজেরই নিশ্বাস আটকে আসছে ।
বেয়ো কুকুরের বিকট ‘বেউ বেউ’ শব্দ পরিত্যক্ত প্রান্তরের স্তব্ধতা ভঙ্গ
কচ্ছে ।—প্রভাতের সর্বদা বা । পূর্ষ পড়ছে ।—হে সুন্দরি
বীভৎসত্ব ! তুমি এত সুন্দরী ! তাই আমি গ্রাম পরিত্যাগ করে’ নিত্য
প্রহু্যবে তোমার কদর্য্যতার স্নান কর্তে ধেয়ে আসি । তুমি আমার অনেক

প্রথম অঙ্ক ।]

চন্দ্রশুপ্ত ।

[দ্বিতীয় দৃশ্য ।

শিখিয়েছে প্রেয়সী আদ্যার ! তুমি আমাকে শিখিয়েছে—সংসারকে
ঘৃণা কর্তে, ক্ষমতাকে ভুচ্ছ কর্তে, দৈবের অত্যাচারের বিপক্ষে
সোজা হ'য়ে বুক ফুলিয়ে দাঁড়াতে ।—হে সুন্দার ! আমার সংসার
হতে আরও দূরে টেনে নিয়ে যাও—যতদূর পারো । নরকে হয়
তাও ভালো ; শুদ্ধ সংসার থেকে যত দূরে হয় ।

দুই জন ব্যক্তি গল্প করিতে করিতে আসিতেছিল ।

১ ব্যক্তি । নূতন মন্ত্রী হলেন তবে কাত্যায়েন ?

২ ব্যক্তি । কাত্যায়েন কি রকম ! শাকতাল ।

১ ব্যক্তি । তারই নাম কাত্যায়েন । শাকতাল কখন নাম হয় ?
শাক আর তাল—দুটোই খাদ্য । আমি কিন্তু ভাঁবছি—

২ ব্যক্তি । কি ?

১ ব্যক্তি । মহারাজ তাঁকে কারাগার থেকে শেষে
মুক্ত করে' দিলেন—এই যথেষ্ট আশ্চর্য্য, তার উপর আবার
তাকে কলেন মন্ত্রী ! তার সাত সাতটা পুত্রকে হত্যা করে'—
চরম ।

২ ব্যক্তি । রাজার খেয়াল ।

দূরে চাণক্য । বিখ্যাসো নৈব কর্তব্যঃ স্ত্রীষু রাজকুলেষু চ ।

১ ব্যক্তি । ও কে ?

২ ব্যক্তি । চাণক্য ব্রাহ্মণ ।

১ ব্যক্তি । মাহুষ ?

২ ব্যক্তি । শুভে পাই । কিন্তু বিশ্বাস হয় না ।

১ ব্যক্তি । চল এখান থেকে ।—অবজ্ঞা !

প্রথম অঙ্ক ।]

চন্দ্রগুপ্ত ।

[দ্বিতীয় দৃশ্য ।

২ ব্যক্তি । চল । ওকে দেখলে আমার ভয় পকরে ।

উভয়ে দ্রুত চলিয়া গেল ।

চাণক্য । নীচের আজ স্পর্ধা—ব্রাহ্মণকে দেখে একটা শুদ্ধ প্রণামও
কর্তে তার হাত ওঠে না । অথচ একদিন ছিল।—যাক্ ।—যাও ।
আমার ছায়া ষাড়িও না । আমার নিখাসে বিষ আছে । আমি হুঁতুক ।
আমি মড়ক ।

দূরে কাত্যায়নের প্রবেশ ।

চাণক্য । এঃ ! আমার নিঃসহায় দরিদ্র ব্রাহ্মণ পেয়ে এই নীচ
কুশাঙ্গুর পর্য্যন্ত মাথা উঁচু করে' দাঁড়িয়েছে । রোসো, আমি এ কুশগুচ্ছ
নির্মূল কর্ব্ব ।—কুশ উপড়াইতে • উপড়াইতে বাতাসে উড়াইয়া দিতে
লাগিলেন—“এই নাও, এই নাও, এই নাও—কেমন ! আর
ব্রাহ্মণের নম্রপদে বিধ্ববে ?”

কাত্যায়ন । [অগ্রসর হইয়া] নমস্কার ।

চাণক্য । কে তুমি ?

কাত্যায়ন । আমি মহারাজ নন্দের মন্ত্রী কাত্যায়ন ।

চাণক্য । মহারাজ নন্দের মন্ত্রী ! সরে' দাঁড়াও ।

কাত্যায়ন । কেন ? আমি কি অপরাধ করু'রেছি ?

চাণক্য । না তুমি অপরাধ কর্কে কেন । তুমি কোন অপরাধ কর
নাই । রাজা কোন অপরাধ করেন নাই । জৈথর কোন অপরাধ করেন
নাই । যত অপরাধ—আমার । মহারাজ আমার ব্রহ্মোত্তর বাজে
আপ্ত কর্লেম—সে আমার অপরাধ ! জৈথর আমার গৃহ শূন্য করে'
আমার গৃহলক্ষ্মীকে কেড়ে সবলে ছিনিয়ে নিলেন—আমার অপরাধ !

প্রথম অঙ্ক ।]

চন্দ্রগুপ্ত ।

[দ্বিতীয় দৃশ্য ।

দম্ভ্য আমার কন্যা অপহরণ কর্—সেও আমার অপরাধ ! আমার দীন
দরিদ্র পেয়ে, এই কুশাঙ্গুরও আজ মাথা চাঁড়া দিয়ে উঠেছে ।
[কুশাঙ্গুরের প্রতি চাহিয়া] কেমন—আর বিধবে পায়ে ? বেধো !

কাত্যায়ন । চাণক্য ! আমি আজ তোমার কাছে এসেছি ।

চাণক্য । কেন মন্ত্রী মহাশয় ! আমার ত আর কিছুই নাই । ঐ
কুঁড়েখানি আছে—শূন্য কুঁড়েঘর ।* দাও, পুড়িয়ে দিয়ে যাও ।—ওঃ
ব্রাহ্মণের সে প্রতাপ যদি আজ থাকতো !

কাত্যায়ন । নাই কেন ব্রাহ্মণ ? পাণিনি বলেন—

চাণক্য । [আপন মনে] তার নিজের দোষ । জাতির সমস্ত
বিজ্ঞা, বশ, ক্ষমতা আত্মসাৎ করে' নিজের বাড়িবে ? শরীরকে অনশনে
রেখে, মস্তিষ্ক বড় হবে ? তা কি সয় ? সয় না । তাই এই পতন ।
—না, সুন্দরী ? আচ্ছা তুমি বল ত ! তা কি সয় ? এত অধঃপতন
নৈলে হবে কেন ?

কাত্যায়ন । এ আবার কি ! কার সঙ্গে কথা কইছে !

চাণক্য । ওঃ কি অধঃপতন ! একেবারে পর্রতের শিখর হতে
গভীর গহ্বরে । আজ ব্রাহ্মণ তাই মুষিকের মত গৃহের এক অন্ধকার
গর্ত থেকে অন্য ভ্রাতৃকার গর্তে সৈঁধোবার জন্য মাথা নীচু করে' চলেছে ;
অন্যের পরিত্যক্ত চারটি তণ্ডুলকণা খুঁটে বেড়াচ্ছে । লজ্জাও নাই !
একদিন যাঁর তিন গাছি সূতা দেখে দেবরাজ, ঐরাবত থেকে
নেমে আসতেন, একদিন যাঁর পদাঘাতচিহ্ন, স্বয়ং নারায়ণ সগর্বে
বক্ষে ধারণ কর্তেন—আজ সে উপবীতসার ব্রাহ্মণ মুষ্টিভ্রাতৃকার জন্য
লালায়িত ! ওঃ কি অধঃপতন !

প্রথম অঙ্ক ।]

চন্দ্রগুপ্ত ।

[দ্বিতীয় দৃশ্য ।

কাত্যায়ন । —আবার উঠতে পারে ।

চাণক্য । অসম্ভব । তার সে ক্ষমতা গিয়েছে ;—যায় নি প্রেরসী ?

কাত্যায়ন । কেন ? এখনও মন্ত্রী হতে ব্রাহ্মণ, পৌরোহিত্য কর্ত্তে ব্রাহ্মণ, বিদুষক হতে ব্রাহ্মণ, বিধান দিতে ব্রাহ্মণ । এই গৌরবর্ণ জাতি এখনও স্বর্ণস্থত্রে মত সমস্ত সমাজকে গাঁথে রেখেছে ।

চাণক্য । কিন্তু রাত্রি সন্নিকট । ঐ দেখ [দূরে দেখাইলেন]

কাত্যায়ন । কেন চাণক্য ! এই ব্রাহ্মণই নিজের প্রভুত্ব খুইয়েছে, আবার এই ব্রাহ্মণই তাকে উদ্ধার কর্বে ।—আমি আজ সেই উদ্দেশ্যে তোমার কাছে এসেছি ব্রাহ্মণ !

চাণক্য । কি রকম ?

কাত্যায়ন । তোমার মহারাজের মাতামহের শ্রাদ্ধে পৌরোহিত্য কর্ত্তে হবে ।

চাণক্য । [সহসা] মন্ত্রী মহাশয় ! আমি দীন দরিদ্র অসহায় ব্রাহ্মণ বটে । কোন দিন খেতে পাই ; কোন দিন পাই না ।—সত্য ; তথাপি মহারাজের পৌরোহিত্য কর্ণনা । মরে' গেলেও না । আমি ক্ষত্রিয়ের দাসত্ব কর্ণ না ।

কাত্যায়ন । শোন ব্রাহ্মণ—

চাণক্য । না ।—এ কি অত্যাচারি ! আমি নিজের কুঁড়ে ঘরে বসে' কাঁদতেও পাবো না ?

কাত্যায়ন । পুরুষের ক্রন্দন শোভা পায় না ।

চাণক্য । তা পায় না বটে । [কিঞ্চিৎ ভাবিয়া] কিন্তু কি কর্ণ মন্ত্রী মহাশয় ! উপযুক্ত ভাণ্ড্য-বিপর্য্যয়ে আমার কিছু কর্ত্তে পারে

প্রথম অঙ্ক ।]

চন্দ্রশুপ্ত ।

[দ্বিতীয় দৃশ্য ।

নি । কিন্তু কন্যাবু অপহরণে আমার মেরুদণ্ড ভেঙ্গে দিয়েছে ।

কাত্যায়ন । [অর্ধ স্বগত] আবার এত কোমলপ্রকৃতি !

চাণক্য । মন্ত্রী মহাশয় ! আমি কার্য্যান্তর থেকে রাত্রিকালে ফিরে এসে যখন দেখলাম যে, আমার ভৃত্য ভূমিতলে অজ্ঞান, আর আমার কন্যার শয্যা শূন্য, তখন আমার ধমনীতে উষ্ণ রক্তস্রোত বইল ; চক্ষু অন্ধকার দেখলাম ; মাটি থেকে একটা তপ্ত বাষ্প আকাশে উঠতে লাগলো । তার পর উন্নতবৎ রাস্তা দিয়ে ‘মা’ ‘মা’ বলে’ চীৎকার কর্তে কর্তে ছুটলাম । পার্শ্ববর্তী বনের মধ্যে পাখীরা কলরব করে’ উঠলো । নদীর ধারে গিয়ে ওপারে ডাক্তে লাগলাম । সেই অন্ধকারে দুপারের মধ্যে কেবল কৃষ্ণ নদী গর্জন করে’ চলে’ গেল । আমি মুগ্ধিত হয়ে পড়ে’ গেলাম ।

কাত্যায়ন । তুমি বিচক্ষণ ব্যক্তি—তুমি এত অধীর হচ্ছ !

চাণক্য । অধীর ! ইচ্ছা করে যে কাঁদি, চীৎকার করে’ কাঁদি,— আমার অশ্রুজলে পৃথিবী ডুবিয়ে ভেঙ্গে চূরে ভাসিয়ে দিহ । কিন্তু অশ্রুর উৎস শুকিয়ে গিয়েছে । মাঝে মাঝে মনে হয় যে, ভিতরে অশ্রু জমাট হয়ে গিয়েছে । অবিচারে, অত্যাচারে, ঈশ্বরকেও খেয়ে, ছেয়ে ফেলেছে ।—দেখতে পাই না ।

কাত্যায়ন । আবার পাবে । মেঘ কেটে যাবে । একাকী বসে’ নিষ্ফল অনুশোচনা না করে’ নূতন উত্তমে বুক বাঁধো ; কন্দ্রস্রোতে গা ঢেলে দাও । এ কার্য্যময় সংসারে বসে’ থাকা চলে না ।

চাণক্য । তা চলে না বটে ।

কাত্যায়ন । সুখে দুঃখে মানুষের জীবন । আলোকে অন্ধকারে

প্রথম অঙ্ক ।]

চন্দ্রগুপ্ত ।

[দ্বিতীয় দৃশ্য ।

কালের বিকাশ । শুদ্ধ কি তুমিই হুঃখ পাচ্ছ ব্রাহ্মণ! আমার কি হুঃখ জানো? এই রাজারই আজার অন্ধকার কারাগৃহে আমার সাত সাতটা পুত্রকে চক্ষুর সম্মুখে অনাহারে মরে' যেতে দেখেছি ।

চাণক্য । সে কি!—তবু তুমি তার মন্ত্রী ।

কাত্যায়ন । হাঁ চাণক্য!—প্রতিশোধ নেবার জন্য আমিই বেঁচে রইলাম,—অনাহারে মলাম না। প্রতিশোধ নেবার জন্য মন্ত্রিত্ব নিযেছি ।—চাণক্য তুমি আমার সহায় হও ।

চাণক্য । ব্রাহ্মণেরই উপরে যত অত্যাচার!—তুমি এত ভীত দৃষ্টি নিষ্পেক্ষ ক'র্ছ কেন সুন্দরী? কি আশঙ্কা কর?

কাত্যায়ন । এই ব্রাহ্মণের গুপ্ত তেজ—এসো আমরা পুনরুদ্ধার করি । আমি রাজার মন্ত্রী আছি, তুমি হও রাজার পুরোহিত । আজ আমরা দুই ব্রাহ্মণ মিলিত হই । আমাদের প্রতি অন্যায়ের প্রতিশোধ নেই । যতদিন ভাবত ভারত, ততদিন ব্রাহ্মণ ব্রাহ্মণ ।—এ'সো ত নাই ।

চাণক্য । [যেন কান পাতিয়া কি শুনিলেন] উত্তম!—আমি পৌণে হত্য সীকার ক'র্লাম—যখন তোমার আজা!—মন্ত্রী মহাশয়! জানি সব যাবে এই অবিস্বাসী বৌদ্ধযুগ ধরে' ফেলেছে;—ব্রাহ্মণের শাঠ্য, কোচ্চুরি, ধাপ্লাবাজি—ধরে' ফেলেছে; গলা টিপে ধ'রেছে । ঐ বন্য আসছে । যাবে—ব্রাহ্মণের প্রভু'র যেতে ব'সেছে—যাবে । রক্ষা ক'র্তে পার্ছ না । তবু প্রলয়ের পূর্বে এই কলির ব্রাহ্মণ একবার দ্বাদশ সূর্য্যের মত আকাশ পুড়িয়ে দিয়ে চলে' যাবে!—চল যাচ্ছি ।

[উভয়ে নিষ্ক্রান্ত]

তৃতীয় দৃশ্য ।

স্থান—মহারাজ নন্দের প্রমোদোদ্যান । কাল—রাত্রি ।

মহারাজ নন্দ, পারিষদগণ ও নর্তকীগণ ।

নর্তকীদের নৃত্য গীত ।

গীত ।

তুমি যে হে প্রাণের বঁধু—আমরা তোমার ভালোবাসি ।
তোমার প্রেমে মাতোরারা, তাই, তোমার কাছে ছুটে আসি !
তুমি শুধু দিয়েও হাসি, আমরা দিব অশ্রুর্বাণি,
তুমি শুধু চেয়ে দেখ, বঁধু, আমরা কেমন ভালোবাসি ।
গাঁথি মালা শতদলে, দিব তব পদতলে,
তুমি হেসে ধর গলে, আমরা—দেখো তোমার মধুর হাসি ;
তুমি কতু দয়া করে', বাজিও তোমার মোহন বীণী ;
শুস্তে তোমার বীণীর ধ্বনি, বঁধু ! আমরা বড় ভালোবাসি ।
তুমি মোদের হোয়ো প্রভু, আমরা তোমার হব দাসী ;
তুমি যে হে ব্রজের বঁধু, আর, আমরা যে গো ব্রজবাসী ।
ভালোবাসো নাহি বাসো, নইক তার অভিলাষী—
আমরা শুধু ভালোবাসি—ভালোবাসি—ভালোবাসি ।

চাণক্যের প্রবেশ ।

চাণক্য । মহারাজ !

১৩ পারিষদ । এ আবার কে !

প্রথম অঙ্ক ।]

চন্দ্রশুপ্ত ।

[তৃতীয় দৃশ্য ।

২য় পারিষদ । তুমি কোন্ গগন থেকে নেমে এলে চাঁদ !

৩য় পারিষদ । নাচতে জানো ?

নন্দ । কেঁ তুমি ?

চাণক্য । আমি ব্রাহ্মণ ।

১ম পারিষদ । যাও, এখানে কিছু হবে না ।

২য় পারিষদ । জ্ঞী, গো, ব্রাহ্মণ—এদের আমরা কিছু বলিনে ;
দরে' পড়—

৩য় পারিষদ । নিরীহ জাতি !

নন্দ । তুমি এখানে এ সময়ে কিসের জন্য ?

চাণক্য । মহারাজ ! আমি তোমার মাতামহের শ্রাদ্ধে
পৌরোহিত্য কর্ত্তে এসেছিলাম—যেচে আসিনি—

নন্দ । তোমাকেই বা কে যেচে আস্তে গিয়েছিল ঠাকুর ?

চাণক্য । তোমার মন্ত্রী ।

নন্দ । মন্ত্রী ডেকে এনেছে, তার কাছে যাও ।

চাণক্য । তোমার শ্রালক আমার অপমান ক'রেছে—

১ম পারিষদ । তা ত কর্কেই !

২য় পারিষদ । শ্রালকমাত্রেই অপমান করে' থাকে ।

৩য় পারিষদ । শ্রালকের সাত খুন মাফ্ । ধোরো না বাবা !

চাণক্য । [সপদদাপে] চূপ কর্ কুকুরের দল !

পারিষদবর্গ ভীত হইয়া স্তব্ধ রহিল ।

নন্দ । অপমান ক'রেছে তাই হয়েছে কি ঠাকুর !—মগধের
মহারাজের শ্রালক ।

বাচালের প্রবেশ ।

বাচাল । আমার তুমি সহজ লোক ঠাওরাও ? আমি মহাবাজের ঞ্চালক ; মহারাজের বাপ আমার বাপের বেহাই ; মহারাজ আমার ভগ্নীপতি ; মহারাজের ছেলে আমার ভাগিনেয় ।—আমায় তুমি সহজ লোক ঠাওরাও ঠাকুর !

নন্দ । যাও এখান থেকে, এখানে আমরা ব্রাহ্মণের স্নহুযোগ শুন্তে আসিনি ।

চাণক্য । না, তা শুনবে কেন !—ব্রাহ্মণ আজ আর সে ব্রাহ্মণ নাই । তাই এক্ষণে ক্ষত্রিয় অনায়াসে তার সম্পত্তি লুণ্ঠন করে' । নির্ভয়ে তার উপরে চোখ রাঙায় ! সে ভেজ যদি ব্রাহ্মণের থাকতো. ত তাকে তোমার সম্মুখে রোষরক্তিম, দেবৈ তুমি ঐখানে' সিংহাসন শুদ্ধ মাটির নীচে বসে' যেতে । কিন্তু সে প্রতাপ একেবারে লুপ্ত হয় নাই জেনো !

বাচাল । দেখি ব্রাহ্মণের প্রতাপটা একবার—আর তুমি মহারাজের ঞ্চালকের প্রতাপটা কি রকম একবার দেখ ।

চাণক্য । দেখবে—মহারাজ ! তুমিও দেখবে—যদি এর প্রতি-বিধান না কর ।

নন্দ । কি ! তুমি ঐখানে দাঁড়িয়ে আমার উপর চোখ রাঙাবে, ভিক্ষুক ! বেরোও এখান থেকে' ।

চাণক্য । কলির ব্রাহ্মণ ! কাণ পেতে শোন । ক্ষত্রিয় ব্রাহ্মণকে বলছে—“বেরিয়ে যাও এখান থেকে ।” তথাপি ঝড় উঠছে না, অগ্নিহুটি হচ্ছে না, পৃথিবী কেঁপে উঠছে না ! সব স্থির !—ক আশ্চর্য্য !

নন্দ । গলায় হাত দিয়ে বের করে' দাও ত ।

চাণক্য । ভগবন্তি বন্ধু করে ! দ্বিধা হও !—ব্রাহ্মণ ! জড়ের মত খাড়া হয়ে আর দাঁড়িয়ে দেখছ কি ! জগতের বিজ্ঞপ হয়ে' ঐশ্বৰ্য্যের দ্বারে ভিক্ষা মেগে বেড়াতে তোমার লজ্জা হচ্ছে না ! পারো ত ওঠো । কপিলের তেজে 'ফুলিন্দ্রবৃষ্টি করে', নীচের দৰ্প ভস্ম করে' দাও । আর তা যদি না পারো, তা হলে—ওরে ক্ষুদ্র, ওরে স্থগিত, ওরে পদদলিত, ওরে মহত্বের ককাল, আর আলোকে মুখ দেখিও না । রসাতলে যাও ।

নন্দ । আমরা কি এখানে এক উন্মাদের প্রলাপ শুন্তে এসেছি !—বাচাল ! একে বা'র করে' দাও ।

বাচাল । [চাণক্যের শিখা ধরিয়া টানিয়া] বেরিয়ে যা ভিক্ষুক !

চাণক্য । কি !—হাঁ যাচ্ছি—যাচ্ছি । তবে যাবার আগে বলে' যাই । মহারাজ নন্দ ! তবে একবার এই কলিযুগেই এই বিশীর্ণ ধ্বংসাবশেষ ব্রাহ্মণের প্রতাপ দেখ্বে ! এই নন্দবংশ ধ্বংস না করি ত আমি চণকের সন্তান নই । তোমার রক্তে রঞ্জিত হস্তে এই শিখা বাঁধ্বো, এই প্রতিজ্ঞা করে' গেলাম, মনে থাকে যেন মহারাজ ! আর ভবিষ্যদ্বাণী করে' যাই—একদিন এই ভিক্ষুকের পদতলে তোমায় জাল পেতে প্রাণভিক্ষা চাইতে হবে ! অম্মি সে ভিক্ষা দিব না । সেইদিন দেখ্বে আবার—এই ব্রাহ্মণের তপস্কার শক্তি, ব্রাহ্মণের প্রতিভার প্রভাব, ব্রাহ্মণের প্রতিজ্ঞার বল, ব্রাহ্মণের অভিশাপের তেজ, ব্রাহ্মণের ক্রুদ্ধ বিক্রম, ব্রাহ্মণের দুর্জয় প্রতাপ ।

[প্রস্থান]

প্রথম অঙ্ক ।]

চন্দ্রশুভ ।

[তৃতীয় দৃশ্য ।

নন্দ । কে এ ! হুয়েছিল কি !

বাচাল । হবে আবার কি ! এই অপোগণ্ড জানোয়ারটা পুরুত-
গিরি কর্তে এসেছিল । এ দিকে আমি পুরোহিত এনেছি । ওকে
উঠতে বললাম, উঠবে না । তখন আমি গলায় ধাক্কা দিয়ে তাড়িয়ে
দিয়েছি । আমার অপরাধের মধ্যে এই ।

নন্দ । তুমি ব্রাহ্মণকে গলা-ধাক্কা দিতে গেলে কেন ?

বাচাল । আমি মহারাজের শ্রালক—

১ম পারিষদ । তার উপরে মহারাজ ঔঁর ভগ্নীপতি—

২য় পারিষদ । ঔঁর বাপ মহারাজের স্বশুর ।

৩য় পারিষদ । বেশ করেছে ।

নন্দ । আমোদটা মাটি করে' দিলে ।—যাক্ ।

১ম পারিষদ । মন্দ কি !—একটা নতুন হোল ।

২য় পারিষদ । গেয়ে গেল বেশ !

১ম পারিষদ । যা হোক্ শ্রাদ্ধে এত মজা কখনও দেখিনি ! মেয়ের
বিয়েতে এ রকম নাচ গান হয় বটে ।

২য় পারিষদ । সেও একরকম শ্রাদ্ধ !

১ম পারিষদ । কি রকম ।

২য় পারিষদ । শ্রাদ্ধ তিন রকম । যথা, বাপের শ্রাদ্ধ—তার নাম
শ্রাদ্ধ ; মেয়ের শ্রাদ্ধ—তার নাম বিয়ে ; টাকার শ্রাদ্ধ—তার নাম
মোকদ্দমা ।

৩য় পারিষদ । আর ভূতের বাপের শ্রাদ্ধ—তার নাম, ?

৪র্থ পারিষদ । যা গড়াচ্ছে ।

মুরাকে সঙ্গে লইয়া কাত্যায়নের প্রবেশ ।

নন্দ । এ আবার কে ।—ও ।—তা এখানে কেন ?

কাত্যায়ন । মহারাজ যে আজ্ঞা করলেন ‘অবিলম্বে’—

নন্দ ! তাই বলে’ এখানে—প্রমোদোদ্যানে ! একটা ত ভক্ততা আছে—

মুরা । তোমার মুখে একথা শুনে প্রীত হ’লাম বৎস !

নন্দ । প্রীত হবার মত কোন কাজ করবার জ্ঞান তোমায় এখানে নিয়ে আসতে বলিনি । কিন্তু—রাজকার্য্য এখানে কেন মন্ত্রী ! তুমি বড় অবিবেচক ।

কাত্যায়ন । আজ্ঞা হয়ত আবার রেখে আসি ।

২য় পারিষদ । ওহে মন্ত্রী মহাশয়, তুমি যে সেই রকম কলে—

১ম পারিষদ । কি রকম !

২য় পারিষদ । একজন পাঙ্কী চড়ে’ গিয়ে দেখে যে টেকে পয়সা নেই । ভাড়া দিতে পারে না । শেষে বেহারাদের ব’ল্ল ‘আমার কাছে পয়সা নেই’ ; কিন্তু তোমরা গরীব লোক, তোমাদের লোকসান করব কেন—আমাকে যেখান থেকে এনেছিলে সেখানেই রেখে এসো—আমি না হয় হেঁটেই আসবো’ ।

৩য় পারিষদ । একজন সত্যই তাই করেছিল । ফুয়ো কাটিয়ে দরে বন্টো না বলে’ মজুরদের ব’ল্ল—“আচ্ছা, দে বাপু তোমাদের কুয়ো তোরা বুঁজিয়ে দে ; আমি অল্প মজুর দিয়ে আমার কুয়ো কাটিয়ে নেবো” ।

কাত্যায়ন । • বলুন মহারাজ, এঁকে গিয়ে রেখে আসি ।

প্রথম অঙ্ক ।]

চন্দ্রগুপ্ত ।

[তৃতীয় দৃশ্য ।

নন্দ । না, যখন এনেছো—শোন মা ! তোমার পুত্র চন্দ্রগুপ্ত
জীবিত আছে ।

মুরা । আছে ? কোথায় সে ? কোথায় সে ?

নন্দ । তাই জানবার জন্ত তোমায় ডেকেছি । সে কোথায় তুমি
জানো ?

মুরা । আমি জানি না বৎস !

নন্দ । তুমি জানো । বল সে কোথায় । নহিলে নন্দকে জানো ?

মুরা । জানি । নন্দকে জানি না ? আমি তাকে কোলে করে
মাগ্ন্য করেছি ; বুকে করে' ঘুম পাড়িয়েছি ।

নন্দ । সে গৌরব তুমি কৰ্ত্তে পার ।—এখন চন্দ্রগুপ্ত কোথায় ?

মুরা । আমি জানি না ।

নন্দ । জানো । বল । নহিলে—

মুরা । আমায় বধ কর্কে ? কর—কিন্তু এখন নয় । আমি
মর্য্যার আগে একবার চন্দ্রগুপ্তকে দেখতে চাই ।—একবার—
একবার—

নন্দ । না, তোমায় বধ কর্কে না । অত শীঘ্র শেষ কর্লে চল্বে না ।
তোমায় আজীবন কারারুদ্ধ করে' রেখে দেবো । অনাহারের জ্বালায়
তিলে তিলে দৰ্দ্ধ কর্কে ।

মুরা । না, এত নিষ্ঠুর তুমি হবে না । আমি তোমার মা ।

নন্দ । হাঁ শূদ্রাণী মা বটে । পিতার দাসী হয়ে স্পর্ধা—যে মহা-
ব্রাহ্মণের মা হতে চাও !

মুরা । ওঃ !

[শির নত করিলেন]

প্রথম অঙ্ক ।]

চন্দ্রগুপ্ত ।

[তৃতীয় দৃশ্য ।

২য় পারিষদ । • একটা গল্প মনে প'ড়ল—এক—

নন্দ । চুপ কর ।—মহারাজের মা হতে চাও—শূদ্রাণী মা ।

মূরা । না, আমি মহারাজের মা হতে চাই না । মহারাজ, তুমি চিরদিন মহারাজ হয়ে থাকো । আমার চন্দ্রগুপ্ত ভিক্ষুক হোক । শুধু সে বেঁচে থাকুক । আমি শুধু তাকে একবার দেখতে চাই । একবার বুকে ধরে' চেষ্টায়ে কাঁদতে চাই । আমি চন্দ্রগুপ্তের মা, এই আমার পরম গৌরব । তার বাড়ি গৌরব আমি চাই না । আমি মহারাজের মা হ'তে চাই না ।

নন্দ । চন্দ্রগুপ্ত কোথায়—এখনও বল । তুমি জানো ।

মূরা । যদি জাস্তামও তবু বলতাম না । ভাবো কি মহারাজ নন্দ, যে মা' নিজের প্রাণরক্ষার জন্ত তার ছেলেকে বাঘের মুখে ছেড়ে দেবে !—হারে মৃত ! 'মা' চিন্‌লিনে !

নন্দ । বল্বে না ! বটে, আমি শুনেছি—সে আমার বিপক্ষে বিদ্রোহের সূচনা কর্ছে । সৈন্য সংগ্রহ কর্ছে ।

মূরা । •ভগবান্ ! এই কথা সত্য হোক । চন্দ্রগুপ্ত যেন তার মাতার অপমানের প্রতিশোধ নেয় ।

নন্দ । নিয়ে যাও কারাগারে—

বাচাল । এসো বাছাধন [কেশ ধরিয়া টাণ্‌লিল]

পারিষদ্বর্গ হাসিল ; সঙ্গে সঙ্গে নন্দও হাসিলেন ।

মূরা । এতদূর !—মহারাজ নন্দ ! তোমার মাতার এই অপমান তুমি উপভোগ কর্ছ ! তুমিও হাসছো !—না, আমি তোমার মাতা নই, আমি তোমায় স্তম্ভ দিই নাই । কোন রাক্ষসী তোমার রক্ত

প্রথম অঙ্ক ।]

চন্দ্রগুপ্ত ।

[তৃতীয় দৃশ্য ।

খাইয়ে মাহুব করেছে । নহিলে কল্লিয় মহারাজ তুমি—না ! আজ যদি কল্লিয়ের এই আচরণ হয়, তবে আমি মেন জন্ম জন্ম শূদ্রাণী হয়েই জন্মগ্রহণ করি ।

১ম পারিষদ । বাঃ বলছে বেশ !

২য় পারিষদ । সুন্দর ! বলতে দাও ।

৩য় পারিষদ । কি মহারাজ, মাথা হেঁট কর্ছেন যে ?

মুরা । মহারাজ নন্দ ! আমি তোমার মাতা নই । কিন্তু আমি নারী—দীনা দুর্বলা নিঃসহায়া রমণী । নারীর লাঞ্ছনা,—দুর্বলের প্রতি অত্যাচার,—নারী সৈতে পারে, কিন্তু ধর্ম সয় না জেনো ।

বাচাল । এসো, এখানে আমরা ধর্মের কাহিনী শুন্তে আসিনি, এসো ।

এই বলিয়া বাচাল তাঁহার গলদেশ ধরিল ।

নন্দ । এখনও বল চন্দ্রগুপ্ত কোথায় । নহিলে—

মুক্ত তরবারিহস্তে চন্দ্রগুপ্তের প্রবেশ ।

চন্দ্রগুপ্ত । এই চন্দ্রগুপ্ত তোমার সম্মুখে । অধম ! [বাচালকে পদাঘাতে ভূপাতিত করিয়া] মা, তোমার এই অপমান—চন্দ্রগুপ্ত জীবিত থাকতে ! মা আমার !

মুরা । বৎস আমার ! [চন্দ্রগুপ্তের গলদেশ জড়াইলেন]

চন্দ্রগুপ্ত । ভীকু ! পাষণ্ড ! কাপুরুষ ! এর প্রতিফল পাবে ।
—এসো মা, মুরার সহিত প্রস্থান ।]

চতুর্থ দৃশ্য।



স্থান—মলয়রাজ্যে চন্দ্রকেতুর প্রাসাদ। কাল সায়াহ্ন।

চন্দ্রগুপ্ত ও চন্দ্রকেতু।

চন্দ্রকেতু। এ গৃহ আপনার গৃহ। আমি আপনার অনুগত
বহু! মহারাজ আমায় বিশ্বাস করুন। মহারাজের জ্ঞান আমার এই
পার্কর্য্য সৈন্ত প্রাণ দিবে।

চন্দ্রগুপ্ত। আমি এই অশিক্ষিত সৈন্ত গ্রীক প্রথায় শিক্ষিত করে’
তুলবো। এই পার্কর্য্য সাহস গলিয়ে বিজ্ঞানের কারখানায় পিটিয়ে এমন
করে’ গড়ে’ তুলবো যার কাছে—মগধ ত ছার—সমস্ত ভারতবর্ষ
মাথা হেঁট কর্বে।

চন্দ্রকেতু। কিন্তু নন্দের মন্ত্রী শুনেছি—অতি কূট, অতি বুদ্ধিমান!

চন্দ্রগুপ্ত। জানি চন্দ্রকেতু। আমার পক্ষেও নন্দের পুরাতন মন্ত্রী
কাত্যায়ন আছেন। আর আমি তাঁকে পাঠিয়েছি কৌশলী বিচক্ষণ
চাণক্যকে ডেকে আনবার জ্ঞান।

চন্দ্রকেতু। এই চাণক্য কে?

চন্দ্রগুপ্ত। শুনেছি তিনি একজন অতি বুদ্ধিমান একনিষ্ঠ বিচক্ষণ
ব্রাহ্মণ। নন্দের প্রতি তাঁর ক্রোধ অনেক দিন থেকে ধোঁয়াচ্ছিল;
এখন বাতাস পেয়ে অগ্নি উঠেছে,—তিনি নাকি যাহু জানেন।

চন্দ্রকেতু। কি রকম!—

প্রথম অঙ্ক ।]

চন্দ্রগুপ্ত ।

[চতুর্থ দৃশ্য ।

চন্দ্রগুপ্ত । তিনি শুনেছি বাতাসের সঙ্গে কথা ক'ন । অগ্নির সঙ্গে মন্ত্রণা করেন । তাঁর ক্রুদ্ধ দৃষ্টিতে তুণ জ্বলে' উঠে ভস্ম হ'য়ে যায় । তিনি একাকী থাকেন । তাঁর বন্ধু জগতে কেউ নাই ।

চন্দ্রকেতু । একুণ লোক কিন্তু ভয়ানক !

চন্দ্রগুপ্ত । এখন ভয়ানক লোকই চাই চন্দ্রকেতু ।—তোমার উপর নির্ভর কর্তে পারি ?

চন্দ্রকেতু । মহারাজ ! আমি আপনাকে যখন একবার মগধের আয্য মহারাজ বলে' ডেকেছি, যখন একবার ভাই বলে' আলিঙ্গন করেছি, তখন মহারাজ, রাজভক্ত চন্দ্রকেতু চিরদিন আপনার জন্ত প্রাণ দিতে প্রস্তুত, জান্বেন ।

চন্দ্রগুপ্ত । ভাই ! [আলিঙ্গন] তবে আর কোন চিন্তা নাই ।

নেপথ্যে । চন্দ্রগুপ্ত ।

চন্দ্রগুপ্ত । আসুছি মা !—চল চন্দ্রকেতু, মাতার আশীর্বাদ গ্রহণ করি ।

[উভয়ের প্রস্থান] ।

ছায়ার প্রবেশ ।

ছায়া । ইনি কি অবতীর্ণ দেবরাজ ! এঁর দর্শন পূর্ণচন্দ্রের উদয় । এঁর স্বর রণকণ্ঠ । দাদাকে যখন ইনি আলিঙ্গন করলেন, মনে হোল যেন শরতের মেঘকে সূর্য্যকিরণ এসে ঘিরেছে । চলে গেলেন—যেন একটি মলয়োচ্ছ্বাস ।

ছায়ার গীত ।

আয় রে বসন্ত ও তোর কিরণমাথা পাখা তুলে ।
 নিয়ে আয় তোর নূতন গানে, নূতন পাতায়, নূতন ফুলে ।
 শুনি, পড়ে' প্রেমফাঁদে, তা'রা সব হাসে কাদে,
 আমি শুধু কুড়োই হাসি সুখ-নদীর উপকূলে ।
 জানি না ত প্রেম কি সে, চাহি না সে মধুবিষে ;
 আমি শুধু বেড়িয়ে বেড়াই, নেচে গেয়ে প্রাণ খুলে ।
 নিয়ে আয় তোর কুহুমরাশি,
 তারার কিরণ, চাঁদের হাসি ;
 মলয়ের ঢেউ নিয়ে আয়, উড়িয়ে দে এই এলোচুলে ।

[গাহিতে গাহিতে প্রস্থান]

কথা কহিতে কহিতে চন্দ্রগুপ্ত ও মূরার প্রবেশ ।

চন্দ্রগুপ্ত । মা, আমি অত্যায়ে প্রাতিশোধ নিতে বেরিয়েছি ।
 আগুন জ্বালিয়েছি । তোমার অপমান তাতে আজ আহতি দিল ।
 যদি কখনো স্নেহের দৌর্বল্যে ভাই নন্দকে ক্ষমা কর্তে চেয়েছিলাম,
 আজ হঠাৎ সে চিন্তা মন থেকে নির্বাসিত করলাম । আমার
 স্নেহাশ্রুবিন্দু আজ তোমার জঘ্ন অগ্নির ফুলিকে পরিণত হোক ।

মূরা । যখন নন্দ আমায় শূদ্রাণী মা বলে' সূচোধন করল, তখন
 আমার মনে হোল বৎস ! যে অগ্নির লেলিহান শিখার মধ্যে আমি
 দাঁড়িয়ে আছি । তার পর যখন তার আজ্ঞায় বাচাল আমার কেশ
 আকর্ষণ করল—[কাঁদিয়া উঠিলেন]

চন্দ্রগুপ্ত । মা ! যদি জয় সম্বন্ধে কোন সন্দেহ ছিল,—আর তার

প্রথম অঙ্ক ।]

চন্দ্রশুভ্র ।

[চতুর্থ দৃশ্য ।

রেখামাত্র নাই । প্রপীড়িতা সীতার অশ্রুজলে লক্ষা ভেসে গেল, লাক্ষিতা দ্রোণদীর ক্রোধে কুরুবংশ ভস্ম হয়ে গেল, অবলার উপর অত্যাচারে একটা জাতি উচ্ছন্ন যায়,—নন্দ বংশ ত ছার । আশ্বিনী এর যোগ্য প্রতিশোধ নেবো !

মুরা । সেই আশায় জীবনধারণ করে' রৈলাম । [প্রস্থান]

চন্দ্রশুভ্র । শূদ্রাণী !—শূদ্র মানুষ নহে ? তার ক্ষত্রিয়েরই মত হস্তপদ নাই ? মস্তিষ্ক নাই ? হৃদয় নাই ? এত ঘৃণা !—উত্তম ! দেখাবো একবার শূদ্রের শক্তি । দেখাবো যে সেও মানুষ !—সেকান্দার সাহা ! তোমার ভবিষ্যদ্বাণী সফল করা আমার জীবনের চরম লক্ষ্য হোক ।

কাত্যায়নের প্রবেশ ।

চন্দ্রশুভ্র । কে ?—

কাত্যায়ন । আমি কাত্যায়ন ।—

চন্দ্রশুভ্র । কৈ ! চাণক্য কৈ ?

কাত্যায়ন । আসছেন । পূজা সাজ করে' আসছেন ।

চন্দ্রশুভ্র । কি রকম দেখলেন ?

কাত্যায়ন । মথিত সমুদ্রের মত । জানি না গরল ওঠে কি অমৃত ওঠে । তাঁর চেহারাকাটা এবার কিন্তু আমার বড় ভালো লাগলো না ।

চন্দ্রশুভ্র । কেন ?

কাত্যায়ন । আমি এ সংবাদ দেওয়া মাত্র তাঁর গভীর মুখখানি সহসা প্রত্যাঘের মত দীপ্ত হয়ে উঠলো, আবার তৎক্ষণাৎ গোখলির মতঃ শ্লান হয়ে গেল । শীর্ণ দেহখানি প্রদীপশিখার মত কৈপেই ২৬]

প্রথম অঙ্ক ।]

চন্দ্রশুভ্র ।

[চতুর্থ দৃশ্য ।

আবার স্থির হয়ে দাঁড়িয়ে রৈল । ওষ্ঠপ্রান্তে এক ব্যঙ্গহাস্ত ভেগে উঠে ধীরে ধীরে নিভে গেল । শেষে এক অদ্ভুত মূর্তি—ওষ্ঠাধর সম্বন্ধ, মুখপাংশ, ললাটে গভীর রেখা, কক্ষাপাঙ্গ চক্ষু দুটির তীক্ষ্ণ স্থির দৃষ্টি দূর শূন্যে চেয়ে রৈল ।

চন্দ্রশুভ্র । অদ্ভুত ! [পাদচারণ করিতে করিতে] কখন আসবেন ?
কাত্যায়ন । ঐ যে !

চন্দ্রশুভ্র । এ কে ?

কাত্যায়ন । ঐ চাণক্য পণ্ডিত ।

চন্দ্রশুভ্র । ইনি ?

চাণক্যের প্রবেশ ।

চন্দ্রশুভ্র ও চাণক্য উভয়ে সম্মুখীন হইয়া দাঁড়াইয়া পরস্পরকে নিরীক্ষণ করিতে লাগিলেন । শেষে চন্দ্রশুভ্র নতজানু হইয়া প্রণাম করিলেন ।

চাণক্য । তুমি চন্দ্রশুভ্র ?

চন্দ্রশুভ্র । আপনার দাস ।

চাণক্য । [আপাদমস্তক চন্দ্রশুভ্রকে নিরীক্ষণ করিয়া] তুমি পার্কে ।

চন্দ্রশুভ্র । যদি আপনার রূপা থাকে ।

চাণক্য । আমি কে ? কেউ না । তুমি একাই পার্কে । আমি কে ? দীন ব্রাহ্মণ । অতি দীন ।

চন্দ্রশুভ্র । দীন ব্রাহ্মণ !

চাণক্য । আজ ব্রাহ্মণের মত দীন কে ? তার শাপে সগরবংশ ভষ্ম

প্রথম অঙ্ক ।]

চন্দ্রগুপ্ত ।

[চতুর্থ দৃশ্য

হওয়া দূরে থাকুক, প্রদীপটি পর্য্যন্ত জ্বলে না । তার উপবীত আজ ভিক্ষকের চিহ্ন । তাঁকে ক্ষত্রিয় আজ পদাঘাত করে' চলে' যায় ।

চন্দ্রগুপ্ত স্তব্ধ রহিলেন ।

চাণক্য । মাঝে মাঝে সমুদ্রের মত তরঙ্গ তুলে ধেয়ে আসি, কিন্তু তীরে বাধা পেয়ে গভীর হতাশ্বাসে ফিরে যাই । কোন শক্তি নাই ! কোন শক্তি নাই !

চন্দ্রগুপ্ত । সে কি ! শুনেছি চাণক্য পণ্ডিত—

চাণক্য । বিচক্ষণ, বিদ্বান, কূট । না ?—ঠিক শুনেছিগে । কেবল একটা কথা শোন নাই । শোন নাই যে, তার হৃদয় নাই । আমার মেরুদণ্ড ভেঙ্গে গিয়েছে ।—এ বক্ষ—[সহসা চন্দ্রগুপ্তের হস্ত টানিয়া নিজের বক্ষের উপর রাখিয়া] এই বন্ধে হাত দিয়ে দেখ । কি দেখ্ছ ?

চন্দ্রগুপ্ত । ক্ষীণ রক্ত স্রোত বৈছে ।

চাণক্য । কিসের স্রোত ?

চন্দ্রগুপ্ত । রক্তস্রোত ।

চাণক্য । মুর্থ ! রক্ত নাই । এ দেহে রক্ত নাই ! এ হিম্যানী প্রবাহ । রক্ত যা ছিল, জমাট হয়ে গিয়েছে ।

চন্দ্রগুপ্ত । গুরুদেব ! আমি সব শুনেছি । আমায় শুদ্ধ আজ্ঞা দিউন । আমায় শুদ্ধ আশীর্বাদ করুন । আমায় শুদ্ধ বলুন—
চন্দ্রগুপ্ত ! তুমি অগ্রসর হও । আর কিছু চাই না । আর সব আমি কর্ব ।

চাণক্য । পার্কে ?

চন্দ্রগুপ্ত । পার্ক । গুরুদেব ! সেকেন্দার সাহার এই ভবিষ্যৎবাণী

প্রথম অঙ্ক ।]

চন্দ্রগুপ্ত ।

[চতুর্থ দৃশ্য ।

যে অকমি দিগ্বিজয়ী বীর হব । সেই আশ্বাসবাকী নিদ্রায় ও জাগরণে
আমার কৰ্ণে এখনিও বাজছে । আমি পার্কে । শুদ্ধ আপনি আমার
এই মহাযজ্ঞের পুরোহিত হোন । আপনি আমার এই ব্রতে দীক্ষিত
করুন ।

চাণক্য । কি ? তুমি কি আজ্ঞা কচ্ছ প্রাণেশ্বর ?

চন্দ্রগুপ্ত । এ কি আবার !

চাণক্য । তোমার আজ্ঞা ! উত্তম !—[চন্দ্রগুপ্তকে] তবে পা
ছুঁয়ে শপথ কর যে, এই ব্রাহ্মণের আদেশ তুমি সর্বথা পালন করবে ।

চন্দ্রগুপ্ত । [চাণক্যের চরণ স্পর্শ করিয়া] শপথ করছি গুরুদেব !
আপনি আমায় দীক্ষা দিউন ।

চাণক্য । হাঁ তুমি পার্কে । তোমার মুখ, তোমার দৃষ্টি, তোমার
ভঙ্গিমা সমস্তেরে বলছে যে, তুমি পার্কে । হাঁ, আমি তোমায় দীক্ষা
দিব । তোমায় মগধের সিংহাসনে বসাবো । তোমায় ভারতের
অধীশ্বর করব । তবে ইন্দ্রন প্রস্তুত কর চন্দ্রগুপ্ত ! আমি তাকে ব্রহ্ম-
তেজে প্রজ্জ্বলিত করব ! সেই অগ্নি দাবানলের ত্রায় ব্যাপ্ত হবে !
সমস্ত ভারতবর্ষ জ্বলে উঠবে !—চন্দ্রগুপ্ত !

চন্দ্রগুপ্ত । গুরুদেব ।

চাণক্য । উর্দ্ধে চাও দেখি !—কি দেখছো ?

চন্দ্রগুপ্ত । আকাশ ।

চাণক্য । কি বর্ণ ?

চন্দ্রগুপ্ত । পাংশুরক্তবর্ণ ।

চাণক্য । কি বুঝছো ?

প্রথম অঙ্ক ।]

চন্দ্রশুভ্র ।

[চতুর্থ দৃশ্য ।

চন্দ্রশুভ্র । ঝড় উঠবে ।

চাণক্য । ঠিক ! ঝড় উঠবে ।—আর সম্মুখ ভবিষ্যতের দিকে চেয়ে দেখ দেখি ! কিছু দেখতে পাচ্ছ না ?

চন্দ্রশুভ্র । না ।

চাণক্য । অন্ধ !—সেখানেও একটা ঝড় উঠবে !—এ কপিলের অভিষাপ নয়, বিশ্বামিত্রের তপোবল নয়, পরশুরামের শৌর্য্য নয়, বামনের ছলনা নয় । এ ব্রাহ্মণের বুদ্ধি আর শূদ্রের নিষ্ঠা, ব্রাহ্মণের সাধনা আর শূদ্রের প্রতিহিংসা, ব্রাহ্মণের তেজ আর শূদ্রের শক্তি ! স্বর্গমর্ত্য এক সঙ্গে ! আর ভয় নাই চন্দ্রশুভ্র ! ওঠো—আমি আমার চক্ষুর সম্মুখে কি দেখছি জানো ?

চন্দ্রশুভ্র । কি গুরুদেব ?

চাণক্য । এই প্রধুমিতা, প্রজ্বলিতা, প্রবাহিতরক্তশ্রোতস্বতী-
তৈরবী ভারতভূমির পরিবর্তে এক রক্তালঙ্কারা, পুষ্পোজ্জ্বলা, সঙ্গীত-মুখরা,
হাস্তময়ী জননী । জলধি হ'তে জলধি পর্য্যন্ত বিস্তীর্ণ এক মহাসাম্রাজ্য !
সে সাম্রাজ্যের প্রতিষ্ঠাতা তুমি, আর তার পুরোহিত এই দীন দরিদ্র
ব্রাহ্মণ চাণক্য ।

দ্বিতীয় অঙ্ক ।



প্রথম দৃশ্য ।



স্থান—হিরাটের প্রাসাদ । কাল—রাত্রি ।

সেলুকস ও হেলেন ।

সেলুকস । হেলেন ! বীরবর সেকেন্দার সাহার মৃত্যু হয়েছে ।

হেলেন । সে কি ! কি করে' জানলেন ?

সেলুকস । সূর্য্য অস্তে গেলে পৃথিবী জাস্তে পারে না ?

হেলেন । তার পর !

সেলুকস । তার পর আবার কি ! তিনি আমায় এসিয়ার সাম্রাজ্যের উত্তরাধিকারী করে' গিয়েছেন ।

হেলেন । এক মহতী আকাজ্জক তাড়নায় অর্ধেক এসিয়া জয় করে' পরে নিজের দেশেও মর্ত্তে পেলেন না ।

সেলুকস । হেলেন—সেকেন্দার স্যাহা বা সাধন কর্ত্তে ব্যর্থকাম হয়েছিলেন আমি তা সম্পূর্ণ কর্ব্ব ।

হেলেন । কি !

সেলুকস । ভারতবর্ষ জয় ।

হেলেন । তাতে কি লাভ হবে ?

সেলুকস । কীর্ত্তি ।

হেলেন । না অকীর্ত্তি !—আশ্চর্য্য পুরুষের উচ্চাশা ! কিছূতেই পূর্ণ হয় না । আশ্চর্য্য পুরুষের জিঘাংসা ! মানুষ যেন বজ্র শীকার । বধ কর্ত্তেই হবে ! তবু মানুষ মানুষের মাংস খায় না !—খায়না কেন বাবা ? ভাল লাগে না ?

সেলুকস । প্রথা নাই ।

হেলেন । সৃষ্টি করুন না—নাম থেকে যাবে।—বাবা আপনারা পুরুষজাতি এত রক্তপিপাসু ?—হৃদয়ের মধ্যে কি আর কোন প্রবৃত্তি নাই ?

সেলুকস । কি প্রবৃত্তি ?

হেলেন । হৃৎখীর হৃৎধ দূর করা, রোগীর সেবা করা, ক্ষুধার্ত্তকে খেতে দেওয়া, অজ্ঞানকে জ্ঞান দেওয়া—এ সব কি কিছূ নাই ?—কেবল স্বার্থের প্রসার, বেদনার বৃদ্ধি, অত্যাচার, অবিচার পীড়ন !

সেলুকস । ডিমস্থিনিস বলেছেন বিজীর্গিষা মানুষের একটা মহৎ প্রবৃত্তি !

হেলেন । কোথাও তিনি এ কথা বলেন নি ! নিয়ে আস্ছি ডিমস্থিনিস্ [প্রস্থানোত্তত]

সেলুকস । না না নিয়ে আস্তে হবেনা ! তুমি ডিমস্থিনিসও পড়েছো ?

হেলেন । পড়েছি ।

সেলুকস । তুমি অত পড় কেন ? পড়ে' পড়ে' তোমার মৌলিকত্ব নষ্ট কর্ছ ।

দ্বিতীয় অঙ্ক ।]

চন্দ্রশুপ্ত ।

[প্রথম দৃশ্য ।

হেলেন । মৌলিকতা নষ্ট হয় প'ড়লে ? আর না প'ড়লেই
মৌলিক হয় ?—বাবা, তা হ'লে সবার চেয়ে মৌলিক হ'চ্ছে—ঐ—ঐ
গাধাটা ।

সেলুকস । কেন ?

হেলেন । কাবণ—সে কিছুই প'ড়নি ।

সেলুকস । তুমি আমার অপমান কর্ছ ।

হেলেন । না বাবা ।

সেলুকস । তুমি আমার সঙ্গে গাধার তুলনা কর্ছ !

হেলেন । না বাবা, আমি করিনি ।

সেলুকস । করেছো ।

হেলেন । আমার অজ্ঞায় হয়েছে । [করজোড়ে] ক্ষমা চাচ্ছি ।

সেলুকস । না আমি ক্ষমা করব না, আমি রেগেছি ! তুমি প্রায়ই
আমাকে অপমান কর ।

হেলেন । বাবা—[হাত ধরিলেন]

সেলুকস । যাও [হাত ছাড়াইয়া লইলেন]

হেলেন । [গদগদস্ববে] “বাবা”—[নতজানু হইলেন ।]

সেলুকস । ওকি !—না না ওই—তোর কিছু অজ্ঞায় হয় নি ।
আমার অজ্ঞায় । আমি ক্রোধবশে “যাও !” ব'লেছি । আমি তোর
উপর এত কড় যে কখন হ'তে পারি—তা ভাবিনি । ওই—[হস্ত
ধরিয়া উঠাইয়া] আমায় ক্ষমা কর হেলেন !

হেলেন । সঁ কি বাবা ! [তাঁহার গলদেশ জড়াইয়া ধরিলেন]

সেলুকস । [হেলেনকে বাহবেষ্টন করিয়া] মাতৃহারা কণ্ঠা আমার !

দ্বিতীয় অঙ্ক ।]

চন্দ্রশুভ ।

[প্রথম দৃশ্য ।

হেলেন । কে বলে আমি মাতৃহারা । এই যে আমার মা ।
শুধু বাপ হ'লে কি এত আঁদার কর্তে পার্তাম ।

সেলুকস । কৈ তুমি আঁদার কর ।

হেলেন । আবদার করি না ?—ও বাবা !

সেলুকস । তুমি ত আমার কাছে কিছু চাও না !—কেন চাওনা
হেলেন ?

হেলেন । না চাইতেই ত সব পেয়েছি । আমার কিসের
অভাব বাবা ?

সেলুকস । মহার্ঘ পরিচ্ছদ—অমূল্য অলঙ্কার—

হেলেন । আছে ত সবই ।

সেলুকস । তবে পর না কেন ?

হেলেন । প'র্লে আপনি সন্তুষ্ট হন ? আচ্ছা, এখন থেকে প'র্ক ।

সেলুকস । হাঁ পো'রো !—আর দেখ !—আমি এখন একবার
সৈন্যধ্যক্ষের শিবিরে যাবো । তুমি ঘুমোওগে যাও ।—ধাত্রী !

হেলেন । যাচ্ছি বাবা ! আমি আর এখন খুকিটি নই; যে সন্ধ্যা
না হ'তেই ধাত্রী এসে আমার ঘুম পাড়াবে !

সেলুকস । কিন্তু তুমি অত্যন্ত রাত্রি জেগে পড় ! পড়ে' পড়ে'
তোমার রং মলিন হ'য়ে যাচ্ছে ! অত প'ড়োনা ।

হেলেন । [স্বহাস্তে] আচ্ছা বাবা—এখন থেকে একটু মৌলিক হব ।

সেলুকস চলিয়া গেলেন । হেলেন ক্রণেক পাদচারণ করিয়া একখানি
পুস্তক লইয়া বসিয়া পাঠ করিতে লাগিলেন ; পরে 'পুস্তক রাখিয়া
কহিলেন—“স্বর্ঘ্য অন্তে যাচ্ছে ! আজ সিদ্ধনদতীরে সেদিনকার
৩৪]

দ্বিতীয় অঙ্ক ।]

চন্দ্রশুপ্ত ।

[প্রথম দৃশ্য ।

সেই গরিমাময় সূর্যাস্ত মনে পড়ে ! কোথায় সেই রবিকরোজ্জল ভারত, কোথায় এই কুজ্বাটিকারত আফগনিস্থান ! [পুনরায় পাঠ]—
সেই মগধের রাজপুত্র—আমি সংস্কৃত শিখবো । শুনেছি সংস্কৃত ভাষা
ভাবুকতা, কবিত্ব, জ্ঞানের ধনি । [পাঠ]—কে ? [কিরিয়া চাহিয়া]
ও !—আন্টিগোনস্ !

[আন্টিগোনসের প্রবেশ]

আন্টিগোনস্ । হাঁ আমি হেলেন ।

হেলেন । [উঠিয়া] পিতা গৃহে নাই ।

আন্টিগোনস্ । তা জানি ।

হেলেন । তবে তুমি এখানে—অকস্মাৎ ?

আন্টিগোনস্ । আমার আগমন কি তোমার কাছে এতই
অপ্রীতিকর ?

হেলেন । আমি তা ত বলি নাই ।

আন্টিগোনস্ । কি কপট জাতি ! মনের কথা এখনও, এত
দিনেও, জাস্তে, পার্লাম না । ‘আমি তা ত বলি নাই’—কি সুন্দর
উত্তর ! ‘বলি নাই’ বটে—কিন্তু আমার আগমন প্রীতিকর কি
অপ্রীতিকর তা ব’লুতে কোন বাধা আছে কি ?

হেলেন । বলে’ লাভ কি ?

আন্টিগোনস্ । লোকসানই বা কি ?—বলে’ তোমার লাভ না
ধাক্তে পারে,—শুনে আমার লাভ আছে ।

হেলেন । কি লাভ ?

আন্টিগোনস্ । লাভ এই যে ঐ উত্তরের উপর আমার ভবিষ্যৎ

দ্বিতীয় অঙ্ক ।]

চন্দ্রশুপ্ত ।

[প্রথম দৃশ্য ।

নির্ভর কর্ছে ।—শোন হেলেন, আমি এই শেষবার জিজ্ঞাসা কর্তে এসেছি ।

হেলেন । কি ?

আন্টিগোনস্ । আমি অশ্রুজলে জাহ্নু পেতে ভিক্ষা চেয়েছি—
পাই নাই । ক্রোধ-কম্পিত স্বরে দাবী ক'রেছি—পাই নাই !
আজ সহজ, সরল, শুদ্ধ ভাষায়, একবার জিজ্ঞাসা কর্তে এসেছি—
এর মধ্যে ক্রোধ নাই, কাকুতি নাই ।—তুমি আমার বিবাহ কর্কে
কি না ?

হেলেন ! আমার পিতার স্বন্ধের উপর যে ঋণ তোলে তা'কে
আমি বিবাহ কর্তে পারি না ।

আন্টিগোনস্ । সেই এক কথা !—তা'র কারণ তুমিই না হেলেন ?
তা'র পূর্বে তোমার কাছে আমি এ প্রস্তাব করি, তুমি ব'লেছিলে—
পিতার মতেই তোমার মত ! পরে তোমার পিতাকে জিজ্ঞাসা করি ।
তিনি ব্যঙ্গভরে ব'ল্লেন যে যার জন্মের ঠিক নাই, তার সঙ্গে সেলুকসের
কন্যার বিবাহ অসম্ভব ।

হেলেন । তিনি সেনাপতি, আর তুমি একজন সামান্য
সৈন্যাধ্যক্ষ ।

আন্টিগোনস্ । তা'র জন্য নয় হেলেন । তিনি আমার জন্ম নিয়ে
ব্যঙ্গ ক'রেছিলেন । সেই ব্যঙ্গের জালায় আমি ক্ষিপ্ত হ'য়ে তাঁর উপর
খড়গ তুলেছিলাম—আমায় ক্ষমা কর হেলেন ।

হেলেন । যদি বা ক্ষমা কর্তে পারি, বিবাহ কর্তে পারি না ।

আন্টিগোনস্ । কেন ?

দ্বিতীয় অঙ্ক ।]

চন্দ্রশুভ ।

[প্রথম দৃশ্য ।

হেলেন । রাজকন্যা কোন প্রকার কাছে কৈফিয়ৎ দিতে বাধ্য নয় ।

আণ্টিগোনস্ । এত গর্ব !

হেলেন । না, আমি একথা প্রত্যাহার করছি ! তা'র পরিবর্তে এই কথা ব'লেই যথেষ্ট হবে বোধ হয় যে, কোন কুমারী বিবাহসম্বন্ধে তা'র মতামতের কোন কারণ ব্যক্ত কর্তে বাধ্য নয় ।

আণ্টিগোনস্ । আমি কারণ চাহিনা, আমি উত্তর চাই ।—তুমি আমায় বিবাহ কর্বে কি না ?

হেলেন । একি ! হঠাৎ এত রুদ্ধ স্বর ?

আণ্টিগোনস্ । উত্তর চাই । বিবাহ কর্বে কিনা ?—বল ।
[হাত ধরিলেন]

হেলেন । আণ্টিগোনস্ !—হাত ছাড় কাপুরুষ ।—গ্রীক তুমি !

আণ্টিগোনস্ । আমি প্রণয়ী ।—সহজ সরল উত্তর দাও—
বিবাহ কর্বে কি না ?

হেলেন । তোমাকে বিবাহ করার চেয়ে এক দুর্গন্ধ গলিত কুষ্ঠ-রোগীকে বিবাহ কর্তে প্রস্তুত আছি । অধম ! [সজোরে হাত ছাড়াইয়া গেলেন] চল' যাও এখান থেকে ।

আণ্টিগোনস্ । উত্তম !—যাচ্ছি । [তাহার পরে চলিয়া যাইতে যাইতে পুনরায় ফিরিলেন] যাবার সময় এক কথা ব'লে' যাই, হেলেন ।

হেলেন । বল “রাজকন্যা” । আমার নাম ধরে' ডাক্‌বার তোমার অধিকার নাই । একজন সামান্য সৈনিক—যাকে ইচ্ছা কলে' কীটের মত চরণে দলিত কর্তে পারি—করি না, কারণ সে অতি

দ্বিতীয় অঙ্ক ।]

চন্দ্রগুপ্ত ।

[প্রথম দৃশ্য ।

অধম,—সে এসিয়ার সম্রাট সেলুকসের কন্ঠার অঙ্গস্পর্শ করে।
—এতদূর স্পর্ধা !

আণ্ডিগোনস্ । উত্তম ! এর উত্তর আর একদিন দিব !—
দেখি চাকা ঘোরে কি না ।

এই বলিয়া আণ্ডিগোনস্ চলিয়া যাইতেছিলেন, এমন সময়

দেখিলেন যে তাঁহার সম্মুখে সেলুকস দণ্ডায়মান ।

সেলুকস । আবার নিভুতে সাক্ষাৎ !

হেলেন । [কম্পিত স্বরে] পিতা !—আপনার কন্ঠার গায়ে
হস্তক্ষেপ করে এমন বর্বর কাপুরুষ গ্রীক আপনার সৈন্যাধ্যক্ষ ?

সেলুকস । সে কি ?—সত্য কথা আণ্ডিগোনস্ ?

আণ্ডিগোনস্ । সত্য কথা ।—আমার অপরাধ হ'য়েছে ।

সেলুকস । হ' !—আণ্ডিগোনস্ ! সেকেন্দার সাহার আজায় তুমি
নির্বাসিত হ'য়েছিলে । আমি তা সবেও তোমাকে আমার সৈন্যাধ্যক্ষ
ক'রেছিলাম । তা'র এই প্রতিদান !—সৈনিকগণ !

[দুইজন সৈনিকের প্রবেশ]

সেলুকস । বন্দী কর । [সৈনিকগণ আণ্ডিগোনস্কে বন্দী করিল]

সেলুকস । তোমার শাস্তি মৃত্যু—নিয়ে যাও বধ্যভূমিতে । এই মুহূর্তে !

সৈনিকগণ আণ্ডিগোনস্কে লইয়া যাইতে উত্তত হইলে, হেলেন
সৈনিকগণকে কহিলেন—“দাঁড়াও” ; পরে সেলুকসকে কহিলেন
“পিতা !—এবার এ'কে ছেড়ে দিন ।—”

সেলুকস । না ! এতদূর স্পর্ধা !

হেলেন । পদচ্যুত করুন ।

৩৮]

সেলুকস । সে শান্তি যথেষ্ট নয় ।

হেলেন । রাজ্য থেকে নির্বাসিত করুন । মৃত্যু দণ্ড দিবেন না ।

সেলুকস । না হেলেন—অসম্ভব ।

হেলেন । আর্টিগোনস্ বীর । তিনি অপরাধ স্বীকার কর্ছেন ।

এইবার—এই শেষবার তাঁকে ক্ষমা করুন । তাঁকে নির্বাসিত করুন ।

আর্টিগোনস্ । আমি সেলুকসের ক্ষমার প্রার্থী নই ।—সেলুকস !

আমার অপরাধ হ'য়েছে, স্বীকার করছি । অপরাধের দণ্ড দাও । আমি তোমার মার্জনা চাই না ।

হেলেন । আমি চাচ্ছি,—বাবা !—

সেলুকস । না হেলেন—

হেলেন । [জাহ্নু পাতিয়া বসিয়া যুক্তকরে] বাবা !—

সেলুকস । আচ্ছা, এবার তোমার মার্জনা করলাম আর্টিগোনস্—

যাও । কিন্তু আমার সাম্রাজ্যে আর যদি কখন পদার্পণ কর, ত
তোমার শাস্তি মৃত্যু ।—যুক্ত কর ।

সৈনিকগণ তাঁহাকে যুক্ত করিল । আর্টিগোনস্ ধীরে ধীরে চলিয়া
গেলেন* ।

হেলেন । জানি বাবা, আপনি যুক্ত করে' দেবেন ।

সেলুকস । তোর যুক্তকরের কাছে যে সকল যুক্তি হার মানে
হেলেন ! আমার বুড়োবয়সের মা হ'য়ে খুব হকুমটা চাগিয়ে নিলি যা হোক ।

হেলেন । [সহাস্ত্রে] এ বিষয়ে খেমিষ্টক্লিস কি বলেন বাবা !

সেলুকস । কিছু বলেন না । তুমি অত্যন্ত অবাধ্য !—যাও ।

[প্রস্থান] ।

দ্বিতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

হেলেন দ্রুত পাদচারণ করিতে লাগিলেন । পরে বলিলেন—
“পিতা ! আপনার ইচ্ছাই আমার ইচ্ছা—আপনার অগাধ স্নেহের
বিনিময়ে আর কি দিতে পারি !—আপনার স্বন্ধের উপর যে ঝড়
তোলে, তাকে আপনার কথা কখন বিবাহ কর্বে না । না,
আন্টিগোনস্কেও নয় !

দ্বিতীয় দৃশ্য ।

স্থান—যুদ্ধক্ষেত্রে চাণক্যের শিবির । কাল—রাত্রি ।

মূরা ও চাণক্য ।

মূরা । কাল যুদ্ধ ?

চাণক্য । কাল যুদ্ধ ।

মূরা । চন্দ্রগুপ্ত আক্রমণ কর্বে ?

চাণক্য । হাঁ মূরা । তা ত সমস্ত দিনে একশ একবার ব'লেছি ।
আবার সেই কথা এত রাত্রে জিজ্ঞাসা কর্তে এসেছো কেন !

মূরা । স্থির হ'তে পারি'না গুরুদেব !—না গুরুদেব, এ যুদ্ধে কাজ
নাই ।

চাণক্য । [সাস্চার্য্য] মূরা ।

মূরা । চন্দ্রগুপ্ত আমার পুত্র ; আর নন্দ—সেও আমার পুত্র ।
চন্দ্রগুপ্ত আর নন্দ—এক বৃন্তে দুটি ফুল । আমার হৃদয় আকাশের
৪০]

দ্বিতীয় অঙ্ক।]

চন্দ্রগুপ্ত।

[দ্বিতীয় দৃশ্য।

স্বর্ঘ্য চন্দ্র। তাদের সংঘাতে যে আকাশ চূর্ণ হ'য়ে যাবে।—না গুরুদেব, কাজ নাই। চন্দ্রগুপ্ত আমার পথের ভিখারী হোক। বিবাদে কাজ নাই।

চাণক্য। নারী! সশ্রুখে কালের সংহারমুর্তি। দেখছ না আকাশ কি স্থির!—রুদ্ধখাসে সে যেন এক ঝটিকার অপেক্ষা করছে। সব প্রস্তুত। এখন নারীর কাকুতি শোনবার সময় নয়। শিবিরে যাও।

মুরা। নারীর কাকুতি! এতই অবজ্ঞেয় নারী! গুরুদেব আপনি কি বুঝবেন এ বন্ধে কি ঝড় বৈছে;—আমি কতখানি সহ্য করছি, তা আপনি কি বুঝবেন গুরুদেব?

চাণক্য। আর তুমি কি বুঝবে নারী,—লুপ্ত গৌরবের দীন মহিমা যার রুদ্ধ আবেগ কারাগারের লৌহদ্বারে মাথা খুঁড়ে, নিজেই রক্তাক্ত হ'য়ে ভুলুঙিত হয়। তুমি কি বুঝবে নারী—এ প্রতিহিংসার জ্বালা, এ মর্ষদাহ—যাও, বিরক্ত কোরো না। শিবিরে যাও।—এ মুহূর্ত অনিবার্য।

মুরা। কিন্তু গুরুদেব!—

চাণক্য। [কঠোর স্বরে] যাও।

[সভয়ে মুরার প্রস্থান]।

চাণক্য একাকী পাদচারণ করিতে লাগিলেন।

চাণক্য। শূকরের মুখ, উর্গনাভের স্বক, শবদাহের গন্ধ, এরঙের আশ্বাদ, আর গর্দভের চীৎকার,—একসঙ্গে কড়ায় চড়িয়েছি। দোষ কি দাঁড়ায়। মৃতন রকম ব্যঞ্জন একটা কিছু তৈয়ারি হবেই নিশ্চয়।

দ্বিতীয় অঙ্ক ।]

চন্দ্রগুপ্ত ।

[দ্বিতীয় দৃষ্ট ।

—হে অদ্বৈত মহাশক্তি ! কি মধুর পুতিগন্ধময় ভাগাড়ের মাঝখান দিয়ে আমার হাত ধরে' নিয়ে চলেছ । বলিহারি ! [বাহিরের দিকে চাহিয়া]
উঃ ! বাহিরে শিশির-বিন্দুগুলো জলুছে দেখ, যেন এক একটা ফুলিক !
আকাশ দাউ দাউ করে' পুড়ে' যাচ্ছে । আর আমি এই অগ্নির প্রদাহে
গা ঢেলে দিয়েছি । পুড়ে' যাচ্ছি না—শুধু ব্রহ্মতেজে বোধ হয় । [হাস্ত]
না, এই কলিযুগেতেও একবার ব্রাহ্মণের প্রতাপ দেখাতে হবে ।—না
প্রায়সী ? ঐ দীর্ঘ দন্তে হেসে, রুক্ষ মাথা নেড়ে ব'লুছ "হাঁ" ।—ওনেছি ।
—কি কদর্য তুমি, হে সুল্লরি ! তোমার প্রেমে শেষে পাগল না হ'য়ে
বাই ।—কে ! কাত্যায়ন ?

কাত্যায়নের প্রবেশ ।

কাত্যায়ন । হাঁ আমি, চাণক্য ।

চাণক্য । এত রাত্রে !

কাত্যায়ন । সংবাদ আছে ।

চাণক্য । কি !—

কাত্যায়ন । নন্দের বৃদ্ধ মন্ত্রী এসেছিলেন ।

চাণক্য । [সাগ্রহে] এসেছিলেন নাকি !—তার পর !

কাত্যায়ন । তিনি সন্ধির কথা ব'ল্লেন ।

চাণক্য । কি ব'ল্লেন !

কাত্যায়ন । অনেক বাজে কথার পর তিনি ব'ল্লেন এই ভাইয়ে
ভাইয়ে বিবাদ কেন ! রাজ্য সমান ভাগ করে' নিলেই ত হয় । নন্দ
অবোধ ছোট ভাই । যা করে' ফেলেছে, বড় ভাইয়ের কাছে তা'র কি
মার্জনা নাই ?

দ্বিতীয় অঙ্ক ।]

চন্দ্রশুভ্র ।

[দ্বিতীয় দৃশ্য ।

চাণক্য । [সর্কোত্বেলে] বটে ! বটে !—চন্দ্রশুভ্র সেখানে ছিল ?

কাত্যায়ন । ছিল ।

চাণক্য । বিচক্ষণ এই মহাত্মা !—চন্দ্রশুভ্র কিছুর ব'লেছিল ?

কাত্যায়ন । না ।

চাণক্য । তুমি কিছুর ব'লেছিলে ?

কাত্যায়ন । আগি ব'লেছিলাম যে তোমার পরামর্শ নিয়ে তা'র পরে বলে' পাঠাবো ।

চাণক্য । তাঁকে আমার কাছে নিয়ে এলে না কেন ?

কাত্যায়ন । তিনি স্বীকৃত হ'লেন না ।

চাণক্য । খাসা ঠাল চেলেছে' । পরাজয় অনিবার্য দেখে—হ' !
[চিন্তা] ।

কাত্যায়ন । তুমি কি বল ?

চাণক্য । কিছু না !—

“মনুসা চিন্তিতং কস্মৈ বচসা ন প্রকাশয়েৎ ।”

কাত্যায়ন । কিন্তু আমি তোমার মিত্র ।

চাণক্য । পণ্ডিত চাণক্য বলেন—“ন মিত্রেপ্যতি বিশ্বসেৎ ।”
তোমাকে এখনও বলবার সময় হয় নি ।—তবে সন্ধি হবে না ।

কাত্যায়ন । কেন ?

চাণক্য । তুমি এখন শিবিরে যাও । আমি একবার প্রেয়সীর সঙ্গে পরামর্শ কর্তে চাই ।

কাত্যায়ন । প্রেয়সী কে ?

দ্বিতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । জান না ? [হাস্ত] আমার একজন গণিকা আছে ।
কাত্যায়ন । তোমার গণিকা !

চাণক্য উচ্চহাস্ত করিলেন । কাত্যায়ন মুখব্যাদান করিয়া, তাঁহার
পানে চাহিয়া রহিলেন ।

চাণক্য । তুমি নন্দের এই মন্ত্রীকে জান ?

কাত্যায়ন । জানি বৈকি । শৈশবে তিনি আর আমি একত্রে
শাস্ত্র-পাঠ ক'রেছিলাম । মনোবিজ্ঞানে তাঁর অসীম মেধা ছিল ।
তিনি কেবল দ্বিবারাত্র সাংখ্য প'ড়তেন ।

চাণক্য । আর তুমি বুছি পাণিনি মুখস্থ কর্তে ।

কাত্যায়ন । কি ! তুমি হাসছো য়ে ! পাণিনি ব্যাকরণের এক-
একটি সূত্র এক একটি গুঢ়তত্ত্বকথা ! এই ধর—

চাণক্য । এই মাটি ক'রেছে ।—ধামো ! পাণিনি শুন্বার আমার
অবকাশ নাই । ব্যাকরণে হবেনা ।

কাত্যায়ন । পাণনিকে তুমি তুচ্ছ করছ ? তুমি জান যে—

চাণক্য । নন্দ তোমায় কারারুদ্ধ ক'রেছিলেন কেন, তা আমি
এখন কতক বুঝতে পারছি ।

কাত্যায়ন । কেন ?

চাণক্য । তোমার এই পাণিনির জালায় । তুমি বসে' পাণিনি
আওড়াচ্ছই, আওড়াচ্ছই । রাজ্যে মড়ক এলো—পাণিনি । বুদ্ধ হোল—
পাণিনি । অতিবৃষ্টি হোল—পাণিনি । অনাবৃষ্টি—পাণিনি । মহারানীর
সঙ্গে মহারাজের কলহ—পাণিনি । আমি শুনেছি রাজা নন্দ শেষে
তোমার পাণিনির জালায় অস্থির ।

দ্বিতীয় অঙ্ক ।]

চন্দ্রশুপ্ত ।

[দ্বিতীয় দৃশ্য ।

কাত্যায়ন । অস্থির কি রকম ।

চাণক্য । শুনেছি যে তোমার পাণিনির জ্ঞানায় রাজার শেষে শূল
বেদনা ধ'ল্ল' ; মাথা ঘুটে অরু ক'ল্ল' ; খয়ে ঢেকুর উঠ'তে লাগলো ।
তিনি শেষে নিরুপায় হ'য়ে তোমায় কারারুদ্ধ কর্তে বাধ্য হ'লেন ।—
পাণিনি ঐ ভুল ক'রেছিলেন ।

কাত্যায়ন । কি ভুল ।

চাণক্য । অতবড় একখানা ব্যাকরণ লেখা, যা কোন ভদ্রলোকে
যুগ্ম কর্তে পারে না ।

কাত্যায়ন । হুঃখের বিষয় তুমি কিছু জ্ঞান না । পাণিনির
সূত্রগুলি—

চাণক্য । চমৎকার ! তুমি শিবিরে যাও ।—দেখ চন্দ্রকেতু
কোথায় ।

কাত্যায়ন । চন্দ্রশুপ্তের শিবিরে ।

চাণক্য । বেশ সোজা কথা । তোমার পাণিনির কোন সূত্রে
একথা বাহির করে' দিতে পার্ত' ।

কাত্যায়ন । পাণিনি অমন ভুচ্ছ বিষয় নিয়ে মাথা ঘোরান নি ।

চাণক্য । যাও । একবার চন্দ্রকেতুকে আমার শিবিরে পাঠিয়ে
দাও ।

কাত্যায়ন । দিচ্ছি । কিন্তু পাণিনি—

চাণক্য । আবার পাণিনি ! যুদ্ধক্ষেত্রে এসে হুপুর রাত্রে পাণিনি
শুনবার সময় নয় । তাকে পাঠিয়ে দাও । বিশেষ দরকার ।

কাত্যায়ন । 'পাণিনির সূত্র কিন্তু—

দ্বিতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । নরকে যাক্ পাণিনি ও তার স্ত্র । যাও—

কাত্যায়ন । পাণিনি শুদ্ধ ব্যাকরণ লোকের এইই বিশ্বাস ।—
মূৰ্খ জগৎ !—পাণিনির মধ্যে বেদান্তসার—

চাণক্য । যাও কাত্যায়ন । ক্ষেপিও না । যাও ব'লছি ।

কাত্যায়ন । যাচ্ছি । [যাইতে যাইতে] কিন্তু তুমি 'পাণিনির
অপমান কলে' । [হুঃখিত ভাবে প্রশ্নান] ।

চাণক্য । নেহাইৎ গোবেচারি ! কেবল প্রবৃত্তির উপর কাজ
করে' যায় । কিছু বোঝে না ।—প্রেয়সী ! কি বল ! নন্দের মন্ত্রী
একটা চাল চলেছে, না ? পরাজয় অনিবার্য দেখে—খাসা চাল ।
নৈলে আর কি চালবে । আমি লক্ষ্য ক'রেছি—তুমিও জান দেখছি ।
ঠিক ষোণ বুঝে কোপ্ মেরেছে !—কিন্তু মন্ত্রী !" চাণক্যের সঙ্গে পার্কে
না । তুমি আমার কিঞ্চিৎ সতর্ক করে' দিলে, এই মাত্র ।

চন্দ্রকেতুর প্রবেশ ও প্রণাম ।

চাণক্য । জয়োস্ত !—তোমার একবার ডেকে পাঠিয়েছিলাম ।

চন্দ্রকেতু । আজ্ঞা করুন ।

চাণক্য । কাল সুদ্ধ । বুद्धে আমাদের জয় নিশ্চিত, 'যদি তোমরা
প্রাণ তুচ্ছ করে' যুদ্ধ কর ।

চন্দ্রকেতু । যদি প্রাণ তুচ্ছ করে' যুদ্ধ করি—একথা আপনি
ব'ল'ছেন কেন গুরুদেব ! আমার অবিশ্বাস করেন ?

চাণক্য । না ।

চন্দ্রকেতু । তবে ।

চাণক্য । চন্দ্রগুপ্তকে সম্পূর্ণ বিশ্বাস করি না ।

দ্বিতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

চন্দ্রকেতু । সে কি গুরুদেব ।

চাণক্য । আমি লক্ষ্য করেছি যে, উচ্চাশার চেয়ে বলবতী একটা প্রবৃত্তি তা'র পিছনে উকি মাচ্ছে । আমি দেখেছি যে দেখতে দেখতে তা'র দীপ্ত মুখখানি সহসা মেঘে আচ্ছন্ন হ'য়ে যায় ; দুই এক গশলা বৃষ্টিও হ'য়ে যায় । তা'র শৌর্য্য দুর্জয়, যদি এই প্রবৃত্তির সঙ্গে তা'র সম্বাত না হয় ।—সাবধান !

চন্দ্রকেতু । কি আজ্ঞা করেন ?

চাণক্য । কাল যুদ্ধ । সে পর্য্যন্ত তুমি সর্বদা তা'র পার্শ্বে থেকে 'তা'কে ব্যাপৃত রাখবে । একাকী থাকতে দেবে না । আর যুদ্ধের সময়েও তা'র পার্শ্ব ত্যাগ করোনা ।

চন্দ্রকেতু । যে আজ্ঞা ।

চাণক্য । আমি আর মূরা ঐ পর্কতের নীচে সেতুপার্শ্বে তোমাদের বিজয়বার্তা প্রতীক্ষা করব ।

চন্দ্রকেতু । যে আজ্ঞা ।

চাণক্য । যীও !—[চন্দ্রকেতু যাইতে উদ্ভূত] আর দেখ ।

চন্দ্রকেতু ফিরিলেন ।

চাণক্য । চন্দ্রগুপ্ত ঘুমিয়েছে ?

চন্দ্রকেতু । হাঁ গুরুদেব ।

চাণক্য । একবার—না জাগিও না । ঘুমোও । তবে মূরাকে—না আজ রাত্রে কোন প্রয়োজন নাই । কাল তুমি প্রত্যুষে উঠবে । চন্দ্রগুপ্তকে ওঠাবে । মূরা জাগ্রত হবার পূর্বে বুদ্ধযাত্রা করবে—তুমি আর চন্দ্রগুপ্ত ।

দ্বিতীয় অঙ্ক ।]

চন্দ্রগুপ্ত ।

[তৃতীয় দৃশ্য ।

চন্দ্রকেতু । যে আজ্ঞা ।

চাণক্য । যাও ।

[চন্দ্রকেতু চলিয়া গেলেন] ।

চাণক্য । উদার যুবক ! আবার !—না প্রেয়সী ! হঠাৎ মুখ দিয়ে
ঝেরিয়ে গিয়েছিল ।—নির্বোধ যুবক ! পরের জন্য সর্বস্ব পণ করে'
বসে' আছ ! চন্দ্রগুপ্ত তোমার কে !—মূর্থ !

[প্রস্থান] ।

তৃতীয় দৃশ্য ।

স্থান—হিরাটের প্রাসাদ । কাল—প্রভাত ।

আন্টিগোনস্ ও বন্দী অবস্থায় সেলুকস দণ্ডায়মান ।

আন্টিগোনস্ । সেলুকস ! তুমি আজ আমার বন্দী !

সেলুকস । জানি আন্টিগোনস্ ।

আন্টিগোনস্ । আজ তোমার সে দস্ত কোথায় সন্নাট ?

সেলুকস । দস্ত কখন করি নাই । যুদ্ধে জয় পরাজয় আছেই ।

অনেক যুদ্ধে জয়ী হ'য়েছি । আজ তোমার হস্তে পরাজিত হ'য়েছি !

আবার যদি যুদ্ধ হয়—

আন্টিগোনস্ । আর যুদ্ধ হবেনা সেলুকস ! এই শেষ যুদ্ধ ।

সেলুকস । শেষ যুদ্ধ ।—তুমি আমায় হত্যা কর্কে না ?

আণ্ডিগোনস্ । না, হত্যা কর্ব না ।

সেলুকস । তবে কি কর্তে চাও ?—আণ্ডিগোনস্ । এ কি ! তোমার চক্ষে একটা হি স্র জালা দেখছি । মুখ পাণ্ডবর্ণ হ'য়ে গিয়েছে ! দস্তে দস্তে ঘর্ষণ কর্ছ ! তুমি যেন মনে মনে একটা পৈশাচিক সঙ্কল্প আঁটছো ; আবার তারই ভীষণ আকার দেখে নিজেই শিউরে উঠছো !

আণ্ডিগোনস্ । না, আমি তোমায় হত্যা কর্ব না ।

সেলুকস । বার বার সে কথা উচ্চারণ কর্ছ কেন আণ্ডিগোনস্ ?

আণ্ডিগোনস্ । আমরা সুসভ্য গ্রীকজাতি । যুদ্ধে পরস্পরের বক্ষে ছুরি বসাই, হি স্র বাঘের মত পরস্পরের টুঁটি কামড়ে ধরি । যুদ্ধের পর শত্রুকে চিরাক্ষ কীরাত্মহে আজীবন বদ্ধ করে' রাখি । কিঙ্ক হত্যা করি না তোমায় সেই চিরাক্ষকার কারাগারে রেখে দেবো । হত্যা কর্ব না । ভয় নাই ।

সেলুকস । না আণ্ডিগোনস্ ! বরং আমার একেবারে হত্যা কর । তিলে তিলে বধ কোরো না ।

আণ্ডিগোনস্ । না আমরা যে সভ্য গ্রীক । তোমায় আজীবন বন্দী করে' রাখবো । এমন কক্ষে বদ্ধ করে' রাখবো যেখানে সূর্যের আলোক ভয়ে প্রবেশ করে না, বাতাস প্রত্যাহত হ'য়ে ফিরে আসে ।—হত্যা কর্ব না ।—সেলুকস ! আমি শৈশবে পিতৃহীন । দাক্ষিণ্যের দ্বারে ভিক্ষুক করে' জঁহর আমাকে বিধে ছেড়ে দিয়েছিলেন । দারিদ্র্যের কঠোর বাঁধা ঠেলে নিজের শৌর্য্য ও দক্ষতার সৈন্যাধ্যক্ষ হ'য়েছিলাম—সে কি আমার লজ্জার কথা ?

সেলুকস । আমি তা কখন বলি নাই ।

অক্টিগোনস্ । না!—তথাপি সংসারের এরূপ অবিচার, যে আমার পিতা কে আমি তা'র সংবাদ ত'াকে দিতে পারি নাই বলে' সে আমাকে জারজ বলে' ঘৃণা করে' দূরে দূরে রাখে । আমার পিতা কে তা আমি জানি না ; কিন্তু বোধ হয় তোমারই মত তাঁ'র মানুষেরই চেহারা ছিল । —জারজ ! আমার জন্মের জন্য আমি দায়ী নহি, আমার কার্যের জন্য আমি দায়ী । আমাকে কখন একটা নীচ কাজ কর্তে দেখেছো ?

সেলুকস । না ।

অক্টিগোনস্ । তবে ।—না, এখন আর তোমার প্রশংসার মূল্য কি ? এখন তোমাকে অধম টিয়াপাখীটির মত যা বলাবো তাই ব'লবে ।—এই যে সেলুকসের কন্ডা ।

বন্দীভাবে সগ্রহরী হেলেনের প্রবেশ ।

হেলেন । এট বে বাবা ।—বাবা ! বাবা !—[সেলুকসের বক্ষে গিয়া মুখ লুকাইলেন ।]

সেলুকস । হেলেন ! কন্যা আমার !

[তাঁহার গলদেশে জড়াইয়া ধরিলেন] ।

অক্টিগোনস্ । সাদর সম্ভাষণ শেষ হ'য়েছে সম্রাট্ ?—না হ'য়ে থাকে, শেষ করে' নাও । আমি অপেক্ষা করছি । এত নিষ্ঠুর আমি নই ।—এই তোমাদের শেষ সাক্ষাৎ ।

হেলেন । শেষ সাক্ষাৎ ?

অক্টিগোনস্ । হাঁ রাজকন্যা ! তোমার পিতাকে দণ্ড দিয়েছি—
আজীবন চিরাক্ষকারাগারে বাস ।

দ্বিতীয় অঙ্ক ।]

চন্দ্রশেখর ।

[তৃতীয় দৃশ্য ।

হেলেন । যে আজ্ঞা বিচারকর্তা ।

আন্টিগোনস্ । তোমার কিছু বলবার আছে ?

হেলেন । আমার ?—কিছু না । বীরের প্রতি বীরের আচরণ—বীরের বিচার্য্য । বন্দীর প্রতি জয়ীর ব্যবহার—জয়ীর অভিক্রুটি । আমার কি ! অনধিকার চর্চা আমি করি না ।

আন্টিগোনস্ । এইমাত্র !—সেলুকস্ । তোমার কন্যা অতি পিতৃভক্ত দেখতে পাচ্ছি ।

হেলেন । আন্টিগোনস্ ! তোমার রাজ্য সম্বন্ধে তুমি কথা কও । পিতার প্রতি কন্যার স্নেহ—কন্যার বিচার্য্য । তোমার নয় ।

আন্টিগোনস্ । এখনও গর্ব্বে !

হেলেন । জানি আন্টিগোনস্, তুমি আমায় এখানে কেন এনেছো । কিন্তু এ বামনের চাঁদে হাত । পাবে না ।—তুমি এখন জয়ী , একটা রাজ্যের অধিপতি । সেখানে তুমি যা ইচ্ছা তাই কর্তে পাবে । কিন্তু আমারও একটা রাজ্য আছে । সে রাজ্যের অধীশ্বরী আমি । সে রাজ্যে তোমার প্রবেশের অধিকার নাই ।—যা'ন পিতা, আপনি বীর ! যদি বীরের প্রতি বীরের এই যোগ্য ব্যবহার হয়, যা'ন আপনি অন্ধকার কারাগৃহে । আমিও যাই । আমাদের এই জন্মের মত বিচ্ছেদ । পিতা ! বিদায় দেন ।—এ কি বাবা ! মাথা হেঁট করে' রৈলেন যে !

সেলুকস্ । হেলেন !—না ।—তাই হোক ।

হেলেন । পিতা ! এ বিচ্ছেদে আমাদের উভয়ের দুঃখ সমান । আপনিও চক্ষে যেন অন্ধকার দেখবেন, আমিও চক্ষে সেই অন্ধকার

দ্বিতীয় অঙ্ক ।]

চন্দ্রগুপ্ত ।

[তৃতীয় দৃশ্য ।

দেখবো । আপনিও পুরুষের মত সহ্য করুন, আমিও নারীর মত সহ্য করব । কিসের ভয় !—এই আর্টিগোনস্ আমাদের উপর চোখ রাঙাবে ?—

আর্টিগোনস্ । হেলেন ! কেন আমার প্রতি বিরূপ হ'চ্ছ !—
আমায় বিবাহ কর ! আমি তোমার পিতার ক্রীতদাস হ'য়ে থাকবো ।
তাকেই আবার এই সিংহাসনে বসাবো । হেলেন ! প্রসন্ন হও, এই সিংহাসন ছেড়ে দিচ্ছি ।

হেলেন । [সব্যঙ্গহাস্তে] মূর্খ ! প্রলোভন দেখিয়ে নারীর হৃদয় জয় কর্তে চাও ! নারীর ধর্ম—প্রভাত সূর্য্যের চেয়েও যা ভাস্বর, মৃত্যুর চেয়েও যা প্রবল, মাতার স্নেহের চেয়েও যা পবিত্র,—সেই নারী-ধর্ম—তোমার এই ধূলিমুষ্টি দিয়ে ক্রয় কর্তে চাও ! স্পর্ধা বটে !—
বাও, আমি তোমায় ঘৃণা করি !

আর্টিগোনস্ । উত্তম !—সেলুকস ! আর আমার অপরাধ নাই ।
—গ্রহরী ! দুইজনকে দুই অঙ্ককূপে নিক্ষেপ কর ।—নিয়ে যাও !

গ্রহরীদ্বয় সেলুকসকে ও হেলেনকে ধরিল ।

হেলেন । বিদায় দেন বাবা !

সেলুকস । “হেলেন !”—[মস্তক অবনত করিয়া চক্ষু মুছিলেন ।]

হেলেন । এ কি বাবা ! আপনার চক্ষে জল ! বীর আপনি ।
আপনি এই দুঃখভারে ভুয়ে প'ড়ছেন ! তা হ'লে যে পারি না । আমি শিশুকে অনাহারী, বৃদ্ধকে লাজ্বিত, রুগ্নকে পরিত্যক্ত, মৃতদেহকে পদাহত, সব মর্মান্বিত দৃশ্য দেখতে পারি ; কিন্তু আপনার চক্ষে জল যে দেখতে পারি না ।—বাবা ! তবে তাই হোক । আপনার জন্ত আমি
৫২]

দ্বিতীয় অঙ্ক ।]

চন্দ্রগুপ্ত ।

[তৃতীয় দৃশ্য ।

কি না কর্ত্তে পারি বাবা ! স্বচ্ছন্দে নিজেকে বলি দিব । কিন্তু কি কর্ণেন
বাবা ! কি কর্ণেন ! লজ্জায় মাটির ভিতর মাথা লুকোতে ইচ্ছা কর্ণে,
জ্বলে' যাচ্ছি ।—ওঃ !—বাক্ ।—আণ্ডিগোনস্ !—আমি তোমার বিবাহ
কৰ্ণ । আমি তোমার ক্রোতদাসী । [জাহ্নু পাতিলেন] বাবাকে
ছেড়ে দাও ।

সেলুকস । না হেলেন । তা হবে না । তা'র চেয়ে আমি নরকে
যেতে প্রস্তুত । কথামূল্যে যুক্তি ক্রয় কর্ণ না । গ্রীক্ আমি । এ
কর্ণিক দৌৰ্ণল্য ।—চল কারাগারে প্রহরী । যেখানে ইচ্ছা, নিয়ে চল ।
বিদায় দাও কথ্ । [বাহু বেঁটন করিয়া] হেলেন ! হেলেন !

প্রহরীদ্বয় তাঁহাদিগকে পৃথক্ করিল । তাঁহারা প্রহরী কর্ত্তক
কিয়ৎ দূরে নীত হইলে আণ্ডিগোনস্ সিংহাসন হইতে লাফাইয়া
পড়িলেন ; বলিলেন, “দাঁড়াও” ।

প্রহরীরা বন্দীদ্বয়সহ দাঁড়াইল ।

আণ্ডিগোনস্ । সেলুকস ! মুক্ত হুয়ি ।—আমি জারজ হ'লেও, আমি
গ্রীক্ । মহত্ব বুঝি ।—এ শুদ্ধ স্বন্দর নয়, এ স্বর্ণীয় । ফিডিয়াস্ এর চেয়ে
স্বন্দর কিছু কখন কল্পনা কর্ত্তে পারেন নাই । আমি কঠোর । কিন্তু এ
অপূৰ্ণ দৃশ্বে আমার চক্ষেও জল এসেছে ।—মহিমায় !—হেলেন !
আমি তোমার বোধ্য নই । সেলুকস ! এ সিংহাসন তোমার ।—

[প্রস্থান] ।

দ্বিতীয় অঙ্ক ।]

চন্দ্রগুপ্ত ।

[চতুর্থ দৃশ্য ।

চতুর্থ দৃশ্য ।



স্থান—যুদ্ধাঙ্গন । কাল—সন্ধ্যা ।

নারী-শিবিরের সম্মুখে ছায়া ও তাঁহার সঙ্গিনীগণ ।

ছায়া । এই যুদ্ধের ফলাফল জানবার জন্য আমি অধীর হচ্ছি ।
দূর থেকে কেবল যুদ্ধের কোলাহলই শুন্ছি, অথচ যুদ্ধ-পিপাসায় আমার
বুক ফেটে যাচ্ছে ।

১ম সঙ্গিনী । কেন এত যুদ্ধ-তৃষ্ণা রাজকুমারী ?

ছায়া । আমি তাঁকে দেখাতে চাই, যে আমি তাঁর অযোগ্য নই ।

১ম সঙ্গিনী । কার ?

ছায়া । চন্দ্রগুপ্তের ।

২য় সঙ্গিনী । মরেছে !

ছায়া । কেন ?

২য় সঙ্গিনী । চন্দ্রগুপ্তকে ভালোবেসেছো ?

ছায়া । ভালোবেসেছি কি না তা জানি না ; তবে জাগ্রতে নিজায়
তিনিই আমার ধ্যান ।—আমি কাল রাত্রিতে কি স্বপ্ন দেখছিলাম
জানো ?

২য় সঙ্গিনী । না ।

ছায়া । স্বপ্ন দেখছিলাম যেন আমি ক্রমাগত আকাশে উঠে
যাচ্ছি ; আর পদতলে কেবল দুইটি মাত্র জিনিস দেখতে পাচ্ছি—পৃথিবী

দ্বিতীয় অঙ্ক ।]

চন্দ্রগুপ্ত ।

[চতুর্থ দৃশ্য ।

আর চন্দ্রগুপ্ত । পরে আরও উঠে যাচ্ছি—আরও উঠে যাচ্ছি ।
পৃথিবী ক্রমে ক্রমে ছোট হ'য়ে গেল, শেষে আর তাকে দেখা গেল
না । কিন্তু চন্দ্রগুপ্ত সূর্য্যের মত অন্তে লাগলো ।

২য় সঙ্গিনী । বলেছি ত মরেছে—

ছায়া । কিসে ?

২য় সঙ্গিনী । ঐ রোগে ?

ছায়া । কি বোগে !

২য় সঙ্গিনী । ভালোবাসায় ।

ছায়া । তবে যে ব'লে “রোগে !”

২য় সঙ্গিনী । ঐ ত রোগ !

ছায়া । তবে ঐ রোগেই যেন আমি মরি । তার চেয়ে সুখমুখ
আমি চাই না ।

চন্দ্রকেতুর প্রবেশ ।

ছায়া । কি দাদা ! যুদ্ধের সংবাদ ?

চন্দ্রকেতু । আমার অশ্ব হত হ'য়েছে । অশ্ব অশ্ব চাই ।

[প্রস্থানোদ্যত]

ছায়া । যুদ্ধের সংবাদ কি ?

চন্দ্রকেতু । আমাদের পরাজয় ।

ছায়া । পরাজয় !—চন্দ্রগুপ্ত কোথায় দাদা !

চন্দ্রকেতু । বিগ্ন । আমি তাঁর সাহায্যে যাচ্ছি ।

ছায়া । দাঁড়াও আমিও যাবো । আমার অশ্ব প্রস্তুত কর্তে বল ।

চন্দ্রকেতু । উত্তম ।

[প্রস্থান]

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

ছায়া । [সজ্জিনীগণের প্রতি] যাও, তোমরা শিবির রক্ষা কর ।

[সজ্জিনীগণের প্রস্থান ।]

ছায়া । ভগবান্ ! যদি সুযোগ পেয়েছি, যেন কৃতকার্য হই, এই বর দাও । তিনি বিপন্ন ! আমি যেন তাঁর প্রাণরক্ষা কর্তে পারি । তাতে যদি প্রাণ দিতে হয়, তা হ'লে যেন হস্তমুখে প্রাণ দিতে পারি । তিনি যদি তার বিনিময়ে, একবার মুহূর্তের জন্য ভালোবেসে—একবার আমার পানে হেসে চান, তা হ'লেই আমার সার্থক মৃত্যু ।

ছুটি অঞ্চলইয়া চন্দ্রকেতুর প্রবেশ ।

চন্দ্রকেতু । ছায়া, অঞ্চল প্রস্তুত ।

ছায়া । চল দাদা । [বাহু পাতিয়া] মহেশ্বর ! যে শক্তিবলে তুমি স্বানব জয় ক'রেছিলে—সেই শক্তির এক কণা দাও মা ।—চল দাদা ।

[অধারূঢ় হইয়া উভয়ের প্রস্থান]

পঞ্চম দৃশ্য ।

—:::—

স্থান—সেতুপার্বত্যে অরণ্য । কাল—সন্ধ্যা ।

চাণক্য একাকী ।

চাণক্য । সুবিত লেলিহান কুঙ্গুরদের যুদ্ধক্ষেত্রে ছেড়ে দিয়েছি । এখন তা'রা স্বচ্ছন্দে এই প্রবাহিত ঝরবরস্তম্ভারা পান করুক । এই নিবিড় অরণ্যে ব্যাঘ্র-ভল্লকের অভাব মানুষ আজ পূর্ণ কর্ছে । তথাৎ
৫৬]

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

এই যে, ব্যাঘ্র-ভক্ষুক উদরের জন্ত অনন্তোপায় হ'য়ে মানুষের রক্ত শোষণ করে, অ্যুর মানুষ লোভে, অন্ধহিংসায়, পরস্পরের টুঁটি কামড়ে ধরে । •বলিহারি সৃষ্টি !—ঐ সূর্য্য অন্ত যাচ্ছে । দিবার চিতাঘি তা'র চারিদিকে ধু ধু করে' জ্বলে' উঠেছে ! কাল আবার ঐ সূর্য্য উঠবে ! উঠুক । এংকদিন আসবে, যে দিন ঐ সূর্য্য আর উঠবে না । ঐ জ্যোত ক্রমে ক্রমে শীর্ণ, মলিন, ধূসর হ'য়ে যাবে । তা'র পাংস্তরক্ত-বর্ণ ধূম পৃথিবীর পাণ্ডুব যুথের উপর এসে প'ড়বে । তা'র পব তাও প'ড়বে না । কৃষ্ণ সূর্য্য অনন্ত শূণ্ডে অদৃশ্য হ'য়ে যাবে । কি গরিমান্নর দৃশ্য সেই !—কে ?

কাত্যায়নের প্রবেশ ।

চাণক্য । কাত্যায়ন ? কি সংবাদ ?

কাত্যায়ন ! আমাদের যুদ্ধে পরাজয় হ'য়েছে ।

চাণক্য । পরাজয় !

কাত্যায়ন । চন্দ্রগুপ্ত পলায়িত ! তাই দেখে আমাদের সৈন্ত ছত্রভঙ্গ হ'য়েছে ।

চাণক্য । চন্দ্রগুপ্ত পলায়িত !—কোথায় ?

কাত্যায়ন । পূর্ব্বদিকে ।

চাণক্য । কোন্ দিকে তা জিজ্ঞাসা করি নি ।• কোথায় ?

কাত্যায়ন । তা জানি না ।

চাণক্য । যা আশঙ্কা ক'রেছিলাম ।—চন্দ্রকেতু কোথায় ?

কাত্যায়ন । তা জানি না । তবে আমি তাকে অশ্ব থেকে প'ড়ে যেতে দেখেছি ।

[৫৭

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

চাণক্য । তুমি এতক্ষণ কি কর্ছিলে মুৰ্খ ?

কাত্যায়ন । আমি ঐ পৰ্ৱত-শিখরে দাঁড়িয়ে যুদ্ধের গতি নিরীক্ষণ কর্ছিলাম ।

চাণক্য । নিরীক্ষণ কর্ছিলে !—যখন জয় নিশ্চিত, মুষ্টিগত !—ওঃ !

কাত্যায়ন । ঐ যে ! চন্দ্রগুপ্ত আস্ছে ।

চাণক্য । [সাগ্রহে] কৈ ? [করতালি দিয়া] ঐ যে ! এখনও আশা আছে কাত্যায়ন ! যাও, তুমি সৈন্যদের আশ্বাস দাও । বল চন্দ্র-গুপ্ত আস্ছে পালায় নি,—যাও, শীঘ্র যাও,—দ্বিরুক্তি কোরো না ।

[কাত্যায়নের প্রস্থান ।]

চাণক্য । চিন্তা নাই ! ‘কণ্টকে নৈব কণ্টকম্’—মূরা ! মূরা !

মুরার প্রবেশ ।

মূরা । কি গুরুদেব !

চাণক্য । এইখানে দাঁড়াও । [দাঁড় করাইয়া] কাঁদতে জানো নারী ?

মূরা । সে কি !

চাণক্য । ঐ চন্দ্রগুপ্ত আস্ছে ! তোমায় কাঁদতে হবে ।

মূরা । পুত্র ! পুত্র ! [অগ্রসর হইলেন]

চাণক্য । ধবর্দার ! এখন স্নেহ নয়—তিক্ত-ভৎসনা, উষ্ণ অশ্রুজল, পুত্রের উপর মাতার অভিমান, অভিনয় কর্তে হবে ।—প্রস্তুত ?

ধীরে মুক্ত তরবারি হস্তে নতমুখে চন্দ্রগুপ্তের প্রবেশ ।

চাণক্য । এই যে চন্দ্রগুপ্ত !—চন্দ্রগুপ্ত যুদ্ধে জয়লাভ করে’ এসেছে মূরা !—তাকে তোমার বক্ষে নাও ! বীরপুত্র তোমার ! উৎসব কর ।

চন্দ্রগুপ্ত । না গুরুদেব ! আমি জয়লাভ করে’ আসি নি ।

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

চাণক্য । সে কি !—তবে !

চন্দ্রগুপ্ত । আমি যুদ্ধক্ষেত্রে থেকে পালিয়ে এসেছি ।

চাণক্য । সে কি ! অসম্ভব ! মুরার পুত্র যুদ্ধক্ষেত্রে জয়লাভ করে
কিন্ধা প্রাণ দেয় ; পালায় না ।

মুরা । পালিয়ে এসেছো !—স্থিরচিত্তে একথা ব'ল্ছো চন্দ্রগুপ্ত !
পালিয়ে এসেছো ! মর্তে পারোনি ?—ভীকু ।

চাণক্য । না এ ক্ষণিক দৌর্ভাগ্য ।—যাও, যুদ্ধ কর চন্দ্রগুপ্ত ।

চন্দ্রগুপ্ত । পারি না ! [তরবারি পদতলে রাখিলেন]

চাণক্য । কি পারি না ?

চন্দ্রগুপ্ত । ভাইয়ের গায়ে অস্ত্রাঘাত কর্তে ।

মুরা । কাপুরুষ !

চন্দ্রগুপ্ত । কাপুরুষ নই—ভাই ।

চাণক্য । যে ভাই তোমাকে নির্ভীকিত ক'রেছে ।

চন্দ্রগুপ্ত । তবু সে ভাই ।

মুরা । যে ভাই তোমার মাতাকে অপমান ক'রেছে !—কি নীরব
রৈলে যে !

চাণক্য । বা'র রাজত্ব দৌরাণ্যের নামান্তর মাত্র !

চন্দ্রগুপ্ত । গুরুদেব ! ভ্রাতৃবিরোধ, কি আপনি আজ্ঞা দেন ?

চাণক্য । হাঁ ধর্মযুদ্ধে । কুদ্ধক্ষেত্রে ভগবান্ শ্রীকৃষ্ণ কি ব'লে-
ছিলেন ?

চন্দ্রগুপ্ত । মার্জনা কর্কেন গুরুদেব ! শ্রীকৃষ্ণের যুক্তি আমার
হৃদয়কে স্পর্শ করে না ।

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

চাণক্য । [সপদদাপে] এই পাপেই আর্য্যাবর্ত্ত গেল । চন্দ্রগুপ্ত ।
গীতার মহাত্মা ভূমিকি বুঝবে ?—শাস্ত্রচর্চা ব্রাহ্মণের অধিকার ।

চন্দ্রগুপ্ত । ব্রাহ্মণের অধিকার ব্রাহ্মণ ভোগ করুন । আমার বিদায়
দিউন ।

চাণক্য । চন্দ্রগুপ্ত ! তোমার এট দৌর্ভাগ্য আমি মাঝে মাঝে
লক্ষ্য করেছি । অন্য সময়ে এ দৌর্ভাগ্যে যায় আসে না । শুষ্ক নৈরাশ্রে
অলস প্রহর যাপন কর, উষ্ণ অশ্রুজলে নৈশ উপাধান অভিষিক্ত কর,—
যায় আসে না । সময় সময় ক্রন্দনও বিলাস । কিন্তু কর্ম্মক্ষেত্রে
দাঁড়িয়ে এ দৌর্ভাগ্য সাংঘাতিক । ভূমিকম্পের মত উঠে, সে নিমিষে
শতাব্দীর রচনা ভূমিসাৎ করে । চন্দ্রগুপ্ত ! যুহুর্ন্তে জীবনের সাধনা
নিফল করে' দিও না । জীর্ণ বস্ত্রসর্পি এই আলম্র হৃদয় থেকে ঝেঁড়ে
ফেলে দাও । যুদ্ধে অগ্রসর হও ।

চন্দ্রগুপ্ত । মার্জ্জনা কর্কেন গুরুদেব !

মুরা । চন্দ্রগুপ্ত ! সত্যই কি আমার পুত্র ভূমি !! যে নন্দ—

চন্দ্রগুপ্ত । তাকে মার্জ্জনা কর মা ।

মুরা । মার্জ্জনা ! সর্ব্বদা দিগারাত্র শত বৃশ্চিকের দংশনের
জ্বালাকে শীতল কর্তে পারে এক—নন্দর রক্ত !

চন্দ্রগুপ্ত । মা, শৈশবে কত তা'র সঙ্গে খেলা ক'রেছি ; তা'কে
কত খেলনা কিনে দিয়েছি ; তোমার কাছে মিষ্টান্ন পেয়ে তার
আখখানি ভেঙ্গে নন্দকে নিজের হাতে খাইয়ে দিয়েছি ; পিতার
তিরস্কারে তা'র ছলছল চক্ষুহুটি চুঘন করে' অশ্রু মুছিয়ে দিয়েছি ।
একদিন এক পলাতক অশ্ব ছুটে যাচ্ছিল, নন্দ সম্মুখে প'ড়েছিল,
৬০]

দ্বিতীয় অঙ্ক ।]

চন্দ্রশুভ্র ।

[পঞ্চম দৃশ্য ।

তার আসন্ন বিপদ দেখে আমি তা'কে বন্ধ দিয়ে ঘিরে অশ্রুর
পদাঘাত নিজের পীঠ পেতে নিয়েছিলাম। আজ* যুদ্ধক্ষেত্রে আবার
সেই কোমল তরুণ ঢল ঢল মুখখানি দেখলাম, আর সেই সব
কথা একসঙ্গে মনে পড়ে' গেল। তা'র মাথার উপর ঝড়গ ওঠাইতে
আমার পিতৃরক্ত হৃৎপিণ্ডে লাফিয়ে উঠে পঙ্করের দ্বারে সবলে আঘাত
করে' টেচিয়ে বলে' উঠলো “সাবধান চন্দ্রশুভ্র ! ও ভাই !—মগধের
মাত্রাজ্য কি ভাইয়ের চেয়ে বড় ?”

মুরা। নন্দ তোমার ভাই। কিন্তু আমার কে ?

চন্দ্রশুভ্র। নন্দ তোমার পুত্র। মা ! গর্ভে ধারণ না কলে' কি
পুত্র হয় না ? নন্দের মাতার মৃত্যুর পর তার মাতৃস্বরূপিনী হ'য়ে তুমি
তাকে মাতৃস্ব কর নি ? স্তন্যপান করাও নি ? বুকে করে' ঘুম
পাড়াও নি ?

মুরা। সেই জনাই ত ক্ষমা কঠে পারি না। সে সব কথা নন্দ
ভুলে যেতে পারে, আমি পারি না !—যখন অধম বাচাল আমার কেশ
আকর্ষণ করে—আর নন্দ শূদ্রাণী মা বলে' ব্যঙ্গ করে—তখন কি
বল্গে পুত্র—ওঃ !—তোমার কাছে মাতার অপমান কি কিছুই নয় ?
মা তোমার কেউ নয় ?

চাণক্য। এক মাতৃগর্ভে জন্ম ব'লেই ভাইয়ের সঙ্গে সম্বন্ধ না ?
মাতৃয়ের চেয়ে ভাই বড় ? জগতে এই প্রথম হ'ল, যে সন্তান মাতৃয়ের
অপমানের প্রতিশোধ নেয় না।—[মুরাকে] কান্দো অভাগিনী নারী !
এই তোমার পুত্র ! মা চিনে না !—জানে না যে জগতে যত পবিত্র
জিনিষ আছে, মাতৃয়ের কাছে কেউ নয়।

চন্দ্রগুপ্ত । তা জানি গুরুদেব ।

চাণক্য । না জানো না ! নহিলে মায়ের অপমানের প্রতিশোধ নিতে সন্তান দিবা ক'র ? মা—মা'র সঙ্গে একদিন একি অঙ্ক ছিলে— এক প্রাণ, এক মন, এক নিশ্বাস, এক আত্মা—যেমন সৃষ্টি একদিন বিষ্ণুর যোগনিদ্রায় অভিভূত ছিল, তার পর পৃথক হ'য়ে এলে—অগ্নির ফুলিজের মত, সঙ্গীতের মূর্ছনার মত, চিরন্তন প্রহেলিকার প্রশ্নের মত ; মা—যে তার দেহের রক্ত নিংড়ে, নিছুতে, বকের কটাহে চড়িয়ে স্নেহের উত্তাপে জ্বাল দিয়া সুধা তৈরি' করে' তোমায় পান করিয়েছিল, যে তোমার অধরে হাত দিয়েছিল, রসনায় ভাষা দিয়েছিল, ললাটে আশীষ চুষন দিয়ে সংসারে পাঠিয়েছিল ; মা—রোগে, শোকে, দৈন্যে, হৃদীনে তোমার দুঃখ যে নিজের বক্ষ পেতে নিতে পারে, তোমার গ্লান মুখখানি উজ্জ্বল দেখবার জন্য যে প্রাণ দিতে পারে, যার স্বচ্ছ স্নেহমন্ডাকিনী এই শুষ্ক তপ্ত মরুভূমিতে শতধারায় উচ্ছ্বসিত হ'য়ে যাচ্ছে ; মা—যার অপার শুভ্র করুণা মানবজীবনে প্রভাত সূর্য্যের মত কিরণ দেয়—বিতরণে কার্পণ্য করে না, বিচার করে না, প্রতিদান চায় না, উন্মুক্ত উদার কম্পিত আগ্রহে হৃহাতে আপনাকে বিলাতে ঢায় ;—এ সেই মা !

চন্দ্রগুপ্ত । গুরুদেব ! রক্ষা করুন, আমায় ভ্রাতৃবধে উত্তেজিত কর্কেঁন না ।

মূরী । চন্দ্রগুপ্ত ! এতদিনে বুঝলাম যে, আমি তোমার কেউ নই । নন্দ ক্ষত্রিয়, তুমি ক্ষত্রিয়কুমার । নন্দই তোমার ভাই ! আমি শূদ্রাণী । আমি তোমায় গর্ভে ধারণ ক'রেছিলাম মাত্র । আমি কে ! আমি ত তোমার মা নই ।

চন্দ্রগুপ্ত । পুত্রের উপর তুমি এত নিষ্ঠুর হ'তে পারো মা । তুমি আমার মা নও ? তুমি শুদ্ধ আমার মা নও, তুমি আমার ধর্ম, তুমি আমার সাধনা, তুমি আমার ঈশ্বরী । তোমার আজ্ঞা আমার কাছে দৈববাণী ।

মুরা । 'তাই যদি সত্য হয়, তবে যুদ্ধে অগ্রসর হও ।—কি ! তথাপি নীরব !—চন্দ্রগুপ্ত ! [ভগ্নস্বরে] আমি তোমার মা, তোমার অপমানিত প্রণীড়িত পদাহত মা । এই আমার আজ্ঞা ।—এখন তোমার যেক্রপ অভিক্রটি ।

চন্দ্রগুপ্ত । তোমার ইচ্ছাই আমার ইচ্ছা । আর দ্বিধা নাই । তোমার আজ্ঞাই এই প্রশ্নসঙ্কুল কুটিল জগতে আমায় পথ দেখিয়ে নিয়ে যাক । আমি যেন, 'তোমাকেই আমার জীবনের ঐবতারা করে' পার্শ্বে ক্রক্ষেপ না করে', সংসারসমুদ্রে তরী বেয়ে চলে' যাই ।—মা আশীর্বাদ কর । এই মুহূর্ত্তে আমি যুদ্ধে যাচ্ছি ।

মুরা । এই ত আমার পুত্র ।

চাণক্য । এই ত আমার শিষ্য । এই কণিক অবসাদ তোমার প্রাণ থেকে ঝেড়ে ফেলে দাঁও । একবার সবলে—

দূর নেপথ্যে । এই দিকে । এই দিকে ।

চাণক্য । 'ঐ তা'রা আসছে—এখানেই আসছে । একবার ওঠো বৎস ! মেঘনির্মুক্ত সূর্য্যের মত দ্বিগুণ তেজে জ্বলে' ওঠো । ঐ সূর্য্যধ্বনি ! তোমার সৈন্যরাও আসছে । ভয় নাই । একা চন্দ্রগুপ্ত শত নন্দ্রের সমান । কারও সাধ্য নাই যে আমার শিষ্যকে পরাস্ত করে ।—দূরে ঐ চন্দ্রকেতু সটেন্যে তোমার সাহায্যে আসছে ।

দ্বিতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

নিকটতর নেপথ্যে । এই জঙ্গলের ভিতরে ।

চাণক্য । চন্দ্রগুপ্ত দৃঢ় হও —এসো মুরা—জয়ান্ত ।

মুরা । আমার পদধূলি নাও বৎস । [পদধূলি দান]

উভয়ের প্রাণান বিপরীত দিক্ হইতে সৈন্য চতুষ্টিয়ের সহিত মুক্ত
তরবারি হস্তে নন্দের প্রবেশ ।

নন্দ । এই যে এখানে কাপুরুষ ! [আক্রমণ করিলেন] ।

চন্দ্রগুপ্ত । আপনাকে রক্ষা কর নন্দ । [তরবারি উঠাইলেন]—
একি ! হাত কাঁপে কেন !

যুদ্ধ হইতে লাগিল । দুইজন সৈনিক ভূশায়ী হইল । পরিশেষে
চন্দ্রগুপ্তের তরবারির আঘাতে নন্দের তরবারি কবচ্যুত হইল ।
চন্দ্রগুপ্ত তাহার পর স্বীয় তরবারি দিয়া নন্দের শিরশ্ছেদ করিতে
উদ্যত হইলে, নন্দ হস্ত দিয়া নিবারণ করিতে গিয়া কহিলেন—
“আমায় বধ কোরো না ।” চন্দ্রগুপ্ত তৎক্ষণাৎ তাঁহার তরবারি দ্বারে
নিষ্কেপ করিয়া নন্দকে জড়াইয়া ধরিয়া কহিলেন “আমাব বক্ষে
এস,—ছোট ভাইটি আমার” । ইত্যবসরে অবশিষ্ট সৈনিকদ্বয়
তাঁহাকে আক্রমণ করিতে উদ্যত হইলে, সেই মুহূর্ত্তে প্রথমে চন্দ্রকেতু
ও ছাৰা, তৎপক্ষাতে অন্যান্য সৈনিক আসিয়া উহাদের প্রতি ভল্ল
নিষ্কেপ করিতে উদ্যত হইলেন । ঠিক এই সময়ে চাণক্যকে সেতুর
উপরে দেখা গেল । তিনি কহিলেন “বধ কোরো না, বন্দা কর ।”

তৃতীয় অঙ্ক ।

প্রথম দৃশ্য ।

—ঃ--ঃ—

স্থান—সমুদ্রতীর । কাল—সন্ধ্যা ।

সৈনিকগণ গাহিতেছিল । দূরে আশ্চিগোনাঙ্গ নীরবে দণ্ডায়মান ।

গীত ।

যখন সঘন গগন গরজে, বরিষে করকাধার ;

সভয়ে অবনী আবরে নঘন, লুপ্ত চন্দ্রতারা ;

দীপ্ত করি' সে তিমির জাগে কাহার আনন থানি—

আমার কুটীরবাণী সে যে গো—আমার হৃদয়বাণী ।

জ্যোৎস্নাহাসিত নীল আকাশে যখন বিহগ গাহে,

স্নিগ্ধ সমীরে শিহরি' ধরণী মুকুনয়নে চাহে ;

তখন স্রবণে বাজে কাহার—মৃদুল মধুর বাণী—

আমার কুটীরবাণী সে যে গো আমার হৃদয়বাণী ।

অঁধারে আলোকে, কাননে কুঞ্জে, নিখিল ভুবন মাঝে,

তাহারই হাসিটি ভাসে হৃদয়ে, তাহারই মুরলী বাজে ;

উজ্জল করিয়া আছে দূরে সেই আমার কুটীর থানি—

আমার কুটীরবাণী সে যে গো আমার হৃদয়বাণী ।

বহুদিন পরে হইব আবার আগনকুটীরবাসী,

দেখিব বিরহবিধুর অধরে মিলনমধুর হাসি,

অনিব বিরহনীরব কর্তে মিলনমুখরবাণী,—

আমার কুটীরবাণী সে যে গো আমার হৃদয়বাণী ।

[গাহিতে গাহিতে প্রস্থান]

আর্টিগোনাস । এরা গৃহে ফিরে যাচ্ছে ।—কি আনন্দ ! বহুদিন পরে
 প্রিয়জনের মুখ দেখ্বে । আনন্দ হবে না ! আর আমি !—দেশে
 কেউ নাই, যা'র মুখ আমার উদয়ে উজ্জ্বল হবে । এক বৃদ্ধা মাতা—
 শৈশবে লালন ক'রেছিলেন বটে,—কিন্তু তার পর আমাকে পুত্র মত
 হাটে বিক্রয় করেন । জগতে আমার ভালবাসবার পাত্র কেহ নাই,
 আমায় কেউ ভালবাসে না ।—আমি দেশে চলেছি তবে কিসের জন্ত ?
 হাউইকে যেমন একটা মহাজালা আর্ন্তস্থাসে উল্টে উড়িয়ে নিয়ে যায়,
 তেমনি—একটা তীব্রব্যঙ্গ ক্ষিপ্তবেগে আমায় ছুটিয়ে নিয়ে চলেছে ।
 এক মহাব্যাধি—অথচ সে আমার নিজের সৃষ্ট নয়, তার জন্ত আমি
 দায়ী নই । অথচ সংসারের এমনই বিচার—না, তা'রই বা অপরাধ
 কি !—স্বয়ং ঈশ্বরের এই বিচার ! সন্তান তা'র পিতার পাপ, দৈত্য,
 ব্যাধির ভাগী হয় না ? অথচ—যাক্ । ভাব্বোনা । কিন্তু হ'য়ে
 যাবো ।—মেঘ করে' আসছে, বাতাস উঠেছে । সমুদ্র গর্জন
 করছে ।—যাও, উচ্ছ্বসিত নীল সিঁধু ! কল্লোলিয়া যাও । মানবের
 ক্ষুদ্র দম্ব উপেক্ষা করে', কালের ভ্রুকুটী তুচ্ছ রুরে', অনন্ত আকাশের
 সঙ্গে অঙ্গ মিশিয়ে দিয়ে, সৃষ্টির অনাদি সঙ্গীত গাইতে গাইতে
 মুহুমন্দ অন্দোলনে পৃথিবীর প্রান্ত হ'তে প্রান্তে ধাবিত হও । স্বাধীন
 উন্মুক্ত উদার ভূমি, সৃষ্টির মহা বিবর্তনের মধ্যে দিয়ে যুগে যুগে
 এই একই ভাবে চলেছ । উপরে উন্মুক্ত নীল আকাশ,—নিরে ভূমি
 তা'র স্বচ্ছ প্রতিচ্ছবি । চন্দ্র, সূর্য, গ্রহ, নক্ষত্রমণ্ডলকে ভূমি তোমার
 অগাধ হৃদয়ে প্রতিবিম্বিত কর । উন্মুক্ত বাতায় সঙ্গে উত্তাল তরঙ্গভঙ্গে
 তোমার দানবী ক্রীড়া কর—ক্ষুর গভীর মঞ্চে বজ্রধ্বনির উত্তর দাও ।

তৃতীয় অঙ্ক ।]

চন্দ্রগুপ্ত ।

.[দ্বিতীয় দৃশ্য ।

রাত্রিকালে ফেণাবিত পিঙ্গল ফণায় বিদ্যুৎকে উপহাস কর। ঝঞ্ঝার
অবসানে আবার নির্মল আকাশের মত তুমি নীল, স্থির, মৌন,
উদার, গম্ভীর। হে ভীম! হে কাস্ত! হে অবাধ অগাধ সমুদ্র!
তোমার উদ্যম প্রমত্ত অঙ্ক বিক্রমে, যাও বীর! চিরদিন সমভাবে
কল্লোলিয়া যাও।

দ্বিতীয় দৃশ্য।



স্থান—কারাগার। কাল—রাত্রি।

নন্দ ও বাচাল একটী কক্ষ হইতে কক্ষান্তরে বাহির হইয়া

আসিলেন। নন্দ চিন্তামগ্ন।

নন্দ। এ কক্ষও অন্ধকার!

বাচাল। হোক অন্ধকার। আশু'লার হাত থেকে ত বেঁচেছি।

নন্দ। এই কক্ষে কাত্যায়নকে বন্দী করে' রেখেছিলাম?

বাচাল। হাঁ মহারাজ।

নন্দ। কি ভয়ানক!

বাচাল। আর এই ঘরে তা'র সাত ছেলেকে না খেতে দিয়ে
হত্যা ক'রেছিলেন, মহারাজ!

নন্দ। অতুতাপ হচ্ছে।

বাচাল। হচ্ছে নাকি মহারাজ? তবে আর কোন ভয় নেই।

নন্দ। ভয় নেইই বা বলি কেমন করে'।—তবে চন্দ্রগুপ্ত আমায়
বধ কর্কে না। যদি করে, ত সে ঐ শীর্ণ জকুটিকুটিল প্রতিহিংসা-

তৃতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

পরায়ণ ব্রাহ্মণ । সেদিন ব্রাহ্মণ আমার পানে চাইল—যেন সে
মথুরাহত শীকারের প্রতি শার্দূলের লোভুপ চাহনি ।

বাচাল । তা ভয় কিসের ?

নন্দ । তোমার কি ভয় কর্ছে না, বাচাল ?

বাচাল । কিছু না । মহারাজকে হৃদমদ বধ কর্কে । তা'র বাড়ী
আর ত কিছু কর্তে পার্কে না । তা'তে আর আমার ভয় কি ?
আমার ভগ্নী বিধবা হবে, এই যা ।

নন্দ । ও ! তুমি তাব্ছে আমার তা'রা বধ কর্কে, আর
তোমায় ছেড়ে দেবে ?

বাচাল । মহারাজ ঠিক অনুমান ক'রেছেন ।

নন্দ । তা মনেও কোরো না ।

বাচাল । এঁয়া—!

নন্দ । তুমি চন্দ্রগুপ্তের মাতার কেশাকর্ষণ ক'রেছিলে ।

বাচাল । এঁয়া ক'রেছিলাম না কি ?

নন্দ । তুমি চাণক্য পণ্ডিতের শিখা ধরে' টেনেছিলে ।

বাচাল । কৈ ?—না !

নন্দ । তার উপর তুমি আমার শালক ।

বাচাল । তাই না কি !

নন্দ । আমার যদি ছাড়ে, তোমায় ছাড়'ছে না ।

বাচাল । এঁা—[করজোড়ে] মহারাজ !

নন্দ । আমার কাছে হাত জোড় কর্ছ কি—

বাচাল । অভয়াস ।—কিন্তু আমি কিছু জানি না^১ [কম্পিত]

তৃতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

নন্দ । ভয় কি । বধ কর্কে বৈত নয় ।

বাচাল । কৈ ত নয় কি রকম !

নন্দ । তুমি ত এখনই বলছিলে ।

বাচাল । মহারাজ ! এ কথা যে আমি শুনেছি তা' স্মরণ হচ্ছে না ।

নন্দ । তা জানি । স্মরণশক্তি তোমার বেশ আয়ত্ত । এখনই বস্ত্রে ।

বাচাল । কৈ !—বলে'ও যদি থাকি, আমার সে রকম মানে ছিল না ।

নন্দ । তোমায় বধ কর্কেই ।

বাচাল । [করজোড়ে] ঈ—

নন্দ । নিশ্চই কর্কেই

বাচাল । বিধবা হবে ।

নন্দ । তুমি মরে' গেলে আবার বিধবা হবে কে ! তোমার ত স্ত্রী নাই ।

বাচাল । হায় রে ! এ সময় একটা স্ত্রীও নেই যে বিধবা হয় ।

নন্দ । তোমার জন্ম কাঁদবার কেউ নাই ।

বাচাল । কিন্তু স্ত্রী থাক্ত ত কাঁদত—সেটা মনে রাখ্বেন, মহারাজ ।

নন্দ । এ আসন্ন বিপদেও তোমার ভাঁড়ামিতে আমার হাসি পাচ্ছে ।

বাচাল । সে কথা মনে রাখ্বেন, মহারাজ ! 'হাসি পাচ্ছে' মনে রাখ্বেন ।

তৃতীয় অঙ্ক ।]^৮

চন্দ্রগুপ্ত ।

[দ্বিতীয় দৃশ্য ।

নন্দ । মহারাণীকে যুদ্ধের আগে তুমি মন্ত্রীরা আশ্রয়ে রেখে এসেছিলে ত ?

বাচাল । তা ঠিক রেখে এসেছিলাম, মহারাজ ।

নন্দ । ও কি শব্দ ?—বাচাল !

বাচাল । [কাঁপিতে কাঁপিতে] এলো বুঝি ! দরোজা খোলে যে !

প্রহরীদ্বয় সহ কাত্যায়নের প্রবেশ ।

কাত্যায়ন । এই যে মহারাজ !

নন্দ । বিশ্বাসঘাতক মন্ত্রী !

কাত্যায়ন । আমি বিশ্বাসঘাতক !

নন্দ । আশৈশব আমার পিতার ঐশ্বর্যে পুষ্ট হ'য়ে—

কাত্যায়ন । তিনি তোমারও পিতা, চন্দ্রগুপ্তেরও পিতা । তোমার পিতার বিরুদ্ধে আমি কোন কাজ করি নাই, মহারাজ ! আমি তাঁর এক পুত্রের বিরুদ্ধে অপর পুত্রের পক্ষ নিয়েছি ।

নন্দ । হাঁ, তাঁর দাসীপুত্রের পক্ষ নিয়েছো । লজ্জা করেনা, ব্রাহ্মণ—যে তুমি আর চাণক্য—দুই ব্রাহ্মণ, আৰ্য্য, স্বিজ হ'য়ে—বড়বস্ত্র করে' অনাৰ্য্য পার্শ্বত্য সেনার সাহায্য নিয়ে ক্ষত্রিয়কে সিংহাসনচ্যুত করে' পিতার দাসীপুত্রকে সিংহাসনে বসিয়েছো । এক শূদ্র—জারজ শূদ্র—আজ মগধের সিংহাসনে ! অহো, কি দুর্দৈব ! এই তোমার কীর্ত্তি !—কি । মুখ নীচু করে' রৈলে যে, বিশ্বাসঘাতক !

কাত্যায়ন । আমি বিশ্বাসঘাতক চিরদিন ছিলাম না, নন্দ । তুমি আমার বিশ্বাসঘাতক করে' ডুলেছ । তুমি আমার সপ্ত পুত্রকে, নিরীহ বেচারীদের, কারাগারে নিক্ষেপ করে' বধ ক'রেছ । আমি আমার এই

তৃতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

বৃদ্ধ ক্ষীণদৃষ্টির সম্মুখে তা'দের—এই কক্ষে, এই অন্ধকারে, একে একে অনাহারে শুকিয়ে কুঁকড়ে মরে' যেতে দেখেছি। প্রতি পুত্র তা'র মুষ্টিমেয় খাণ্ডের শীর্ণশেষাংশ, মরে' যাবার আগে, আমার দিয়ে গেল; মরবার আগে তোমায় অভিশাপ দিয়ে গেল, আব আমার বলে' গেল, “বাবা প্রতিহিংসা নিও”। তুমি কি বুঝবে নন্দ—সন্তানের জন্ত বৃদ্ধ পিতার ব্যথা? যখন খনায়মান অন্ধকারে সংসার লুপ্ত হ'য়ে আসে, তখন ইহজগতের ভবিষ্যৎ—এক! এই পুত্রই কেবল তার চক্ষে দেদীপ্যমান থাকে। পিতার কীর্তি অকীর্তি, সম্পৎ দারিদ্র্য, পুণ্য পাপ,—ইহজগতের যা' কিছু—সব সে এ পুত্রকেই দিয়ে যায়। আমার এ হেন সাত সাত পুত্রকে তুমি কেড়ে নিয়েছ। আমার ভবিষ্যৎ একটা শূন্য নৈরাশ্রে, হাহাকারে পরিণত ক'রেছো।—“তবু ত্বা'রা তোমারই সঙ্গে খেলা কর্ত। তোমার কোন অনিষ্ট করে নি।

নন্দ। [জীবৎ চিন্তা করিয়া] ব্রাহ্মণ! আমি অন্ডায় ক'রেছি। ষোড়শতর অন্ডায় ক'রেছি। আমি এত পাষণ্ড ছিলাম না। সন্দদোষ আমার পাষণ্ড ক'রেছে।

কাত্যায়ন। মহারাজ! কেমন করে' তুমি এত নিষ্ঠুর হ'লে! তোমাকে যে এতটুকু বেলা থেকে আমি দেখছি। তোমাকে যে কত কোলে পীঠে করে' মানুষ ক'রেছি। এত নিষ্ঠুর তুমি হ'লে কেমন করে'!

নন্দ। আমার ক্ষমা কর, ব্রাহ্মণ!

কাত্যায়ন। যাঁও নন্দ! তোমায় ক্ষমা করলাম। কিন্তু আমি সংসার ত্যাগ কর্ক। সন্ন্যাসী হ'ব।

তৃতীয় অঙ্ক ।]

চন্দ্রগুপ্ত ।

[দ্বিতীয় দৃশ্য ।

বাচাল । উত্তম প্রস্তাব । এ সংসারে অনেক হাদ্যম্ ।—এর মধ্যে না থাকাই' ভালো ।—তবে আমরা মুক্ত ?

কাত্যায়ন । তোমাদের মুক্তি দিবার অধিকার আমার নাই ।
তবে মন্ত্রী চাণক্যকে অনুরোধ কর'ক' ।

নন্দ । সেই শীর্ণ ব্রাহ্মণ চাণক্য আজ মন্ত্রী !

কাত্যায়ন । শুদ্ধ মন্ত্রী নহেন । তিনি মহারাজ চন্দ্রগুপ্তের গুরুদেব ।

নন্দ । শূদ্র চন্দ্রগুপ্ত মহারাজ ! ভিক্ষুক চাণক্য মন্ত্রী ! আর—
সেনাপতি ?

কাত্যায়ন । বলয়রাজ চন্দ্রকেতু—

নন্দ । উত্তম !—ব্রাহ্মণ ! তোমার প্রতি অত্যাচার ক'রেছি ।
তোমার কাছে মার্জনা চাইতে আমার দ্বিধা নাই, লজ্জা নাই ।
কিন্তু এই শূদ্র চন্দ্রগুপ্ত আর শূদ্রাণী মুরাকে আমি স্বগণ করি । যদি
মুক্তি পাই—

কাত্যায়ন । আমি তোমার মুক্তির জন্ত অনুরোধ কর'ক' ।

বাচাল । আজ্ঞে, মন্ত্রী মহাশয় ! আমার জন্তও একটু অনুরোধ
করেন ।

কাত্যায়ন । তুমি স্বয়ং এসে কর, বাচাল ! মন্ত্রী চাণক্য তোমাকে
ডেকে পাঠিয়েছেন ।

বাচাল । ও বাবা !

কাত্যায়ন । সেই জন্তই আমি এসেছি ।

নন্দ । বাচালকে তাঁর কি প্রয়োজন ?

কাত্যায়ন । জানিনা ।—এসো, বাচাল ।

তৃতীয় অঙ্ক ।]

চন্দ্রগুপ্ত ।

[তৃতীয় দৃশ্য ।

বাচাল । আজ্ঞে—[সরোদন স্বরে] মহারাজ—

নন্দ । আমি আর কি কর্ব্ব ! আমিও আজ তোমার মতই বন্দী ।

যাও—

বাচাল । আজ্ঞে—তাকে ভাবতেই যে আমার হৃৎকম্প হচ্ছে ।
তার কাছে যাব কেমন করে' ?

কাত্যায়ন । এস, বাচাল ! কোন ভয় নাই ।

বাচাল । ভরসাও নাই ।

কাত্যায়ন । এসো ।

বাচাল । চলুন ।

[কাত্যায়নের সহিত বাচালের প্রস্থান ।]

নন্দ । এই দাসীপুত্র আজ শগধের সিংহাসনে!—যদি মুক্তি
পাই—

[কক্ষান্তরে গমন]

তৃতীয় দৃশ্য ।

স্থান—চাণক্যের কুটীরাভ্যন্তর । কাল—রাত্রি ।

চাণক্য একাকী ।

চাণক্য । ফিরে যাবো ! কোথায় ? নিশ্চিন্ত আলোশ্রে ? নিরুশ্র
নৈরাশ্রে ?—না, সে পচা গরম অসহ । তার চেয়ে এ ভালো । এতে
প্রতিহিংসার ভীত জ্বালা আছে, উত্তেজনার কটু উদ্গাদনা আছে,

[৭৩

তৃতীয় অঙ্ক ।]

চন্দ্রগুপ্ত ।

[তৃতীয় দৃশ্য ।

পতনের নিশ্চিন্ত লক্ষ্য আছে । হয় স্বর্গ, নয় নরক ! বিধাতা স্বর্গ থেকে আমার ভ্রষ্ট ক'রেছেন যদি,—নরকে যাবো । জীশ্বর ! তোমার স্বপক্ষে আমার নিলেনা, তোমার বিপক্ষে বুক ফুলিয়ে দাঁড়াবো । কি কর্কে কর ।—না, ফিরে যাবো না ।—কিন্তু—তথাপি তোমার অক্ষয় সৌন্দর্য আমার বিদ্ধ কর্ছে ।—পিশাচী ! তোমার পাপের বশ্নে আমার আচ্ছাদিত কর । দেখি, ও কি কর্তে পারে । হে অদৃশ্য মহাশক্তি ! আমি তোমার কাছে আত্মবিক্রয় ক'রেছি । আমি তোমার প্রেমিক, আমি তোমার ক্রীতদাস । আমি তোমার অধরের বিষ পান করে' অমর হব । তোমার বিবাক্ত আলিঙ্গন বক্ষে করে' নরকে যাবো । আমার ছেড়োনা প্রেয়সী ।—আমায় হাত ধরে' নিয়ে চল—আরও দূরে—আরও দূরে ।

বাচালের সহিত কাত্যায়নের প্রবেশ ।

চাণক্য । কে ? কাত্যায়ন ! ও কে ?

কাত্যায়ন । নন্দের শ্রালক বাচাল ।

চাণক্য । ও !

বাচাল ভক্তিভরে প্রণাম করিলেন ।

চাণক্য ! এখন যে ভারি ভক্তি ! একদিন আমার শিখা ধরে' টেনেছিলে ।—মনে আছে ?

বাচাল । কৈ ? না । [পশ্চাৎ দিকে চাহিলেন]

চাণক্য । ও ! স্মরণ নাই ? স্মরণ করিয়ে দিচ্ছি । রো'স । আগে—নন্দের পরিবার কোথায় ?

বাচাল । আমি ত জানি না ।

তৃতীয় অঙ্ক ।]

চন্দ্রশুভ্র ।

[তৃতীয় দৃশ্য ।

চাণক্য । [সপদদাপে] তুমি জানো ।

বাচাল । [প্রায় সঙ্গে সঙ্গে] আজ্ঞে, জানি ।

চাণক্য । কোথায়—?

বাচাল পশ্চাৎ দিকে চাহিলেন ।

চাণক্য । পিছন দিকে চাইছ কি !—নন্দ্র পরিবার কোথায় ?
তোমার ভগ্নী ?—আর তাঁর পুত্রগণ ?

বাচাল । মলয় পর্বতে ।

চাণক্য । [সপদদাপে] মিথ্যা কথা ।

বাচাল । [প্রায় সঙ্গে সঙ্গে] মিথ্যা কথা ।

চাণক্য । কোথায় ? সত্য বল । পুরস্কার দিব । কোথায়
নন্দ্র পরিবার ?

বাচাল । পিত্রালায়ে ।

চাণক্য । কাত্যায়ন ! সেখানে সৈন্ত পাঠাও । এটাকে কারাগারে
বদ্ধ করে' রাখো । নন্দ্র পরিবারকে পাওয়া গেলে একে ছেড়ে
দেবো । আর যদি না পাওয়া যায়, এর প্রাণদণ্ড হবে ।—যাও ।

কাত্যায়ন । এস, বাচাল ।

বাচাল । প্রা—ণ—দ—ণ্ড হবে !

চাণক্য । হাঁ, বাচাল ।

বাচাল । আমার ভগ্নী সেখানে ত নাই ।

চাণক্য । বাচাল ! গোষ্ঠেরো সাপ নিয়ে খেলছো, মনে রেখো ।
সত্য বল ।

বাচাল । দোহাই ধর্ম্ম !—

তৃতীয় অঙ্ক ।]

চন্দ্রশুভ্র ।

[তৃতীয় দৃশ্য ।

চাণক্য । সত্য বল । এই শেখবার ।—নন্দের পরিবার কোথায় ?
বাচাল । যন্ত্রীর আশ্রয়ে ।

চাণক্য । (ক্ষণেক ভাবিলেন । পরে ধীরে ধীরে কহিলেন)—এ
সংবাদ সম্ভবতঃ সত্য । আচ্ছা দেখি—প্রহরী !—

প্রহরীর প্রবেশ ।

চাণক্য । যাও, একে বন্দী করে' রাখো । সংবাদ সত্য হ'লে ছেড়ে
দিব । আর সংবাদ যদি মিথ্যা হয় ত—মৃত্যু ।—নিয়ে যাও ।

বাচাল । আমার বড় জলতৃষ্ণা পেয়েছে । একটু জল দিন ।

চাণক্য । প্রহরী ঐ ঘরে নিয়ে গিয়ে একে জল দাও ।

[প্রহরীর সহিত বাচালের প্রস্থান]

চাণক্য । সংসারে কিছুই ফেলা যায় না । আবর্জনাও সার হয় ।
পুরীষের দুর্গন্ধও পারিজাতের সৌরভে পরিণত হয় । তবে জানা চাই ।
—কি ভাবছো, কাত্যায়ন ?

কাত্যায়ন । ভাবছিলাম, মানুষ এত নীচ হ'তে পারে ! অত্যাচার,
গীড়ন, হত্যা সব সওয়া যায় । কিন্তু এই কৃতঘ্নতা—অসহ ।

চাণক্য । মানুষের এই কৃতঘ্নতায়ই চাণক্যের রাজনীতির জন্ম ;
আমি মানুষের এই কদর্য প্রবৃত্তি গুলিকে কাজে লাগাই । বন্ধুকে শত্রু
করা, ভাইকে দিয়ে ভাইয়ের গলায় ছুরি বসানো, হিংসাকে মেলিয়ে
দেওয়া, লিপ্সাকে ঋণ দেওয়া,—এর নাম চাণক্যের রাজনীতি । যখন
ছুরি শানাচ্ছ তখন মুখে হাসতে হবে, যখন পানীয়ে বিষ মেশাচ্ছ তখন
আলাপে বোহিত কর্তে হবে ।—এরই নাম চাণক্যের রাজনীতি ।
“শঠে শাঠ্যং সমাচরেন” ।

৭৬]

তৃতীয় অঙ্ক ।]

চন্দ্রশুভ্র ।

[তৃতীয় দৃশ্য ।

কাত্যায়ন । চাণক্য ! আমি প্রতিহিংসায় অন্ধ—তবু এ রাজনীতি ঠিক পরিপাক কর্তে পারছি না ।—

চাণক্য ! পার্কে । তোমায় আমি পুরো বিশ্বাসঘাতক করে' ছেড়ে দেবো । শাঠ্য কলাবিজ্ঞানহিসাবে অভ্যাস ক'রেছি । তোমায় শিক্ষা দিব ।

কাত্যায়ন । কিন্তু এ অত্মায় । পাগিনির স্বত্রে আছে,
“নিরীণোবাতে”—অর্থাৎ কি না—

চাণক্য । আবার পাগিনি !—বল,—কে বলে অত্মায় ?

কাত্যায়ন । সমাজ ।

চাণক্য । মানিনা ।

কাত্যায়ন । বিবেক ।

চাণক্য । বিবেক—একটা কুসংস্কার ।

কাত্যায়ন । ঈশ্বর ।

চাণক্য । ঈশ্বর নাই ।

কাত্যায়ন । চাণক্য ! তুমি একেবারে পর্বতশৃঙ্গের কিনারায় দাঁড়িয়েছ ।—পঁড়বে ।

চাণক্য । পড়ি যদি, একটা প্রকাণ্ড উদ্ধাপাত হবে । জগৎ চেয়ে দেখবে ।—যাও এখন ! আমি বুঝেবো ! প্রস্তুত রেখো ।

কাত্যায়ন । কি ?—

চাণক্য । সুপকার্ঠ, খড়্গ ।—বলির জন্ত চিন্তা নাই ।

কাত্যায়ন । কিন্তু আমি বহুছিলাম—নন্দকে মুক্তি দিলে হয় না ?

তৃতীয় অঙ্ক ।]

চন্দ্রশুভ ।

[চতুর্থ দৃশ্য ।

চাণক্য । তাও হয় । তবে তা হবে না । যাও । সব প্রস্তুত থাকে যেন । ঐ দেখ আমার প্রেয়সী হাসছে ।—যাও ।

(কাত্যায়ন সবিস্ময়ে প্রস্থান করিলেন ।)

চাণক্য । হে অদৃশ্য মহাশক্তি ! খাসা নিয়ে চলেছ ! ভেসে যাচ্ছি ! কি মধুর তোমার ঐ কুটিল দৃষ্টি, বক্র হাসি, তির্য্যাক্গতি, হৃগ্ন নিশ্বাস, পঙ্কিল স্পর্শ ! এই ছেড়ে ফিরে যেতে চাচ্ছিলাম ! কি কুৎসিত তুমি, প্রেয়সী ! আমি যত দেখছি ততই মুগ্ধ হচ্ছি ।—একটা কৃষ্ণ দাবানল উঠে জগতের সমস্ত সৌন্দর্য্যকে লেহন করছে । বনের ব্যাত্ত তা'র ত্রিয়মাণ নিস্পন্দ-প্রায় শীকারকে লোন্সুপ-বিফারিত-নেত্রে চেয়ে দেখছে ।—ওঃ কি ভীষণ ! কি সুন্দর !

—

চতুর্থ দৃশ্য ।

—

স্থান—হিরাটের প্রাসাদমঞ্চ । কাল—রাত্রি ।

সেলুকস উত্তেজিতভাবে কক্ষমধ্যে পাদচারণ করিতেছিলেন ;

হেলেন দাঁড়াইয়াছিলেন ।

সেলুকস । এবার সেকেন্দার সাহার দিগ্বিজয় সম্পূর্ণ কর্ব ।
চন্দ্রশুভ ! এক বৎসরে তুমি ভারতে গ্রীক উপনিবেশ নির্মূল ক'রেছো !
এবার তা'র শোধ দেবো ।

হেলেন । বাবা ! আপনি ভারত জয় কর্বার জন্ত যাচ্ছেন কেন ?
অর্ধেক এসিয়া আপনার সাম্রাজ্য । পৃথিবীময় আপনার ষণ । সিংহুর
৭৮]

তৃতীয় অঙ্ক ।]

চন্দ্রগুপ্ত ।

[চতুর্থ দৃশ্য ।

পদ পায়ের চন্দ্রগুপ্ত রাজত্ব কর্ছে । তা' আপনার এত চক্ষুঃশূল
হয় কেন ?

সেলুকস । সে রাজত্ব কর্কে কেন ? সে ত আর গ্রীক নয় ।

হেলেন । মানুষ ত ?

সেলুকস । আমার কাছে জগতে দুই জাতি আছে—এক যা'রা
গ্রীক—সত্য ; আর এক যা'রা গ্রীক নয়—বর্বর ।

হেলেন । বাবা ! গ্রীক চিরদিন বিশ্বজয়ী ছিল না ; চিরদিন
বিশ্বজয়ী থাকবে না । তা'র সূর্য্য অন্ত গিয়াছে ! এখন যা দেখছি—
সে সেই অতীত মহিমার শেষ স্মরণীয় ক্ষোভ ।—আপনি পরাস্ত
হবেন ।

সেলুকস । পরাস্ত হবে—বিজয়ী সেলুকস !!!

হেলেন । আপনি বন্দী হবেন ।

সেলুকস । বন্দী হব কেন ?—হুমি ত আমার ভারি শুভাঙ্কুশায়া
দেখছি ।

হেলেন । আপনি অস্তায় কর্ছেন ।

সেলুকস । যুদ্ধের বিষয়ে আমি তোমার সঙ্গে তর্ক কর্তে চাইনা—
এরিষ্টফেনিস বলেন—

হেলেন । এরিষ্টফেনিস কি বলেন ?

সেলুকস । [সন্দিক্তভাবে] যে জীর্ণাতির তর্ক করা উচিত নয় ।

হেলেন । কোথায় বলেছেন ? আমি নিয়ে আসছি এরিষ্টফেনিস ।

[প্রস্থানোদ্যত]

সেলুকস । না, এরিষ্টফেনিস নয়, থেমিষ্টক্লিস ।

তৃতীয় অঙ্ক ।

চন্দ্রশূপ্ত ।

[চতুর্থ দৃশ্য ।

হেলেন । ধেমিষ্টক্লিস ত রাজনীতিক । তিনি এ বিষয়ে কি
ব'লবেন ?

সেলুকস । তবে সফোক্লিস ।

হেলেন । নিজে আসছি সফোক্লিস । দেখিয়ে দিন ত, বাবা, তিনি
কোথায় একথা ব'লেছেন ।

[প্রস্থান]

সেলুকস । মাটি ক'রেছে । সত্য কথা ব'লতে কি, এরিষ্টফেনিস ও
সফোক্লিসে আমার সমানই ব্যুৎপত্তি । মতটা আমারই, তবে দুই
একটা বড় নামের সঙ্গে যুড়ে দিলে কথাটার মাহাত্ম্য বেড়ে যায় ।—
মেয়েটা যে সব প'ড়েছে । আবার বলে সংস্কৃত প'ড়বো । ঐ আসছে ।
পালাই । [প্রস্থান]

(চারিপাঁচখানি গ্রন্থ লইয়া হেলেনের প্রবেশ ।)

হেলেন । কৈ বাবা !—ঐ যে !—পালালে ছাড়ছি না । দেখিয়ে
দিতে হবে । ছাড়ছি নে ।

(পুস্তকগুলি রাখিয়া প্রস্থান ও সেলুকসের হস্ত ধরিয়া পুনঃ প্রবেশ ।)

হেলেন । বসুন । সফোক্লিস কোথায় একথা ব'লেছেন, দেখিয়ে
দিতে হবে ।

সেলুকস । একি জ্বরদন্তি !—আমি দেখিয়ে দেবো না । কি
কর্কে ?

হেলেন । তবে বল্লেন কেন ?

সেলুকস । বেশ ক'রেছি । তুমি ভারি অবাধ্য মেয়ে । তমি
আমায় মেহ কর না ।

হেলেন। আমি আপনাকে স্নেহ করিনে বাবা ! এ কথা ব'লতে পার্গেন !—আপনার এক বিন্দু চক্ষের জল মুছিয়ে দিতে যে আমি আমার সর্ব্বশ্ব দিতে পারি ।

সেলুকস। না আমি অত্যাশ ব'লেছি হেলেন। আমার ক্ষমা কর ।

হেলেন । না বাবা, অপরাধ আমার । আমি আপনাকে কিছু স্নেহ করি না । আমায় ক্ষমা করুন ।

সেলুকস। না মা আমার অপরাধ । তুমি আমায় খুব স্নেহ কর ।

হেলেন । [সহাস্তে] কিন্তু সফোক্লিস্ এ বিষয়ে কিছু বলেন নি ?

সেলুকস। না ।

হেলেন । আচ্ছা তবে আর কোন তর্ক নাই । আচ্ছা বাবা, সেকেন্দার সাহা সম্বন্ধে এক গল্প শুনেছি—সে কি ঠিক ?

সেলুকস। কি ?

হেলেন । তিনি যখন ভারত জয় কর্ত্তে গিয়েছিলেন, তখন এক ব্রাহ্মণের সঙ্গে তাঁর সাক্ষাৎ হয় । সে ব্রাহ্মণ তাঁকে জিজ্ঞাসা করল, “আচ্ছা, সেকেন্দার সাহা ! ভারতজয় করে’ তার পরে আপনি কি জয় কর্ণেন ?” সেকেন্দার সাহা ব'ললেন “চীন জয় কর্ণ ।” “তার পর ?” “আফ্রিকা ।” “তার পরে ?” “ইয়ুরোপ ।” “তার পরে ?”—সেকেন্দার সাহা আর কিছু ভেবে না পেয়ে ব'ললেন, “তার পরে একটা প্রকাণ্ড ভোজ দেবো ।” ব্রাহ্মণ বল্ল—“ভোজটা এখনই দেন না কেন ?”

সেলুকস । সে ব্রাহ্মণ বড় ঔদয়িক ।

হেলেন । না বাবা, সে ব্রাহ্মণ পরম দার্শনিক । মানুষের উচ্চাশার অন্ত নাই । দার্শনিক ডায়োজিনিস বিপরীত দিকে গিয়াছিলেন ।

তৃতীয় অঙ্ক ।]

চন্দ্রশুভ্র ।

[চতুর্থ দৃশ্য ।

জীবনের প্রয়োজন যতদূর সম্ভব সংক্ষিপ্ত করে' এনেছিলেন । তিনি এক জলপাত্রে বাসা করে' ছিলেন তা ত জানেন !

সেলুকস । মূর্থ দার্শনিক !

হেলেন । মূর্থ ? সেইজন্যই কি বীরবর সেকেন্দার সাহা তাঁর সঙ্গে সাক্ষাৎ কর্তে গিয়েছিলেন ? তিনি দার্শনিককে জিজ্ঞাসা করলেন “আমি ভুবনবিজয়ী সেকেন্দার সাহা । তুমি যা' চাও তাই দিতেপারি— কি চাও?”

সেলুকস । তিনি অবশ্য বড় একটা জমীদারি চেয়েছিলেন ?

হেলেন । না । তিনি বলেন “আমায় ঈশ্বরের যৌদ্ধ ছেড়ে দাঁড়াও—আর কিছু চাই না ।”

সেলুকস । সেকেন্দার নি'চয় ভাবলেন—এ এক উন্মাদ ।

হেলেন । না বাবা ! সেকেন্দার সাহা বলেন যে “আমি যদি সেকেন্দার সাহা না হ'তাম ত এই ডায়োজিনিস হ'তে চাইতাম ।”

সেলুকস । “যদি সেকেন্দার না হ'তাম”—চতুর এই সেকেন্দার সাহা ।

[হাসিতে হাসিতে প্রস্থান]

হেলেন । হারে মাতুষ ! পরের স্বর্থ দেখতে পারোনা ? দূরে দাঁড়িয়ে পরস্পরের উপর চোখ রাজাচ্ছ আর গর্জাচ্ছ । ইচ্ছা যে দৌড়ে গিয়ে পরস্পরের টু'টী কান্ধে ধর ; পাচ্ছ'না শুধু তয়ে' । প্রত্যেকেরই ইচ্ছা যে এই সসাগরী ধরিত্রীকে গ্রাস কর । মা বসুন্ধরা ! এমন রাক্ষসকে জন্ম দিয়েছিলে ! ঈশ্বর তোমার জঘন্য সৃষ্টি কিরিয়ে নাও ।
—আশ্চর্য ভ্রম ।

তৃতীয় অঙ্ক ।]

চন্দ্রশুপ্ত ।

[পঞ্চম দৃশ্য ।

পঞ্চম দৃশ্য ।



স্থান—চন্দ্রকেতু গৃহোষ্ঠান । কাল—সন্ধ্যা ।

নদীতীরে ছায়া একাকিনী বেড়াইয়া বেড়াইতেছিলেন ও
গাহিতেছিলেন ।

আর, কেন মিছে আশা, মিছে ভালোবাসা, মিছে কেন তার ভাবনা ।

সে যে, সাগরের মলি আকাশের চাঁদ—আমি ত তাহারে পাবনা ॥

আজি, তবু তারে 'স্মরি', সতত সিহরি কেন আমি হতভাগিনী ;

কেন, এ প্রাণের মাঝে নিশিদিন বাজে সেই এক মধুরাগিনী ।

শুনি,—উঠে সেই গান নীরব মহল, বায় সে আকাশ ছাপিয়া ;

দেখি, শুনি' সেই ধনি শিহরে ধরণী, তান্মকুল উঠে কাপিয়া ,

আমি, চেয়ে থাকি—হির নীরব গভীর নির্গল নীল মিশীথে ;

কেন—'রহি' এ মহীতে, সসীম হইতে চাহ সে অসীমে মিশিতে ।

আমি, পারি না ত ভায়, ধূলার গড়ায় তপ্ত অশ্রুবারি গো ;

তবে, কেন হেন বেচে হুখ লই বোহে, কেন না ভুলিতে পারি গো ;

—না না, তবু সেই হুখ জাগিয়া থাকুক আশ্রয় সম অরণ্যে ;

আমি, লভেছি যদি এ বিরস জীবন, লভিব সরস মরণে ।

[চন্দ্রশুপ্তের প্রবেশ]

চন্দ্রশুপ্ত । ছায়া !

ছায়া । কে ? মহারাজ !

চন্দ্রশুপ্ত । তোমার দাদা কোথায় ?

ছায়া । জন্মিনা । দেখিগে । [প্রস্থানোদ্যত]

চন্দ্রশুপ্ত । দাঁড়াও ।

তৃতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

ছায়া ফিরিয়া দাঁড়াইলেন ও চন্দ্রগুপ্তের প্রতি স্থির নেত্রে চাহিয়া রহিলেন ।

চন্দ্রগুপ্ত । যুদ্ধের পরে তোমার সহিত সাক্ষাৎ হয় নাই ।

ছায়া নীরব রহিলেন ।

চন্দ্রগুপ্ত । ছায়া, তুমি আমার প্রাণরক্ষা ক'রেছো ।

ছায়া নীরব রহিলেন ।

চন্দ্রগুপ্ত । তা'র জন্য আমার কৃতজ্ঞতা প্রকাশ করবার সুযোগ পাই নি । ছায়া, আমি তোমার কাছে কৃতজ্ঞ ।

ছায়া । [অর্কোচ্চারিত স্বরে] এই মাত্র !

চন্দ্রগুপ্ত । প্রত্যাশার স্বরূপ আমি তোমাকে—

ছায়া । কিছু প্রয়োজন নাই মহারাজ । আমরা হীন পার্শ্বভ্যাজাত ।—উপকার বিক্রয় করি না, মহৎ প্রবৃত্তির ব্যবসা করি না । মহারাজের জীবন রক্ষা কর্তে পেরেছি—এই সৌভাগ্যই আমার যথেষ্ট পুরস্কার । তা'র অধিক কিছু প্রত্যাশা করি না ।

চন্দ্রগুপ্ত । এই কিশোর হৃদয়ে এতখানি মহত্ব ! কিম্বা—

ছায়া । মহারাজ ! আমরা বাল্যকাল হ'তে মৃগয়া কর্তে শিখি, যুদ্ধ কর্তে শিখি, প্রভারণা কর্তে শিখি । সভ্য দ্ব্যর্থক ভাষার কথা কহিতে শিখি না । আমি যা ব'লেছি তার ঐ একই অর্থ । তার মধ্যে 'কিম্বা' নাই ।

চন্দ্রগুপ্ত । ছায়া ! তুমি একটি প্রহেলিকা ।

ছায়া । মহারাজ ! আমি কোন প্রত্যাশার চাই না ।

[প্রস্থানোদ্যত]

তৃতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

চন্দ্রগুপ্ত । দাঁড়াও ছায়া ! আমি একটা কথা জিজ্ঞাসা করি । উপকার করে' তার পরে তুমি উপকৃতের প্রতি ঐত উদাসীন কেন ? আমি লক্ষ্য ক'রেছি ছায়া, যে তুমি চন্দ্রকেতুর সঙ্গে যখন কথা কইছ, তখন আমি এলেই তুমি তৎক্ষণাৎ চলে' যাও ।—এত উদাসীন !

ছায়া । [অক্ষুটস্বরে] উদাসীন ! [ক্ষণেক শির অবনত করিয়া পরে সহসা কহিলেন] মহারাজ ! আপনি কখন পরীতশিখরে দাঁড়িয়ে সূর্য্যোদয় দেখছেন ?—দিগন্তবিত্ত বনানীর উপর দিয়ে বিকম্পিত সূর্য্যরশ্মির ঢেউ খেলে যায় যখন,—দেখেছেন কি ?

চন্দ্রগুপ্ত । হাঁ ছায়া ।

ছায়া । আমাদের জীবন সেই রকম—একটা উজ্জল ঘনশ্রাম-লতা—আবেগে কাঁপছে,। অধিত্যক্যাবাসী নীচে দাঁড়িয়ে তা'র কি দেখতে পায় মহারাজ ?

চন্দ্রগুপ্ত । আমরা হয়ত তাই তোমাদের সম্যক বুঝি না । তবু মনে হয় যে তোমাদের ঘনশ্রাম আবরণের নীচে হৃদয় আছে ।

ছায়া । মহারাজের সৌজ্ঞেয় যে' কৃষ্ণ দেহ না ব'লে ঘনশ্রাম আবরণ ব'লেছেন । কিন্তু মহারাজ, লক্ষ্য ক'রেছেন কি যে মেঘ যতই কৃষ্ণবর্ণ হয়, ততই সে সলিলসম্ভারসমৃদ্ধ হয়, তা'র বক্ষে ততই তীব্র তড়িৎ খেলে ? আমাদের হৃদয় আছে এইটুকুই নক আপনাদের মনে হয় ? যদি জ্ঞাতেন যে সে হৃদয় কতখানি, তাতে কি তরঙ্গ খেলছে !

চন্দ্রগুপ্ত । এও কি সম্ভব ! ছায়া তুমি কি আমাকে ভালোবাসো ? এও সম্ভব !

ছায়া । কৈন সম্ভব নয়, মহারাজ ! জীবন অপনাদের দেহের উপর

তৃতীয় অঙ্ক ।]

চন্দ্রগুপ্ত ।

[পঞ্চম দৃশ্য ।

হুপোচ বেশী রং মাখিয়েছেন, তাই আর অহঙ্কারে মাটিতে পা পড়লোনা—
—আমি আপনাকে ভালোবাসি কিনা জিজ্ঞাসা করছেন? না
মহারাজ! আমি আপনাকে ঘৃণা করি। বিবেচনা করেন যে আমি
ভিক্ষুকের মত আপনার প্রেম বাচ্ছা করছি? আপনি অল্পকম্পাভরে
আমায় প্রেমমুষ্টি ভিক্ষা দেবেন, আর আমি তাই হাত পেতে নেবো।
এত বড় স্পর্ধা!—মহারাজ, আমি হীন বর্গের কৃষ্ণবর্ণ পার্শ্বত্য রমণী।
আর আপনি মগধের দেবস্বত মহারাজ। তথাপি আমি আপনাকে
ঘৃণা করি। [দ্রুত প্রস্থান]

চন্দ্রগুপ্ত । অদ্বুত! প্রাণরক্ষা করে' পরে ঘৃণা! নারীচরিত্র অপূর্ণ
প্রহেলিকা! বহুদিন পূর্বে মনে পড়ে—সিদ্ধনদতীরে—সেকেন্দার
সাহার সমক্ষে সেলুকসের কন্ঠ্যর সেই কৃতজ্ঞ সজল দৃষ্টি। সেকি
ভালোবাসা? না, শুদ্ধ কৃতজ্ঞতা? সেই গ্রীক বালিকা—কি অপূর্ণ
সুন্দরী!—মহাসমুদ্রের নীল জলরাশির উপর অবতীর্ণ উষার ন্যায়—
রাশি রাশি রক্তজবার মধ্যে বিকশিত স্থলপদ্মের ন্যায়। যাক্—সে কথা
আজ ভাবি কেন! সে একটা মধুর স্বপ্ন।

[চন্দ্রকেতুর প্রবেশ ।]

চন্দ্রগুপ্ত । এই যে চন্দ্রকেতু—

চন্দ্রকেতু । বহু! ব্রাহ্মণের আজ্ঞা আজ রাতেই ভূতপূর্ব মহারাজ
নন্দ্রের বলি হবে।

চন্দ্রগুপ্ত । [সবিস্ময়ে] সে কি!—বলি হবে!—ব্রাহ্মণের আজ্ঞা!—
আমি কে? মগধের মহারাজ না? এত শ্রম, এত আয়োজন কি
শুদ্ধ ব্রাহ্মণের প্রভুত্বের হোমায়িতে স্থত ঢালবার জন্য!—চন্দ্রকেতু!
১৬]

তৃতীয় অঙ্ক ।]

চন্দ্রগুপ্ত ।

[পঞ্চম দৃশ্য

চন্দ্রকেতু । বন্ধুবর !

চন্দ্রগুপ্ত । এ প্রাণদণ্ড হবে না । আমি মার্কজনাজ্ঞা লিখে দিচ্ছি ।
নিয়ে যাও । বোলো এ মহারাজ চন্দ্রগুপ্তের আজ্ঞা—মিনতি নয় ।
যাও । প্রস্তুত হও ।

[চন্দ্রকেতুর প্রস্থান]

চন্দ্রগুপ্ত । ব্রাহ্মণের স্পর্ধা যে আমাকে কোন সংবাদ না দিয়ে,—
আমার অনুমতি না নিয়ে—আশ্চর্য্য ! আমি যেন সাম্রাজ্যের কেহই
নই, চাণক্যের হস্তের যন্ত্র মাত্র !

ছায়া । পুনঃপ্রবেশ ।

ছায়া । মহারাজ ক্ষমা করুন ।

চন্দ্রগুপ্ত । কিসের জন্য ছায়া ?

ছায়া । রুদ্ধ হ'য়েছি । অপবাধ হ'য়েছে । মার্কজনা করুন ।
মার্কজনা না করেন, দণ্ড দিউন ।

চন্দ্রগুপ্ত । কেন ?—তোমার কোন অপরাধ হয় নাই । তুমি যদি
আমাকে ঘৃণা কর, তা বলতে দোষ কি ?

ছায়া । ঘৃণা করি ! যিনি আমার জাগ্রতে ধ্যান, নিদ্রায় স্বপ্ন ;
যিনি আমার ইহকালের সম্পৎ, পরকালের স্বর্গ , ঈশ্বর দর্শন তীর্থ,
অদর্শন অভিশাপ ;—তাঁকে ঘৃণা কর্ক !—মিথ্যা কথা ব'লেছি । তথাপি
ইচ্ছা হয়—যে যদি ঘৃণা কুর্ন্তে পার্জাম !

চন্দ্রগুপ্ত । কেন ছায়া ! আমি তোমার কি ক'রেছি ?

ছায়া । কি ক'রেছেন !—কি করেন নি ?—আপনি আমার
আহারে ক্ষুধা; শয়নে নিদ্রা, সর্বসময়ে—শান্তি কেড়ে নিয়েছেন ।

[৮৭

তৃতীয় অঙ্ক ।]

চন্দ্রগুপ্ত ।

[যষ্ঠ দৃশ্য ।

আপনি আমার চক্ষে জগৎ লুপ্ত করে' দিয়েছেন; আপনার চক্ষিয়ার আমার অস্তিত্ব লীন হ'য়ে যায়—আমি স্বর্গে আছি কি নরকে আছি বুঝতে পারি না। আমার জিজ্ঞাসা কচ্ছেন আপনি আমার কি ক'রেছেন!—নিষ্ঠুর! [ক্রন্দন]

চন্দ্রগুপ্ত । ছায়া! [স্নেহে তাঁহার হাত ধরিলেন]

ছায়া । না আমার স্পর্শ করবেন না, স্পর্শ করবেন না। ও স্পর্শে আমার অঙ্গে তড়িৎপ্রবাহ বহে' যায়, আমার মস্তিষ্ক পাষাণে পতিত কাংশ্চপাত্রে মত বন্ বন্ করে' ওঠে!—না আমি এ উন্মাদনা দমন করব।

[দ্রুত প্রস্থান]

চন্দ্রগুপ্ত । কি আশ্চর্য্য! আমি এতদিন যাকে ভয়ীর মত স্নেহ ক'রে এসেছি—আশ্চর্য্য!

ষষ্ঠ দৃশ্য ।

—:::—

চাণক্য ও তাঁহার দেহরক্ষীগণ ।

সম্মুখে বন্দী অবস্থায় নন্দ । 'পাশে' শাপিত ষড়্জা । অদূরে যুগকাঠ ।

চাণক্য । ভূতপূর্ব মহারাজ নন্দ! দেখেছো যে ব্রাহ্মণের প্রতাপ যায় নাই? ঈশ্বর মুখ' নহেন—তাই বাহর উপর মস্তিষ্ক। আৰ্য্য ঋষি-গণ মুখ' ছিলেন না—তাই ক্ষত্রিয়ের উপরে ব্রাহ্মণ। কারো সাধ্য নাই
৮৮]

ভূতীয় অঙ্ক ।]

চন্দ্রগুপ্ত ।

[ষষ্ঠ দৃশ্য ।

ভাস্কর্য্য-নাট্য । ভারত বতদিন ভারত, ততদিন এই ব্রাহ্মণ এ সমাজ শাসন কর্কে । তার পূর একসঙ্গে—সব চুবুয়ার ।

নন্দ । আমাকে কি তোমার দস্ত শোনার জন্য এখানে আনা হ'য়েছে ?

চাণক্য । ঠিক নয় ।—ঐ খড়্গা দেখ্ছো ? ঐ যুগকাঠ দেখ্ছো ? —এখনও কি বুঝ্তে বাকি আছে যে তোমাকে কি জন্ত এখানে আনা হয়েছে ? সে দিন আমার প্রতিজ্ঞা মনে আছে—যে তোমার রক্তে রঞ্জিত হস্তে এ শিখা বাধবো ? এখনও বাধি নাই—এই দেখ ।—এখনও কি বুঝ্তে বাকি আছে যে কি জন্ত তোমাকে এখানে আনা হ'য়েছে ?

নন্দ । আমায় বধ কর্কে ?

চাণক্য । অবিকল ।

নন্দ । নিরস্ত্র বন্দীর হত্যা ! এই কি সনাতন ধর্ম্ম ?

চাণক্য । সনাতন ধর্ম্মের মর্ম্ম কি ব্রাহ্মণকে আজ ক্ষত্রিয়ের কাছে শিখ্তে হবে ?—শোন, এ হত্যা নয়, এ তোমার মৃত্যুদণ্ড । আর সে দণ্ড দিচ্ছি—আমি ব্রাহ্মণ ।

নন্দ । কি অপরাধে ?

চাণক্য । ব্রহ্মহত্যার অপরাধে । ব্রাহ্মণের সম্পত্তি লুণ্ঠন করার অপরাধে । ব্রাহ্মণকে অপমান করার অপরাধে । তুমি একে বল্ছো হত্যা, আমি বল্ছি—এ বিচার । এ বিচার কর্কার অধিকার আমার আছে । আমি ব্রাহ্মণ ।—নন্দ ! প্রস্তুত হও । রক্ষিণ হাড়-কাঠে ফেল ।

নন্দ । চাণক্য ! আমি কাত্যায়নের প্রতি—তোমার প্রতি
অবিচার ক'রেছি। আমার ক্ষমা কর ।

চাণক্য । [উচ্চহাস্য করিয়া] ঠিক অক্ষরে অক্ষরে মিলেছে ।
আমি সে দিন ব'লেছিলাম না নন্দ ?—যে একদিন এই ভিক্ষকের
পদতলে বসে', তোমার ক্ষমা ভিক্ষা চাইতে হবে, আমি সে ভিক্ষা
দিব না ?

নন্দ । আমি প্রাণভিক্ষা চাই নি ব্রাহ্মণ ! ক্ষত্রিয় আমি ।
ব্রাহ্মণের প্রভুত্ব মানি না, শূদ্রকে ঘৃণা করি, আমার পিতাব গণিকা-
পুত্রকে ঘৃণা করি । কিন্তু মৃত্যুভয় করি না । তোমার রক্তবর্ণ চক্ষুকে
আমি তুচ্ছজ্ঞান করি, কিন্তু নিজের অন্যায় বুঝি । আমি এত পাবণ্ড
নই যে প্রজার সম্পত্তি লুণ্ঠ করি—নরহত্যা করি । সঙ্গদোষ আমাকে
পাবণ্ড করে' তুলেছে । ক্ষমা কর ।—কাত্যায়ন—

কাত্যায়ন । [কল্পিতস্বরে] নন্দ ! মহারাজ ! আমি ক্ষমা
ক'রেছি ।

চাণক্য । ধবন্দ্রার কাত্যায়ন !—ক্ষমা নাই । পৃথিবীতে কেউ
কাউকে ক্ষমা করে না, ক'র্তে পারে না । ' হৃদয়ের যে যন্ত্রণা ভিতরে
টগ্-বগ্-করে' ফুটেছে, সে কি তোমার দুকোঁটা সখের চোখের জলে ঠাণ্ডা
হয় ? তা হয় না । সব ক্ষমা মৌখিক । যেমন অহুতাপ মৌখিক,
তেমন ক্ষমাও মৌখিক । আমি কখন দেখলাম না যে শান্তি সম্মুখে
না দেখে কারো অন্ততাপ এলো । আমি কখন দেখলাম না যে কোন
মর্জ্জনায ভাল মন ঠিক আগেকার মত জুড়ে গেল । তা হয় না ।

কাত্যায়ন । কিন্তু—নন্দ বালক ।

তৃতীয় অঙ্ক ।]

চন্দ্রশুভ ।

[ষষ্ঠ দৃশ্য ।

চণক্য । যে বালক, তার বালকের ন্যায় থাকা উচিত । বালকও যদি না জেনে আঙুলে হাত দেয়, হাত পোড়ে । অগ্নি নিজের কাজ ক'র্তে বিধা করে না ।

কাত্যায়ন । তথাপি—পাণিনি—

চণক্য । [সপদদাপে] আবার পাণিনি ! কাত্যায়ন ! তুমি এসময়ে যদি পাণিনির নাম কর, আমি তোমায় হত্যা করব ।

কাত্যায়ন । নন্দ বালক—

চণক্য । তাই দেখছি ! খড়্গ নাও কাত্যায়ন ! তোমায়ই একে স্বহস্তে বধ ক'র্তে হবে ।

কাত্যায়ন । আমি ।

চণক্য । হাঁ তুমি । পুত্রহত্যার ঐতিশোধ নাও । মনে কর কাত্যায়ন ! তোমার সপ্তপুত্রের শীর্ণায়মান পাণ্ডুর মূর্তি—তাদের সেই অগ্নের জ্ঞান ক্ষীণ হাহাকার, তাদের নিস্প্রভায়মান দৃষ্টি—তা'র পর সব হিম, কঠিন, অসাড় ;—তাদের নিষ্পন্দ নির্গম্য চক্ষুহুটির উপর মৃত্যুর করাল মুদ্রাঙ্কন । মনে কর—সেই মৃত্যু তুমি সম্মুখে দেখছো । তুমি তাদের পিতা—তাই দেখছো, মনে কর ।—কাত্যায়ন ! স্বহস্তে তার ঐতিশোধ নাও ।

কাত্যায়ন খড়্গ লইলেন ।

চণক্য । আর বিলম্বে, প্রয়োজন কি !—রক্ষিণ ! হাড়িকাঠে ফেল ।

রক্ষিণ নন্দকে হাড়িকাঠে ফেলিল ।

চণক্য । তবু ভূতপূর্ব মহারাজ !—কাত্যায়ন !—

তৃতীয় অঙ্ক ।]

চন্দ্রগুপ্ত ।

[ষষ্ঠ দৃশ্য ।

কাত্যায়ন খড়্গ লইয়া দুপকার্ঠের নিকটে আসিলেন ।

চাণক্য । ভূতপূৰ্ণ মহারাজ নন্দ ! এ ব্রাহ্মণের কাজ নয় । কিন্তু কি কর্ণ, আজ তার প্রয়োজন হ'য়েছে । আজ ব্রাহ্মণের সে তপস্তা নাই । ইচ্ছা হয় যে আজ দ্বিতীয় পরশুরামের মত ভারতকে নিক্ষেপ্ত করি ; কপিলের মত এক ক্রুদ্ধ দৃষ্টিতে নন্দবংশ তন্নয় করে' দেই । কিন্তু কলিয়ুগে আর তা হয় না । তাই খড়্গের সাহায্য নিতে হ'য়েছে । তবু এই পাপ কলিয়ুগেও ভারত একবার ব্রাহ্মণের প্রতাপ দেখুক ।— [কাত্যায়নকে] বধ কর ।—হাঁ ।—আর মর্কীর আগে শুনে যাও নন্দ ।— ভূতপূৰ্ণ মহারাজ !—তোমার বংশে বাতি দিতে কেউ নাই ।—নন্দ বংশ নিমূল করেছে ।

নন্দ জ্বাৰ্ত্তনাদ করিলেন ।

চাণক্য । এখন বধ কর ।

[কাত্যায়ন খড়্গ উঠাইলেন ।]

বেগে চন্দ্রকেতুর প্রবেশ ।

চন্দ্রকেতু । সাবধান ! খড়্গ নামাও ব্রাহ্মণ !

চাণক্য । কেন চন্দ্রকেতু ?

চন্দ্রকেতু । রাজ-আজ্ঞা । [কাত্যায়ন খড়্গ নামাইলেন ।]

চাণক্য ! এর অর্থ কি, চন্দ্রকেতু ?

চন্দ্রকেতু । এই মহারাজ চন্দ্রগুপ্তের, মার্জনা পত্র । মহারাজ নন্দকে মুক্ত করে' দিয়েছেন ।

চাণক্য । মহারাজ চন্দ্রগুপ্তের আজ্ঞা !—বুঝেছি । কিন্তু এ আজ্ঞা আমার জন্ত নয় ।—বধ কর ।

তৃতীয় অঙ্ক ।]

চন্দ্রশেখর ।

[ষষ্ঠ দৃশ্য ।

চন্দ্রশেখর । কিন্তু গুরুদেব ! এ রাজ-আজ্ঞা ।

চাণক্য । এ ব্রাহ্মণের আজ্ঞা ।—বধ কর কাত্যায়ন !

চন্দ্রশেখর । তবে মহারাজ স্বয়ং আসুন । তাঁর পূর্বে আমি বধ ক’র্ত্তে দিব না । রাজ-আজ্ঞা আমি পালন করব । আমার কর্তব্য আমি করব ।—রক্ষিণ সবে দাঁড়াও ।

চাণক্য । কখন না, খাড়া থাক ।

চন্দ্রশেখর । বীরবল !

সৈন্যাধ্যক্ষ বীরবল ও পঞ্চসৈনিকের প্রবেশ ।

চন্দ্রশেখর । সৈনিকগণ ! মহারাজের আগমন পর্য্যন্ত বন্দীকে রক্ষা কর । বীরবল—মহারাজকে সংবাদ দাও ।

[বীরবলের প্রস্থান ।]

চাণক্য ! কাত্যায়ন ! খড়্গ নিয়ে সঙের মত খাড়া হ’য়ে চেয়ে কি দেখছো ? যেন মৃগখুঁটি !—খড়্গ আমায় দাও । [অগ্রসর হইলেন]

চন্দ্রশেখর । [সন্মুখে গিয়া নতজাহ্নু হইয়া তরবারি দিয়া পথ রোধ করিয়া] আমি ব্রাহ্মণের সন্মুখে নত-জাহ্নু হচ্ছি । কিন্তু রাজাজ্ঞা পালন করব ।

চাণক্য । বধ কর, কাত্যায়ন !

কাত্যায়ন খড়্গ না উঠাইতেই চন্দ্রশেখর রাজাজ্ঞা তাঁহাকে দেখাইয়া কহিলেন—“রাজ-আজ্ঞা” । কাত্যায়ন খড়্গ নামাইলেন ।

চাণক্য । কোন চিন্তা নাই কাত্যায়ন ! যে ব্রাহ্মণ চন্দ্রশেখরকে সিংহাসনে বসাতে পারে, সে তাঁকে সিংহাসন থেকে নামাতেও পারে ।
—বধ কর ।

[২৩]

তৃতীয় অঙ্ক ।

চন্দ্রগুপ্ত ।

[ষষ্ঠ দৃষ্ট ।

কাত্যায়ন খড়্গ উঠাইতে বাইলে চন্দ্রকেতু কহিলেন—“সন্ধিধান !
এর জন্ত যদি ব্রহ্মহত্যা হয়, ত’ দ্বিধা কর্ব না ।”

মন্দিরমধ্য হইতে মুরার প্রবেশ ।

মুরা । আর যদি নারী হত্যা হয় ? [এই বলিয়া কাত্যায়ন
ও চন্দ্রকেতুর মধ্যে আসিয়া দাঁড়াইলেন ।]

চন্দ্রকেতু । [স্তম্ভিত হইয়া] মা আপনি ?

মুরা । হাঁ আমি । আমার আজ্ঞা—

চন্দ্রকেতু । আপনি নন্দকে ক্ষমা করুন যা !

মুরা । [সব্যঙ্গহাস্তে] ক্ষমা ! :ক্ষমা নাই । আমি ক্ষমা
ক’র্ত্তে পারি না, জানি না । আমি যে শূদ্রাণী । ক্ষমা ব্রাহ্মণের ধর্ম—
শূদ্রের নয় ।

চন্দ্রকেতু । ক্ষমা মানুষের ধর্ম—একা ব্রাহ্মণেরই নয় । ক্ষমা
করার যে অপার সুখ, তাতে কি একা ব্রাহ্মণেরই অধিকার ! এই ক্ষমা
স্বর্গ থেকে ভাগীরথীর পবিত্র বারির মত সংসারে নেমে এসেছে ।
সকলেরই সেই পুণ্যতরঙ্গে স্নান করে’ পবিত্র হবার অধিকার আছে ।
ঈশ্বরের ক্ষমা আকাশ থেকে শত ধারায় মর্ত্তে নেমে আসছে না !
রোগে এই ক্ষমা স্বাস্থ্যরূপিনী হ’য়ে এসে আমাদের রক্ষা করে , শোকে
এই ক্ষমা বিন্মুতি নিয়ে আসে , দারিদ্র্যকে এ ক্ষমাই সহিষ্ণুতা দিয়ে
ধিরে থাকে । মাতা শৈশবে সন্তানের শত অপরাধ যদি ক্ষমা না করে,
তা’হলে কি সন্তান বাচে মা ?—মা ক্ষমা কর, আমি জাহ্নু পেতে
ভিক্ষা চাচ্ছি । [জাহ্নু পাতিছেন]

মুরা । তুমিই কি একা ভিক্ষা চাইছ চন্দ্রকেতু ? আমার প্রাণ এই

তৃতীয় অঙ্ক ।]

চন্দ্রগুপ্ত ।

[বসন্ত দৃশ্য ।

পঞ্জরেক্ষেপার ভেঙ্গে বেরিয়ে এসে আমার পায়ে ধরে' ভিক্ষা চাচ্ছে না!—নন্দের এই বন্দী অবস্থা দেখছি, তার এই স্নান অধোমুখ দেখছি, আর অগ্রর উৎস উৎপলে উঠে এই দৃষ্টিপথ রোধ করেছে না! নন্দ! শূদ্রাণীর দুষ্ক কি ক্ষত্রিয়াণীর দুষ্কের চেয়ে কম মধুর? শূদ্রাণীর স্নেহ কি ক্ষত্রিয়াণীর স্নেহের চেয়ে কম শুভ্র? না, আমি ক্ষমা করব না। আমি যে শূদ্রাণী—গণিকা।—বধ কর।

চন্দ্রকেতু। কিন্তু মা—এ রাজাজ্ঞা।

মুরা। এ রাজমাতার আজ্ঞা। আমি দাসী—গণিকা হলেও মহারাজ চন্দ্রগুপ্তের জননী।—আমার আজ্ঞা।—বধ কর।

চন্দ্রকেতু। এইখানে আমার পরাজয়। সর্ব দেশের ও সর্ব-কালের নারীর কাছে আমি পরাজিত। [মুরার পদতলে ভরবারি রাখিলেন।] নারীর কেশাগ্র স্পর্শ করি হেন সাধা আমার নাই।

চাণক্য। বধ কর কাত্যায়ন।

কাত্যায়নের খড়্গ পড়িল। নন্দের দেহ হইতে মস্তক বিচ্ছিন্ন হইল।

চাণক্য। হাঃ হাঃ! প্রতিহিংসা পূর্ণ হোল। [নন্দের রক্তে হস্ত রঞ্জিত করিয়া শিখা বাধিয়া প্রস্থান।]

কাত্যায়ন। [নন্দের ছিন্ন মুণ্ড উঠাইয়া] সপ্ত সন্তানের হত্যার এই প্রতিশোধ!

মুরা। কি কর্ণে! বধ কর্ণে!—একি কর্ণাম!—তাকে রক্ষা কর্ণে এসে—[হস্ত দিয়া মুখ ঢাকিলেন]।

চন্দ্রগুপ্তের প্রবেশ।

চন্দ্রগুপ্ত। নন্দের ছিন্নমুণ্ড দেখিয়া সত্তরে পিছাইয়া] এ কি!

[৯৫

তৃতীয় অঙ্ক ।]

চন্দ্রগুপ্ত ।

[বর্ষ দৃশ্য ।

মুরা। তা'রা নন্দকে বধ করেছে !—ঐ মুখে আমার স্তম্ভ দিগ্নেছি ।
ঐ দেহখানিকে আমি বন্ধে ধরে' জড়িয়ে গুয়ে থাকতাম ।—ওঃ !
কি ক'রেছি ! কি ক'রেছি !! বৎস চন্দ্রগুপ্ত ! [মুখ ফিরাইলেন] ।

চন্দ্রগুপ্ত । কে বধ ক'রেছে ?

কাত্যায়ন । আমি ।

চন্দ্রগুপ্ত । কার আজ্ঞায় ?

মুরা। আমার আজ্ঞায় ।—ব্রাহ্মণ ! আমি নারী—মূর্খ, দুর্বল,
জ্ঞানহীন নারী ।—কিন্তু তুমি কি কর্ণে ব্রাহ্মণ ! কতবার তুমি ঐ
মুখখানি চুম্বন ক'রেছো । আর, এখনও কি পৈশাচিক উল্লাসে
ঐ ছিন্ন মুণ্ড হাতে করে' দাঁড়িয়ে আছো ?

কাত্যায়নের হস্ত হইতে মুণ্ড পড়িয়া গেল ।

চন্দ্রগুপ্ত । ব্রাহ্মণ !—তুমি রাজ্যজ্ঞা অবহেলা ক'রেছো ?

কাত্যায়ন । ক'রেছি ।

চন্দ্রগুপ্ত । ব্রাহ্মণ অবধ্য । তোমাকে আমি রাজ্য থেকে নির্বাসিত
করান ।

কাত্যায়ন । মহারাজ !—

চন্দ্রগুপ্ত । শুন্তে চাই না । আমি এখন থেকে দেখাচ্ছি যে আমার
আজ্ঞা ভিক্ষুকের কাকুতি নয় । এই তোমার শাস্তি ।—যাও ।

কাত্যায়ন নীরবে প্রস্থান করিলেন ।

চন্দ্রগুপ্ত । চন্দ্রকেতু !—

চন্দ্রকেতু । মহারাজ ! যদি জগতের কোটি বীর রাজ্যজ্ঞার
বিপক্ষে শাণ্ডিত মুক্ত তরবারি নিয়ে দাঁড়াতে, চন্দ্রকেতু রাজ্যজ্ঞা পালনে
৯৬]

তৃতীয় অঙ্ক ।]

চন্দ্রশুভ ।

[ষষ্ঠ দৃশ্য ।

প্রাণ দিচ্ছ। কিন্তু নারীর কাছে আমি শিশুর চেয়েও দুর্বল ।

চন্দ্রশুভ । আর—মা !

মুরা । আমার অপরাধের শাস্তি দাও বৎস !

চন্দ্রশুভ । [নতজানু হইয়া করষোড়ে] তোমার অপরাধ মা !
মায়ের অপরাধ সন্তানের কাছে !—তুমি যা'ই কর, তুমি আমার কাছে
চিরদিনই মা,—“জননী জন্মভূমিচ স্বর্গাদপি গরীয়সী ।” [এক হস্ত
নিহত নন্দের দিকে প্রসারিত করিলেন, অপর হস্ত দিয়া চক্ষুদ্বয় আবৃত
করিলেন ।]

চতুর্থ অঙ্ক ।



প্রথম দৃশ্য ।



স্থান—চাণক্যের কুটীর কক্ষ । কাল—গোধূলি ।

চাণক্য একাকী ।

চাণক্য । প্রতিহিংসা পূর্ণ হ'য়েছে । কিন্তু সে একটা ক্ষণিক উন্মাদনা । আবার সেই অবসাদ । বাহিরের বাত্স ধেম্মে গিয়েছে । আবার হৃদয়ের সেই হাহাকার গুণ্ঠে পাচ্ছি ! অগাধ স্নেহরাশি—রাশি এমন পাত্র নাই । হৃদয় কল্পিত আগ্রহে কা'কে যেন বক্ষে চেপে ধর্তে চায় । কিন্তু সেই ব্যগ্র আলিঙ্গন বক্ষে চেপে ধরে—নিজেরই উষ্ণনিশ্বাস ।—রা'কসি ! ক'রেছি'স্ কি ?—এ শুধু অরণ্যে রোদন—কঙ্কালে করাঘাত ।"—ধীরে ধীরে পাদচারণ করিতে লাগিলেন ।

১ম গুপ্তচরের প্রবেশ ।

চাণক্য । কি সংবাদ ?

চর । কাত্যায়ন শত্রুশিবিরে, এ সংবাদ ঠিক ।

চাণক্য । আর কিছু ?

চর । গ্রীক সিঙ্ঘনদ পার হ'য়েছে ।

চতুর্থ অঙ্ক ।]

চন্দ্রগুপ্ত ।

[প্রথম দৃশ্য ।

চাণক্য । সৈন্ত কত ?

চর । চার লক্ষ ।

চাণক্য । যাও ।

গুপ্তচর চলিয়া গেল ।

চাণক্য । কাত্যায়ন !—চিরদিন একরকম গেল ! তুমি রাজ্য থেকে নির্বাসিত হ'য়ে স্থির কলে, যে এখন থেকে অধ্যাপনা করবে । কিন্তু সেলুকস তোমায যেই ভজিয়েছে, অমনি সেই দিকে চলেছ ! ১৮ উপরে আমার মন্ত্রিত্বে তোমার ঈর্ষা হ'য়েছে !—মূর্খ !

দ্বিতীয় গুপ্তচরের প্রবেশ ।

চাণক্য । সংবাদ

চব । বিদ্রোহীরা দলবদ্ধ হ'য়েছে ।' তাদের সঙ্কেত—তিন তুরীশ্বনি ।

চাণক্য । আর কিছু ?

চব । মহারাজের শয়নকক্ষে ২৫ জন ঘাতক সুড়ঙ্গ কেটে অপেক্ষা করছে ।

চাণক্য । তা পূর্বেই শুনেছি ।—তাদের দলপতি ?

চর । বাচাল ।

চাণক্য । যাও ।

গুপ্তচরের প্রস্থান ।

চাণক্য । মূর্খ বাচাল !—বীরবল !

সৈন্যধ্যক্ষ বীরবলের প্রবেশ ।

বীরবল । কি আজ্ঞা হয় ?

চতুর্থ অঙ্ক ।]

চন্দ্রগুপ্ত ।

[প্রথম দৃশ্য ।

চাণক্য । চন্দ্রগুপ্তের শয়নকক্ষে সুড়ঙ্গ কেটে ২৫ জন ঘাতক অবস্থিতি কর্ছে'। তুমি সৈন্য নিয়ে গিয়ে তাদের বধ কর ।

বীরবল । যে আজ্ঞা ।

চাণক্য । এই মুহূর্তে ।

বীরবল । যে আজ্ঞা । [প্রস্থান]

চাণক্য । চমৎকার এই ব্যবসা—সংবাদের চৌর্য্যরূতি ।—এ চাণক্যের সৃষ্টি । ঐরামচন্দ্র গুপ্তচর রাখতেন বটে । কিন্তু সে—নিজের কুৎসা শোন্বার জন্য । আমি গুপ্তচর রাখি—কুৎসাব কণ্ঠরোধ কর্তে ।
চন্দ্রকেতুর প্রবেশ ।

চন্দ্রকেতু । আমাকে ডেকে পাঠিয়েছিলেন গুরুদেব !

চাণক্য । হাঁ চন্দ্রকেতু ।—চন্দ্রগুপ্ত আজ রাত্রিকালে দাক্ষিণাত্য জয় করে' কিরে আসছেন জানো ?

চন্দ্রকেতু । জানি । তিনি নগরীতে উৎসবের আয়োজন কর্তে আমায় আজ্ঞা দিয়াছেন ।

চাণক্য । আয়োজন ক'রেছো ?

চন্দ্রকেতু । ক'রেছি । নগরী আলোকিত হবে, গৃহে গৃহে শঙ্খ-ধ্বনি হবে, পথে জয়বাহ্য হবে, আর—

চাণক্য । কিছু হবে না ।—ব্যর্থ আয়োজন ।—কি । একদৃষ্টে চেয়ে রয়েছে যে !—যাও, উৎসব বন্ধ কর ।

চন্দ্রকেতু । সে কি গুরুদেব !

চাণক্য । যাও ।

চন্দ্রকেতু ইতস্ততঃ ভাবে প্রস্থান করিলেন ।

চতুর্থ অঙ্ক ।]

চন্দ্রগুপ্ত ।

৭ প্রথম দৃশ্য ।

চাণক্য । কি একটা মহান্ পবিত্র উজ্জল রাজ্য ছেড়ে কোথায় চলেছি !—এখনও তার আলোকমণ্ডিত শিখর দেখতে পাচ্ছি । সব অন্ধকার হ'য়ে যাবার পূর্বে ফিরি না কেন ?—পিশাচী ! ছেড়ে দে, ফিরে যাই । না—না কোথায় ফিরে যাবো ! কে হাত ধরে' নিয়ে যাবে ! মিথ্যা, প্রবঞ্চনা, চৌর্য্য, হত্যা—এও ত একটা রাজ্য ।—মন্দ কি ! বেশ আছি । চমৎকার !—[দীর্ঘ নিশ্বাস] রাত্রি কত !—দেখি ।

চাণক্য গবাক্ষদ্বার খুলিয়া দিলেন । অমনি পূর্ণচন্দ্রের জ্যোৎস্না আসিয়া কক্ষ প্রাবিত করিল । চাণক্য সভয়ে পিছাইয়া আসিয়া কহিলেন “এ আবার কি ! এ এতক্ষণ কোথায় ছিল ! এত রাশি রাশি সৌন্দর্য্য—উপরে, নীচে, নিকটে, দূরে, দিগ্দিগন্তে ছড়িয়ে রয়েছে । এ ত বহুদিন দেখি, নাই ।—কি সুন্দর জ্যোৎস্না ! আকাশে লঘু শুভ্র মেঘখণ্ডগুলি ভেসে যাচ্ছে । আর তার নিয়ে জ্যোৎস্না-মাতা ভাগীরথী কলসরে গান গেয়ে চলেছে ।—কি সুন্দর ! পতিত-পাবনী মা সুরধুনী ! ভাগীরথ কি পুণ্যবলে তোমাকে—স্বর্গের মন্দাকিনীকে—মর্ত্যে টেনে এনেছিল মা ! এ মকহুদয়ে সেই ভক্তির উচ্ছ্বাস একবার উঠিয়ে দে না মা ! আমি একবার “মা মা” বলে' তরঙ্গের তালে তালে নৃত্য করি ।—একি ! চাণক্য ! তুমি অধীর ! —না । আমি দেখবো না ।” এই বলিয়া চাণক্য গবাক্ষ রুদ্ধ করিলেন ।

এমন সময়ে নেপথ্যে বালিকাকণ্ঠে কে বলিল—“জয় হৌক বাবা, ঋচরটি ভিক্ষা পাই ।”

চাণক্য সহসা লক্ষ দিয়া উঠিয়া কহিলেন “ও কে !—কার স্মরণ !—ভিতরে এসো ।”

চতুর্থ অঙ্ক । }

চন্দ্রগুপ্ত ।

[প্রথম দৃশ্য ।

ভিক্ষুক ও ভিক্ষুকবালার প্রবেশ ।

চাণক্য দীর্ঘনিশ্বাস ফেলিয়া বলিলেন “ও ! ভিক্ষুক ।”

ভিক্ষুক । চারটি ভিক্ষা পাই বাবা ।

চাণক্য বালিকার পানে চাহিয়া ভিক্ষুককে কহিলেন—“ভিক্ষুক, এত রাত্রে ভিক্ষা কর্তে বেরিয়েছ যে ?”

ভিক্ষুক । এই মাত্র নগরে এসে পৌঁছিলাম বাবা । সারাদিন কিছু খাইনি বাবা—

বালিকা । সাবাদিন কিছু খাই নি বাবা ।

চাণক্য । একি ! সহসা প্রাণ কেনে ওঠে কেন ! এক ভিক্ষুক বালিকা—এ কি দৌর্বল্য !—বালিকাকে কহিলেন—“এ দিকে এসো ত মা ।”

বালিকা তৎক্ষণাৎ চাণক্যেব সম্মুখে গিয়া দাঁড়াইল ।

চাণক্য বালিকার মস্তকে হাত বুলাইতে বুলাইতে ভিক্ষুককে জিজ্ঞাসা করিলেন—“ভিক্ষুক, এ তোমার কণ্ঠা ?”

ভিক্ষুক । হাঁ বাবা ।

চাণক্য দীর্ঘনিশ্বাস ফেলিলেন ; পরে বালিকাকে জিজ্ঞাসা করিলেন “বালিকা, তোমার নাম কি ?”

বালিকা । ‘মাধু—

চাণক্য । তোমার বাড়ী কোথায় ?

বালিকা । অনেক দূরে । না বাবা—আমাদের বাড়ী মেই ‘কখন অতিথিশালায় থাকি, কখন বা গাছতলায় থাকি ।

চাণক্য । গ’ইতে পাবো ?

১০২]

চতুর্থ অঙ্ক ।]

চন্দ্রগুপ্ত ।

[প্রথম দৃশ্য ।

ভিক্ষুক । পাবে বৈকি । গা' ত মাধু ।

চাণক্য । আগে কিছু খা'ক্ । একটু বিশ্রাম কর ।—

ভিক্ষুক । তাতে কিছু কষ্ট নেই বাবা ! এই আমাদের ব্যবসা ।

গা'তো মা !

উভয়ে গান ধরিল ।—

যন তমসাবৃত অম্বর ধরণী,—

গর্জে সিন্ধু, চলিছে তরণী ।—

গভীর রাজি, গাহিছে বাজী,

ভেদি' সে ঝঞ্ঝা উঠিছে স্বর ।—

‘ওঠ, মা ওঠ, মা দেখ মা চাহি’

এই ত এইছি জ্ঞার চিন্তা নাহি—

জননীহীনা কন্তা দীনা ।

ওঠ, মা ওঠ মা প্রদীপটা ধব ॥

লজ্জি' বনানী পর্বতরাজি,

তোর কাছে এই আমি এইছি ত আজি ।

কোথায় জননী ।— গভীর রজনী,

গর্জে অশনি, বহিছে ঝড় ।

একি ।—কুটীর যে মুক্তধার ।

নির্বাপ দীপ—গৃহ অন্ধকার—

কোথায় জননী । কোথায় জননী !

শূন্য বে শয্যা, শূন্য বে ঘর ।—

সে ধ্বনি উঠিয়া আর্ন্তনিনাদে

বিধাতৃচরণে পড়িয়া কাদে ;

চরণাঘাতে বজ্রনিপাতে

মুচ্ছিয়া পড়িল সে অবনী'পর ॥

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । [আপন মনে] সে দিনও এমনই জ্যোৎস্নাময় ছিল ।
সহসা চন্দ্রমা মেঘে ঢেকে গেল । আর্দ্রবায়ুর উচ্ছ্বাসে দীপ নিভে
গেল ! স্নেহময়ী কন্যা আমার !—সে চিন্তাও স্বর্গ ।—একি ! চাণক্য
তোমার চক্ষে জল !—ভিক্ষুক ! এই স্বর্ণমুষ্টিভিক্ষা গ্রহণ কর ।
[ভিক্ষাদান] মা—না যাও । শীঘ্র যাও ।—যাও ব'লুছি ।

ভিক্ষুক ও ভিক্ষুকবালা নির্ঝাক বিষয়ে চলিয়া গেল ।

দ্বিতীয় দৃশ্য ।



স্থান—পাটলিপুত্রের প্রাসাদ । কাল—রাত্রি ।

মুরা ও চন্দ্রকেতু ।

মুরা । চন্দ্রকেতু ! আজ চন্দ্রগুপ্ত দক্ষিণাত্য জয় করে' মগধে কিরে
আসুছে । নগরে উৎসব নাই কেন ?

চন্দ্রকেতু । মন্ত্রী চাণক্যের নিবেদ ।

মুরা । সে কি ! গুরুদেব তাঁর প্রিয় শিষ্যের বিজয়ে উৎসব
করিতে নিবেদ করে' দিয়েছেন !—এ কিল্পপু বিচার ?

চন্দ্রকেতু । মা—মন্ত্রিবর যখন নিবেদ ক'রেছেন, তখন নিশ্চয়ই
তা'র বিশেষ কোন কারণ আছে ।

মুরা । এর কারণ চন্দ্রগুপ্তের বিজয়গৌরবে ব্রাহ্মণের জর্বা ।

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

চন্দ্রকেতু । সে বিজয়গৌরবের কে হুচনা করে' দিয়েছিল মা ?
দ্বাদশের প্রতি অবিচার কর্কেন না ।

মুরা । ঐ বাতধ্বনি । বৎস ফিরে আসছে । আমি যাই, প্রাঙ্গণ-
শিখরে দাঁড়িয়ে প্রবেশসমারোহ দেখিগে' যাই । [দ্রুত প্রস্থান]

চন্দ্রকেতু । আজ বহুদিন পরে বজ্রর জয়দীপ্ত মুখখানি দেখতে
পাবো । আজ আমার কি আনন্দ ! চন্দ্রগুপ্ত ! তুমি কি পূর্বজন্মে
আমার ভাই ছিলে ?

নেপথ্যে কোলাহল ও যন্ত্রসঙ্গীত ।

ক্রমে “জয় মহারাজ চন্দ্রগুপ্তের জয়” ধ্বনি ঘন ঘন নিনাদিত
হইতে লাগিল । শব্দ ক্রমে নিকটবর্তী হইতে লাগিল । পরে পতাকা-
ধারী ও সৈনিকগণসহ চন্দ্রগুপ্ত প্রবেশ করিলেন ।

চন্দ্রকেতু । এসো বজ্র ! [আলিঙ্গন করিতে উদ্যত]

চন্দ্রগুপ্ত [রুদ্ধভাবে] চন্দ্রকেতু ! আমার আদেশ পেয়েছিলে ?

চন্দ্রকেতু । কি আদেশ প্রিয়বর !

চন্দ্রগুপ্ত । যে, আমার আগমন উপলক্ষে নগরী আলোকিত হবে ।

-এ আদেশ পেয়েছিলে ?

চন্দ্রকেতু । পেয়েছিলাম ।

চন্দ্রগুপ্ত । সে আদেশ পালিত হয় নাই কেন ?

চন্দ্রকেতু । মন্ত্রীরা নিষেধ ছিল ।

চন্দ্রগুপ্ত । তা পূর্বেই অস্থান ক'রেছিলাম ।—চন্দ্রকেতু ! যগধের
মহারাজ আমি, না চাণক্য ?

চন্দ্রকেতু । শোন বজ্র !—

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

চন্দ্রগুপ্ত । উত্তর দাও ! মগধের মহারাজ আমি, না আমার মন্ত্রী ?

চন্দ্রকেতু । মগধের মহারাজ চন্দ্রগুপ্ত ।

চন্দ্রগুপ্ত । তবে ?

চন্দ্রকেতু । প্রিয়বর—

চন্দ্রগুপ্ত । শুভে চাই না । মন্ত্রীকে ডাক ।

চন্দ্রকেতু । শোন বন্ধু ! বিশেষ—

চন্দ্রগুপ্ত । শুভে চাইনা । আমি এই মুহূর্তেই তাঁর কৈফিয়ৎ চাই ।

চন্দ্রকেতু । তিনি বলেন—

চন্দ্রগুপ্ত । তিনি যা বলবেন, নিজে এসে বলবেন । আজ এই মুহূর্তে হির হ'য়ে থাক—যে মগধের মহারাজ চাণক্য না চন্দ্রগুপ্ত ।

চন্দ্রকেতু । অধীর হোয়োনা । শোন—

চন্দ্রগুপ্ত । চন্দ্রকেতু ! তুমিও আমার অবাধ্য !—যাও ।

চন্দ্রকেতু ধীরে প্রস্থান করিলেন ।

চন্দ্রগুপ্ত । ব্রাহ্মণের দস্ত আমার ধৈর্যের শিখর ছাড়িয়ে উঠেছে ।
একবার—না আগে—স্পর্শ ।—আশ্চর্য্য ! এবার আমি—না—আগে
কৈফিয়ৎ শুনবো । অবিচার করব না । [পরিক্রমণ]

চাণক্যের ও চন্দ্রকেতুর প্রবেশ ।

চাণক্য । মহারাজের জয় হোক ।

চন্দ্রগুপ্ত [শুষ্ক প্রণাম করিয়া] মন্ত্রিবর ! আমি আজ আমার নগরে
প্রবেশ উপলক্ষে নগরী আলোকিত করবার আজ্ঞা দিয়েছিলাম । সে
আজ্ঞা পালিত হয় নি কেন ?

১০৬]

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । আমি নিষেধ ক'রেছিলাম ।

চন্দ্রগুপ্ত । [কিয়ৎকাল গুরু থাকিয়া] এর কারণ জ্ঞান্তে পারি কি ?

চাণক্য । প্রয়োজন নাই ।

চন্দ্রগুপ্ত । প্রয়োজন নাই !

চাণক্য । আমি যা' ক'রেছি, উচিত বিবেচনা করে'ই ক'রেছি ।

চন্দ্রগুপ্ত । তবু—আমি কারণ জ্ঞান্তে চাই ।

চাণক্য । কারণ ব্যক্ত কর্কার সময় হয় নি । যখন হবে, বিবৃত কর্কা ।

চন্দ্রগুপ্ত । মন্ত্রী ! মগধের মহারাজ আমি ।

চাণক্য সশ্রিত মুখে চাহিয়া রহিলেন ।

চন্দ্রগুপ্ত । মন্ত্রী ! আমি এ ঔদ্ধত্য সহ কর্কা না । এব বিচার কর্কা ।

চাণক্য । চন্দ্রগুপ্ত ! তুমি উত্তেজিত হ'য়েছো ।—প্রকৃতিস্থ হও ।
[প্রস্থানোত্তত] ।

চন্দ্রগুপ্ত । মন্ত্রী !

চাণক্য ফিরিলেন ।

চাণক্য । বৎস !

চন্দ্রগুপ্ত । আমি জ্ঞান্তে চাই যে, এ বাজ্যের রাজা আমি না
চাণক্য ।

চাণক্য । মহারাজ—চন্দ্রগুপ্ত ।

চন্দ্রগুপ্ত । কৈ ! তা ত দেখ্ছি না । দেখ্ছি যে—নিজের সাম্রাজ্যে
আমি বন্দী, নিজের গৃহে আমি ভৃত্য ! মন্ত্রী চাণক্য পাটলিপুত্রে
নিশ্চিন্ত হ'য়ে বসে' রাজভোগ খাবেন, আর মহারাজ চন্দ্রগুপ্ত তাই

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

দেশ দেশান্তর থেকে আহরণ করে' এনে দেবে। ভারতবর্ষ মন্ত্রী চাণক্যের গুণগান গাইবে, আর সে গীতের উপাদান যোগাবে—মহারাজ চন্দ্রগুপ্ত। মহারাজ চন্দ্রগুপ্ত মন্ত্রী চাণক্যের আদেশ অবনতশিরে বহন করবে, আর চাণক্য চন্দ্রগুপ্তের আজ্ঞায় পদাঘাত করবেন।—এই যদি আমাদের মধ্যে সম্বন্ধ হয়, তবে সে বন্ধন যত শীঘ্র ছিন্ন হয় ততই ভালো।

চাণক্য। মহারাজের অভিক্রটি। চাণক্য যেচে এ মন্ত্রীপদ গ্রহণ করে নাই। এই মুহূর্তে আমি অবসর গ্রহণ করছি।

চন্দ্রগুপ্ত। তার পূর্বে আমি কৈফিয়ৎ চাই।

চাণক্য। আমি কৈফিয়ৎ দিব না।

চন্দ্রগুপ্ত। এতদূর!—সৈনিকগণ! বন্দী কর।

সৈনিকগণ স্থিরভাবে দণ্ডায়মান রহিল।

চন্দ্রগুপ্ত। সৈনিকগণ!

সৈনিকগণ অগ্রসর হইলে চাণক্য অতি প্রশান্তভাবে হস্তের সঙ্কেত দ্বারা তাহাদিগকে নিবারণ করিলেন।

চাণক্য। শূদ্রের এতদূর স্পর্ধা এখনও হয় নাই।—মহারাজ! এই আমি মন্ত্রিহ ত্যাগ করলাম [মন্ত্রীর প্রহরণ রাখিলেন]—মহারাজ! চাণক্য নিশ্চিন্ত বিলাসে রাজধানীতে বসে' নাই। সে এইখানে বসে' একটা প্রকাণ্ড সাম্রাজ্য চালাচ্ছে। আর চাণক্যের রাজ-ভোগ!—সে আহাৰ করে—দুই মুষ্টি আতপ তণ্ডুল, শয়ন করে—অজিন শয়ায়। সে রাজ্যের চিন্তায় তৃতীয় প্রহর দ্বাত্রৈ উৎকমণ্ডিকে কুটীর-প্রাঙ্গণে পাদ-চারণ করে। আমি চন্দ্ৰাম!—তোমার রাজ্য তুমি শাসন
১০৮]

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

কর । [প্রস্থানোত্তত ; সহসা ফিরিয়া] হাঁ, যাবার আগে বলে' যাই কেন আজ উৎসব নিবারণ ক'রেছিলাম । ভূতপূর্ব মহারাজ নন্দের মন্ত্রী বিদ্রোহ-মন্ত্রণাকে উত্তাপ দিয়ে প্রকাণ্ড ষড়যন্ত্রে ফুটিয়ে তুলেছেন । আজ রাত্রে উৎসবকালে তা'র দলস্থ লোক নগরী আক্রমণ ওর্কেন 'মনস্থ ক'রেছে । তা'রা তোমার শয়ন কক্ষে স্রুড় কেটে তোমাকে হত্যা করবার জন্ত সেখানে অপেক্ষা করছে । আমি সৈনিক পাঠিয়েছি তাদের বধ কর্তে । [প্রস্থানোত্তত ; পুনরায় ফিরিয়া] হাঁ, আ.ও এক কথা—বিজয়ী সেলুকস সিঙ্কুনদ পার হ'য়েছে । শত্রু চারিদিকে সশস্ত্র ; এখন উৎসবের সময় নয় । এই জন্ত আমি আপাততঃ উৎসব স্থগিত রেখেছিলাম ।

[প্রস্থানোত্তত]

চন্দ্রকেতু । [তাঁহার পদতলে পড়িয়া] মার্জনা করুন, গুরুদেব ।
চাণক্য । কৈফিয়ৎ দেওয়ার পর চাণক্য আর মন্ত্ৰি করেন না ।

[প্রস্থান ।]

চন্দ্রকেতু । মন্ত্রীকে অহুন্নয় করে' ফেরাও বন্ধুবর ।

চন্দ্রগুপ্ত । কেন ! যেখানে চাণক্য নাহ সেখানে কি রাজ্য চলে না ! এত অহঙ্কার !—মন্দ কি ! আজ আমি মুক্ত । আজ আমি সত্যই মহারাজ ।

চন্দ্রকেতু । উপদেশ শোনো বন্ধু ! তাঁকে হাতে পায়ে ধরে ফেরাও ।

চন্দ্রগুপ্ত । তোমার উপদেশ চাই নাই চন্দ্রকেতু ! তোমার অহুরোধে একবার চাণক্যকে ক্ষমা ক'রেছিলাম !—মহাত্ম্য ক'রে-

[১০৯

চতুর্থ অঙ্ক ।

চন্দ্রগুপ্ত ।

[দ্বিতীয় দৃশ্য ।

হিলাম । স্পর্ধা ব্রাহ্মণের ! আমি মহারাজ ! আমার কোন ক্ষমতা নাই ! তাইকে ক্ষমা করবার ক্ষমতাও নাই ! আমি যেন রাজ্যের কেহ নই ।—শুদ্ধ মহারাজের ভূমিকা অভিনয় করে' যাচ্ছি । এ ব্যঙ্গ অভিনয়ের চেয়ে সরল দাস্তাও ভালো ।

চন্দ্রকেতু । কিন্তু গুরুদেব যা কচ্ছেন, তোমারই মঙ্গলের জন্ত ।

চন্দ্রগুপ্ত । সেই জন্তই কি ব্রাহ্মণ আমার ভাই নন্দকে হত্যা ক'রেছিলেন ? তিনি আর কাত্যায়ন আমার অভাগা ভাইকে হত্যা করে' পৈশাচিক উল্লাসে তা'র মৃত দেহের উপরে তাণ্ডব নৃত্য ক'বেছেন । আমি দেখি নাই ?

চন্দ্রকেতু । কিন্তু তুমি ত তাঁর কান্না এই সিংহাসনের জন্ত শ্রী ?

চন্দ্রগুপ্ত । শ্রী !—যাক, অপ্রিয় বাক্য বলতে তুমি বেশ পটু তা জানি ।

চন্দ্রকেতু । অপ্রিয় সত্য বলবার অধিকার এক বন্ধুরই আছে ।

চন্দ্রগুপ্ত । সে বন্ধুত্ব হয় সমানে সমানে ।

চন্দ্রকেতু ক্রিয়াকাল নীরব রহিলেন ; পরে কহিলেন, “আমার ঔদ্ধত্য মার্জনা করবেন মহারাজ ! ভবিষ্যতে আর আমি মহারাজের সাহিত বন্ধুত্বের স্পর্ধা করব না । আজ আমি তবে বিদায় গ্রহণ করি ।—তবে যাবার পূর্বে এক কথা বলে' যাই । মহারাজ সম্পদে আমার বন্ধুত্ব উপেক্ষা করেন—করুন । কিন্তু বিপদে যেন আমি সে অধিকার থেকে বঞ্চিত না হই । যদি আমার সাহায্যের, মহারাজের কখন কোন প্রয়োজন হয়, এই প্রত্যাখ্যানজনিত লজ্জায় যেন তা চাইতে দ্বিধা না করেন । আমার জীবনে যদি মহারাজের কোন

চতুর্থ অঙ্ক ।]

চন্দ্রগুপ্ত ।

[দ্বিতীয় দৃশ্য ।

বৎসামাতা লাভ হয়, ত সে জীবন আমি চিরদিন হাশ্বমুখে মহারাজের
জন্য ঢেলে দিতে প্রস্তুত । [প্রস্থান ।]

চন্দ্রগুপ্ত কিয়ৎকাল নীরব রহিলেন । পাঁচ জন সশস্ত্র সৈনিক
প্রবেশ করিল । এক জনের হস্তে ছিন্ন মুণ্ড । সে মুণ্ডটী চন্দ্রগুপ্তকে
দেখাইয়া কহিল—“মহারাজ ! এই দলপতির মুণ্ড ।”

চন্দ্রগুপ্ত । কোন্ দলপতির ?

সৈনিক । পঁচিশজন খাতক মহারাজের শোবার ঘরে স্ফুড়
কেটে অস্ত্র নিয়ে লুক্কায়িছিল ! মন্ত্রী মহাশয় তাদের বধ কর্ণার জন্য
আমাদের সেখানে পাঠান । আমরা সেই পঁচিশ জনকেই বধ ক’রেছি ।
এ সেই দলপতির মুণ্ড ।

চন্দ্রগুপ্ত । [মুণ্ড দেখিয়া] এত রক্তশ্রাবক বাচাল !—আচ্ছা
যাও ।

সৈনিকগণ চলিয়া গেল ।

চন্দ্রগুপ্ত । তাইত !

একজন সৈন্যধ্যক্ষের প্রবেশ ।

সৈন্যধ্যক্ষ । মহারাজের জয় হউক্ ।

চন্দ্রগুপ্ত । কি সংবাদ ?

সৈন্যধ্যক্ষ । বিদ্রোহীরা নগর আক্রমণ কর্তে এসেছিল । আমা-
দের সতর্ক ও সশস্ত্র দেখে ফিরে গিয়েছে ।

চন্দ্রগুপ্ত । কে তোমাদের সতর্ক থাকতে ব’লেছিল ?

সৈন্যধ্যক্ষ । মন্ত্রী মহাশয় ।

চন্দ্রগুপ্ত একদৃষ্টে শূন্য চাহিয়া রহিলেন ।

চতুর্থ অঙ্ক ।

চন্দ্রগুপ্ত ।

[তৃতীয় দৃশ্য ।

সৈন্যাধ্যক্ষ ধীরে ধীরে নিষ্ক্রান্ত হইল । চন্দ্রগুপ্ত পূর্ববৎ চাহিয়া
রহিলেন ।

তৃতীয় দৃশ্য ।



স্থান—সেলুকসের শিবির । কাল—রাত্রি ।

সেলুকস ও কাত্যায়ন ।

সেলুকস । কিন্তু ৬ লক্ষ সৈন্য ।

কাত্যায়ন । চাণক্য মন্ত্রির পরিত্যাগ করায় তা'রা এখন বিশৃঙ্খল ।
আমি সংবাদ নিষেছি সম্রাট্টে । আপনি আমাব বিশ্বাস করুন । এই
আক্রমণের উপযুক্ত সময় ।—

সেলুকস । কিন্তু আমার সৈন্যসংখ্যা কম !

কাত্যায়ন । কোন ভয়ের কারণ নাই । ভূতপূর্ব মহারাজ নন্দের
পক্ষে নগরের অনেক সম্ভ্রান্ত ব্যক্তি আছেন । তাঁরা নিশ্চিত সদল-
বলে গ্রীকসেনার সঙ্গে যোগ দিবেন ।

সেলুকস । নিশ্চয়তা কি ?

কাত্যায়ন । আমি জানি এ নিশ্চিত । চন্দ্রকেতুর সৈন্য স্বরাজ্যে
ফিরে গিয়েছে । তারাও সম্ভবতঃ গ্রীক সৈন্যের সঙ্গে যোগ দিবে ।
এতক্ষণ যে দিচ্ছেন কেন তাই ভাবছি ।

হেলেনের প্রবেশ ।

হেলেন । সকলেই তোমার মত বিশ্বাসঘাতক নয়, ব্রাহ্মণ ।

চতুর্থ অঙ্ক ।]

চন্দ্রগুপ্ত ।

[তৃতীয় দৃশ্য ।

সেলুকস । তুমি এসময়ে এখানে কেন হেলেন !

হেলেন । আমি পার্শ্বকক্ষে পাঠ করিলাম । মাঝে মাঝে এই ব্রাহ্মণের নিরন্তর গুণ্ডে পাচ্ছিলাম । আমার কৌতূহল হ'ল । বই বন্ধ করে' খানিক শুন্লাম । তার পর আর অন্তরালে থাকতে পারলাম না ।—ব্রাহ্মণ ! তুমি বিশ্বাসঘাতক ।

কাত্যায়ন । আমি !

হেলেন । একশত বার । যে রাজার বিরুদ্ধে ষড়যন্ত্র করে, একটা জাতির উচ্ছেদসংকল্প করে, যে আজন্মসিদ্ধ মেহ রাজভক্তি বিসর্জন দিয়ে আততায়ীর সঙ্গে সন্ধি করে—যে শাস্তির ক্ষেত্রের উপর দিয়ে রক্তের ঢেউ বহাতে চায়,—সে শুধু'সেই জাতির শত্রু নয়, সে সমস্ত মানবজাতির শত্রু, সে নিয়ম ও শৃঙ্খলার' শত্রু, সে ধর্মের শত্রু । ব্রাহ্মণ ! পিতার স্তিমিত জিগীষাকে তুমি আবার বাতাস দিয়ে প্রজ্বলিত করে' তুলুছো । দুইটি প্রকাণ্ড সভ্যজাতির মধ্যে পরিধা বণন করছ । তোমার নরকেও স্থান হবে না ।

কাত্যায়ন । কিন্তু পাণিনি—

হেলেন । পাণিনি ত ব্যাকরণ ।

কাত্যায়ন । তা'র মধ্যে বেদান্তসার ।

হেলেন । তুমি মূর্খ !—দূর হও ।

[কাত্যায়ন চলিয়া গেলেন ।]

হেলেন । পিতা ! এই ব্রাহ্মণের কাছে আমি সংস্কৃত অধ্যয়ন করিলাম । স্বপ্নেও ভাবি নাই, যে সে এত বড় দুরাত্মা । যদি তা' জ্ঞান্য ত হলে' সেই মুহূর্ত্তে তাকে দূর করে' দিতাম ।

সেলুকস । হেলেন ।

হেলেন । বাবা !

সেলুকস । তোমার মাতা গ্রীক ছিলেন না হেলট ছিলেন ?

হেলেন । আমার মাতা দেবী ছিলেন ।

সেলুকস । তবে তাঁর কথা তুমি—গ্রীসের গৌরব ধরু ক'র্তে
চাও !

হেলেন । গ্রীসের গৌরব জগতে বিশৃঙ্খলা অত্যাচার নিয়ে আসায়
নয় বাবা ! গ্রীসের গৌরব—সক্রেটিস ও ডিমস্থিনিসে, প্লেটো ও
আরিস্টটলে, হোমার ও ইয়ুরিপিডিসে । গ্রীসের গৌরব—ফিডিয়াস ও
লাইকর্গাসে, সাফো ও পেরিক্লিসে, হিবোডোটাস ও ইক্কাইলিসে ।
গ্রীসের গৌরব—অসভ্য ইয়ুবোপথওে সূর্য্যের মত কিরণ দেওয়ায়,—
যেমন ভারত আর্য্যযুগে এসিয়ায় আলো দিয়ে এসেছে । গ্রীস ও ভারত
—সম্ভার সূর্য্য ও পূর্ণ চন্দ্রের মত প্রাচ্য ও প্রতীচ্য আকাশ বিভাগ করে'
নিষেছে । তাদের সম্ভাতে যে প্রলয় হবে ।—যুদ্ধ ত হত্যার ব্যবসা ।

সেলুকস । মিস্টাইডিস, লিয়নিডাস তবে এই হত্যার ব্যবসা ক'র্তেন !

হেলেন । তাঁরা এ ব্যবসা নিষেছিলেন আক্রান্ত দেশকে বাঁচাতে,
দেশে অগ্নিদাহ মডক লুণ্ঠন নিবারণ ক'র্তে, শান্তির গুহ্র বৈজয়ন্তী রক্ষা
ক'র্তে—কেড়ে নিতে নয় ।

সেলুকস । আমি সে কথা বিশ্বাস করি না ।

হেলেন । বাবা ! যুদ্ধ যদি আত্মরক্ষার্থে অবিবার্য্য হয়—যুদ্ধ করুন ।
শক্তি কর্বেন, উপায় নাই । কিন্তু যুদ্ধ কর্বেন—শান্তি রক্ষা ক'র্তে, শান্তি
ভঙ্গ ক'র্তে নয় । একটা জাতি সূখে শান্তির ক্রোড়ে নিদ্রা যাচ্ছে, আপনি
১১৪]

চতুর্থ অঙ্ক ।]

চন্দ্রগুপ্ত ।

[তৃতীয় দৃশ্য ।

চাচ্ছেন সেই নিজা ভদ্র ক'র্তে । নিশ্চিন্ত হৃদয়ে আতঙ্ক জাগিয়ে তুলতে,
একটা মহা সভ্যতার কণ্ঠরোধ ক'র্তে । এ কি উচিত হ'চ্ছে বাবা ?

সেলুকস । আমি কত্ভার বক্তৃতা শুন্তে চাই না । ছেলে বেলায়
মায়ের বক্তৃতা শুনেছি, বুড়ো বয়সে কি কত্ভার বক্তৃতা শুন্তে হবে ?
আরিষ্টটল বলেন—

হেলেন । আঃ ! —একদিকে আরিষ্টটলের অকথিত উক্তি, আর
একদিকে পাণিনির আধ্যাত্মিক ব্যাখ্যা—জ্বালাতন ! মাঝে মাঝে
আমার আত্মহত্যা ক'র্তে ইচ্ছা হয় ।

সেলুকস । কেন হেলেন ?

হেলেন । বাবা ! এই মহা বিশ্বপরিবারকে বিদেহ অহঙ্কার যেরূপ
গুণক ক'রেছে, নদী পর্বত সমুদ্র সেরূপ ভিন্ন করে নাই ।

সেলুকস । যাও, ও কথা আমি শুন্তে চাই না ।—ধাত্রী !

[ধাত্রীর প্রবেশ ।]

সেলুকস । কত্ভার কাছে থাকো । শুতে যাও হেলেন ! [প্রস্থান ।]

হেলেন । [ক্রণেক উর্দ্ধদিকে চাহিয়া] হিংসা সহস্র ফণা বিস্তার
করে' ধৈর্যে আস'ছে । আর' সংসার দৃষ্টিমুগ্ধবৎ তা'র পানে চেয়ে
আছে ।—কোন উপায় নাই ।—চল ধাত্রী । [নিষ্ক্রান্ত ।]

চতুর্থ অঙ্ক ।.]

চন্দ্রশেখর ।

[চতুর্থ দৃশ্য ।

চতুর্থ দৃশ্য ।



স্থান—গ্রীস, গ্রামে একটি নির্জন কুটার কক্ষ ।

কাল—প্রভাত ।

অ্যান্টিগোনস্ ও তাঁহার মাতা কথা কহিতে কহিতে বাহির হইয়া আসিলেন ।

অ্যান্টিগোনস্ । না, আমি তোমার হাতে জলগ্রহণ ক'র না । আমি শুদ্ধ জাতি এমেলি আমার পিতা কে ।

মাতা । আমি ত তোমার মা ।—স্নেহের কি কোন ঋণ নাই ?

অ্যান্টিগোনস্ । স্নেহের ঋণ !—[স-বান্ধহাস্তে] উত্তম ! আমাকে ঘৃণিত ভিক্ষুক করে' জগতে এনে, পরে এক মুষ্টি অন্নের জন্ত পশুর মত হাটে বিক্রয় করে' তা'র পর স্নেহের দাবী কর ! লজ্জা করে না !

মাতা । আমার অন্যায় হ'য়েছিল । কিন্তু তার কি মার্জনা নাই ; তুই কি বুঝি বৎস, ক্ষুধার সে কি আলা, যা'র তাড়নায় উন্মাদ হ'য়ে এমন কাজ ক'রেছিলাম । তার পর—কত দীর্ঘ দিবস, কত স্পৃহাহীন রজনী উষ্ণ অশ্রুজলে অভিষিক্ত ক'রেছি । ঐ মুখখানি স্মরণ ক'রেছি, আর চক্ষে জগৎ লুপ্ত হ'য়ে গিয়েছে । সেই ক্রীত অরমুষ্টি মুখে তুলেছি, আর তা আমার উষ্ণ নিখাসের তাপে ভষ্ম হ'য়ে গিয়েছে ।—ক্ষুধার কি আলা তা তুই কি বুঝি ! তুই কি বুঝি !

অ্যান্টিগোনস্ । আর তুমি কি বুঝবে এই অন্তর্গত ঘনব্যথা, এই মানসিক ব্যাধির মর্শ্মপীড়া, যার ব্যঙ্গে ক্ষিপ্ত হ'য়ে উদ্ভাবণে আমি
১১৬]

চতুর্থ অঙ্ক ।]

চন্দ্রগুপ্ত ।

[চতুর্থ দৃশ্য ।

পৃথিবীময় ঘুরে বেড়িয়েছি । সিংহের গর্জন, ব্যাঘ্রের ব্যাদান, অগ্নির
জিহ্বা, করকার প্রপাত, শত্রুর খড়্গ তুচ্ছ করে' ছুটেছি—যা'র
তাড়নায় অর্ধেক পৃথিবী ঘুরে তোমার কাছে এসেছি । আমি
নিজের শৌর্য্যে সৈন্যাধ্যক্ষ হ'য়েছি—কিন্তু তুমি যে কলঙ্কের ছাপ আমার
ললাটে দেগে দিয়েছিলে, সে কালিমা গেল না!—বল নারী ! আমার
পিতা কে ?

মাতা । বলছি । বিশ্রান্ত হও ।

আণ্ডিগোনস্ । কোন প্রয়োজন নাই ।—আমার পিতা কে ?

মাতা । [অর্দ্ধস্বগতঃ] সেই মুখখানি ! কতবার স্বপ্নে এই
মুখখানি দেখেছি । কতবার তাকে বক্ষে রেখে কল্পিত স্নেহে বারবার
চুম্বন ক'রেছি । কতবার—

আণ্ডিগোনস্ । আমার পিতা কে ?

মাতা । তোমার পিতা কে জান্‌বার জন্যই তোমার আগ্রহ ?
—আমি কি তোমার কেউ নই !—

আণ্ডিগোনস্ ।—না কেউ নও । সে বন্ধন নিজহস্তে ছিন্ন ক'রেছো ।
সংসারে সর্ব্বাপেক্ষা পৈশাচিক কাজ ক'রেছো !—মা হ'য়ে সন্তান
বিক্রয় ক'রেছো ।

মাতা । তা'র জন্য ক্ষমা চাচ্ছি ।—যদি ক্ষমা না করিস, একবার
আমায় মা বলে' ডাক্—একবার, একবার—

আণ্ডিগোনস্ । নারীর ক্রন্দন শুন্‌বার জন্য এখানে আসিনি ।
—বল নারী আমার পিতা কে !

মাতা । আমি তোর কেউ নই ?—

চতুর্থ অঙ্ক ।]

চন্দ্রশুভ্র ।

[চতুর্থ দৃশ্য ।

আন্টিগোনস্ । কেউ নও ।

মাতা । তবু আমি তোকে গর্ভে ধ'রেছিলাম, স্তন্যপান করিয়ে-
ছিলাম, বুকে করে' ঘুম পাড়িয়েছিলাম ।

আন্টিগোনস্ । অগ্নুগ্রহ । গলা টিপে সন্তানকে বধ কর নি—
অসীম করুণা । কেন বধ কর নি ? বিক্রম করার চেয়ে যে তাও
ছিল ভালো ।

মাতা । বৎস !

আন্টিগোনস্ । আমার পিতা কে ?—বল শীঘ্র । নহিলে—আন্টি
উদ্ভাদ !—আমার পিতা কে ? পিতা কে ?

মাতা । উত্তম ! তবে শোন । আমি তোমার কাছে তোমার
পিতার নাম এতদিন বলি নাই, কাবণ তোমার পিতাব নিষেধ ছিল ।
তখন আমাদের বিবাহ হয়—

আন্টিগোনস্ । বিবাহ হয় ।

মাতা । তখন আমার বয়স পনের বৎসর । তিনি যা বুঝিয়েছিলেন,
তাই বুঝেছিলাম ।—আমাদের বিবাহ গোপনে হ'য়েছিল ।

আন্টিগোনস্ । বিবাহ হ'য়েছিল !

মাতা । তা'রপরে তিনি এক অভিজাত বংশের সম্ভ্রান্ত ব্যক্তির
কন্যা বিবাহ করে', আমার পরিত্যাগ করেন—হা রে কঠিন
পুরুষ !

আন্টিগোনস্ । বিবাহ হ'য়েছিল ।—হেগেন ! তোমায় পাবা'র
আশা তবে একান্ত ছরাশা নয় ।—সেলুর্কস !—কি চমকালে যে ?

মাতা । কা'র নাম করছ ?

চতুর্থ অঙ্ক ।]

চন্দ্রশুভ ।

[চতুর্থ দৃশ্য ।

আন্টিগোনস্ । কেন ! সেলুকস্ ।

মাতা । সে নাম তুমি জান্লে কেমন করে' ! আমি ত এখনও বলি নাই ।

আন্টিগোনস্ । আমি জান্লাম কেমন করে' ! আমি যে তাঁরই অধীনে সৈন্যাধ্যক্ষ ছিলাম ।

মাতা । [সাগ্রহে] তাঁর অধীনে ? তবু চিন্তে পারো নি !

আন্টিগোনস্ । [সান্ধর্যো] চিন্তে পারি নি !

মাতা । তিনিও চিন্তে পারেন নি । হা রে কঠিন পুরুষ ! সন্তান চেন না ! আমি ত লক্ষ ছেলের মধ্যে নিজের ছেলেটিকে বেছে নিতে পারি—সে বত বড়ই হোক, তাকে যতদিনই না দেখি—

আন্টিগোনস্ । কি বলছ নারী ?—উন্মাদিনীর মত কি বকে' যাচ্ছ ?

মাতা । না না, আমি উন্মাদিনী নই । যদিও এখনও যে উন্মাদ হ'য়ে বাই নাই কেন, জানি না । তিনি সম্রাট—আর আমি তাঁর ধর্মপত্নী, তাঁর মহিষী—পথের ভিখারিণী—পেটের জালায় যার সন্তান বিক্রয় কর্তে হয় [ক্রন্দন]

আন্টিগোনস্ । [অর্ধ স্বগত] সেকি ! তবে কি—

মাতা । বৎস, এই সেলুকসই তোমার পিতা ।

আন্টিগোনস্ দেওয়াল ধরিয়া দাঁড়াইলেন । পরে সহসা তাঁহার মাতার পদতলে পড়িয়া কহিলেন “মা আমার ক্ষমা কর । আমি তোমার উপর রূঢ় হ'য়েছি ।—অভাগিনী পরিত্যক্তা মা আমার ।”

মাতা । না, সে তাঁর কাছে । আমি অভাগিনী, পরিত্যক্তা—

চতুর্থ অঙ্ক ।]

চন্দ্রগুপ্ত ।

[চতুর্থ দৃশ্য ।

তীর কাছে । তোর কাছে আমি শুধু মা ! আর একবার মা বলে' ডাক্ ! সব যজ্ঞগা—সব—সব ভুলে যাই ;—ভুলে গিয়ে শুদ্ধ সেই ডাক শুনি ।

আন্টিগোনস্ । তুমি রাজমহিষী, তোমার এই দশা মা !—

মাতা । শুধু মা । শুধু মা । আর কিছু না । আর' কিছু না । মা বলে' ডাক্—মা বলে' ডাক্ ।

আন্টিগোনস্ । মা আমার—

মাতা । আর একবার—আর একবার !—

আন্টিগোনস্ । একি ! তোমার পা টল্ছে । তুমি সোজা হ'য়ে দাঁড়াতে পার্ছ না—চল মা তোমায় শুইয়ে রেখে তোমার পদসেবা করি । মা !

মাতা । বৎস আমার ! আর একবার ডাক্ ।

আন্টিগোনস্ । মা !

মাতা । এই স্বর্গ !—আমার মাথা ঘুর্ছে !—বৎস !—আন্টিগোনস্ ! কোথা তুই ! [হস্ত প্রসারিত করিলেন]

আন্টিগোনস্ । এই যে মা—এই যে—

আন্টিগোনস্ তাঁহার পতনোন্মুখ মাতাকে ধরিলেন । তাঁহার মাতা তাঁহার স্বন্ধে ভর দিয়া নিশ্বাস্ত হইলেন ।

চতুর্থ অঙ্ক ।]

চন্দ্রগুপ্ত ।

[পঞ্চম দৃশ্য ।

পঞ্চম দৃশ্য ।



স্থান—চন্দ্রগুপ্তের প্রাসাদ । কাল—রাত্রি ।

চন্দ্রগুপ্ত একাকী ।

চন্দ্রগুপ্ত । শেষে আমারই প্রজা, আমারই সৈন্ত—বিপক্ষের সঙ্গে যোগ দিয়েছে!—বাহিরে শত্রু, ঘরে শত্রু । আর রক্ষা নাই । এ প্রকৃতির প্রতিশোধ । হিতৈষীকে শত্রুজ্ঞান কবে' রাজ্য থেকে নির্বাসিত ক'রেছি । (এ নির্বাসন বৈ আর কি!) বড় অভিমানে বন্ধুবর আমায় ছেড়ে চলে' গিয়েছেন । সেই দিনের তাঁর অভিমানে ছল-ছল চক্ষু দুটি মনে পড়ে । তা'র অর্থ—“এত অকৃতজ্ঞ তুমি চন্দ্রগুপ্ত ! তোমায় আশ্রয় দিয়েছিলাম, সৈন্ত দিয়েছিলাম, তোমার জন্য প্রাণ দিতে প্রস্তুত ছিলাম, তোমার জীবন রক্ষা ক'রেছি, মগধের সিংহাসনে বসিয়েছি । তার এই পুরস্কার !”—চন্দ্রকেতু ! যদি এখন তোমার দেখা পেতাম, পা জড়িয়ে ক্ষমা চাই-তাম—ব'লতাম “সাম্রাজ্য যাক, জীবন যাক,—তুমি ক্ষমা কর, শুনে যাই !”—যাক সাম্রাজ্য ধ্বংস হ'য়ে যাক । আমি যুদ্ধ কর্‌কন । আমি নিজের উপর প্রতিশোধ নেবো । মগধ সাম্রাজ্য মেঘের প্রাসাদের মত শূণ্যে মিলিয়ে যাক ! আমি ক্ষুব্ধ নই । [একজন সৈনিকের প্রবেশ ।]

চন্দ্রগুপ্ত । কি সংবাদ সৈনিক ?

সৈনিক । মহারাজ ! দুর্গের দক্ষিণ প্রাকার ভগ্ন হ'য়ে গিয়েছে ।

চন্দ্রগুপ্ত । ঠিকতম ! যাও ।—কি চেয়ে রয়েছ যে !—যাও ।

চতুর্থ অঙ্ক ।]

চন্দ্রগুপ্ত ।

[পঞ্চম দৃশ্য ।

সৈনিক । শত্রুসৈন্য হুর্গে প্রবেশ কর্ছে ।

চন্দ্রগুপ্ত । কুরুক—যাও ।

[সৈনিকের প্রস্থান ।

চন্দ্রগুপ্ত । আমি যুদ্ধ করব না । আমি নিজের উপর প্রতিশোধ
নেবো । আমি আত্মহত্যা করব ।

অপর সৈনিকের প্রবেশ ।

সৈনিক । মহারাজ—

চন্দ্রগুপ্ত । কে তুমি ? চল' যাও ।

সৈনিক । শত্রু—

চন্দ্রগুপ্ত । শত্রু কে ? শত্রু কেউ নয় । তা'রা পরম মিত্র ।—
আসূতে দাও ।—যাও । [সৈনিকের প্রস্থান ।]

চন্দ্রগুপ্ত । শত্রু কে, মিত্র কে চিনি না । বাহিরে শত্রু, ঘরে শত্রু ।
প্রকাণ্ড নদীর মাঝখানে ঝড় উঠেছে । এ' তরীর কর্ণধার নাই । সে
এই তরঙ্গে ইতস্ততঃ উৎক্ষিপ্ত বিক্ষিপ্ত হ'য়ে দোল খাচ্ছে । দে দোল
দোল । ডোবে—আর দেরি নাই । কেমন মজা ! চাণক্য নাই যে
মন্ত্রণা দেবে, চন্দ্রকেতু নাই যে প্রাণ দেবে । দে দোল দে দোল !:

তৃতীয় সৈনিকের প্রবেশ ।

চন্দ্রগুপ্ত । আবার !

সৈনিক । মহারাজ !

চন্দ্রগুপ্ত । কে মহারাজ ? মহারাজ এখানে কেউ নেই ।
[কঠোরস্বরে] যাও । [সৈনিকের প্রস্থান ।]

বাহিরে শৃঙ্গনিবাদ ।

চন্দ্রগুপ্ত । ও কি শব্দ ? এত রাতে তুরীধ্বনি ! এ কি !

চতুর্থ অঙ্ক ।]

চন্দ্রগুপ্ত ।

[পঞ্চম দৃশ্য ।

এ যে যুদ্ধের কোলাহল ! যুদ্ধ ! কা'র সঙ্গে কা'র যুদ্ধ !—ঐ আবার
রণতুরীর শব্দ ।—চন্দ্রগুপ্ত ! তুমি জীবিত না মৃত ? এই তুর্য্যধ্বনি শুনেও
তুমি নিজজীবভাবে গৃহে বসে' ! ঐ তোমার সৈন্য যুদ্ধ করছে—
প্রাণ দিচ্ছে, আর তুমি গৃহকক্ষে বসে' ! ওঠো বীর ! এই
অগাধ নৈরাশ্রের উপর দিয়ে একবার বিদ্যুৎ খেলিয়ে দিয়ে চলে'
যাও দেখি । এই প্রভঞ্নের হৃদ্বারের উপর তোমার ভীম বজ্রনাদ
গর্জে উঠুক—তার পর সব প্রলয়কল্লোলে মিশে যাক !—জয়
মগধের জয় !

মুরার প্রবেশ ।

মুরা । চন্দ্রগুপ্ত !—এ কি !

চন্দ্রগুপ্ত । মা ! বিদাও দাঁও । আমি যাচ্ছি ।

মুরা । কোথায় !

চন্দ্রগুপ্ত । যুদ্ধে । যুদ্ধে মর্ক—পিঞ্জরাবদ্ধ ব্যাঘ্রের মত আমার
খুঁচিয়ে মার্তে দেবো না । যুদ্ধক্ষেত্রে নক্ষত্রখচিত মুক্ত নীল আকাশের
তলে আমার সৈন্যের মধ্যে দাঁড়িয়ে যুদ্ধ ক'র্তে ক'র্তে মর্ক ।

মুরা । মর্কে কেন বৎস ! শত্রু এসেছে—যুদ্ধ কর । বীর তুমি
—মর্কে কেন !

চন্দ্রগুপ্ত । তস্তির উপায় নাই । বাহিরে শত্রু, ঘরে শত্রু । কে
শত্রু, কে মিত্র চিনি না । শত্রুসৈন্য এক সমুদ্র—

মুরা । তথাপি—

চন্দ্রগুপ্ত । এর মধ্যে “তথাপি” নাই । আমি মর্তেই চাই ।
ঐ যুদ্ধের কোলাহল ।—সৈনিক !

সৈনিকের প্রবেশ ও অভিবাদন ।

চন্দ্রগুপ্ত । এক্ষণেই যুদ্ধে যাবো । পার্শ্বরক্ষীদের আজ্ঞা দাও ।
ঐ পুনঃ পুনঃ রণতুরীর শব্দ !—যাও ।

সৈনিকের প্রস্থান । নেপথ্যে—“জয় মহারাজ চন্দ্রগুপ্তের জয়” ।

চন্দ্রগুপ্ত । ও কি ! মহারাজ চন্দ্রগুপ্তের জয় ! আমি কি স্বপ্ন দেখছি !—না এ শত্রুর ব্যঙ্গজয়ধ্বনি ! মহারাজ চন্দ্রগুপ্তের জয় চাণক্য আর চন্দ্রকেতুর সঙ্গে নির্বাসিত হ’য়েছে । ঐ আবার !—আরও কাছে !—আরোও কাছে ! একি একি ! কাণের কাছে !—এ যে পরিচিত স্বর !—এরা কারা ! [পিছাইলেন]

রক্তাক্ত দেহে চন্দ্রকেতু, ছায়া ও চাণক্যের প্রবেশ ।

চন্দ্রগুপ্ত । স্বপ্ন ! স্বপ্ন !

চন্দ্রকেতু । এইছি বন্ধু—‘গুরুদেবকে পায়ে ধরে’ নিয়ে এসেছি ।
আর কোন ভয় নেই !

“গুরুদেব রক্ষা করুন” বলিয়া মূরা চাণক্যের পদতলে পড়িলেন ।
ছায়া মূরাকে ধরিয়া উঠাইলেন ।

চাণক্য । ওঠো মূরা ! চাণক্য সব পারে , কেবল মূরা মানুষ ফিরিয়ে আনতে পারে না—কোন ভয় নেই চন্দ্রগুপ্ত ! ওঠো । এই মুহূর্তেই যুদ্ধে অগ্রসর হও । গ্রীকের সাধ্য চাণক্যের সৃষ্টি ব্যর্থ করে !

চন্দ্রকেতু । বন্ধু ! একদৃষ্টে চেয়ে রয়েছো কেন ?—এসো এই বিপদে একবার কাঁধে কাঁধ দিয়ে, দৃঢ়পদে দাঁড়াই । এই যুদ্ধ বন্ধের উপর যদি পর্ত্তত ভেঙ্গে পড়ে, সে পর্ত্ততও চূর্ণ হ’য়ে যাবে ।

চন্দ্রগুপ্ত । চন্দ্রকেতু !—বন্ধু !—ভাই !—[তাহাকে সবলে আলিঙ্গন করিলেন]

চতুর্থ অঙ্ক ।]

চন্দ্রগুপ্ত ।

[ষষ্ঠ দৃশ্য ।

ষষ্ঠ দৃশ্য ।

—:—

স্থান—মগধে চন্দ্রকেতুর গৃহ । কাল—রাত্রি ।

ছায়া ও সঙ্গিনীগণ ।

ছায়া । নাচো, গাও । আমিও আজ তোমাদের সঙ্গে যোগ দিব । মহারাজ চন্দ্রগুপ্ত গ্রীকদের সঙ্গে যুদ্ধে জয়ী হ'য়েছেন।—
কি আনন্দ !

১ম সখী । সখী ! তুমি তঁর যে জয়গান গাও, তিনি কি তা শুন্তে পান ?

ছায়া । আমার গানে আমার আনন্দ ; তাঁর কি ! যখন বসন্ত আসে, তখন লক্ষ্য কবেছো কি সখি যে, যারুতহিল্লোলে প্রকৃতি পত্রপুষ্পে আপনিই শিহবিত হ'য়ে ওঠে—কেউ দেখো না দেখে, তা'র কিছু যায় আসে না ; কুঞ্জে কোকিল আপনিই গেয়ে ওঠে—কেউ শোনে কি না শোনে. তা'তে তা'র কিছু যায় আসে না । তা'রা নিজের সুখে নিজে পূর্ণ ।

২য় সখী । তুমি তাঁকে যে ভালবাসো, তা'র প্রতিদান চাও না ?

ছায়া । আমার প্রেম আমার সম্পত্তি । আমার প্রেম নিজেই পূর্ণ । সেই প্রেমে আমি নষ্ট আছি । তাঁকে দেখবার অবকাশ পাই না ।

চতুর্থ অঙ্ক ।]

চন্দ্রশেখর ।

[বর্ষ দৃশ্য ।

৩য় সখী । আশ্চর্য্য ! তিনি তোমায় ভালোবাসেন না !
অথচ তুমি তাঁর জীবন রক্ষা ক'রেছো—নিজের জীবন
তুচ্ছ করে' ।

ছায়া । সখি, যদি আমার সহস্র জীবন থাকত, তাও আমি
অনায়াসে তাঁর চরণে ঢেলে দিতাম ।—দুঃখ এই যে, তাঁকে দেবার মত
আমার কিছু নাই ।

সখী । কি নাই ?

ছায়া । আমার রূপ নাই ।

৩য় সখী । কে বলে তোমার রূপ নাই ?

ছায়া । যদি আমার রূপ থাকত, তিনি আমায় একবার চেয়েও
দেখ তেন । আমার ইচ্ছা হয় যে, 'বিখে যত সৌন্দর্য্য আছে—সব
আমাকে আশ্রয় করুক, আর আমি সেই সৌন্দর্য্যরাশি গোমুখীর
ধারার মত অশ্রাস্তধারে তাঁর পায়ে ঢেলে দিই । কিন্তু আমার
কিছু নাই ।

১ম সখী । তোমার অমূল্য হৃদয় আছে ।

ছায়া । পুরুষ তা চায় না, পুরুষ চায় নারীর রূপ ।

২য় সখী । নির্বোধ পুরুষ ।

ছায়া দীর্ঘশ্বাস ফেলিলেন । পরে কহিলেন—“না—তোমরা আমার
কাঁদাবে !—না । আজ মর্হোৎসব । উৎসব কর উৎসব কর—যতক্ষণ
তোমাদের জাগবগন্না মুখের উপর প্রভাতসূর্য্যের কনকরশ্মি
এসে না পড়ে, যতক্ষণ বিহঙ্গের কলরব, তোমাদের ক্ষীণায়মান
কণ্ঠধ্বনির সঙ্গে মিশে না যায় ।—গাও ।”

নৃত্যগীত ।

আজি গাও মহাগীত মহা আনন্দে,
 বাজ মৃদঙ্গ গভীর ছন্দে,
 পাগ ভুলে দাও, ভেসে যাক শুধু সাগরে জীবন তরঙ্গী ।
 উলসি' উছলি উঠুক নৃত্য ;
 ককক সঙ্ক জীবন মৃত্যু ;
 স্বর্গ নামিয়া আহুক মর্ত্যে, স্বর্গে উঠুক ধরঙ্গী ।
 চঞ্চল চল-চরণভঞ্জে
 উঠুক লাশ অঙ্গে অঙ্গে,
 ফুটুক হাত সরদ অধবে ; ছুটুক ভাতি নয়নে ;
 উঠিয়া গীতি-মধুর মলে
 নৃত্য নিউক সূর্য্য চল ;
 অসহ পুলকে উঠুক শিহরি' ধরঙ্গী অরণবরণী ।

দূরে মুরার প্রবেশ ।

মুরা । ছায়া! ছায়া!—উৎসবে মত্ত ।—অভাগিনী এখনও
 জানে না, যে যুদ্ধে তা'র ভাই চন্দ্রকেতুর মৃত্যু হ'য়েছে ।—কিন্তু যখন
 জানবে—না, সে হুঃসংবাদ আমি দেই কেন ? জগতে হুঃসংবাদ বহন
 করে' এনে দেবার জন্ত লোকের অভাব নাই । [অগ্রসর হইয়া] ছায়া !

ছায়া । [চমকিয়া] কে ?—মা !

মুরা । ছায়া ! সংবাদ আছে ।

ছায়া । কি স্না ?

চতুর্থ অঙ্ক ।]

চন্দ্রগুপ্ত ।

[যষ্ঠ দৃশ্য ।

মুরা । ছায়া, এতদিনে আমার জীবনের সাধ পূর্ণ হ'য়েছে ।
[ছায়াকে বক্ষে টানিয়া লইয়া] মা ! তুমি, আবার ভাবী পুত্রবধু—
ভারতের ভাবী সম্রাজ্ঞী ।

ছায়া । রাজমাতা ! ছায়া চন্দ্রগুপ্তের পত্নী আর ভারতের
সম্রাজ্ঞী সমানই তুচ্ছজ্ঞান করে । চন্দ্রগুপ্ত ভারতের সম্রাট—
ছায়াও রাজকন্না । উপহাসের প্রয়োজন নাই ।

মুরা । সে কি ছায়া ! আমি তোমার সঙ্গে উপহাস কখন করেছি ?
এ সত্য কথা মা !

ছায়া । [অর্ক স্বগত] সত্য কথা ! সত্য কথা !—এ যে আমার
ধারণার অতীত । এ নিষ্ঠুর সৌভাগ্য,—এ যে—এত আকস্মিক !
এত ভীত —এ যে—এ যে—অসহ্য ! মা ! মা—[মুরার বক্ষে পড়িয়া
ক্রন্দন]

মুরা । ও কি ! কাঁদছে কেন মা ?

ছায়া । না মা কাঁদবো না—দেবগণ পুষ্পবৃষ্টি কর ।—একি !
আকাশ আরও নীল, আরও গাঢ়, আরও উজ্জ্বল বোধ হ'চ্ছে । পৃথিবী
মন্দাব সৌরভে ভরে' গেছে । বাতাস বীণার ঝঙ্কারে ছেয়ে গেছে ।
একি !—আমি স্বর্গে না মর্ত্তে ! আমি কুসুম শয্যায় শুয়ে আছি !
না মলয়হিল্লোলে ভেসে যাচ্ছি !—কোথায় আমি ? কোথায় তুমি
প্রিয়তম ।—কোথায় তুমি প্রাণাধিক ! এই যে, এই যে আমার চন্দ্রগুপ্ত !
[সহসা জাহ্নু পাতিয়া] প্রাণেশ্বর ! জীবন সর্ব্বস্ব ! দেবতা আমার ! ক্ষমা
কর । অনেক রূঢ় কথা বলেছি । অভাগিনী পিতৃমাতৃহীনা বালিকা
আমি । শতদোষ আমার ।—ক্ষমা কর । [উর্ধ্বে যুজ্জ্বপাশি উঠাইয়া]

চতুর্থ অঙ্ক ।]

চন্দ্রগুপ্ত ।

[ষষ্ঠ দৃশ্য ।

ঈশ্বর এই কর—যেন এ স্বপ্ন না হয় । [উদ্বেগে চাহিয়া
রহিলেন]

চাণক্যের প্রবেশ ।

চাণক্য । মূরা—এ কি এ সব কি ?

মূরা । বিজয়োৎসব ।

চাণক্য । ও ! [কিয়ৎকাল একদৃষ্টিতে ছায়ার প্রতি চাহিয়া
দীর্ঘ নিশ্বাসে] যাক্ ।—মূরা ! আমি সন্ধি করেছি ।—এখনও সন্ধিপত্র
প্রাক্করিত হয় নাই ।

মূরা । কি সন্ধি গুরুদেব !

চাণক্য । মহারাজ চন্দ্রগুপ্ত সেলুকসকে ৫০০ হস্তী দিবেন ; বিনি-
ময়ে সেলুকস হিন্দুকুশের দক্ষিণেও পূর্বে সমস্ত বিজিত রাজ্য চন্দ্রগুপ্তকে
অর্পণ করবেন । আর সন্ধিরক্ষার জামিন স্বরূপ—চন্দ্রগুপ্তের সঙ্গে
সেলুকসের কন্যার বিবাহ হবে ।

মূরা । সে কি ! না গুরুদেব, আমি সম্রাটের কন্যা চাই না ।
[ছায়াকে বক্ষে টানিয়া লইয়া] এই আমার পুত্রবধূ ।

চাণক্য । মূরা ! এই চাণক্যের মন্ত্রণা ।

মূরা । কিন্তু এই বেচারী ।—

চাণক্য । রাজ্যের কল্যাণে ছায়া নিশ্চয় তুচ্ছ স্বার্থ বলি দিতে
পারে । [প্রস্থান]

মূরা । ছায়া !—একি ! মুখ ছাইয়ের মত পাংশু, নিম্নভ চক্রে

চতুর্থ অঙ্ক ।]

চন্দ্রগুপ্ত ।

[ষষ্ঠ দৃশ্য ।

হিরদৃষ্টি, বিভক্ত ওঠে অব্যক্ত বেদনা ; নিশ্চল পাষণ প্রতিমার
মত দাঁড়িয়ে আছে !—অভাগিনী মা আমার ! [প্রস্থান]

ছায়া । তুচ্ছ !—তুচ্ছ ! তুমি কি জানবে ব্রাহ্মণ ! না পুরুষের
কাছে নারীর অর্থ হুঃখ, নারীর জীবনই তুচ্ছ । জৈশ্বর !—এক
কর্ণে ! এযে এক সঙ্গে প্রেম ও মৃত্যু, আশা ও নৈবাশ, স্বর্গ ও
নরক । পৃথিবী যুচ্ছে ! আকাশে এক একটা নক্ষত্র সূর্যের
মত জলে' উঠে নিভে যাচ্ছে । একটা যশোগাথা মৃদঙ্গের তালে
জগে উঠে দীর্ঘশ্বাসে মিশিয়ে যাচ্ছে । ঐ ! ঐ ! [উর্দ্ধে চাহিয়া
রহিলেন]

পঞ্চম অঙ্ক।

প্রথম দৃশ্য।

স্থান—নন্দের পূর্বকথিত প্রমোদোদ্যান। কাল—রাত্রি।

সেলুকস ও হেলেন।

সেলুকস। বর্ষের চন্দ্রশুভের সঙ্গে গ্রীক সম্রাট সেলুকসের কন্যার বিবাহ! আমি এই হয়ে সন্ধি দিয়ে যুক্তি ক্রয় কর্ব না। কখন না।

হেলেন। বাবা! আর দর্প শোভা পায় না। অপমানের চূড়ান্ত হ'য়েছে। এখনও শির উচু করে' আছেন! লজ্জা নাই!

সেলুকস। কিসেব লজ্জা?—আক্রমণ ক'রেছিলাম, বিফল হ'য়েছি।

হেলেন। কে' আক্রমণ কর্তে ব'লেছিল? কি অপরাধ ক'রেছিলেন এই চন্দ্রশুভ? তিনি গ্রীকেব সঙ্গে বিবাদ খুঁজে নেন নাই। তিনি নির্বিরোধে সিদ্ধির পরপারে রাজত্ব কর্ছি'লেন।—আপনার সহীলো না। আমি নিষেধ ক'রেছিলাম। উত্তম হ'য়েছে।

সেলুকস। ভূমি বিজ্ঞাতির বিজয়ে উন্নত হ'য়েছ বোধ হয়?

হেলেন। কেন হব না! গ্রীক হেরেছে, কিন্তু ধর্ম জয়ী হ'য়েছে।
—বাবা! যে একটা প্রতিষ্ঠিত রাজ্যের শাস্তিভঙ্গ কর্তে যায়—সে বাহি-

পঞ্চম অঙ্ক ।]

চন্দ্রশেখর ।

[প্রথম দৃশ্য ।

রোর শত্রু হোক বা সেই রাজ্যের প্রজা হোক—সে মহাপাতকী । শত শত মাতাকে পুত্রহীনা, বালিকাকে পিতৃহীনা, সতীকে পতিহীনা করা—দেশে একটা আতঙ্ক জাগিয়ে তোলা—শুধু একটা বিজয়-গৌরবের উদ্দেশ্যে, একটা উদ্ধাম প্রবৃত্তির তাড়নায়, শুধু একটা খেয়ালের জন্য—এর চেয়ে মহাপাপ আছে ?

সেলুকস । তবে আমি সেই পাগী ।

হেলেন । তার ফল ভোগ ক'চ্ছে'ন ।

সেলুকস । যুদ্ধে জয় পরাজয় আছেই । এবার পরাজিত হ'য়েছি ।
আবার—যদি মুক্তি পাই—

হেলেন । বিজয়ী বর্করের দয়ার উপর নির্ভর করে' ? কোথায় গেল সে প্রতিজ্ঞা—হয়, জয়, না'হয় মৃত্যু ? লজ্জা করে না !—ওঃ !
কি অধঃপতন !

সেলুকস । হেলেন ! তোমার মুখে এই কথা ! এই আমার দুর্গতির চরম সীমা । আর কি হ'তে পারে !—যখন নিজের কণ্ঠা—যে মাতৃহীনা বালিকাকে আমি বন্ধে করে' গুম পাড়িয়ে নিজের হাতে খাইয়ে মারু ব ক'রেছি—এই বিজয় যাত্রায় সব ছেড়ে, এসেছি, শুধু তাকে ছেড়ে আসতে পারিনি—আজ সে কণ্ঠাও—না ভাগ্য-বিপর্যায় বটে । [কম্পিত স্বরে] এ পরাজয়-শল্য আমার বন্ধে তত বাজেনি কণ্ঠা, যত—
[অধোমুখ হইলেন]

হেলেন । না বাবা ! অন্যায় ক'রেছি, মার্জনা করুন ।

সেলুকস । না হেলেন ! অন্যায় আমার । আমার ক্ষমা কর ।

হেলেন । না বাবা, অন্ডায় আমার । কিন্তু বড় অভিমানে, বড়

পঞ্চম অঙ্ক ।]

চন্দ্রগুপ্ত ।

[প্রথম দৃশ্য ।

আলার জ'লে এ কথা বলেছি । এ পুত্রের প্রতি মাতার ক্রোধ ।
এ তিত্ত হলহল অনন্ত সুধা-সমুদ্র মগ্নন করে' উঠেছে । না বাবা !
আপনি মুক্ত হোন—মুক্ত হ'য়ে গ্রীকের এই অপমানের প্রতিশোধ
নেন । আমি আপনাকে মুক্ত কর্ব । আমি চন্দ্রগুপ্তকে বিবাহ কর্ব ।

সেলুকস । না কন্যা ! আমার মুক্তির জন্য সে মূল্য দিব না ।

চন্দ্রগুপ্তের প্রবেশ ।

চন্দ্রগুপ্ত । তা'র প্রয়োজন নাই বীরবর ! গ্রীক সম্রাট ! আপনি
মুক্ত ।—ইচ্ছা হয় আবার যগধ আক্রমণ কর্বেন—চন্দ্রগুপ্ত তার
জন্য প্রস্তুত থাকবে ।—যান বীরবর ! যান রাজকন্যা । আপনারা
মুক্ত ।—রক্ষী !

সেলুকস । সে কি ।

চন্দ্রগুপ্ত । সম্রাট ! এই হিন্দুজাতি বর্বর নয় । তা'রাও পুরুষ
প্রতি সেকেন্দার সাহার সৌজন্যের উত্তর দিতে জানে । দেশে চ'লে
যান বীরবর ! আপনি মুক্ত ।—রক্ষী !

রক্ষিগণের প্রবেশ—

চন্দ্রগুপ্ত । এ'রা মুক্ত ।—তবে আসি সম্রাট । [প্রস্থানোদ্যত]

সেলুকস । [সান্ধ্যো] ভারতসম্রাট চন্দ্রগুপ্ত ! তুমি মহৎ । তুমি
একদিন আমার প্রাণরক্ষা ক'রেছিলে ! আমি তা ভুলি নাই । আজ
তুমি বিনাসর্থে আমাদের মুক্ত করে' দিলে ! 'এও আমি ভুলবো না ।
ভারতসম্রাট ! আমি প্রস্তাবিত সন্ধির সমস্ত সর্থে সন্মত আছি । যে
সাম্রাজ্যখণ্ড ছেড়ে দিলাম, তা পারি ত বাহুবলে আবার জয় কর্ব ।
কিন্তু তোমায় কন্যা দিতে পারি না । কারণ তুমি হিন্দু ।

পঞ্চম অঙ্ক ।]

চন্দ্রগুপ্ত ।

[প্রথম দৃশ্য ।

হেলেন । হিন্দুও মাদ্রাস ।

সেলুকস । হেলেন !—[এই বলিয়া সেলুকস সৰ্ব্বশ্রমে হেলেনের প্রতি চাহিয়া রহিলেন । হেলেন শিয় অবনত করিলেন ।]

চন্দ্রগুপ্ত । বুঝেছি রাজকন্যা ! এ আমার মহৎ সম্মান—মাথা পেতে নিচ্ছি । [সেলুকসকে] কিন্তু বীরবর ! আমি এ ভিক্ষা গ্রহণ কর্তে অক্ষম । আমি যুক্তকণ্ঠে স্বীকার করি, যে আমি আপনার কন্যার প্রেমযুক্ত । আর সে আজ প্রথম দিন নয় । যে দিন আমার কৈশোর ও যৌবনের সন্ধিস্থলে, সিঙ্খনদতটে, নিদাঘের সমুজ্জল সন্ধ্যালোকে, ঐ শান্ত মুখচ্ছবি দেখেছিলাম ; সেই দিন থেকে ঐ মুখ আমার সমস্ত ধ্যান অধিকার করে' আছে, আমার কল্পনাকে তারস্বরে বেঁধে দিয়েছে । আমার সে যৌবনের স্বপ্ন যে কখন সফল হবে, আমার মানসী প্রতিমা মূর্তিমতী হ'য়ে য়ে কখন আমার সম্মুখে এসে দাঁড়াবে, সে ছরাশা আমি কখন করি নাই । আজ সে গৌরব, সে উৎসব, সে স্বর্গ, আমার মুষ্টিগত হ'য়েও আমার কঠিন স্পর্শে সরে গেল ।—না সম্রাট, আমার বন্ধুবর চন্দ্রকেতু মৃত্যুকালে তাঁর শুয়ী ছায়াকে আমার করে সমর্পণ করে' গিয়েছেন । এ তাঁর অন্তিম-কালের অনুরোধ । আমি নিরুপায় । ভারতের ভাবী সম্রাজ্ঞী মলয়রাজহুহিতা ছায়া ।

সহস্রা ছায়ার প্রবেশ ।

ছায়া । সম্রাটের অনুকম্পা । কিন্তু ছায়া এই অল্পগ্রহদন্ড-সম্মানের ভিখারিণী নয় । ভারতসম্রাটের যোগ্য মহিষী—এই গ্রীক-সম্রাটের কন্যা হেলেন । [হেলেনকে] বড় সুভাগিনী ডুমি বোন, ১৩৪]

পঞ্চম অঙ্ক ।]

চন্দ্রগুপ্ত ।

[প্রথম দৃশ্য ।

যে মহারাজ চন্দ্রগুপ্ত তোমার অনুরাগী । আমি সচ্ছন্দমনে আমার
হৃদয়ের নিধি, আমার সর্বস্ব—তোমায় দান কর্ণাস—নাও বোন্ ।”
এই বলিয়া ছায়া অসংযত পদক্ষেপে হেলেনের কাছে গিয়া তাঁহার
করধারণ করিয়া স্থিরমূর্ত্তি চন্দ্রগুপ্তের করে যোজিত করিয়া কহিলেন—
“এ অমূল্য রত্ন তোমার বক্ষে ধারণ কর ।—এই আমার সর্বোপেক্ষা
গৌরবময় মুহূর্ত্ত ।—কিন্তু যদি জাস্তে বোন্ কি মূল্য দিগে সে গৌরব
ক্রয় কর্ণাস !”

[চক্ষে বস্ত্র দিয়া দ্রুত প্রস্থান]

চন্দ্রগুপ্ত । [স্বপ্নোখিতবৎ অর্ধস্বগত] না—না—এ হ’তে পারে
না—এ হ’তে পারে না—চন্দ্রকেতু !—না কখন না ।—সম্রাট !
আপনারা মুক্ত ।

চন্দ্রগুপ্ত চিস্তিতভাবে নিষ্ক্রান্ত হইলেন । চন্দ্রগুপ্ত চলিয়া গেলে
সেলুকস হেলেনকে ডাকিলেন,

“হেলেন ! এ সব কি ?”

হেলেন । কিছু বুঝ্‌তে পার্ছি না ।

সেলুকস । ভূমি চন্দ্রগুপ্তকে বিবাহ কর্বে ?

হেলেন । হাঁ পিতা ।—অনুমতি দিন ।

সেলুকস । অনুমতি দিব ! এ যে স্বপ্নেও ভাবিনি !

[চিস্তিতভাবে নিষ্ক্রান্ত]

হেলেন । আপনি কি বুঝ্‌বেন বাবা যে আমি এ বিবাহ কর্তে
চাই কেন ? এত তর্ক, কাকুতি, অনুনয়, যা সাধন কর্তে পারে নাই,
এই বিবাহে তাই সাধন কর্বে ।—ভালো বাস্‌তে পার্বে না ? এই

[১৩৫

পঞ্চম অঙ্ক ।]

চন্দ্রশুভ ।

[দ্বিতীয় দৃশ্য ।

শৌর্য্য—এই করুণার্জ চক্ষু—এ মহৎহৃদয়—পার্ক না! আক্টিগোনস্!—
ক্ষমা কর।—ঈশ্বর! হৃদয়ে বল দাও । [প্রস্থান]

দ্বিতীয় দৃশ্য ।

—:—

স্থান—চাণক্যের বাটী । কাল—প্রভাত ।

চাণক্য একাকী ।

চাণক্য । একটা সমুদ্র—তরঙ্গহীন, শব্দহীন, অন্তহীন । যতদূর
দেখা যাচ্ছে, যতূর মত স্থির । [বীরে বীরে পাদচারণ করিতে
লাগিলেন ; পরে দীর্ঘনিশ্বাস ফেলিয়া কহিলেন]—ক্ষমতা স্নেহের
অভাব পূর্ণ কর্তে পারে না । হৃদয়ের সঞ্চিত আকাঙ্ক্ষা, গৈরিক
নিশ্রাবের মত উঠে, ভস্ম হ'য়ে ছড়িয়ে পড়ে । স্নেহের উৎস হৃদয়ের
অন্তস্তম স্তর থেকে উঠে মস্তিষ্কের তীব্রজ্বালাস্পর্শে বাষ্প হ'য়ে উড়ে
যায় । [পরে স্থিরনেত্রে দূরে আলোকিত প্রান্তরের দিকে চাহিয়া
কহিলেন]—এই সুন্দর প্রভাত, ঐ গাঢ় নীলিমা,—এক দিন
ছিল—কে?

প্রহরীবেষ্টিত কাত্যায়নের প্রবেশ ।

চাণক্য । এই যে এসেছো? এসো বল ।

কাত্যায়ন । ব্যক্তের প্রয়োজন কি চাণক্য! আমি তোমার
বন্দী । অন্যায় ক'রেছি ।—শান্তি দাও ।

১৩৬]

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । বন্ধন উন্মোচন করে' দাও প্রহরী । [প্রহরী বন্ধন উন্মোচন করিয়া দিল]

চাণক্য । এখন আর তুমি আমার বন্দী নও । আর আমাদের মধ্যে প্রভেদ নাই ।

কাত্যায়ন । প্রভেদ নাইই বটে ! আমার . চারিদিকে সশস্ত্র প্রহরী ।

চাণক্য । তোমরা বাহিরে যাও ।

[প্রহরীগণ চলিয়া গেল]

চাণক্য । আর আমাদের মধ্যে প্রভেদ নাই বন্ধু !

কাত্যায়ন । প্রভেদ নাই !—তোমার এক ইজিতে এই মুহূর্তই আমার জীবনের শেষ মুহূর্ত হ'তে পারে । ১ আমি বন্দী—আর তুমি একটা বিশাল সাম্রাজ্যের সর্বময় কর্তা ।

চাণক্য । এই ছোরা নাও । আমার বক্ষে আমূল বসিয়ে দাও । তোমার মস্তিষ্কের পথ পবিত্কার কর । [ছোরা দিলেন]

কাত্যায়ন । তোমার অভিপ্রায় কি চাণক্য ?

চাণক্য । আমি সাম্রাজ্যের জঙ্গল পরিষ্কার করে' দিবেছি । এক উষর প্রান্তরকে উর্বর ক্ষেত্রে পরিণত ক'রেছি ।—তুমি যা পারো নাই । এই বিশাল সাম্রাজ্যে একটা ত্রস্ত শাস্তি বিরাজ কর্ছে । বাহিরে শত্রুগণ ত্রস্ত । রাজপথপাশে সন্মতি রেখে পথিক নির্ভয়ে নিত্রা যেতে পারে । কিন্তু এই বিরাট শাস্তি পর্কতের মত স্থির নিশ্চয় । না আমি পারি নাই । তুমি হয়ত পার্বে ।—মস্তিষ্ক চাও, ছেড়ে দিচ্ছি ।

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

কাত্যায়ন । তুমি কূট । তোমার অভিসন্ধি বোঝা আমার অসাধ্য ।

চাণক্য । আমি পৈতা ছুঁয়ে বনুছি—আমি এই মুহূর্তে মন্ত্রিঙ্গ পরিত্যাগ করছি—তুমি যদি চাও । তুমি মুর্থ, কিন্তু তোমার হৃদয় আছে । তুমি পারবে, আমি পারি নাই ।

কাত্যায়ন । সে কি ! ব্রাহ্মণের প্রভুত্বকে ক্ষমতার শিখরে উঠিয়ে—

চাণক্য । সব ভ্রম ! হৃদয়কে উপবাসী রেখে শাসন করা চলে না । আমি বুঝেছি যে আমার কঠোর শাসনে যে ক্ষমতা স্বপ্নের প্রাসাদের মত অভভেদ করে' উঠেছে, তা স্বপ্নের প্রাসাদের ত্রায় আকাশে লীন হ'য়ে যাবে । এ বাড়ী নয়, এ ইঁটের পাঁজা । এ বৃক্ষ নয়, এ শুষ্ক কাষ্ঠের গুচ্ছ । ব্রাহ্মণের নিজ্জীব ক্ষমতাকে পুনরায় মস্তবলে গড়ে' তুলতে পারি, কিন্তু ব্রাহ্মণের ব্রাহ্মণত্ব ফিরিয়ে আনতে পারি না । শূদ্রকে চোখ রাঙ্গিয়ে শাসাতে পারি, কিন্তু তা'র হৃদয়ে আবার ভক্তির স্রোত বহাতে পারি না ।—রাক্ষসী, আমায় কোথায় নিয়ে এসেছিস্ ? আমি কি করেছি ! কি করেছি !

কাত্যায়ন । কি ক'রেছো ?

চাণক্য । ঐ বোদ্ধ ধর্মের বন্যা আসছে ।—আমি দূর ভবিষ্যতে কি দেখছি জানো ?

কাত্যায়ন । কি ?

চাণক্য । এই পুনরায় বিখণ্ড সাম্রাজ্যের উপর প্রেতের ভৈরব নৃত্য । তা'র পর এক মহাশক্তি এসে এই গলিত শবের উপরে তা'র বীহুদগু ছলিয়ে সেই বিখণ্ড মাংসপিণ্ডগুলিকে এক করে' নৃতন
১৩৮]

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

শক্তিতে সজীবিত কর্কে ; আর তার ন্যায়শাসনে ব্রাহ্মণ ও শূদ্রকে
চবে' সমভূমি কর্কে ।—নাও এ মস্তিষ্ক ।

কাত্যায়ন । কি দামে বিকোচ্ছে ?

চাণক্য । তোমার বন্ধুত্ব চাই, এই মাত্র ।

কাত্যায়ন । উত্তম অভিনয় !

চাণক্য । অভিনয় নয় বিশ্বাস কর বন্ধু ! আজ আমি বড়
দীন । চাণক্য কূট, কৌশলী, বিচক্ষণ । চাণক্য ভারতে বিবিধ জাতির
সমবায়ে এক মহা সজীবিত রচনা ক'রেছে । আকাশে যদি ঈশ্বর
থাকেন, তা হলে তিনি চাণক্যের এই মহানৃষ্টি মুগ্ধদৃষ্টিতে নিরীক্ষণ
কচ্ছে'ন । সব ক'রেছি । কিন্তু তাতে প্রাণপ্রতিষ্ঠা কর্তে পার্লাম
না । পার্লাম কোথায় থেকে ! বাহিরে এই 'শূদ্রত মনীষা দেখ'ছ, কিন্তু
আমার হৃদয় চিরে দেখ বন্ধু ! এ এক শুষ্ক মরুভূমি—এক কণা করুণা
নাই, স্নেহ নাই, বিশ্বাস নাই ! শাঁস নাই, খোসা নিয়ে কি কর্ব' ?
ভেঙ্গে টেনে ছুঁড়ে ফেলে দেই [বক্ষে করাঘাত] ।

কাত্যায়ন । আশ্চর্য্য ! তুমি অধীর চাণক্য ! এই দুর্দম তেজ,
এই অটল প্রতিজ্ঞা, এই তীক্ষ্ণ বুদ্ধি—

চাণক্য । বুদ্ধি, বুদ্ধি, বুদ্ধি ! শুস্তে শুস্তে বধির হ'য়ে গেছি ।
পথে, ঘাটে, প্রান্তরে বিশ্বশুদ্ধর ঐ এক কথা—চাণক্যের কি বুদ্ধি !
সমস্ত জগৎ নির্ণিমেষ বিশ্বয়ে আমার পানে চেয়ে দেখ'ছে—যেমন
লোকে বিভীষিকা দেখে, ধূমকেতু দেখে । যে বুদ্ধিকে এতদিন আমি
দৈববাণীর মত অমুসরণ ক'রে' এসেছি—সে বর নয়, সে অভিশাপ ।
এখন সে ফিরে দাঁড়িয়েছে, তা'র মুখ দেখতে পেয়েছি ; সে সজীব

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

যুষ্টি নর, সে কঙ্কাল । সে এতদিন আমার চালিয়ে নিয়ে যাচ্ছিল ।
—এখন তাড়া ক'রেছে—ভয়ঙ্কর ! [শিহরিয়া উঠিলেন]

কাত্যায়ন । তুমি কি ক্ষিপ্ত হ'য়েছ চাণক্য !

চাণক্য । [ক্ষণেক নীরব থাকিয়া] এই সুন্দর প্রভাত ! ধরণী
বিষাছের কঙ্কার মত সেজেছে । তার মুখের উপর সূর্য্যের স্বর্ণরশ্মি
ঈশ্বরের আশীর্বাদের মত এসে প'ড়েছে । আর হৃষ্টিছাড়া আমিই
স্বারস্ব ভিক্ষুকের মত দাঁড়িয়ে তাই দেখছি ।

কাত্যায়ন । চাণক্য ! চাণক্য !

চাণক্য । এই সুন্দর হাশুময় জগৎ—আর আমি তার কেউ নই !
একা আমি এই অসীম সৌন্দর্য্যরাজ্য থেকে নির্বাসিত ! বিখে অমৃতের
সমুদ্রের চেউ বহে' যাচ্ছে—আর পক্ষু আমি তাপিত ভূষিত হৃদয়ে তীরে
ছটফট করছি—তপোবনের প্রান্তে শূকরের মত পঞ্চলপক্ষে পড়ে' আছি ।

কাত্যায়ন । আশ্চর্য্য ! এরূপ কখন দেখি নাই ।

চাণক্য । তবু একদিন ছিল—

[দূরে সঙ্গীত]

চাণক্য । তবু একদিন ছিল, যেদিন সংসার আমার কাছে
উৎসবমন্দির বলে' বোধ হ'ত, পৃথিবীর উপর দিয়ে সৌন্দর্য্য উচ্ছৃঙ্খিত
হ'য়ে যেত, আকাশ ইন্দ্রধনুবর্ণে রঞ্জিত বোধ হ'ত । তারপর—
সঙ্গীত নিকটবর্তী হইল]

চাণক্য । [উৎকর্ণ হইয়া শুনিয়া] সেই স্বর ।—কাত্যায়ন !
বন্ধু ! ডেকে আন ।

কাত্যায়ন । কা'কে ?

১৪০]

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

চাণক্য । ঐ ভিক্ষুক আর ভিক্ষুকবালাকে ।

কাত্যায়ন । সে কি, তুমি কি—

চাণক্য । [সান্ন্যাসে] যাও ভাই— [কাত্যায়নের প্রস্থান ।]

চাণক্য । কেন এমন হয় ! এই বালিকার স্বর শুনে কেন এমন হয় ! [বর্ষা মুছিলেন]

[গাহিতে গাহিতে ভিক্ষুক ও ভিক্ষুকবালার প্রবেশ ;
সঙ্গে কাত্যায়ন ।]

গীত ।

ঐ মহাসিঙ্কুর ওপার থেকে কি সঙ্গীত ভেসে আসে ।

কে ডাকে মধুর তানে কাতর প্রাণে “আর চলে’ আর,

ওরে আর চলে’ স্তায় আমার পাশে ॥”

বলে “আয়রে ছুটে আয়রে স্বরা,

হেথা নাইক মৃত্যু, নাইক জরা,

হেথায় বাতাস গীতিগন্ধভরা চির স্নিগ্ধ মধুমাসে ;

হেথায় চির শ্যামল বহুধরা, চিরজ্যোৎস্না নীলাকাশে ॥

কেন ভূতের বোকা বহিস্ পিছে,

ভূতের বেগার খেটে মরিস্ মিছে ;

দেখ ঐ অধাসিঙ্কু উছলিছে পূর্ণ ইন্দু পরকাশে ।

ভূতের বোকা কলে, ঘরের ছেলে, আয় চলে’ আর আমার পাশে ॥

কেন কারাগৃহে আছি বন্ধ,

ওরে, ওরে মুঢ় ওরে অন্ধ !

ওরে, সেই সে পরমানন্দ যে আমারে ভালবাসে ।

কেন ঘরের ছেলে, পরের কাছে, পড়ে’ আছি পরবাসে ॥”

পঞ্চম অঙ্ক ।]

চন্দ্রশুপ্ত ।

[দ্বিতীয় দৃশ্য ।

কাত্যায়ন । এমন দার্শনিক ভিক্ষুক ত পূর্বে কখন দেখি নাই ।
“তৎপুরুষঃ সমান্যাদিকরণপদঃ কৰ্ম্মধারণঃ”—অর্থাৎ কিনা—সেই এক
পুরুষ প্রকৃতির সহিত সমগুণায়িত হইলে—অর্থাৎ জীবভাবে জন্ম গ্রহণ
করিলে, কৰ্ম্ম ধারণ করায়—আর কাজেই কৰ্ম্মফল ভোগ করে ।—
উঃ ! ভিক্ষুক তুমি পাণিনি পড়েছো নিশ্চয় ।

ভিক্ষুক । আজ্ঞে না ।

কাত্যায়ন । কিন্তু তোমার গানের প্রতি ছত্রে পাণিনি । এ সব
গান শিথলে কার কাছে ?

ভিক্ষুক । এক ব্রাহ্মণের কাছে বাবা ।

কাত্যায়ন । হ’তেই হবে ।

চাণক্য । [বালিকাকে] এই দিকে এস ত মা !

[বালিকা দৌড়িয়া চাণক্যের কাছে আসিল ।]

চাণক্য । [তাহার মস্তকে হাত বুলাইতে বুলাইতে] একেবারে
সেই মুখ । সেই চক্ষু দুটি । একেবারে—অথচ—ভিক্ষুক ! একটা
কথা জিজ্ঞাসা করি ।—এ তোমার কণ্ঠা ? সত্য বল ।

ভিক্ষুক । আমারই বৈকি । আর কার ?

চাণক্য । সত্য বল । তোমায় প্রচুর অর্থ দিব । সত্য বল ।

ভিক্ষুক । না বাবা, এ আমার মেয়ে নয় । গৃধ্রে এ মাণিক
কুড়িয়ে পেয়েছি । তবে সেই অবধি তাকে নিজের মেয়ের মতই
মানুষ ক’রেছি বাবা ।

চাণক্য । [আগ্রহে] তবে তোমার মেয়ে নয় ?

ভিক্ষুক । না বাবা ! কুড়িয়ে পেয়েছি ।

চাণক্য । কোথায় পেলো ?

ভিক্ষুক । ভগবান দিয়েছেন ।—নইলে এই ভ্রুক বড়োকে কে হাত ধরে নিয়ে বেড়াত ? কি পুণ্য মাকে পেয়েছি জানি না । ডাকাতি করে' খেতাম, এখন সেই পাপে চক্ষু ছুটি হারিয়েছি ।

চাণক্য । [সমধিক আগ্রহে] দশ্যু ছিলে !—ব্যবসা ছেড়ে দিয়েছ ?

ভিক্ষুক । দিয়েছি বৈকি বাবা ! কার ঘাড়ের উপর দশটা মাথা আছে বাবা ! যে চন্দ্রশুভ্রের রাজ্যে ডাকাতি করে ?

চাণক্য । মেয়ে কোথায় পেলো ?

ভিক্ষুক । অবস্তীপুরে বাবা ।

চাণক্য । [উত্তেজিত ভাবে] অবস্তীপুরে ? কোন্ জায়গায় ?

ভিক্ষুক । পথে ।

চাণক্য । না, এক ব্রাহ্মণের ঘর থেকে চুরি করে' এনেছিলে ?
সত্য বল—কোন ভয় নাই—চুরি ক'রেছিলে ?

ভিক্ষুক । না, বাবা ।

চাণক্য । হত্যা কর্ণ ।—সত্য বল । ডাকাতি করে' এনেছিলে ?

ভিক্ষুক । হাঁ, বাবা ।

চাণক্য । নদীর ধারে বাড়ী ?

ভিক্ষুক । 'আজ্ঞে হাঁ ।

চাণক্য । [বন্ধ চাপিয়া ধরিয়া] হৃদয় উদ্বেল হোয়োন ।—তখন
এয় বয়স ?

ভিক্ষুক । তিন কি চার বৎসর বাবা ।

চাণক্য । এর নাম কি ব'লেছিল ?

পঞ্চম অঙ্ক ।]

চন্দ্রগুপ্ত ।

[দ্বিতীয় দৃশ্য ।

ভিক্ষুক । আত্তিরি ।

চাণক্য । আত্রেয়ী ! শুনেছো কাত্যায়ন ! ব'লেছে আত্রেয়ী ।—
এর বাপের নাম ?

ভিক্ষুক । চাণক্য ।

চাণক্য । [দ্রাক্ষাইয়া উঠিয়া উচ্চৈঃস্বরে] দম্ভ্য !—না তোমার
মার্কো না । তোমার কেশাগ্র স্পর্শ কর্ণনা । কোন ভয় নাই ।
কাত্যায়ন—না রক্ষী !

রক্ষিগণের প্রবেশ ।

চাণক্য । না ষাও ।—ভিক্ষুক ! আমিই সেই ব্রাহ্মণ । এ কত্না
আমার ।

[রক্ষিগণের প্রস্থান]

ভিক্ষুক । আমার মেয়েটা কেড়ে নিও না বাবা ! এই আমার
অঙ্কের নড়ি ।—থেতে পাবো না ।

চাণক্য । তোমায় এক রাজ্যধণ্ড দিব । দম্ভ্য ! তুমি আমায় পথের
ভিখারী ক'রেছো । তুমি আমায় সম্রাট ক'বেছো । তুমি আমায় নরকে
নিক্ষেপ করে' আবার স্বর্গে উঠিয়েছো । আমি তোমায় বধ করে'
তোমার মূর্ত্তি গড়িয়ে পূজা কর্ণ । না না—এ কি ! এ আনন্দ না
দুঃখ ? এষে—এষে—না একটা কিছু কর্তে হবে ; যাতে বুঝতে
পারি যে আমি বেঁচে আছি । [হাস্ত]

কাত্যায়ন । চাণক্য ! চাণক্য !

চাণক্য । কাত্যায়ন ! নাড়ী দেখতে জানো ? দেখ ত [হাত বাড়াই-
লেন] আমি বেঁচে আছি কিনা ? দেখ ত এ ইহকাল না পরকাল ?

পঞ্চম অঙ্ক ।]

চন্দ্রগুপ্ত ।

[তৃতীয় দৃশ্য ।

—এ স্বপ্ন, না সত্য? এ আলোকের উজ্জ্বল, না অন্ধকারের বস্থা? এ
সৃষ্টির সঙ্গীত, না প্রলয় কল্লোল?—দেখত!—নহিলে—সম্ভব এতদিন
পরে আমারই কন্ঠা—ভারতের শাসনকর্তার কন্যা তা'রই ঘারে
এসেছে ভিক্ষা কর্তে।—কাত্যায়ন! কাত্যায়ন! [ক্রন্দন]

কাত্যায়ন । চাণক্য প্রকৃতিস্থ হও ।

চাণক্য । না, এ সম্ভবে না । এ ছলনা ; প্রতারণা ; ষড়যন্ত্র । তোমার
ষড়যন্ত্র কাত্যায়ন!—না, এ যে সেই যুগ, সেই চক্ষু দুটি । আত্রেয়ী—মা
‘আমার ! এতদিন সম্ভানকে ভুলে ছিলি!—কোথায় ছিলি পাষাণী মা?
[কন্ঠাকে জড়াইয়া ধরিলেন]—কাত্যায়ন ! শোন, কুঞ্জবনে একটা
সামন্তোত্র উঠছে না? দেখ, ঐ নদী আনন্দে রোমাঞ্চিত হ’য়ে উঠছে ।
আকাশ থেকে একটা সিন্ধু সৌরভ-হিহল্লালে ভেগে আসছে । আমার
শরীর অবসন্ন হ’য়ে আসছে । আমার কুটারে নিয়ে চল কাত্যায়ন !

[সকলে নিশ্চাস্ত]

তৃতীয় দৃশ্য ।

স্থান—মলয় রাজপ্রাসাদ । কাল—উজ্জল প্রভাত ।

মলয়রাজকর্মচারী ও মগধরাজদূত ।

কর্মচারী । আমাদের মলয় রাজ্য ভারত সাম্রাজ্যের অন্তর্ভুক্ত
হ’য়েও স্বাধীন । সম্রাট এর শাসনে কোনরূপ হস্তক্ষেপ করেন না ।

দূত । এই রাজকন্যাই কি এই রাজ্যের শাসনকর্তা ?

কর্ণচারী । হাঁ, রাজকন্ঠা তাঁ'র ভ্রাতার মৃত্যুর পর শাসনভার
নিজের হাতে নিয়েছেন ।

দূত । এই রাজ্ঞী অনুচা ?

কর্ণচারী । হাঁ ।

দূত । বিবাহ কর্বেন না ?

কর্ণচারী । তা জানি না । তিনি নির্জনে একাকিনী থাকেন ।
রাজকাৰ্য্য সম্বন্ধে ভিন্ন কা'রও সঙ্গে কোন কথা কহেন না ।

দূত । সম্রাটেরও ঐ দশা । অথচ সম্প্রতি তাঁর বিবাহ !

কর্ণচারী । আশ্চর্য্য বটে !—ঐ রাজ্ঞী আসছেন ।

উভয়ে সমস্ত্রমে সরিয়া দাঁড়াইলেন । রাজ্ঞী ছায়া প্রবেশ করিলেন ।
কর্ণচারী অভিবাদন করিলেন । আগন্তুক কহিলেন “রাজ্ঞীর জয়
হোক” ।

ছায়া । আপনি আমার সাক্ষাৎ চেয়েছিলেন ?

দূত । ঐ ষৎ মন্তক নত করিয়া] হাঁ রাজ্ঞী ।

ছায়া । প্রয়োজন ?

দূত । আমি মগধ থেকে এই নিমন্ত্রণ পত্রের বাহক হ'য়ে
এসেছি । [পত্র প্রদান]

ছায়া । [কল্পিত হস্তে পত্র খুলিতে খুলিতে] সংবাদ শুভ ?

দূত । হাঁ রাজ্ঞী—

ছায়া পত্র পড়িতে পড়িতে বিচলিত হইলেন । পত্রখানি দৃষ্টে
নিক্ষেপ করিয়া কহিলেন ।—“ভারও সম্রাজ্ঞীর অহরোধ !—কে সে
সম্রাজ্ঞী ?”—পরে তিনি আত্মসংবরণ করিয়া গাঁটস্থরে কহিলেন—

পঞ্চম অঙ্ক ।]

চন্দ্রগুপ্ত ।

[তৃতীয় দৃশ্য ।

“না, আমি যাবো [মন্ত্রীকে] মন্ত্রী ! রাজভাণ্ডারে যত মহার্ষিরত্ন আছে,
তাই দিয়ে এক কণ্ঠহার গড়াতে দাও । স্বর্ণকার ডাকন।”

কর্ণচারী । যে আজ্ঞা ।

ছায়া । আর পরখ প্রভাতে আমার মগধযাত্রার আয়োজন কর ।

কর্ণচারী । যে আজ্ঞা ।

ছায়া । এঁকে বিশ্রামাগারে নিয়ে যাও ।

[কর্ণচারী ও আগন্তকের প্রস্থান ।]

ছায়া সহসা পত্রখানি কুড়াইয়া পুনঃ পুনঃ চূষন করিতে লাগিলেন
ও কহিলেন—“জীবনানন্দ আমার ! সর্বস্ব আমার ! তুমি আর
আমার নও ।—তুমি আজ তাঁর ! কৈন এমন হোল !—না, আমি ত
তাকে স্বহস্তে গ্রীকরাজকন্যার হাতে স্পর্শে দিয়েছি । তবে—সহ্য কর্তে
পারিনা কেন ! হৃদয় ভেঙ্গে যায় কেন ! পৃথিবী শূন্য মনে হয় কেন !—
চন্দ্রগুপ্ত ! চন্দ্রগুপ্ত !—না ছায়া ! তুমি রাজ্ঞী । দৃঢ় হও । নিশ্চয়ভাবে
তোমার প্রবৃত্তির কণ্ঠরোধ কর । লৌহ আবরণে এই তপ্তবাপ্স রুদ্ধ কর ।
কিসের দুঃখ ?—এইটুকু পারি না !—না, এ প্রেম দমন কর । তাঁর
সুখেই সুখী হব । কিসের দুঃখ ! তুমি সুখী হও প্রিয়তম ! তাই আমার
জীবনের সাধনা হোক । [গাহিতে গাহিতে প্রস্থান ।]

গীত ।

সকল ব্যথার ব্যথী আমি হই, তুমি হও সব সুখের ভাগী ।

তুমি হাস আপন মনে, আমি কাঁদি তোমার লাগি ।

সুখের স্বপন ঘুমে, ঘুমায়ে থাকোগো তুমি,

আমি র'ব অধোমুখে, তোমার শিরেরে লাগি ।

পঞ্চম অঙ্ক ।.]

চন্দ্রশুপ্ত ।

[চতুর্থ দৃশ্য ।

তব শতমবোরথে, তোমার কিরণপথে,
দাঁড়াবনা আমি আসি' তোমার করুণা মাগি' ।
তুমি শুধু সুখে থাক,—আমি কিছু চাহিনাক,—
শুধু দূরে, অনাদরে, র'ব তব অনুরাগী ॥

চতুর্থ দৃশ্য ।

—ঃঃ—

স্থান—সেলুকসের শিবির । কাল—প্রভাত ।

সেলুকস একাকী । দূরে সৈন্যগণ ।

সেলুকস । চন্দ্রশুপ্তের সঙ্গে হেলেনের বিবাহ । শেষে তাও হোল !
ঐ নগরে উচ্চ উৎসব-কোলাহল গ্রীসের লজ্জা বিঘোষিত কচ্ছে ।—
কৈ ! হেলেন এখনও ত এলো না । সে উৎসবে মত্ত । আর কি
তা'র বৃদ্ধ পিতাকে মনে আছে ! সন্তান শুধু সন্মুখ দিকে চেয়ে দেখে,
পিছন দিকে একবার ফিরেও চায় না । তা'র কাছে ভবিষ্যৎই সব,
পিতা অতীত । পুত্রকে শিক্ষা দিয়ে আর কন্যার বিবাহ দিয়ে তা'রপরে
পিতা আর কি সুখে জীবন ধারণ করে—জানি না । সন্তানরা ত আর
তাদের চায় না !—কি নিষ্ঠুর এই পিতার ভাগ্য । তা'র অগাধ
স্নেহের কোন প্রতিদান পাই !—এই যে, হেলেন !

হেলেনের প্রবেশ ।

সেলুকস । হেলেন ! আমি এতক্ষণ ধরে' তোমারই প্রতীক্ষা
কচ্ছিলাম ।

১৪৮]

পঞ্চম অঙ্ক ।]

চন্দ্রগুপ্ত ।

[চতুর্থ দৃশ্য ।

হেলেন । আমি নিজেই এসেছি—আপনাকে রাজসভায় নিয়ে যেতে ।—আম্বন বাবা !

সেলুকস । না আমি যাবো না, তাই তোমায় ডেকে পাঠিয়েছিলাম ।

হেলেন । আমি আপনাকে নিয়ে যাবো বলে এসেছি ।

সেলুকস । না হেলেন ! আমি যাবো না ।

হেলেন । কেন বাবা ? আপনার কন্যার বিবাহোৎসবে আপনি যাবেন না !

সেলুকস । না, না ! আমি এখান থেকেই বিদায় নিচ্ছি ।

হেলেন । বুঝেছি ।—আচ্ছা ।—যাওয়া না যাওয়া আপনার ইচ্ছা । আমি জোর করে'ত আপনাকে নিয়ে যেতে পারি না । আপনি ত আমার বন্দী ন'ন ।

সেলুকস । হেলেন ! আমার উপর অভিমান কোরো না ।

হেলেন । না বাবা ! আপনার উপর আর আমার এমন কি দাবী আছে, যে আমি আপনার উপর অভিমান করব । যার কাছে অভিমান খাটতো তিনি—না, যাক—বাবা ! তবে বিদায় দিউন ।

সেলুকস । এত শীঘ্র ? মুহূর্তকাল বিলম্ব সৈছে না ! হারে যুচ পিতা ! এত শ্রোহের, এত যত্নের, এত আদরের কন্যা একদিনে একেবারে পর—তোর আর কেউ না ।—হেলেন ! কন্যা আমার ! আজ আমি তোর আর কেউ নই ! অথচ আমি তোর বাপ—আর—আর—জ্ঞাবধি আমিই তোর মা ! [চক্ষু ঢাকিলেন]

হেলেন । না বাবা ! আমায় ক্ষমা করুন, আমি অন্যায় বলেছি ।

পঞ্চম অঙ্ক ।]

চন্দ্রশুভ ।

[চতুর্থ দৃশ্য ।

বাবা ! বাবা ! এ কি ! আপনার চক্ষে জল ! এ ত দেখতে পারি না ।

বাবা ! আমায় মার্জনা করুন—এই শেষ বার । আর চাইব না ।

[জাহ্নু পাতিলেন]

সেলুকস । ওহ্ মা ! [হস্ত ধরিয়া উঠাইলেন, পরে উর্দ্ধদিকে চাহিয়া কহিলেন] তোর কোন অপরাধ নাই । অপরাধ আমার । 'তুই কি বুঝি পিতার গভীর বেদনা ! যখন কথা ফুটেনি, তখন থেকে হাতে গড়ে' ভুলে সেই কন্যাকে চিরজন্মের মত বিদায় দেওয়ার যে কি ছুঃখ, তুই বুঝি কি মা ! পুত্রকন্যারা যে একবার পিতার দিকে চেয়েও দেখে না, সে ত স্বাভাবিক । তা'দের অপরাধ কি !—পৃথিবীর নিয়মই এই । অপরাধ আমাদের, যে এ কথা জেনেও আমাদের অগাধ স্নেহের প্রতিদান প্রত্যাশা করি, প্রত্যাশা করে' ছদ্মবেদনা পাই । সব অপরাধ এই পিতাদের ।

হেলেন । সে কি বাবা !—বিদায়ের ছুঃখ কি একা পিতার ? এই সময়ে পিতামাতাকে ছেড়ে যেতে কন্যার বুক ফেটে যায় না ? পিতাই ভালো বাসতে জানে, কন্যা জানে না ?

সেলুকস । [চক্ষু মুছিয়া] না মা তোরোও ভালোবাসিস্ ।

হেলেন । না, আমরা কিছু ভালোবাসি না ।

সেলুকস । না, বাসিস্—আমি মিথ্যা কথা বলছি ।

হেলেন । বাবা ! নারীর জীবনই যে এক ভালোবাসার ইতিহাস । প্রথমে পিতামাতা, পরে পতি, পরে পুত্রকন্যা—এই নিয়েই যে তা'র ক্ষুদ্র সংসার । সেখানেই তার আশা, ভরসা, স্নানন্দ, সম্পৎ । পুরুষ যখন 'নীড় ছেড়ে উর্ধ্বে উঠে' গগনের সূর্য্যোজ্জ্বল নীলিমায় হর্ষে বিচরণ
১৫০]

পঞ্চম অঙ্ক ।]

চন্দ্রশুভ ।

[চতুর্থ দৃশ্য ।

করে, নারী নিভৃতে একাকিনী বসে' সেই নীড় পক্ষ দিয়ে ি ষরে
রক্ষা করে। স্নেহ—পুরুষের বিশ্রামের প্রমোদ, আলস্যের চিন্তা,
অবসরের চিন্তা-বিনোদন। কিন্তু এই স্নেহই যে নারীর সমস্ত মুহূর্ত্ত,
সমস্ত চিন্তা, সমস্ত কার্য্য, সমস্ত জীবন। স্নেহে তা'র জন্ম, নিবাস, মৃত্যু।
আর যদি পরে স্বর্গ থাকে, ত এই স্নেহেই তা'র স্বর্গ। স্নেহ তা'র বিহার,
শয়ন, নিজা, স্বপ্ন, আহার, নিশ্বাস। আমরা ভালোবাসি না ?

সেলুকস। না মা! আমি অত্যন্ত অগ্রায় ব'লেছি।

হেলেন। বাবা, আপনার প্রতি স্নেহের জন্য আমি আন্টিগোনসকে
বিবাহ করি নি জানেন? জানেন বাবা। যে আজ এই সমস্ত নগর জুড়ে
উৎসবদ্রুমুতি বাজছে সে আমার কণ্ঠে মরণের আর্তনাদ নিনাদিত
কর্ছে? সকলে হাসছে, কোতুক কর্ছে, উৎসবের আয়োজন কর্ছে,
আমার হয়ত হিংসা কর্ছে; কিন্তু আমার মর্ম্ম ভেদ করে' এক ক্রন্দন
ঠেলে উঠছে, তার গলা টিপে ধরে' রেখেছি, উঠতে দিছি না। বাবা!
জানেন কি, যে আপনাকে ছেড়ে যেতে [বক্ষ চাপিয়া ধরিয়া]
এই বক্ষে কি হ'চ্ছে।—একটা প্রলয় বহে যাচ্ছে।

সেলুকস। সে কি! তুমি চন্দ্রশুভকে ভাল বাসোনা!

হেলেন। এ কথাও বুঝিয়ে দিতে হবে!

সেলুকস। তবে তুমি এ বিবাহ কল' কেন?

হেলেন। বিবাহ!—না বাবা, এ বিবাহ'নয়—এ মৃত্যু—আপনার
হেলেনের এ মৃত্যু। আমি বিবাহ ক'রিনি, আপনাকে বলি দিয়েছি।

সেলুকস। কেন?

হেলেন। আমি মানবের মহাহিতে আত্মবলিদান দিয়েছি!

পঞ্চম অঙ্ক ।]

চন্দ্রগুপ্ত ।

[চতুর্থ দৃশ্য ।

সেলুকস ও চন্দ্রগুপ্তের বিদেহবহি নিজের শোণিতে নির্কাণ ক'রেছি ।
দুই যুধ্যমান জাতির মধ্যে পড়ে' তাদের উদ্যত ঞ্জা নিজের বন্ধ
পেতে নিয়েছি ।

সেলুকস । কেন তুমি এ কাজ কর্লে হেলেন ? এ বিবাহ আমার
বন্ধে মর্শশেল বিদ্ধ ক'রেছে । কিন্তু একবার তোমার ইচ্ছার অন্তরায়
হ'য়েছিলাম, আর হ'তে চাই নি ব'লে, তোমার সুখের জন্য এ বিবাহে
সম্মতি দিয়েছিলাম । তুমি এ বিবাহে সুখী জাস্তে পার্লেও আমি
কন্যার আনন্দে নিজের দুঃখ ভুলে যেতাম । কিন্তু তুমি দুঃখ বরণ
করে' নিয়েছ যদি জাস্তাম—

হেলেন । বাবা ! দুঃখ হ'লে কি স্বেচ্ছায় তা'কে বরণ করে'
নিতে পার্ভাম । পরের হিতে, কর্তব্যের জন্য, আত্মবলিদান—সে যে
পরম সুখ, সে যে উল্লাস, গৌরব ।

সেলুকস । এ তোমার গৌরব, কিন্তু গ্রীসের লজ্জা ।

হেলেন । লজ্জা ! এত বড় বিবাহ জগতে আর কখন হ'য়েছে ?
এই বিবাহে একটা চিরন্তন বাত্যা থেমে গেল । এই বিবাহে দুই
সুদূরবাসী আৰ্য্যজাতি আজ পরস্পরকে আলিঙ্গন কর্ছে । এ বিবাহ
হেলেন আর চন্দ্রগুপ্তে নয়, এ বিবাহ 'কর্মে ও মোক্ষে, চিন্তায় ও
কল্লনায়, বিজ্ঞানে ও কবিত্বে । এই বিবাহে দুই সভ্যতার মধ্যে একটা
মহা ব্যবধান ভেঙ্গে গেল, বিদেষের বারিপ্রপাতের উপরে সেতুবন্ধ
হ'য়ে গেল, দুই মহাদেশ এক হ'য়ে গেল । এত বড় বিবাহ জগতে
পূর্বে আর কখন হ'য়েছে ?

সেলুকস । না হেলেন । কিন্তু—

পঞ্চম অঙ্ক ।]

চন্দ্রগুপ্ত ।

[চতুর্থ দৃশ্য ।

হেলেন । চেয়ে দেখুন পিতা—ঐ প্লেটো আর কপিল এক সঙ্গে গান ধরে দিয়েছে । সোলান আর মনু গলাধরাধরি করে' দাঁড়িয়েছে । হোমারের মৃদঙ্গের সঙ্গে বাম্বীকির বীণা বেজে উঠেছে । হিরোডোটস্ ও ব্যাস, স্ক্রেটিস্ ও বুদ্র, একিলিস্ ও ভীষ্ম, প্যাথিয়ন ও পুরাণ এক হ'য়ে গেল । এ সহজ ব্যাপার বাবা ! এই বিবাহে পূর্ব ও পশ্চিম, সমুদ্র ও আকাশ, স্বর্গ ও মর্ত্য, ইহকাল ও পরকাল পরস্পরে লীন হ'য়ে গেল ! এরূপ বিবাহ জগতে এই একবার হ'ল, আর কখন হবে কি না জানি না ।

সেলুকস । ও কি ! একদৃষ্টে কি দেখেছো হেলেন ?—

হেলেন । [যেন প্রকৃতিহুঃ হইয়া সহসা অক্ষুটস্বরে] না বাবা !
—বাবা বিদায় দি'ন । আশীর্ব্বাদ করুন ।

সেলুকস । সুখী হও বৎসে !

হেলেন । বিদায় দি'ন পিতা ! [পিতার ক্রোড়ে মুখ লুকাইলেন]

সেলুকস । হেলেন ! মা আমার ! [কাঁদিয়া ফেলিলেন]
কাঁদছি' ?—হেলেন !

হেলেন । না বাবা ! ওঃ [আত্মসংবরণ করিয়া] বাবা, কর্তব্য আমার ডাকছে । আর কা'রও ডাক শুনবার আমার অবসর নাই । তবে আসি বাবা [জাহ্নু পাতিয়া তাঁহার পদতল স্পর্শ করিয়া সেই কর স্বীয় ললাটে স্থাপন করিয়া] যত দিন জীবন ধারণ করি, এই চরণস্পর্শের স্মৃতি আমার সঞ্জীবিত করে' রাখুক—জগদীশ ! তোমার বলি গ্রহণ কর ।

[দ্রুত প্রস্থান ।]

পঞ্চম অঙ্ক ।]

চন্দ্রগুপ্ত ।

[চতুর্থ দৃশ্য ।

সেলুকস । হেলেন ! [অগ্রসর হইয়া পুনরায় পিছাইয়া] না, দেবী !—এ যে অপূর্ব ! স্বর্গীয় ! এত বড় বলি পূর্বে জগতে আর কেহ দেয় নাই ।—যাই দেশে ফিরে যাই । কোথায় ?—কৈ ! এ যে ষোর অন্ধকার ! পথ দেখিতে পাই না ! মা আমার ! আমার অন্ধ করে' কোথায় চলে' গেলি'মা !

আর্টিগোনসের প্রবেশ ।

সেলুকস । কে ?

আর্টিগোনস । আমি আর্টিগোনস ।

সেলুকস । [সতিবিশ্বয়ে [আর্টিগোনস !—তুমি এখানে !

এসময়ে !—

আর্টিগোনস । আশ্চর্য্য হচ্চেন সূত্রাট্ ?

সেলুকস । ও !—তুমি আমার পরাজয়ে ব্যঙ্গ কর্তে এসেছো ?

আর্টিগোনস । না সূত্রাট্ ।

সেলুকস । তবে ?

আর্টিগোনস । আমার পিতার সমাচার এনেছি ।

সেলুকস । তা'র প্রযোজন নাই ।

আর্টিগোনস । আছে । নহিলে সেই সংবাদ জানুবার জন্ত গ্রীসে উন্নতবৎ ছুটে যেতাম না, আবার সেই সংবাদ নিয়ে ভারতবর্ষে উন্নতবৎ ছুটে আসতাম না । প্রয়োজন আছে ।

সেলুকস । কিন্তু হেলেন আজ মহারাজ চন্দ্রগুপ্তের মহিষী ।

আর্টিগোনস । যোগ্যতর ব্যক্তির সঙ্গে তার বিবাহ হ'তে পার্ত না । আমি স্বয়ং রাজসভায় যাচ্ছি—রাজদম্পতীকে আদীর্বাদ কর্তে ।

সেলুকস । এ কি ব্যঙ্গ ?

আণ্ডিগোনস । এ সম্পূর্ণ সত্য, সম্রাট্ ! আমার উপর দিয়ে একটা প্রকাণ্ড জলোচ্ছ্বাস চলে' গিয়েছে ; আমার মাটি যা, তা ধুয়ে মুছে নিয়ে গিয়েছে ; যা রেখে গিয়েছে—তা ভগ্ন শিলাস্তূপ ; কিন্তু তা'র প্রত্যেক শিলাখণ্ড অস্ত্রের চেয়ে নির্মল, বজ্রাদপি কঠোর । দীর্ঘ তপস্যায় মাংস ঝরে' ধনে' পড়ে' গিয়েছে, আছে—কঙ্কাল ; কিন্তু তা'র প্রত্যেক হাড়খানি পবিত্র ! আমার কলঙ্ক যা আগুনে পুড়ে' গিয়েছে—আছে যা তা খাঁটি সোনা ।

সেলুকস । এর অর্থ কি ?

আণ্ডিগোনস । সকাম প্রেমকে নিকাম স্নেহে বিগুহ্ন করা, মানুষকে দেবতা করা, সংসারকে স্বর্গ করা, মানুষের সাধ্য নয় ভেবেছিলাম । কিন্তু যেখানে সাধনা, সেখানে সিদ্ধি—এটাই আমি মর্মে মর্মে জেনেছি । তাই হেলেনকে আজ ভগ্নীর মত ভালবাসতে পেরেছি ।

সেলুকস । কিছু বুঝতে পারছি না ।

আণ্ডিগোনস । তা পার্কে'ন কেমন করে' ? যিনি মুক্কা কৃষক-কন্ডাকে লুক্ক করে', ধর্ম্মতঃ তাঁর পাণিগ্রহণ করে', তার পর তাঁকে আর তাঁর পুত্রকে ভিক্ষুক করে' জগতে ছেড়ে দিয়ে, নড়ে সম্রাট্ হ'য়ে বসেন,—তিনি এ কথা বুঝতে পার্কে'ন কেমন করে' ?—সম্রাট্ ! সে অভাগিনীর—আমার মায়ের মৃত্যু হ'য়েছে । আপনার নির্মম পরিত্যাগ, আপনার ঘাতকের খড়্গ যা কর্ত্তে পারে নি, আমার স্নেহের উচ্ছ্বাস তাই সাধন কর' মা আমার স্নেহের বন্যায় ভেসে

পঞ্চম অঙ্ক ।]

চন্দ্রশুপ্ত ।

[পঞ্চম দৃশ্য ।

চ'লে গেলেন ! এ দীর্ঘ দুঃখের পর মায়ে'র এত সুখ সৈল না ?

[আন্টিগোনসের স্বরূপ কাঁপিতে লাগিল] সত্রাট্—

সেলুকস । চক্ষুে ঝাপসা দেখছি ।—কে তুমি ? কে তুমি ?

আন্টিগোনস । আমি ক্রীতদাস, ভিক্ষুক—বা বলুন—কিন্তু আমি জারজ নষ্ট । আমার পিতা আমার মাতাকে ধর্ম্মমত বিবাহ ক'রে-
ছিলেন ।

সেলুকস । [জড়িত স্বরে]—কে তোমার পিতা ?

আন্টিগোনস । আমার পিতা—পরিচয় দিতে লজ্জায় আমার
উচ্চশির হুয়ে প'ড়'ছে সত্রাট্—[কম্পিত স্বরে] আমার পিতা পত্নী-
ভ্যাগী সেলুকস । [ক্রত প্রস্থান ।]

সেলুকস দ্বার ধরিয়া দতশিরে স্থিরভাবে দাঁড়াইয়া রহিলেন ;

পরে ধীরে ধীরে নিজ্রাস্ত হইলেন ।

পঞ্চম দৃশ্য ।

—:—:—

স্থান—মগধের প্রাসাদ । কাল—রাত্রি ।

বিবিধ রঞ্জিত পতাকা উড়িতেছিল । দূরে অশ্বট বহুসজ্জিত
হইতেছিল ।

সিংহাসনারূঢ় চন্দ্রশুপ্ত ও হেলেন ! পার্শ্বে অমাত্যবর্গ ও দেহরক্ষীগণ ।

সম্মুখে চাণক্য, কাত্যায়ন ও আত্রেয়ী ।

চাণক্য । মহারাজ চন্দ্রশুপ্ত ! তুমি স্বীয় বাহুবলে 'হিন্দুকুশ হ'তে

পঞ্চম অঙ্ক ।]

চন্দ্রগুপ্ত ।

পঞ্চম দৃশ্য ।

কুমারিকা পর্য্যন্ত এক বিশাল সাম্রাজ্য স্থাপন ক'রেছো, যা পূর্বে বোধ হয় ভারতের কোন নরপতির কল্পনাও আসে নাই! তুমি বাহুবলে গ্রীক সম্রাটের বিরাট বাহিনীকে পরাজিত ক'রেছো। তোমার নাম ভারতের ইতিহাসে ধৃত হোক।

চন্দ্রগুপ্ত । গুরুদেবই সে কীর্তির সূচনা করে' দিয়েছেন।

চাণক্য । বৎস! আমার কাজ শেষ হ'য়েছে। আমি এখন বিদায় গ্রহণ করি।

চন্দ্রগুপ্ত । গুরুদেব! আমাকে কি অপরাধে ত্যাগ করে' যাচ্ছেন?

চাণক্য । তোমার কোন অপরাধ নাই বৎস! আমি যা এতদিন ক'রেছি—তা অদ্বুত হ'লেও ব্রাহ্মণের কাজ নয়। দর্প, উচ্চাশা, ঐতিহিংসা—ব্রাহ্মণের উচিত প্রবৃত্তি নয়। ব্রাহ্মণের ধর্ম্ম—ক্ষমা, তিতিক্ষা, ত্যাগ। তুমি যে সাম্রাজ্য বাহুবলে পেয়েছো, তাই তোমার এই যোগ্য মন্ত্রীর সাহায্যে শাসন কর।

কাত্যায়ন । আর তুমি?

চাণক্য । আমি আর শাসন কর্ত্তে চাইনা।—এখন আর মা [আত্রেয়ীকে], তুই আমায় শাসন কর। তুই এই ভ্রান্ত পুত্রের হাত দুইখানি স্নেহবন্ধনে বেঁধে দে মা—যেমন যশোদা নন্দী-চোরার হাত দুইখানি বেঁধে দিয়েছিল।—কাত্যায়ন! এ কি যাহু জানে?—এর মোহমত্তবলে, আজ পাষণ' ফেটে জল বেরিয়েছে, শুষ্কভর মুঞ্জরিত হ'য়েছে, মরুভূমির তপ্তবক্ষে সুশাসমুত্রের ঢেউ খেলে যাচ্ছে।—তবে আর মা—আমার জীবনের গোধূলিলগ্নে পূর্ণ জ্যোৎস্নালোকের মত এসে আমার গাঢ় আকাশ ব্যাপ্ত করে' দে।

[১৫৭

পঞ্চম অঙ্ক ।]

চন্দ্রশুভ্র ।

[পঞ্চম দৃশ্য ।

মা জগদ্ধাত্রীর মত আমার এই জীর্ণ মন্দিরে নেমে এসে আমার হাত ধরে' আলোকিত পুরকালে নিয়ে চল মা !

[আত্মীয়ের সহিত প্রস্থান ।]

চন্দ্রশুভ্র । এত শুষ্ক আবরণের ভিতর এতখানি হৃদয় ছিল !

কাত্যায়ন । প্রকৃতি আজ প্রকৃতিস্থ হোল । এতখানি বুদ্ধি—
অথচ হৃদয় নাই । এ অনিয়ম কি পৃথিবীতে বেশীদিন সয় ?

মুরার প্রবেশ ।

মুরা । মহারাজ চন্দ্রশুভ্রের জয় হোক । [চন্দ্রশুভ্র ও হেলেন
সিংহাসন হইতে নামিয়া তাঁহাকে প্রণাম করিলেন ।]

মুরা । সেই “শূদ্রাঙ্গী মা” সন্মোদনের আজ এই সমুচিত
উত্তর হোল । সেই শূদ্রাঙ্গীর পুত্র আজ ভুবনবিজয়ী ভারতসম্রাট
চন্দ্রশুভ্র ।

চন্দ্রশুভ্র । আর সেই মাতার নামে এই রাজবংশের নাম হোক
“মৌর্যাবংশ” ।

মুরা । চিরজীবী হও বৎস । চিরজীবিনী হও বৎসে ! এসো
আমার গৃহলক্ষ্মী ! এসে আমার ঘর আলো কর ।

[প্রস্থান ।]

চন্দ্রশুভ্র । হেলেন ! ‘আজ একটি প্রিয়স্বরের অভাবে এই জয়-
ধ্বনি একটা প্রকাণ্ড রোদনের তায় বোধ হ’চ্ছে ।

হেলেন । কে সে মহারাজ ?

চন্দ্রশুভ্র । প্রিয়তম বন্ধু চন্দ্রকেতু । এই বিজয়োৎসবে তা’র মুখ

পঞ্চম অঙ্ক ।]

চন্দ্রগুপ্ত ।

[পঞ্চম দৃশ্য ।

সকলের চেয়ে উজ্জ্বল হোত, আর সেই জ্যোতিতে আমার সভা আলোকিত হোত ।

হেলেন । বন্ধুমাত্র ! আমি কি তাঁর অভাব পূর্ণ কর্তে পারি না ?

চন্দ্রগুপ্ত । না হেলেন ! যে সংসারে উপকারের প্রত্যাশা ত পাওয়া যায়ই না, উপকার স্বীকার পর্য্যন্ত কেউ কর্তে চায় না, সে সংসারে যে নিজের সর্বস্ব বন্ধুর পায়ে ঢেলে দেয়, সে বন্ধু যে কি জিনিষ, তাকে হারানো যে কি দুঃখ, তা যে হারিয়েছে সেই জানে । এমন বন্ধুর প্রতি আমি রুক্ষ হ'য়েছিলাম । সে আমার অবহেলা পদতলে দলিত ক'রে, চ'লে গিয়েছে । কিন্তু আমাকে—চিরদিনের জন্য অপরাধী করে, চ'লে গিয়েছে ।—

আন্টিগোনসের প্রবেশ ।

আন্টিগোনস্ । হেলেন !

হেলেন । [চমকিয়া] এ কি ! আন্টিগোনস্ । [ছুই হস্ত দিয়া মুখ ঢাকিলেন ।]

আন্টিগোনস্ । “হেলেন ! ভগ্নী ! আমি গ্রীস থেকে তোমার বিবাহের যৌতুক এনেছি—ভ্রাতার স্নেহাশীর্বাদ । আর ভারতসম্রাট্ চন্দ্রগুপ্ত ! তোমার জন্য এনেছি—এই লৌহদৃঢ়মুষ্টিবদ্ধ তরবারি ; তাকে তোমার সাম্রাজ্যের কল্যাণে নিযুক্ত কর !”—এই বলিয়া আন্টিগোনস্ তাঁহার তরবারি চন্দ্রগুপ্তের পদতলে রাখিলেন ।

চন্দ্রগুপ্ত । কে ভূমি সৈনিক !

আন্টিগোনস্ । চেন মাই !—কিন্তু আমি তোমায় ভুলি নাই চন্দ্রগুপ্ত । যার আশাতে আন্টিগোনসের তরবারি করচ্যুত হয়, তা'কে

পঞ্চম অঙ্ক ।]

চন্দ্রগুপ্ত ।

[পঞ্চম দৃশ্য ।

আণ্টিগোনস্ ভোলে না।—কিন্তু সে দৈব। তা'তে তুমি আমাকে পিতৃহত্যার পাতক থেকে রক্ষা ক'রেছিলে।

চন্দ্রগুপ্ত । সে কি ! কে তোমার পিতা ?

আণ্টিগোনস্ । গ্রীক সম্রাট সেলুকস।

হেলেন । [চমকিয়া] কি ! সেলুকস তোমার পিতা ?

আণ্টিগোনস্ । হাঁ হেলেন । তুমি আমার প্রেম প্রত্যাখ্যান ক'রেছিলে, ভালোই ক'রেছিলে—সেও দৈব। কিন্তু ভাই বলে' আমার ভাল বাসতে পার্কে কি ?

হেলেন । সে কি !—আণ্টিগোনস্ । তুমি—ভাই ! এ যে এক মহাবিলম্ব ! এ যে—এক সঙ্গে ধ্বংস ও সৃষ্টি, মৃত্যু ও পুনর্জন্ম।—আণ্টিগোনস্ তুমি আমার ভাই !

আণ্টিগোনস্ । হাঁ ভগ্নি !

হেলেন । আণ্টিগোনস্ ! তুমি এক পরিত-ভাব এই বক্ষ থেকে নামিয়ে নিলে ! আমি যেন এখন সহজে নিশ্বাস ফেলছি। আণ্টিগোনস্—ভাই—আমায় ক্ষমা কর। [সোচ্ছাদ্যে] ক্ষমা কর ভাই—[এই বলিয়া আণ্টিগোনসের পদতলে পতিত হইলেন ।]

আণ্টিগোনস্ । ওঠো হেলেন ! [উঠাইয়া] চন্দ্রগুপ্ত ! তুমি আজ যে রক্ত পেলে, সযত্নে বক্ষে ধারণ কর'। এ হেন রক্ত জগতে আর একটা নাই। এই যে রূপ—নিদাঘের নির্মেষ প্রভাত যা'র কাছে ম্লান বোধ হয়, প্রায়টের নৈশ বিদ্যুৎ যার কাছে লজ্জা পায়—এই যে রূপ,—তাও তা'র মহৎ অন্তঃকরণের কাছে কিছুই নয়। হেলেন বাহিরে অঙ্গরা, অন্তরে দেবী।

১৬০]

পঞ্চম অঙ্ক ।]

চন্দ্রগুপ্ত ।

[পঞ্চম দৃশ্য ।

ছায়ার প্রবেশ ।

ছায়া । ভারতসম্রাট ও ভারতসম্রাজ্ঞীর জয় হোক ।

চন্দ্রগুপ্ত । এই যে ছায়া !—এসো ছায়া ! এই ত্রিয়মাণ উৎসব
তোমার স্নেহহাস্তে সঞ্জীবিত কর ।

ছায়া । সম্রাট, আমি ভারতসম্রাজ্ঞীকে আমার সামান্য ষোড়শ
উপহার দিতে এসেছি । অমুমতি হয় ত আমি স্বহস্তে এই রত্নহার
সম্রাজ্ঞীর গলায় পারিয়ে দিয়ে যাই !

চন্দ্রগুপ্ত । [সান্ধর্ঘ্যে] কোথায় যাবে ছায়া ।

ছায়া । [সন্মান হাস্তে] এ বিপুল ব্রহ্মাণ্ডে সন্ন্যাসিনী ছায়ার
একটু স্থান হবে না কি !

চন্দ্রগুপ্ত । ছায়া ! চন্দ্রকেতু আমার পরিত্যাগ করে' গিয়েছেন,
তুমিও আমার পরিত্যাগ করে' যেওনা । তুমি আমার ভগ্নীস্বরূপিনী
হও । তুমি আমার হৃদয়ের শূন্যস্থান পূর্ণ কর ।

ছায়া “মহারাজ” বলিয়াই মন্তক নত করিলেন । পরে মন্তক
উঠাইয়া কহিলেন—“তাই হোক, আমি এ অভিমান চূর্ণ কর্ব । এ
মহা অগ্নিপরীক্ষা থেকে আমি পালাবো না । আমি আপনার ভগ্নীর
মত আপনার পার্শ্বে থেকে রাজদম্পতির স্মৃতি স্থখী হব । তাই
আমার ব্রত হোক, সাধনা হোক, জীবনের তপস্বী হোক । আশীর্বাদ
করুন মহারাজ যেন আমার সে তপস্যা সিদ্ধ হয় ।”

[মুখ ঢাকিলেন]

হেলেন । [গিয়া সন্নেহে ছায়ার হাত ধরিয়া] ছায়া ! ছায়া !
মুখ তোল ভগ্নী ! কিসের হৃৎকণ্ডে তোমার ! এসো বোন, আমরা দুই নদী

পঞ্চম অঙ্ক ।]

চন্দ্রগুপ্ত ।

[পঞ্চম দৃশ্য ।

একই সাগরে গিয়ে লীন হই। সূর্য্যাকিরণ ও বৃষ্টি মিশে মেঘের গায়ে
ইন্দ্রধনু রচনা কনি। কিসের দুঃখ বোন্—একই আকাশে চন্দ্রসূর্য্য
উঠে না কি ?—এসো বোন্ !—

ছায়া। না হেলেন! আমি সহ কর্ব। যদি সহ কর্তেই না পার্ব
তবে নারীজন্ম গ্রহণ করেছি কেন।—এসো হেলেন, আমি তোমার
গলায় এ রত্নহার পরিয়ে দেই [হাত ধরিয়া] এ মুখ, এ সৌন্দর্য্য, এ
মহৎ হৃদয়,—হবেনা!—তুমি আমার চন্দ্রগুপ্তকে সুখী কর্তে পারবে।
আর কোন দুঃখ নাই।—এসো হেলেন !

এই বলিয়া ছায়া রত্নহার হেলেনের গলদেশে পরাইয়া দিতে
গেল, হেলেন তাঁহার হাত দুইখানি ধরিয়া কহিলেন “তুমি ভুল করছ
ছায়া। এ হার কা'কে পরিয়ে দিতে হয় দোখিয়ে দেই এসো।”

এই বলিয়া হেলেন ছায়ার হাত দিয়া মালাটি চন্দ্রগুপ্তের গলদেশে
পরাইয়া দিলেন ; পরে ছায়ার বাহু দুইখানি টানিয়া লইয়া নিজের
গলদেশে জড়াইয়া কহিলেন “তার চেয়ে এই মহামূল্য হার আমার
গলায় পরিয়ে দাও। [আলিঙ্গন করিয়া] ছায়া! তুমি চন্দ্রগুপ্তের
ভগ্নী নও, তুমি আমার ভগ্নী।”

আণ্টিগোনস্। আর চন্দ্রগুপ্ত, তুমি ছায়ার ভাই নও—তুমি
আমার ভাই। [আলিঙ্গন]।

স্ববনিকা পতন।

